

কৰ্মবীর
কিশোরীচাঁদ মিত্র

“সাহসী কিশোরীচাঁদ ‘কীড’-সম্পাদক,
লিখিতে বলিতে পটু, স্বদেশ-পালক।”

দীনবন্ধু

“রহিবে তোমার নাম উজ্জ্বল হইয়া
এ পৌড়ভাঙার মাঝে, যথা আভাসর
মণিখণ্ড রাজ্যলয়ে থাকিলে শোভিয়া।”

রাজকুমার

শ্রীমন্মথনাথ ঘোষ

M.A., F.S.S., F.R.E.S.

বিরচিত

১৭০৭২

কলিকাতা

১২-১১-০২

১৩৩৩ বঙ্গাব্দ

[কর্ম-স্বত্ব-সংরক্ষিত]

[মূল্য তিন টাকা মাত্র]

৫৫নং আপার চিংপুর রোড্
আদিব্রাহ্মসমাজ-বস্ত্রালয়ে
শ্রীরংগোপাল চক্রবর্তী দ্বারা
মুদ্রিত ও প্রকাশিত

‘স্বর্গে ও মর্তে সম্বন্ধ আছে’

কবির এই প্রতিভা প্রেরিত বাণীর সত্যতা

যাঁহার স্বর্গারোহণের পর প্রতিনিয়ত হৃদয়ে অনুভব করিতেছি,

আমার সেই

পরমায়াদ্যা পরলোকনিবাসিনী মাতামহী দেবীর

পবিত্র স্মৃতির উদ্দেশে,

তাঁহার পিতৃদেবের অলৌকিক মর্ত্যজীবনের

এই অসম্পূর্ণ চিত্র

শ্রদ্ধা ও ভক্তি সহকারে নিবেদিত হইল।

—(০)—

বিজ্ঞাপন

এই প্রস্তাবটি আমার সর্ব প্রথম রচনা। সন ১৩২০ সা.ল সূর্যদ্বর ত্রীযুক্ত হেমেন্দ্রপ্রসাদ বোষ মহাশয় সম্পাদিত “আর্য্যাবর্ত্তে” উহা ধাবা-বাহিকভাবে প্রকাশিত হইতে আনন্ত হয়, কিন্তু উহা সম্পূর্ণ হইবার পূর্বেই উক্ত মাসিকপত্রখানির প্রকাশ বন্ধ হইয়া যায়। কয়েক বৎসর পরে, পরম শ্রদ্ধাস্পদ ত্রীযুক্ত ক্ষিতীন্দ্রনাথ ঠাকুর তত্ত্বনিধি মহাশয়ের আগ্রহে, তৎসম্পাদিত “তত্ত্ববোধিনী পত্রিকা”য় সমগ্র প্রস্তাবটি প্রকাশিত হয়। এফণে উহা দ্বিঃ পরিবর্তিত ও পরিবর্দ্ধিত হইয়া গ্রন্থাকারে প্রকাশিত হইল।

প্রথম রচনার অনেক দোষ এই গ্রন্থে পরিলক্ষিত হওয়া সম্ভব। অবসরাভাব বশতঃ সেগুলি সংশোধন করিতে পারি নাই। প্রস্তাবটির পাণ্ডুলিপি প্রস্তুত হইবার পর কিশোরীচাঁদ মিত্রের ত্রিশ চল্লিশটি বক্তৃতা এবং অন্যান্য অনেক উপকরণ সংগ্রহ করিয়াছি, সেগুলির যথাযোগ্য সদ্যবহার কবিতে পারি নাই। মহাত্মা প্যারীচাঁদ মিত্রের অন্যতম পৌত্র শ্রদ্ধাস্পদ ত্রীযুক্ত সুরেন্দ্রলাল মিত্র মহাশয় বহু পরিশ্রমে কিশোরীচাঁদের জীবনী সম্বন্ধে অনেক নূতন তথ্য সংগ্রহ করিয়া আমাকে ব্যবহার করিতে দিয়াছিলেন, তাহাবও উপযুক্ত ব্যবহার করিতে পারি নাই।

যাঁহার আশীর্ব্বাদ লইয়া এই গ্রন্থরচনায় প্রবৃত্ত হইয়াছিলাম, যাঁহার নিকট সর্ব্বাপেক্ষা অধিক সাহায্য লাভ কবিয়াছি, এই গ্রন্থপ্রকাশে যাঁহার সর্ব্বাপেক্ষা অধিক উৎসাহ ছিল, আমার সেই পরমারাধ্য মাতামহ, নীলমণি দে মহাশয় গত ১০ই চৈত্র ১৩৩২ বঙ্গাব্দে নবতিবর্ষ

বয়সে পদার্পণ করিয়া স্বর্গারোহণ করিয়াছেন। তাঁহার জীবিতকালে
এই গ্রন্থখানি আমারই দীর্ঘস্থত্ৰতা দোষে প্রকাশিত হইল না, এ মনঃ-
ক্ষোভ কখনও দূর হইবে না।

১৩ কৃষ্ণবাস বহুব টুট
১লা জানুয়ারি ১৯২৭ খৃষ্টাব্দ }

শ্রীমন্মথনাথ ঘোষ



সূচীপত্র

প্রথম পরিচ্ছেদ—

উপক্রমণিকা ১

দ্বিতীয় পরিচ্ছেদ—

জন্ম ও বংশপরিচয় ১১

তৃতীয় পরিচ্ছেদ—

শিক্ষা ২৯

চতুর্থ পরিচ্ছেদ—

সাধনা ৪৪

পঞ্চম পরিচ্ছেদ—

রাজকর্ম ৬৮

ষষ্ঠ পরিচ্ছেদ—

কলিকাণ্ডা ম্যাজিষ্ট্রেটসী, শিল্প, শিক্ষা ও সমাজের উন্নতিচেষ্টা ৮৯

সপ্তম পরিচ্ছেদ—

মুক্তি ১১২

অষ্টম পরিচ্ছেদ—

দেশসেবা—‘ইণ্ডিয়ানকীল্ড’ ১৪৩

নবম পরিচ্ছেদ—

দেশসেবা—ব্রিটিশ ইণ্ডিয়ান এসোসিয়েশন ১৬৭

দশম পরিচ্ছেদ—

সাহিত্যসেবা ১৭৮

একাদশ পরিচ্ছেদ—

দেহতাগ । চরিত্র ও ধর্ম বিবাস ১৯০

পরিশিষ্ট—

(ক)	হরিশ্চন্দ্র মুখোপাধ্যায়ের স্বর্গারোহণে কিশোরীচাঁদ	২১১
(খ)	রাজা স্যর রাধাকান্ত দেবের স্মৃতিসভায়	
	কিশোরীচাঁদের বক্তৃতা	... ২২২
(গ)	রামগোপাল ঘোষের স্মৃতিসভায়	
	কিশোরীচাঁদের বক্তৃতা	... ২২৭
(ঘ)	প্রসন্নকুমার ঠাকুরের স্মৃতিসভায়	
	কিশোরীচাঁদের বক্তৃতা	... ২৩৫

চিত্রসূচী


১। কিশোরীচাঁদ মিত্র (ত্রিবর্ণ রঞ্জিত)	...	মুখপত্র
২। জননী—আনন্দময়ী	...	১১ পৃষ্ঠার সম্মুখে
৩। প্যারীচাঁদ মিত্র	...	১২ ”
৪। হেনরি লুই ভিভিয়ান ডিরোজিও	...	১৪ ”
৫। ডেভিড চেয়ার	...	৩০ ”
৬। ডেভিড স্টেটার রিচার্ডসন	...	৩৮ ”
৭। পত্নী—কৈলাসবাসিনী (বার্ককো)	...	৪২ ”
৮। ডাক্তার আলেক্সান্ডার ডফ্	...	৪৫ ”
৯। রেভারেণ্ড কৃষ্ণমোহন বন্দ্যোপাধ্যায়	...	৫৭ ”
১০। জর্জ টমসন	...	৬২ ”
১১। কিশোরীচাঁদ মিত্র	...	৬৮ ”
১২। মহর্ষি দেবেন্দ্রনাথ ঠাকুর	...	১১০ ”
১৩। ঈশ্বরচন্দ্র বিদ্যাসাগর	...	১০৮ ”
১৪। মাইকেল মধুসূদন দত্ত	...	১২৮ ”
১৫। কন্যা—কুমুদিনী	...	১৪১ ”
১৬। নীলমণি দে	...	১৬৫ ”
১৭। প্রিন্স দারকানাথ ঠাকুর	...	১৬৮ ”
১৮। ডাক্তার রাজা রাজেন্দ্রলাল মিত্র	...	১৭৪ ”
১৯। বেভারেণ্ড লালবিহারী দে	...	১৮৯ ”
২০। কিশোরীচাঁদ মিত্র	...	১৯০ ”

॥७०

২১। সার রাজা রাধাকান্ত দেব	...	২২২ পৃষ্ঠার সম্মুখে
২২। রামগোপাল ঘোষ	...	২২৭ „
২৩। ঐসঙ্গকুমার ঠাকুর	...	২৩৫ „

ভ্রম-সংশোধন

১৪১ পৃষ্ঠায় ৬ষ্ঠ পংক্তিতে '৬ই মে'র পরিবর্তে ৬ই ফেব্রুয়ারী
পঠিতব্য।



কিশোরচাঁদ মিত্র

কিশোরীচাঁদ মিত্র



প্রথম পরিচ্ছেদ

উপক্রমণিকা

খৃষ্টীয় ঊনবিংশ শতাব্দীর মধ্যভাগ আমাদের দেশের ইতিহাসে একটি মহান যুগপরিবর্তনের কাল বলিয়া পরিগণিত হওয়া উচিত।

ঊনবিংশ শতাব্দীর প্রাক্কালে আমাদের দেশের অবস্থা নিতান্ত শোচনীয় ছিল। নারায়ণ ও বুদ্ধ, শঙ্করাচার্য্য ও চৈতন্য যে দেশ প্রেম ও করুণার, জ্ঞান ও ভক্তির স্রোতে এককালে প্লাবিত করিয়াছিলেন, কর্ণ ও দ্রোণ, ভীম ও অর্জুনের বীরত্বগাথায় যে দেশ এককালে উত্তেজিত হইত, দেবব্রতের দৃঢ়তা, হরিশচন্দ্রের দান, দধীচির আত্মোৎসর্গ স্মরণ করিয়া যে দেশ এককালে গৌরবান্বিত বোধ করিত, কপিল ও গোতম, জৈমিনি ও পতঞ্জলি, ব্যাস ও কণাদের অপূর্ণ জ্ঞান-সাধনা যে দেশকে মহিমমণ্ডিত করিয়াছিল, বাম্পীকি ও বেদব্যাস, কালিদাস ও ভবভূতি যে দেশকে বীণাপাণির বীণাধ্বনি শুনাইয়াছিলেন, সেই তুষারমণ্ডিত হিমাচল হইতে বিচিবিষ্কৃত ভারত-মহাসাগর পর্য্যন্ত বিস্তৃত আমাদের এই সোনার দেশ তখন অরাজকতায় বিধ্বস্ত, অত্যাচারে পীড়িত, লাহিত ও শক্তিহীন। তখন অধর্ম্ম ও অবিশ্বাস জনসাধারণের হৃদয়ে প্রবল প্রাণে রাজত্ব

করিতেছে। যে দেশে জ্ঞানের স্বর্ষ্য প্রথম উদিত হইয়া জগতের অজ্ঞান-তিমির বিনষ্ট করিয়াছিল সেই দেশ তখন অজ্ঞানতার অন্ধকারে আপনি স্থপ্ত। আর সে নিকাম সাধনা নাই, আর সে আত্মোৎসর্গ নাই। নারায়ণ অথবা বুদ্ধের উপদেশ, ভীমার্জুনের বীরত্ব-গাথা, দেবব্রতের দৃঢ়তা, কর্ণ অথবা দধীচির আত্মত্যাগের দৃষ্টান্ত আর স্বার্থান্ধ দেশবাসীর হৃদয়ে প্রতিফলিত হয় না, বিপ্লবের তাণ্ডবে বাণীর ক্ষীণ বীণাধ্বনি নীরব।

দেশ তখন প্রাচ্য আদর্শ হারাইতেছে। প্রতীচ্য জ্ঞানের উজ্জ্বল আলোকে তখনও দেশ উদ্ভাসিত হইয়া উঠে নাই।

এই সময়ে বঙ্গের অন্ধকার আকাশে আলোক দেখা দিল। অতি অল্প লোকই প্রথমে সে আলোক দেখিতে পাইল। রামমোহন রায়ের ধর্ম ও সমাজসংস্কারবিষয়ক চেষ্টা তাঁহার সাময়িক ব্যক্তিগণের মধ্যে যে অতি অল্পলোকেরই সহানুভূতি আকৃষ্ট করিয়াছিল তাহা কাহারও অবিনীত নাই। তিনি তাঁহার সময়ের বহুপূর্বের জন্মগ্রহণ করিয়াছিলেন। তাঁহার অনুষ্ঠিত কার্যের উপকারিতা ও মহত্ত্ব বঙ্গবাসিগণের হৃদয়ে আজ যেরূপ উপলব্ধ হইতেছে তখন সেরূপ হয় নাই। দেশ তখনও তাঁহার জন্য প্রস্তুত হয় নাই। রাজা রাধাকান্ত দেবের ন্যায় উচ্চশিক্ষিত ব্যক্তিও সতীদাহনিবারণবিষয়ক বিধির বিরুদ্ধে এবং বহুবিবাহের সমর্থনে আন্দোলন করিয়াছিলেন। “বিধর্মী” রামমোহন প্রস্তাবিত হিন্দু কলেজের সহিত সংশ্লিষ্ট থাকিলে কোনও হিন্দু সম্মানকে সে বিদ্যালয়ে পাঠাইবেন না, ইহা তৎকালীন হিন্দুনেতৃগণ সার্ব হাইড্র স্টেটকে প্রকাশ্যে বলিতে কুণ্ঠা বোধ করেন নাই। তখন কুসংস্কার আপনার প্রভাব এতদূর বিস্তৃত করিয়াছিল যে, রামকমল সেনের ন্যায় বুদ্ধিমান ব্যক্তিও “আদর্শ শিক্ষক” ডিরোজিওকে হিন্দু

কলেজ হইতে অপসারিত করা যুক্তিযুক্ত বোধ করিয়াছিলেন। কিন্তু সত্যের আলোক কতদিন অসত্যের অন্ধকারে অদৃশ্য থাকিতে পারে? জ্ঞানের জ্যোতিঃ কতদিন অজ্ঞান-ভিমিরে নিম্মত থাকে? কুসংস্কার কতদিন ন্যায় ও যুক্তির বিরুদ্ধে যুদ্ধ করিতে পারে? দেশে বিপ্লব সূচিত হইল। এই বিপ্লবে পাশ্চাত্য শিক্ষার নূতন আলোকপ্রাপ্ত রামগোপাল বোষপ্রমুখ হিন্দু-কলেজের প্রথম যুগের ছাত্রগণ প্রধান অভিনেতা।

যদি এই ইংরাজী-শিক্ষিত নব্য বঙ্গীয় যুবকগণ শান্তভাবে দেশের কুসংস্কার ও কদাচার দূরীকরণের চেষ্টা করিতেন, তাহা হইলে হয়ত আমাদের দেশ আরও দ্রুত গতিতে উন্নতির সোপানে উঠিতে পারিত। কিন্তু যেমন রাষ্ট্রবিপ্লবে, তেমনই ধর্ম ও সমাজ-বিপ্লবে। বিপ্লব বুঝি অমিতাচার, উচ্ছৃঙ্খলতা ও বাহুল্যের নামান্তর। সপ্তদশ শতাব্দীতে ইংলেণ্ডে এবং অষ্টাদশ শতাব্দীতে ফরাসীরাষ্ট্রে অরাজকতা ও অত্যাচার নিবারণের জন্য যে রাষ্ট্রবিপ্লব উত্থিত হইয়াছিল তাহা যেক্রপ অধিকতর অরাজকতা ও অত্যাচারের সৃষ্টি করিয়াছিল, আমাদের দেশেও তেমনই এই নব্য ধর্ম ও সমাজের সংস্কারকগণ সংস্কারের নামে নানাপ্রকার অমিতাচার ও বাহুল্যের অবতারণা করিলেন। প্রাচীতে যাহা আছে সকলই কুসংস্কারবৃষ্ট, প্রতীচ্যে যাহা আছে তাহাই সত্য, সুন্দর ও মঙ্গলময়, এই ধারণার বশবর্তী হইয়া এই নব্য সংস্কারকগণ প্রাচ্য আচার-বাবহার পদদলিত করিয়া প্রতীচ্য আচার-বাবহারের অন্ধ অনুকরণে প্রবৃত্ত হইলেন। “ইহাঁরা শূকর ও গোমাংসের দ্বারা পথ প্রস্তুত করিয়া মদ্যপাত্রের নব্য দিয়া যুক্তির দিকে অগ্রসর হইতে লাগিলেন” (Were “cutting their way through ham and beef and wading to liberalism through tum-

blers of beer")। কৃষ্ণমোহন প্রকাশ্যে হিন্দুধর্ম ত্যাগ করিয়া খৃষ্টীয় ধর্ম অবলম্বন করিলেন। একজন ছাত্র প্রকাশ্য সভায় বলিলেন, "যদি আমার হৃদয়ের অন্তস্তল হইতে কিছু ঘৃণা করি তাহা হইলে সে হিন্দুধর্ম।" প্রকাশ্যে অখাদ্য আহার করিয়া হিন্দুগণ "সংস্কারকের" গৌরব অনুভব করিতে লাগিলেন। শুনা যায়, হিন্দুকলেজের একজন ছাত্র গোমাংস ভিন্ন অন্য কোনও মাংস আহার করিতেন না। মদ্যপান এতদূর প্রচলিত হইয়াছিল যে রাজনারায়ণ বাবুর ন্যায় ব্যক্তিও এই সময়ে আত্মসংযমে অসমর্থ হইয়াছিলেন। বিপ্লবের প্রভাবসম্বন্ধে ইহার অপেক্ষা আর কি অধিক প্রমাণ আবশ্যক?

কিন্তু এই নব্য "সংস্কারকগণের" কয়েকটি অসাধারণ গুণ ছিল। এস্থলে সে সকলের উল্লেখ না করিলে তাঁহাদিগের প্রতি অন্যায় করা হয়। শিক্ষাবিস্তারের জন্য তাঁহাদিগের সেই অল্পপ উদ্যম, জ্ঞানীশিক্ষা-প্রবর্তনে তাঁহাদের সেই আন্তরিক চেষ্টা, বর্হাববাহ প্রভৃতি আচারের সংস্কারের জন্য তাঁহাদের প্রশংসনীয় প্রযত্ন, এতদেশবাসিগণের জন্য রাজনীতিক অধিকারলাভের নিমিত্ত তাঁহাদের প্রয়াস, বাহ্য সত্য ও কল্যাণকর বলিয়া বোধ হইয়াছে তাহা প্রচারের জন্য তাঁহাদের প্রাণপণ চেষ্টা ও আত্মত্যাগ, তাঁহাদিগের অসামান্য মানসিক বল ও স্বদেশহিতৈষণা প্রভৃতি সদগুণাবলী আমাদিগের স্মরণ করা কর্তব্য।

আমরা বলিতেছিলাম, যেকোন রাষ্ট্রবিপ্লবের সময়ে দেশে নানাপ্রকার উচ্ছৃঙ্খলতা ও অমিতাচারের আবির্ভাব হয় আমাদিগের এই ধর্ম ও সমাজবিপ্লবের সময়ও চতুর্দিকে সেইরূপ উচ্ছৃঙ্খলতা ও অমিতাচারের দৃষ্টান্ত দেখা যাইতে লাগিল। কিন্তু যেকোন রাষ্ট্রবিপ্লবগুলি নিতান্ত নিষ্ফল হয় না, ক্রমে ক্রমে উভয় পক্ষ আপনাদের ভ্রম দেখিতে পান,

উভয়পক্ষ ত্যাগস্বীকার করেন এবং সম্মিলিত হইতে চেষ্টা করেন, এস্থলেও ঠিক সেইরূপ হইল। অতি-মাত্রায় রক্ষণশীল সমাজনেতৃগণ ক্রমে ইংরাজীশিক্ষিত নব্যাদিগের গুণগুলি প্রত্যক্ষ করিলেন; বুঝিতে পারিলেন, রামগোপাল ঘোষ প্রভৃতি নব্যাদিগের মধ্যে কত শক্তি নিহিত আছে এবং তাঁহাদিগকে ত্যাগ করিলে সমাজের কত ক্ষতি। অপর পক্ষে নব্য “সংস্কারকগণ” অমিতাচার ও অত্যাচারের বিষয় ফল প্রত্যক্ষ করিয়া বুঝিলেন যে, সর্ববিষয়ে প্রতীচীর অনুকরণই বাঞ্ছনীয় নহে। উনবিংশ শতাব্দীর মধ্যভাগে উভয় পক্ষের মধ্যে সম্মিলনের চেষ্টা হইতে লাগিল।

উভয় পক্ষ পরস্পরকে কিরূপ শ্রদ্ধা করিতে আরম্ভ করিতেছিলেন তাহা একটি দৃষ্টান্ত দ্বারা আমরা দেখাইতে চাহি। রাজা রাধাকান্ত দেব ও রামগোপাল ঘোষকে যথাক্রমে রক্ষণশীল ও সংস্কারপ্রার্থী পক্ষের নেতা বলিলেও চলে। ইহঁরা পরস্পরকে কিরূপ ভাবে দেখিতেন, ১৮৬৮ খৃষ্টাব্দে ‘রামগোপাল’ স্মৃতিসভার ৬ কৈলাসচন্দ্র বসুর বক্তৃতা হইতে প্রতীয়মান হইবে—

১৮৫৩ খৃষ্টাব্দের জুলাই মাসে কলিকাতা টাউনহলে চার্টার সভায় রামগোপালের বক্তৃতা সর্বত্র প্রশংসিত হইয়াছিল। বক্তৃতা শেষ করিয়া রামগোপাল যে আসনে দাঁড়াইয়া বক্তৃতা করিয়াছিলেন সেই আসন হইতে নামিয়া আসিলে রাজা রাধাকান্ত দেব স্নেহপূর্ণভাবে তাঁহাকে বলিলেন—“ভগবান তোমাকে দীর্ঘজীবী করুন, বাহাতে তুমি দীর্ঘকাল স্বদেশের সেবায় আত্মশক্তি নিযুক্ত করিতে পার। তুমি আমাদের সমাজের মুখপাত্র—আমাদের জাতির অলঙ্কার।” রামগোপাল নতমস্তকে বলিলেন, “আমি যে আপনাকে আশায় হতাশ করি নাই ইহা শুনিয়া আমি পরম গৌরবাধিত হইলাম। কিন্তু

আপনি দেশের আশা, আপনি দেশের যে স্থায়ী হিত করিবেন, সে হিতসাধন আমার সাধ্যাতীত।”

আর একটি দৃষ্টান্ত—১৮৬৪ খৃষ্টাব্দে যখন কলিকাতা মিউনিসিপালিটি নিমতলার বর্তমান স্থান খাটটি স্থানান্তরিত করিবার সংকল্প করেন, সেই সময়ে রক্ষণশীল হিন্দুগণের প্রতিনিধিস্বরূপ দণ্ডায়মান রামগোপালের তীব্র প্রতিবাদ ও অগ্নিময়ী বক্তৃতা।

এই জন্যই বলিতেছিলাম, উনবিংশ শতাব্দীর মধ্যকাল আমাদের দেশের ইতিহাসে একটি যুগপরিবর্তনের সময়—একটি মহাসঙ্কটকাল (critical period) বলিয়া পরিগণিত হওয়া উচিত। যাহারা অন্ধভাবে দেশের কুসংস্কার-কদাচারগুলি পর্যন্ত রক্ষা করিবার চেষ্টা পাইতেছিলেন এবং যাহারা প্রাচ্য আদর্শ ত্যাগ করিয়া অন্ধভাবে প্রতীচ্যপদ্ধতি প্রচলনের প্রয়াস পাইতেছিলেন তাঁহারা উভয় পক্ষই যেন চক্ষুকন্মীলন করিলেন; প্রাচ্যে যাহা সুন্দর তাহার রক্ষণে, প্রতীচ্যে যাহা মঙ্গলময় তাহার গ্রহণে, প্রাচ্যে এবং প্রতীচ্যে যাহা কুংসিত তাহার পরিবর্জনে, দেশের প্রকৃত উন্নতির পথ দেখিতে পাইলেন। এই সময়ে যেন আমাদের ধর্মবিশ্বাস ও সমাজ কিরূপ আকৃতি ধারণ করিবে তাহাই নিরূপিত হইতেছিল। যাহারা মৃত-ধর্মকে পুনরায় সঞ্জীবিত ও কুসংস্কারকে সমাজকে উন্নত করিবার নিমিত্ত আপনাদিগের প্রতিভা ও শক্তি নিয়োজিত করিয়াছিলেন, যাহারা আমাদের ভবিষ্যৎ উন্নতির পথ প্রস্তুত ও সুগম করিয়া দিয়া গিয়াছেন সেই সকল মহাপুরুষ চিরকাল আমাদের ভক্তি ও শ্রদ্ধার পাত্র। রামমোহন রায় কর্তৃক পুনঃপ্রচারিত উপনিষদ-ধর্মের অনাত্ম প্রচারক, বহুবিবাহনিবারণবিষয়ে সর্বপ্রথম আন্দোলনকারী, অন্যান্য সামাজিক সংস্কারের জন্য প্রবর্তন, দেশের শিল্পোন্নতি ও ক্রীড়াক্ষেত্র

বিস্তারের অন্যতম উদ্যোগী কিশোরীচাঁদ মিত্র এই সকল ব্যক্তির মধ্যে একজন অগ্রগণ্য ছিলেন।

কেবল ধর্ম ও সমাজে নহে, রাজনীতি ও সাহিত্যক্ষেত্রেও এই সময়ে এক নূতন আলোক দেখা দিল। দ্বারকানাথ ঠাকুর যে রাজনীতিক আন্দোলনের সৃষ্টি করিয়াছিলেন, মহাত্মা জর্জ টমসনের উপদেশে, নব্য ভারতের ‘ডিমস্ট্রিনিস্’ রামগোপালের নেতৃত্বে, প্যারীচাঁদ ও কিশোরীচাঁদ, রাজেন্দ্রলাল ও দিগম্বর, রাধাকান্ত ও রমানাথ প্রভৃতি মহাত্মগণের সম্মিলিত চেষ্টায় তাহা অপূর্ণ শক্তিসম্পন্ন হইয়া উঠিল। এই সময়ে দেশব্রত হরিশ্চন্দ্র ও দেশপ্রাণ গিরিশচন্দ্র ‘হিন্দু পেট্রিয়ার্ট’ পত্রিকার সম্পাদনে রাজনীতিক আন্দোলনের এক নূতন পথ দেখাইলেন; তাঁহাদের গভীর পাণ্ডিত্য, দূরদর্শিতা ও কৃতিত্ব দেখিয়া দেশবাসী মুগ্ধ হইল। ড্যালহৌসীর অন্যায় উপায়ে রাজ্যবিস্তার, সিপাহীযুদ্ধের সময়ে অদূরদর্শী ইংরাজগণের জাতিবিদ্বেষ ও প্রতিহিংসা-গ্রহণচেষ্টা, এবং দরিদ্র প্রজাগণের প্রতি নীলকরগণের অমানুষিক অত্যাচারের বিরুদ্ধে ছুইটি শক্তিশালিনী লেখনী নিয়োজিত হইল। মনীষী কিশোরীচাঁদও ইহাদের সহিত রাজনীতিক ক্ষেত্রে মিলিত হইলেন। সভায় বাহার নির্ভীক বক্তৃতা সাধারণের হৃদয়ে এক অপূর্ণ আশা উৎপাদন করিত, ‘ইণ্ডিয়ান ফীল্ডে’ বাহার প্রতিভা-প্রদীপ্ত রাজনীতি ও দেশোন্নতি বিষয়ক প্রবন্ধাবলী জনসাধারণকে বিশাল কণ্ঠক্ষেত্রে উজ্জ্বল আহ্বান করিত, অর্দ্ধশতাব্দী পূর্বে আমাদের দেশের রাজনীতিক্ষেত্রে সেই কিশোরীচাঁদের লোকমত গঠনে ও লোকশিক্ষাপ্রদানে কিরূপ অসামান্য প্রভাব ছিল এক্ষণে তাহা সম্পূর্ণরূপে অনুভব করা অসম্ভব।

বাক্সালা সাহিত্যে বিদ্যাসাগর, অক্ষয়কুমার, প্যারীচাঁদ, মধুসূদন

প্রভৃতি পাশ্চাত্যশিক্ষার প্রভাবাপন্ন সাহিত্যসংস্কারকগণ এই সময়ে এক যুগান্তর প্রবর্তন করেন। কিশোরীচাঁদ আজীবন ইংরাজী সাহিত্যেরই চর্চা করিয়া গিয়াছেন, বাংলা ভাষায় কখনও কোনও রচনা লিখেন নাই। কিন্তু এই নূতন ভাষাসংস্কারে তাঁহার বিলক্ষণ সহানুভূতি ছিল। এবং এই সহানুভূতি তাঁহার অসংখ্য বক্তৃতা ও প্রবন্ধাবলীর মধ্যে অতি উজ্জলভাবে পরিদৃশ্যমান।


দেহ ক্ষণবিশ্বসী, গুণ কল্লাস্তহায়ী—আমাদের দেশের ইতিহাস, আমাদের দেশের নীতিশাস্ত্র ইহাই শিক্ষা দেয়। অন্ধশতাব্দী পূর্বে আমাদের দেশের সেই মহাসঙ্কট সময়ে, যখন দেশ অবনতির সোপানে অতি দ্রুতগতিতে অবতরণ করিতেছিল, তখন যে সকল মহাপুরুষ শত অত্যাচার ও শত নিগ্রহ সহ্য করিয়া ধর্মের জন্ত, নীতির জন্য, রাজনৈতিক অধিকারের জন্য প্রাণপণ চেষ্টা করিয়া গিয়াছিলেন, অপূর্ব মানসিক বল, অদ্ভুত দেশহিতৈষণা, নিঃস্বার্থ পরোপকারিতা, বিশ্বব্যাপিনী সহানুভূতি ও সবল মনুষ্যত্বের প্রোজ্জল দৃষ্টান্ত দেখাইয়া আমাদের জাতীয় জীবন প্রতিষ্ঠার সহায়তা করিয়াছিলেন, তাঁহারা দেহত্যাগ করিলেও জীবিত আছেন। আমাদের বর্তমান ধর্মবিশ্বাস, আমাদের সামাজিক আচার-ব্যবহার, আমাদের রাজনৈতিক আকাঙ্ক্ষা, যে সকল বিষয় দ্বারা প্রণোদিত হইয়া এই বিশাল কন্মক্ষেত্রের বিভিন্ন বিভাগে আমরা সকলে ক্ষুদ্র অথবা মহৎ শক্তি লইয়া নিরাশ অথবা আশাপূর্ণ হৃদয়ে বিচরণ করিতেছি, বিফলকাম অথবা সফলকাম হইতেছি, সেই সকলের মধ্যে তাঁহাদিগের শক্তি নিহিত আছে। আমাদের মধ্যে সে ভাব অদৃশ্য, সে শক্তি অজ্ঞাত রহিলেও ইহা নিশ্চয় যে আমরা তাঁহাদেরই পুণ্য-পদাঙ্কের অনুসরণ করিতেছি, তাঁহাদিগেরই সৃষ্ট কর্মক্ষেত্রে তাঁহাদেরই রোপিত বৃক্ষের ফল আহরণ

করিতেছি। আমরা নিতান্ত অকৃতজ্ঞ, সেইজন্য এই সকল মহাপুরুষের পবিত্র স্মৃতির পূজা করি না; তাঁহাদিগের প্রদর্শিত মহৎ আদর্শের অনুসরণ করি না; তাঁহাদিগের গুণাবলীর অনুকরণ করিতে চেষ্টা করি না।

আমাদের দেশে এক নূতন আলোক দেখা দিয়াছে—এক নূতন ভাব প্রবেশ করিয়াছে, এক নূতন আকাঙ্ক্ষা জাগিয়া উঠিয়াছে। এই আকাঙ্ক্ষা মানুষের হৃদয়ে এক অভূতপূর্ব উত্তেজনা ও চাঞ্চল্যের সৃষ্টি করিতেছে। এই চাঞ্চল্য জীবনের লক্ষণ; কিন্তু তীব্র আকাঙ্ক্ষা অনেক সময় মানুষকে পাগল করে, হিতাহিত জ্ঞানশূন্য করে। ইহা হইতে সমূহ বিপদের আশঙ্কা। তাই জানিয়া এই সময়ে মহাপুরুষগণের পদাঙ্ক অনুসরণ করিতে উপদেশ দেন। সেইজন্য এই সময়ে আমাদের দেশের যথার্থ কর্মবীরগণের মহৎ জীবনের আলোচনার উপকারিতা বিশেষরূপে মনে উদ্ভিত হয়। তাঁহাদিগের কার্যাবলী স্মরণে চিন্তে উন্নত ভাবের উদয় হয়, নিরাশ হৃদয়ে আশার আলোক প্রবেশ করে, আত্মত্যাগস্পৃহা জন্মে, পরোপকার প্রভৃতি মনের উচ্চ বৃত্তিসমূহ অসাধারণ স্ফূর্তি লাভ করে। এই সকল কারণে আমাদের বহু অক্ষমতা সত্ত্বেও আমরা কর্মবীর কিশোরীচাঁদ মিত্রের জীবনকথার আলোচনা করিতে সাহস করিতেছি।

কিঞ্চিদধিক অর্দ্ধশতাব্দী অতীত হইল, তিনি ইহলোক পরিত্যাগ করিয়া গিয়াছেন, তাঁহার সমকালীন ব্যক্তিগণ প্রায় সকলেই তাঁহার অনুগমন করিয়াছেন, স্মৃতিবাৎ তাঁহার কর্মবহুল জীবনের বিস্তৃত বিবরণ এক্ষণে প্রদান করা একপ্রকার অসম্ভব হইয়াছে। পুরাতন কাগজ-পত্রাদি হইতে আমরা তাঁহার বিষয় যতদূর অবগত হইতে পারিরাছি তাহাই বর্তমান প্রস্তাবে লিপিবদ্ধ হইল। যোগ্যতর ব্যক্তি কিশোরী-

চাঁদের কথা লিখিবার ভার গ্রহণ করিলে ভাল হইত। কিন্তু হয় ত যে সকল কাগজপত্রাদি এখনও পাওয়া যায় সে সকলও পরে ধ্বংস প্রাপ্ত হইবে এবং আমাদের দেশের একজন কৰ্ম্মবীরের কীর্ত্তিকাহিনী চিরকালের জন্য বিস্মৃতির অতলে নিমজ্জিত হইবে, এই আশঙ্কায় আমরা আর বিলম্ব না করিয়া তাঁহার জীবনকথা লিপিবদ্ধ করিতে প্রয়াস পাইতেছি।



জননী—আনন্দময়ী

দ্বিতীয় পরিচ্ছেদ

জন্ম ও বংশপরিচয়

১৮২২ খৃষ্টাব্দে ২২শে মে নিমতলাঘাট ষ্ট্রীটস্থ পৈত্রিক ভবনে কিশোরীচাঁদ জন্মগ্রহণ করেন।

কিশোরীচাঁদের পিতামহ গঙ্গাধর মিত্র সঙ্গতিপন্ন ব্যক্তি ছিলেন। ইহাঁদিগের আদি নিবাস হুগলী জিলার পাণিসেহালা গ্রামে। গঙ্গাধর ক্রোরপতি রামহুলাল সরকারের আশ্রয়দাতা, হাটখোলায় বিখ্যাত ধনী মদনমোহন দত্তের এক কন্যাকে বিবাহ করেন এবং কলিকাতায় ব্যবসায়বাণিজ্যে প্রবৃত্ত হন। ইনি রামহুলাল সরকারের কারবারের একজন অংশীদার ছিলেন। ইনি একজন সাধু ও ধর্মপ্রাণ ব্যক্তি ছিলেন। নিমতলা ষ্ট্রীটে এখনও ইহাঁর প্রতিষ্ঠিত শিবমন্দির দৃষ্ট হয়।

গঙ্গাধরের তিন পুত্র—রামনারায়ণ, নিমাইচরণ ও নন্দলাল।

জ্যেষ্ঠ রামনারায়ণ তীক্ষ্ণবুদ্ধি, পরিশ্রম ও অধ্যবসায়ের দ্বারা বিলক্ষণ অর্থ উপার্জন করেন। তিনি কোম্পানীর কাগজ, হস্তী প্রভৃতির ব্যবসায় দ্বারা আপনার অবস্থার বিশেষ উন্নতিসাধন করেন এবং একটি জমিদারী ক্রয় করেন। তিনি রামমোহন রায়ের একজন অন্তরঙ্গ বন্ধু ছিলেন এবং ধর্মপুস্তকের ও ধর্মসঙ্গীতের অত্যন্ত অমুরাগী ছিলেন। ইনিই রাধামোহন সেনের সাহায্যে ‘সঙ্গীততরঙ্গ’ নামক উৎকৃষ্ট সঙ্গীত-বিজ্ঞান গ্রন্থ প্রকাশ করেন। এই পুস্তকখানি সে কালের সঙ্গীতজ্ঞ ব্যক্তিগণের নিকট সর্বিশেষ সমাদর প্রাপ্ত হইয়াছিল। ইনি কোম্পানিরনিবাসী রামমোহন ঘোষের কন্যা আনন্দময়ীর পাণিগ্রহণ করেন। রামনারায়ণের পাঁচ পুত্র—মধুসূদন, শ্রামচাঁদ, নবীনচাঁদ,

প্যারীচাঁদ ও কিশোরীচাঁদ। গ্রামচাঁদ ষোড়শ বর্ষ বয়সেই গতাস্থ হন। মধুসূদন ও নবীনচাঁদ পিতার তত্ত্বাবধানে জমীদারীসংক্রান্ত কর্ণে নিযুক্ত হন। প্যারীচাঁদ ও কিশোরীচাঁদ সাহিত্যসেবা ও দেশসেবা দ্বারা তাঁহাদিগের নাম বঙ্গদেশে চিরস্মরণীয় করিয়া গিয়াছেন।

কিশোরীচাঁদের শৈশবের বিশেষ বিবরণ কিছু অবগত হওয়া যায় না। কিন্তু প্রকাশ আছে যে, তিনি জনকজননীকে অত্যন্ত ভক্তি করিতেন। তিনি সৰ্ব্বকনিষ্ঠ সন্তান বলিয়া পিতামাতারও অত্যন্ত স্নেহের পাত্র ছিলেন। কিশোরীচাঁদের জননী আনন্দময়ী এক দিকে ষ্ণেরূপ বুদ্ধিমতী ছিলেন, অন্য দিকে সেইরূপ কোমলপ্রাণা ও ধর্মপরা-য়ণা রমণী ছিলেন। যদিও তাঁহাদিগের সময়ে খ্রীশিফার প্রচলন ছিল না, তথাপি আনন্দময়ী বাঙ্গালা ভাষায় উত্তমরূপে শিক্ষিতা ছিলেন। প্যারীচাঁদ মিত্র, 'আখ্যাতিকা'র ভূমিকায় লিখিয়াছেন, যখন তিনি পাঠশালার প্রথম শিক্ষাগ্রহণ করেন, তখন তাঁহার পিতামহী, মাতা-ঠাকুরানী ও পিতৃব্যপত্নীগণকে বাঙ্গালা পুস্তকাদি পাঠ করিতে দেখিয়াছেন।

জ্যেষ্ঠ ভ্রাতাদিগের প্রতিও কিশোরীচাঁদের অসীম অহুরাগ ছিল। বিশেষতঃ প্যারীচাঁদকে তিনি অত্যন্ত শ্রদ্ধা করিতেন; প্যারীচাঁদেরও কনিষ্ঠের প্রতি অসাধারণ স্নেহ ছিল। প্যারীচাঁদ নিজে একজন কর্ণব্রত মহাপুরুষ ছিলেন এবং তিনি বালক কিশোরীচাঁদের হৃদয়ে যে প্রভাব অঙ্কিত করিয়াছিলেন, তাহা কখনও বিলুপ্ত হয় নাই। জীবনে দুই ভ্রাতা দুইটি বিভিন্ন পথ অবলম্বন করিয়াছিলেন, তাহাতে সন্দেহ নাই,—কিন্তু তাঁহাদের উদ্দেশ্য এক, লক্ষ্য এক ছিল। অজ্ঞান-তার অন্ধকার হইতে দেশবাসিগণকে জ্ঞানের আলোকে লইয়া যাইবার জন্য, কুসংস্কারের উচ্ছেদসাধন করিবার জন্য, কুৎসিত আচার



প্যারীচাঁদ মিত্র

হইতে সমাজকে উদ্ধার করিবার নিমিত্ত, দেশের রাজনীতিক অবস্থাকে উন্নত করিবার জন্য—এক কথায়, দেশের শিক্ষা, নীতি, ধর্ম, সমাজ, ও রাজনীতিসম্বন্ধীয় সর্বপ্রকার উন্নতিসাধনের জন্য—তঁাহারা উভয়েই জীবন উৎসর্গ করিয়াছিলেন। সাধনা ভিন্ন প্রকারের হইলেও উভয়ের মন্ত্র এক। এই দেশহিতব্রত-মন্ত্রে কিশোরীচাঁদ প্যারীচাঁদ কতৃক দীক্ষিত হইয়াছিলেন। প্যারীচাঁদই তাঁহার জীবন গড়িয়া তুলিয়াছিলেন। তাঁহার জীবনে প্যারীচাঁদের প্রভাব অসাধারণ। কিশোরীচাঁদের চরিত্র, কচি ও শিক্ষাবিষয়ে প্যারীচাঁদের কিরূপ প্রভাব ছিল, বৃত্তিতে হইলে প্যারীচাঁদের জীবন সম্বন্ধে কিছু জানা প্রয়োজন। আমরা অতি সংক্ষেপে তাঁহার জীবনের কথা নিয়ে লিপিবদ্ধ করিলাম।

১২২১ বঙ্গাব্দে ৮ই শ্রাবণ (২২শে জুলাই, ১৮১৪ খৃঃ অব্দে) প্যারীচাঁদ কলিকাতায় জন্মগ্রহণ করেন। তিনি বাণ্যে একজন গুরুমহাশয় কর্তৃক বাঙ্গালা ভাষায় এবং পরে একজন মুন্সী কর্তৃক পাবসিক ভাষায় শিক্ষিত হন। ১৮২৯ খৃষ্টাব্দে জুলাই মাসে হিন্দুকালেজে একাদশ শ্রেণীতে প্রবিষ্ট হন। প্রথম প্রথম উচ্চারণদোষ ও গ্রাম্যতার জন্য তিনি সহপাঠীদের নিকট হাস্যাস্পদ হইয়াছিলেন; কিন্তু শীঘ্রই তাঁহার তত্ত্ব প্রভা, প্রগাঢ় অধ্যবসার ও আশ্চর্য মেধা শিক্ষক ও সহপাঠীদের দৃষ্টি আকৃষ্ট করে এবং কয়েক বৎসরের মধ্যেই তিনি প্রথম শ্রেণীতে উন্নীত হন। ইংরাজী সাহিত্যে তাঁহার বিশেষ অনুরাগ ছিল। সুপ্রিম কোর্টের বিচারপতি মাননীয় স্তর জন পিটার গ্রাউট একবার একটি নির্দিষ্ট বিষয়ে সর্কোংক্লেট প্রবন্ধরচনার জন্য পুরস্কার ঘোষণা করেন। প্যারীচাঁদ তাঁহার সহপাঠী দিগম্বর মিত্র ও অন্যান্য প্রতিভাশালী ছাত্রগণকে পরাজিত করিয়া উহা লাভ করেন। যখন তিনি প্রথম শ্রেণীতে উন্নীত হন, তখন তিনি

১৬ টাকা মাসিক বৃত্তি প্রাপ্ত হন। ছাত্রজীবনে এই বৃত্তিলাভ তখন অত্যন্ত সম্মানজনক বলিয়া বিবেচিত হইত। প্যারীচাঁদ গণিতশাস্ত্রে তাদৃশ পারদর্শী ছিলেন না, কিন্তু গণিতাধ্যাপক ডাক্তার টাইটলার তাঁহাকে অত্যন্ত ভালবাসিতেন। প্যারীচাঁদ বাল্যকাল হইতেই অত্যন্ত চিন্তাশীল ছিলেন। এই কারণে ডাক্তার টাইটলার তাঁহাকে “দার্শনিক” বলিয়া সম্বোধন করিতেন। কথিত আছে, একদা সার জন গ্রাণ্ট কলেজ পরিদর্শনকালে কোনও ছাত্র দর্শনশাস্ত্র অধ্যয়ন করে কি না, এই প্রশ্ন জিজ্ঞাসা করিলে উক্ত ডাক্তার প্যারীচাঁদকে নির্দেশ করিয়া कहিয়াছিলেন, “এই যে আমাদের দার্শনিক মহাশয়।”

প্যারীচাঁদের পঠদশায় হিন্দু-কলেজ এক মহাপুরুষের প্রভাবে এক নূতন জীবনে অনুপ্রাণিত হইয়াছিল। এই মহাপুরুষ আর কেহই নহেন—জ্ঞানবীর মহাত্মা হেনরি লুই ভিভিয়ান ডিরোজিও। কলেজের তৎকালীন ছাত্রগণের উপর তাঁহার অসাধারণ প্রভাব ছিল। এই অষ্টাদশবর্ষীয় যুবক অসাধারণ প্রতিভা ও জ্ঞান লইয়া যখন হিন্দুকলেজের সহকারী শিক্ষকের পদ গ্রহণ করেন, তখন সত্যসত্যই ছাত্রগণের হৃদয়ে এক মহা নবভাব সঞ্চারিত হইয়াছিল। তিনি ছাত্রগণের মানসিক ও নৈতিক উন্নতির জন্য যে প্রয়াস পাইয়াছিলেন, তাঁহাদিগের হৃদয়ে যে অনুরুদ্ধিৎসা জাগরিত করিয়া দিয়াছিলেন, তাঁহাদিগকে নির্ভীকতা ও স্বাধীনতার সহিত সার সত্যের অনুরোধীলন করিতে যে শিক্ষা দিয়াছিলেন, তাহা বিফল হয় নাই। দেশপ্রাণ রাম-গোপাল, সত্যনিষ্ঠ রামতনু, কৰ্ম্মব্রত রূপপ্রসাদ, ব্রহ্মনিষ্ঠ দেবেন্দ্রনাথ, পরহিতব্রত শিবচন্দ্র, জ্ঞানবীর কৃষ্ণমোহন, আদর্শচরিত্র প্যারীচাঁদ প্রভৃতি যে সকল ব্যক্তি এই মহাপুরুষের সংসর্গে আসিয়াছিলেন, তাঁহাদের জীবন ও কার্য সমালোচনা করিলে



হেনরি লুই ভিভিয়ান ডিরোজিও

উক্ত বাক্যের যথার্থ উপলব্ধি হইবে। কিশোরীচাঁদ তাঁহার “হিন্দু-কালেজের ইতিহাস” নামক বিখ্যাত সন্দর্ভে এই মহাত্মার শিক্ষাপ্রণালীর সম্বন্ধে যাহা বলিয়াছেন, তাহার ভাবার্থ—“শিক্ষকরূপে তিনি অসাধারণ সাকল্য লাভ করিয়াছিলেন। অন্যান্য শিক্ষকদিগের অপেক্ষা এ বিষয়ে তাঁহার কর্তব্যজ্ঞান প্রবল ছিল। তিনি মনে করিতেন যে, কেবল শব্দমালা নহে, পরন্তু বিষয়শিক্ষাদানও তাঁহার কর্তব্য; কেবল মস্তিষ্কের নহে, পরন্তু হৃদয়ের বিকাশসাধনও তাঁহার কর্তব্য। এই বিশ্বাসে কার্য্য করিয়া তিনি তাঁহার ছাত্রদিগের জ্ঞানচক্ষু উন্মীলিত করিয়া দিয়াছিলেন। তিনি তাঁহাদিগকে ভাবিতে শিখাইতেন; এ দেশবাসীরা যে প্রাচীন গৌড়ামীর শৃঙ্খলে বদ্ধ ছিলেন, সে শৃঙ্খল ছিন্ন করিতে শিখাইতেন। মনস্তত্ত্ব ও নীতিদর্শনে তাঁহার অসাধারণ ব্যুৎপত্তি ছিল; তিনি ছাত্রদিগকে সেই সব বিষয়ে শিক্ষা দিতেন। গভীর জ্ঞানসম্পন্ন ডিরোজিও তাঁহাদিগকে লক্, রীড, ষ্টুয়ার্ট ও ব্রাউনের মত বুঝাইতেন। তিনি তাঁর অধ্যাপনায় পর্য্যবেক্ষণ শক্তির ও তর্ককৌশলের যে মৌলিকতা দেখাইতেন, তাহা স্যার উইলিয়ম হ্যামিলটনের মৌলিকতা অপেক্ষা কোন অংশে নিকৃষ্ট নহে। কিন্তু তিনি কেবল বিদ্যালয়ে শিক্ষা দিয়াই নিরন্তর হইতেন না; পরন্তু নিজ গৃহে, তর্কসভায় ও অন্যান্য স্থানে ছাত্রদিগকে আপনার জ্ঞান-সম্পৎসম্ভার দান করিয়া পুলকিত হইতেন।”

১৮২৯ খৃষ্টাব্দে ইনি ছাত্রগণের চিত্ত ও চরিত্র বিকাশের জন্য একাডেমিক অ্যাসোসিয়েশন নামক একটি সভার প্রতিষ্ঠা করেন। প্যারীচাঁদ ডিরোজিওর অন্যান্য ছাত্রগণের সহিত এই সভায় আগ্রহের সহিত জ্ঞানানুশীলন করিতে লাগিলেন, এবং শিক্ষার চিরবন্ধু ডেভিড হেন্সার ও ডিরোজিও তাঁহাদের সত্যজ্ঞানের পথপ্রদর্শক হইলেন। এই

সভায় হিন্দুধর্মের বিরুদ্ধে বক্তৃতা হয়, এই অভিযোগে হিন্দু কলেজের কর্তৃপক্ষগণ ডিরোজিওকে কর্মচ্যুত করিবার সক্ষম করেন। ইহা শুনিয়া ডিরোজিও স্বয়ং পদত্যাগ করেন (২৫শে এপ্রিল, ১৮৩১)। কিন্তু তাঁহার পদত্যাগে প্রিয়তম ছাত্রগণের সহিত তাঁহার মেহসম্বন্ধ বিচ্ছিন্ন হইল না। পুরাতন ছাত্রগণ তাঁহার মৃত্যুকাল পর্য্যন্ত (২৬শে ডিসেম্বর, ১৮৩১ খৃষ্টাব্দ) তাঁহার নিকট উপদেশ গ্রহণ করিতেন, এবং নূতন ছাত্রগণ পুরাতন ছাত্রগণের নিকট হইতে তাঁহারই অভিনব মন্ত্রে মীক্ষিত হইতে লাগিলেন।

১৮৩৫ খৃঃ অব্দে প্যারীচাঁদের শিক্ষা সমাপ্ত হয়। তাহার কিয়দ্দিন পরে তিনি কলিকাতা পাবলিক লাইব্রেরীর ডেপুটী লাইব্রেরিয়ান এবং পরে লাইব্রেরিয়ান ও সেক্রেটারীর পদে নিযুক্ত হন। এই সময় তিনি জ্ঞানানুশীলনের অপূর্ণ সুযোগ প্রাপ্ত হন। যদিও অধিকাংশ সময় তিনি পুস্তকাদি পাঠে ব্যাপ্ত থাকিতেন, তথাপি লাইব্রেরীর কার্যে তাঁহার বিন্দুমাত্র অমনোযোগ ছিল না। পক্ষান্তরে তাঁহার যত্নে ও পরিশ্রমে লাইব্রেরীর এতদূর উন্নতি হইয়াছিল যে, ১৮৬৭ খৃঃ অব্দে তিনি সেক্রেটারী ও লাইব্রেরিয়ানের পদ ত্যাগ করিলে কিউরেটরগণ তাঁহাকে অসংখ্য ধন্যবাদ প্রদান করেন, এবং পবে প্যারীচাঁদ উক্ত লাইব্রেরীর একজন কিউরেটর নিযুক্ত হন এবং মৃত্যুকাল পর্য্যন্ত ঐ পদে প্রতিষ্ঠিত ছিলেন।

যখন তিনি পাবলিক লাইব্রেরিয়ান-পদে প্রতিষ্ঠিত ছিলেন, সেই সময়ে কালীচাঁদ শেঠ ও তারচাঁদ চক্রবর্তীর সহিত মিলিত হইয়া তিনি বহির্বাণিজ্যে প্রবৃত্ত হন এবং বিলক্ষণ লাভ করেন। বাবসায়ের তাঁহার স্বাভাবিক সাধুতা ইংরাজ বণিকদম্পত্যের আনুগতিক শ্রদ্ধা আকৃষ্ট করিয়াছিল। তিনি গ্রেট ইষ্টার্ন হোটেল কোং, পোর্ট ক্যানিং ল্যাণ্ড্

ইন্ডেস্ট্রিয়েন্স কোং, বেঙ্গল টি কোং, ইষ্ট ইণ্ডিয়া টি কোং, ডয়ং টি কোং প্রভৃতি অনেক কোম্পানির ডিরেক্টর মনোনীত হন। প্যারীচাঁদ অত্যন্ত সরলস্বভাব ছিলেন এবং সকলকেই বিশ্বাস করিতেন। তাঁহার এই অথবা বিশ্বাসই তাঁহার সম্পত্তির কালস্বরূপ হইল। বিদেশীয় এজেন্টগণের প্রতারণায় অল্পদিনের মধ্যেই তাঁহার প্রভূত সম্পত্তি বিনষ্ট হইল। কিন্তু “প্যারীচাঁদ মিত্র অর্থশালী হইয়াও যেরূপ ছিলেন, অর্থ-শূন্য অবস্থাতেও তক্রপ ছিলেন। তাঁহার শাস্ত সমাহিত চিত্তেব প্রসন্নতা কখনও নষ্ট হয় নাই; তাঁহার নীতি ও চরিত্র সাংসারিক আলোক ও ছায়ার সহিত সম্পূর্ণ নির্গিপ্ত থাকিয়া স্থায়ী পুণ্য কৰ্তব্য পালনে পুষ্টিলাভ করিয়াছিল।” * তারচাঁদ চক্রবর্তীর মৃত্যুর পরে তিনি স্বাধীনভাবে ব্যবসায় আরম্ভ করেন এবং ১৮৫৫ খৃঃ অব্দে আপনাব ছই পুত্রকে অংশীদার করিয়া লন। কিন্তু বাণিজ্যে তাঁহার পূর্বসৌভাগ্য আর ফিরিয়া আসে নাই।

লর্ড ডালহৌসীর শাসনকালে এতদেশীয় পুলিশের নানারূপ কলঙ্ক প্রকাশিত হয় এবং তাহার জন্য যে অমুসন্ধানসভা গঠিত হয়, তাহাতে প্যারীচাঁদ এরূপ নির্ভীক ও স্বাধীনভাবে সাক্ষ্য প্রদান করেন যে, সকলেই তাঁহার ব্যবহারে চমৎকৃত হইয়াছিলেন।

তৎকালে দেশোন্নতিবিধায়িনী যে সকল সভার সৃষ্টি হয়, তাহার সকলগুলিতেই প্যারীচাঁদ আন্তরিকতার সহিত যোগদান করেন এবং বিবিধ দেশহিতকর কার্যের অচলান করেন। বিখ্যাত জর্জ টমসনের উপদেশে তারচাঁদ চক্রবর্তী প্রমুখ যে কতিপয় “নবাবঙ্গ” (Young Bengal) ১৮৪৩ খৃঃ অব্দে ‘ব্রিটিশ ইণ্ডিয়া সোসাইটি’ নামক

* দীনেশচন্দ্র সেন—‘প্রদীপ’ ৪র্থ বর্ষ।

প্রথম রাজনীতিক সভা এ দেশে প্রতিষ্ঠিত করেন, তাঁহাদিগের মধ্যে প্যারীচাঁদ মিত্র একজন প্রধান উদ্যোগী ছিলেন। ইনিই উহার প্রথম সম্পাদক। পরে ১৮৫৩ খৃঃ অব্দে এই সভা Land-holder's Association এর (জমীদার সভার) সহিত মিলিত হইয়া British Indian Association নাম ধারণ করে। প্যারীচাঁদ এই সভারও কার্যানির্বাহক-সমিতির একজন সদস্য ছিলেন। তিনি 'বেথুন মোসাইট' নামক সাহিত্যসভার প্রথম সম্পাদক ছিলেন। স্কুল বুক-মোসাইট ও ভার্ণাকুলার জিটারেচার কমিটিরও তিনি সদস্য ছিলেন এবং এদেশে শিক্ষাবিস্তারের জন্য যথেষ্ট পরিশ্রম করেন। ১৮৬৭ খৃষ্টাব্দে ভারতগৈতৈষণী কুমারী মেরী কার্পেন্টারের প্রস্তাবে বঙ্গীয় সমাজ-বিজ্ঞান-সভা প্রতিষ্ঠিত হইলে ইনিই উহার প্রথম সম্পাদক নির্বাচিত হন। এতদ্ব্যতীত হেয়ার আইড ফণ্ড কমিটী ও এগ্রি-হটিকালচারাল মোসাইট প্রভৃতিরও * তিনি সদস্য ছিলেন। সার সিদিল বিডনের সময়েও বেলাভিভিয়ারে যে রুবিপদশনী হইয়াছিল, প্যারীচাঁদ তাহার একজন বিচারক মনোনীত হইয়াছিলেন। প্যারীচাঁদ বিশ্ববিদ্যালয়ের একজন সদস্য ছিলেন। ১৮৬৬ খৃষ্টাব্দে লেক্-টেন্যান্ট গভর্নর স্যার উইলিয়ম গে তাঁহাকে বাঙ্গাল ব্যবস্থাপক সভার সদস্যপদে মনোনীত করেন। তিনি দুই বৎসর এই পদে প্রোত্খিত ছিলেন এবং পশুক্লেণনিবারণ ব্যবস্থা বিধিবদ্ধ করিতে সাহায্য করেন। পরে

* এই সভার মুখপত্রে প্যারীচাঁদ অনেকগুলি কৃষিবিষয়ক প্রবন্ধ লিখিয়াছিলেন, সেগুলির তালিকা এখানে প্রদান করা অপ্রাসঙ্গিক হইবে না। (১) Bengal Rice (২) Indian wheat (৩) Agriculture in Bengal (৪) Department of Agriculture (৫) Sugarcane (৬) Cultivation of Flax (৭) Silk & Paper from the Mulberrybark (৮) Madler plant.

পশুদিগের প্রতি নিষ্ঠুরতানিবারণী সভা প্রতিষ্ঠিত হইলে তিনি উহার প্রথম সম্পাদক নির্বাচিত হন এবং উক্তকালে উহার সহকারী সভাপতি পদে বৃত্ত হন। তিনি কলিকাতা কর্পোরেশন ও ডিস্ট্রিক্ট চারিটেবল্ সোসাইটীর একজন প্রধান সভ্য ছিলেন। তিনি কলিকাতার অনারারী ম্যাজিস্ট্রেট ও জজিস্ অব্ দি পিসের সম্মানও প্রাপ্ত হইয়াছিলেন। তাঁহার নিরলস জীবন সর্বদাই দেশহিতকর কার্যে নিযুক্ত ছিল। কিন্তু তাঁহার কার্য নীরবে ও বিনা আড়ম্বরে সম্পাদিত হইত। যশোলাভের জন্য তিনি কখনও চেষ্টা করেন নাই; যশ তাঁতাকে খুঁজিয়া বেড়াইত।

এইবার আমরা সংক্ষেপে প্যারীচাঁদের সাহিত্য সেবার বিষয় কিছু বলিব। ১৮৩১ খৃষ্টাব্দে দাক্ষিণাত্যের মুখোপাধ্যায় ও রসিক-কৃষ্ণ মল্লিক কর্তৃক 'জ্ঞানোদয়' নামক একখানি দ্বিভাষী সাপ্তাহিক সাপাদপত্র প্রকাশিত হয়। প্যারীচাঁদ ইহাতেই এখন প্রথম সম্পাদকীয় প্রবন্ধাদি লিখিতেন। ১৮৪২ খৃষ্টাব্দের এপ্রিল মাসে রামগোবিন্দ বোঁ 'গোঙ্গল স্পেক্টেটর' নামক একখানি দ্বিভাষী সানিয়ার পত্রের প্রবর্তন করেন এবং বহু প্যারীচাঁদের হস্তে উহার সম্পাদক্য ভার অর্পণ করেন। এই পত্র প্রথমে মাসিক, পরে সেপ্টেম্বর (১৮৪২) মাস হইতে পত্রিক এবং মার্চ (১৮৪৩) হইতে সাপ্তাহিক পদ্ধতিতে প্রকাশিত হয়। ইহা 'নব্যবঙ্গ'দিগের মুখপত্র ছিল। এই পত্রিকা পাঠে জানা যায় যে বিখ্যাত জর্জ টমসন এই পত্রিকা প্রকাশের জন্য আর্থিক সাহায্য করিতেন। তথাপি এই পত্রিকার কল্যাণের জন্য তাঁহাদের প্রায় সহস্র টাকা দান হইয়াছে এবং ১৮৪৩ খৃষ্টাব্দের নভেম্বর মাস পর্যন্ত প্রকাশ করিয়া এই পত্র বন্ধ করিয়া দিলেন।

যৌবনে প্যারীচাঁদ বাঙ্গালা অপেক্ষা ইংরাজী সাহিত্যেরই অধিক সেবা করিয়াছিলেন। ইতিহাস ও রাজনীতিই ইহার সৰ্ব্বাপেক্ষা প্রিয় ছিল। ১৮৩৮ খৃষ্টাব্দে Society for the Acquisition of General Knowledge (সাধারণ জ্ঞানোপার্জিকা সভা) স্থাপিত হইল। তিনি ইহাতে “হিন্দুরাজত্বকালে হিন্দুস্থান” নামক একটি প্রবন্ধ পাঠ করেন। উহা ঐ সভার কার্যবিবরণীতে প্রকাশিত হইয়াছিল। ১৮৪৬ খৃষ্টাব্দে ‘কলিকাতা রিভিউ’ পত্রিকার দ্বাদশ সংখ্যায় তিনি “জমীদার ও প্রজা” বিষয়ক যে চিন্তাশীল প্রবন্ধ প্রকাশ করেন, তাহা লর্ড আলবিমার্ল কর্তৃক পার্লামেন্টের লর্ড-সভায় উল্লিখিত হইয়া আলোচনার বিষয় হইয়াছিল। তিনি ‘কলিকাতা রিভিউ’ পত্রিকায় আরও অনেকগুলি চিন্তাশীল গবেষণাপূর্ণ প্রবন্ধ প্রকাশ করেন। পাঠকগণের অবগতির নিমিত্ত নিম্নে সে সকলের একটি তালিকা সন্নিবিষ্ট হইল।—

The Court Amlahs in Lower Bengal ;
 Marriage of Hindoo Widows ;
 Development of Female Mind in India ;
 Agricultural Society of India ;
 Department of Revenue, Agriculture &
 Commerce ;

Indian Wheat ;
 Culture of Hindu females ;
 Psychology of the Ayyas ;
 Commerce in Ancient India ;
 Social Life of the Ayyas ;

The Hindu Bengal ;

Notes On Early Commerce in Bengal.

১৮৬০ খৃষ্টাব্দে প্যারীচাঁদের সহধর্মিণী বামাকালী (খড়দহনিবাসী বিখ্যাত তাত্ত্বিক ও প্রাণরক্ষক বিশ্বাসের কন্যা) পরলোক গমন করিলে তাঁহার মন ধর্মের দিকে সমধিক আকৃষ্ট হয়। তিনি বাল্যকাল হইতে হিন্দুধর্মে আস্থাবান ছিলেন ; পরে ইংরাজী শিক্ষার সহিত একেশ্বরবাদী হইয়া উঠেন। কিন্তু এই সময় হইতে তিনি প্রেততত্ত্বে বিশ্বাসবান হন এবং প্রেততত্ত্বানুশীলনেই সময় অতিবাহিত করেন। Banner of Light, Spiritualist এবং অন্যান্য ইংরাজী ও আমেরিকান পত্রিকায় তিনি প্রেততত্ত্বসম্বন্ধে প্রবন্ধাদি লিখেন এবং তাহার কতকগুলি Spiritual Stray Leaves ও Stray Thoughts on Spiritualism নামক পুস্তকদ্বয়ে পুনর্মুদ্রিত করেন। তিনি On the Soul, its Nature and Development নামক একখানি গ্রন্থও প্রণয়ন ও প্রকাশিত করিয়াছিলেন। ১৮৮২ খৃঃ অব্দে যখন কর্ণেল অলকট্ ও ম্যাডাম ব্রাভাটস্কি এদেশে আগমন করিয়া থিয়সফিষ্ট সভার প্রতিষ্ঠা করেন, তখন প্যারীচাঁদ তাঁহাদিগকে বিলক্ষণ সাহায্য করেন এবং প্রধানতঃ ইহারই উদ্যোগে ও পরিশ্রমে বঙ্গদেশে ঐ সভার একটি শাখা স্থাপিত হয়। ইনি ঐ সভার সভাপতি ছিলেন।*

প্রাণুল্লিখিত ইংরাজী গ্রন্থ ব্যতীত তিনি ইংরাজী ভাষায় আরও তিনখানি উত্তম চরিতগ্রন্থ প্রণয়ন করেন। ডেভিড হেয়ার, দেওয়ান রামকমল সেন ও কোল্‌স্‌ওয়ার্দি গ্রান্টের জীবনচরিত সে কালের বহু

* শেষ বয়সে তিনি যোগসাধন আরম্ভ করিয়াছিলেন এবং এই জন্য বহু সংস্কৃত গ্রন্থ অধ্যয়ন করেন। বোধ হয়, তিনি সাধনার পথে বহুদূর অগ্রসরও হইয়াছিলেন।

জ্ঞাতব্য বিষয়ে পরিপূর্ণ এবং আনাদিগের নিকট অমূল্য বলিয়া মনে হয়।

আমরা এ পর্যন্ত প্যারীচাঁদের বাঙ্গালা সাহিত্যসেবাসম্বন্ধে কিছু বলি নাই। যখন এ দেশে বাঙ্গালা সাহিত্যের অবস্থা নিতান্ত শোচনীয় এবং প্যারীচাঁদের সমসাময়িক ইংরাজী শিক্ষিত ব্যক্তিগণ বাঙ্গালা ভাষাকে নিতান্ত অবজ্ঞার দৃষ্টিতে দেখিতেন, তখন কৰ্ত্তব্য-প্রেরণার উদ্বুদ্ধ হইয়া প্যারীচাঁদ বাঙ্গালা ভাষা সংস্কারের জন্য এবং জ্ঞানশিক্ষা বিস্তারের জন্য তাঁহার প্রতিভাশালী মেথনী ধারণ করিয়া ছিলেন। বাঙ্গালা সাহিত্যের ইতিহাসে যাহার স্থাননির্দেশকালে সাহিত্য সম্রাট বঙ্কিমচন্দ্র এই “বাঙ্গালা গদ্যের একজন প্রধান সংস্কারক”কে “অতি উজ্জ” আসন প্রদান করিয়াছেন, ‘কলিকাতা রিভিউয়ের’ ইংরাজ সমালোচক যাহাব ‘আলালের ঘরের দুলাল’র হাদ্যরস ইংলণ্ডের গোল্ডস্মিথ ও কিস্টিংএর হাদ্যবসের তুল্য মনে করিয়াছিলেন এবং অপর কয়েকজন বিজ্ঞ সমালোচক যাহাকে মলিয়ার এবং ডিকেন্সের সহিত তুলনা করিয়াছিলেন, ‘কপালকুণ্ডলা’র অনুবাদক সিভিলিয়ান মিষ্টার ফিলিপপ্‌স্‌ যাহার আলালকে শতমুখে প্রশংসা করিয়াছিলেন, চিরস্মরণীয় মহাত্মা কাণ্ডয়েল যাহার ‘আলালের গুণে মুগ্ধ হইয়া সমগ্র পুস্তকখানি অনুবাদ করিবার মঙ্গল করিয়াছিলেন, যাহার রহস্য শক্তির সম্বন্ধে ‘আলালের ঘরের দুলালের’ ইংরাজী অনুবাদক মিষ্টার জিঃ ডি অস্‌গয়েল বলিয়াছেন—“পাশ্চাত্য দেশে থাকারেকে সংঘত পরিহাস-রসিকদিগের মধ্যে শ্রেষ্ঠ বলিয়া বে সম্মান প্রদত্ত হয়, এদেশে প্যারীচাঁদের সেই সম্মান প্রাপ্য,”—সেই প্যারীচাঁদের বাঙ্গালা গ্রন্থাদির সমালোচনা করিবার ধৃষ্টতা আমাদের নাই; প্রশংসা করিবার প্রয়োজনও নাই। এই পরিচ্ছেদে আমরা সংক্ষেপে তাঁহার

কৰ্মবহুল জীবনের পরিচয় প্রদান করিবার মানস করিয়াছি। তাঁহার পুস্তকাদির বিস্তৃত বিবরণ এতলে প্রদান করা সম্ভব নহে। সুতরাং তাঁহার রচিত পুস্তকাদির তালিকা মাত্র এই স্থানে সন্নিবেষ্ট হইল।

প্যারীচাঁদের লিখিত-সাধনার প্রথম ফল ‘মাসিক পত্রিকা’। ১২৮১ বঙ্গাব্দের (ইংরাজী ১৬ই আগষ্ট, ১৮৫৪) ১লা ভাদ্র ইহার প্রথম সংখ্যা প্রকাশিত হয়। রাধানাথ শিকদার মহাশয়ের সহিত একযোগে তিনি এই পত্রিকা সম্পাদন করেন। ইহার উদ্দেশ্য স্ত্রীশিক্ষা বিস্তার। সুতরাং অতি সহজ ও প্রজ্ঞাল ভাষায় ক্ষুদ্র ক্ষুদ্র নীতিগর্ভ গল্প ও প্রবন্ধাদি ইহাতে প্রকাশিত হইত। এই পত্রিকার প্রতিসংখ্যার উপর লিখা থাকিত—

“এই পত্রিকা সাধাবণের বিশেষতঃ স্ত্রীলোকের জন্য ছাপা হইতেছে, যে ভাষায় আশ্রয়ের সচবাচর কথাবার্ত্তা হয়, তাহাতেই প্রস্তাব সকল রচনা হইবেক। বিস্ত্র পণ্ডিতেবা পড়িতে চান পড়িবেন, কিন্তু তাঁহাদিগের নিমিত্ত এই পত্রিকা লিখিত হয় নাই।”

এই পত্রিকাতেই, ‘বামারঞ্জিকা’, ‘মদ খাওয়া বড় দায়’ ও ‘আলালের ঘবের ছলনা’ সর্বপ্রথম প্রকাশিত হয়।

১৮৫৮ খৃঃ অব্দে ‘আলালের ঘরের ছলনা’ প্রকাশিত হয়। ইহাই বাঙ্গালার সর্বপ্রথম উপন্যাস। টেকচাঁদ ঠাকুর এই ছদ্মনামে এই গ্রন্থ প্রকাশিত হয়। হাস্যরস ও স্বাভাবিকতার জন্য ইহা উপযুক্ত সমাদর লাভ করিয়াছিল। এই পুস্তকখানি অনেককাল হইতে বাঙ্গালা ভাষায় পরীক্ষার্থী ইংরাজ সিভিলিয়ন ও অন্যান্য উচ্চপদস্থ কর্মচারিগণের পাঠ্য পুস্তক বলিয়া নির্দিষ্ট আছে। মিষ্টার বীমস্ তাঁহার Modern Aryan Languages of India নামক গ্রন্থে লিখিয়াছেন—“টেকচাঁদ ঠাকুর ছদ্মনামধারী লেখক প্যারীচাঁদ মিত্র বাঙ্গালার

সর্বোৎকৃষ্ট উপন্যাস রচিত করিয়াছেন। তাঁহার অমুকরণকারী অনেক ; ঔপন্যাসিক হিসাবে তাঁহার আসন অতি উচ্চে অবস্থিত ; ব্যঙ্গাদির হিসাবে তাহা অনেক উৎকৃষ্ট হাস্যরসবহুল ইংরাজী উপন্যাসের তুল্য।”

তিনি ইহার পর ‘মদ খাওয়া বড় দায়, জাত থাকার কি উপায়’, ‘কৃষিপাঠ’, ‘রামারঞ্জিকা’, ‘গীতাকুর’, ‘যৎকিঞ্চিৎ’, ‘অভেদী’, ‘এতদেশীয় জীলোকদিগের পূর্বাবস্থা’, ‘ডেভিড্ হেয়ারের জীবনচরিত’, ‘আধ্যাত্মিকা’ নামক পুস্তকগুলি প্রকাশ করিয়া বঙ্গসাহিত্যকে অলঙ্কৃত করেন। তাঁহার কোনও পুস্তকই বৃহৎ নহে, সকলগুলিই অতি সরল ও প্রাজ্ঞল ভাষায় লিখিত ; সকলগুলিই মৌলিক, শিক্ষাপ্রদ এবং জাতীয়তাবপূর্ণ।

১২৯৯ বঙ্গাব্দে ক্যানিং লাইব্রেরী হইতে যোগেশচন্দ্র বন্দ্যোপাধ্যায় প্যারীচাঁদের সমস্ত বাঙ্গালা গ্রন্থগুলি একত্রে ‘লুপ্তরত্নোদ্ধার’ নামে প্রকাশ করেন। ইহার ভূমিকায় বঙ্কিমচন্দ্র যথার্থই বলিয়াছিলেন, “তিনিই (প্যারীচাঁদ) প্রথম দেখাইলেন যে, সাহিত্যের প্রকৃত উপাদান আমাদের ঘরেই আছে ; তাহার জন্য ইংরাজী বা সংস্কৃতের নিকট ভিক্ষা চাহিতে হয় না। তিনিই প্রথম দেখাইলেন যে, যেমন জীবনে, তেমনি সাহিত্যে, ঘরের সামগ্রী বত সুন্দর, পরের সামগ্রী তত সুন্দর বোধ হয় না। তিনিই প্রথম দেখাইলেন যে, যদি সাহিত্যের দ্বারা বাঙ্গালা দেশ উন্নত করিতে হয়, তবে বাঙ্গালা দেশের কথা লইয়াই সাহিত্য গড়িতে হইবে। প্রকৃতপক্ষে আমাদের জাতীয় সাহিত্যের আদি ‘আলালের ঘরের ডলাল’।”

১৮৮৩ খৃষ্টাব্দে ২৩শে নভেম্বর উদরী রোগে প্যারীচাঁদের মৃত্যু হয়। দেশের মুখপত্র ‘হিন্দুপেট্রিয়ট’ সেই সময়ে লিখিয়াছিলেন :—“ইহার বিয়োগে, আমাদের দেশ একজন প্রধান সাহিত্য-

সেবী, একজন কৰ্মনিষ্ঠ মহাপুরুষ, একজন প্রসিদ্ধ গ্রন্থকার একজন অদ্বিতীয় পরিহাসরসিক, একজন দেশপ্রাণ মহাত্মা ও একজন তত্ত্বজ্ঞানের প্রধান উপাসক হারাইল।” ইহার এক বর্ণও অনুলক বা অতিরঞ্জিত নহে।

প্যারীচাঁদের মৃত্যুর পর তাঁহার বন্ধুগণ একটি প্রকাশ্য সভা আহ্বান করিয়া তাঁহাদিগের গভীর শোক প্রকাশ করেন। রেভারেণ্ড কৃষ্ণমোহন বন্দ্যোপাধ্যায়, মিঃ জে সি মারে, বাবু দ্বিজেন্দ্রনাথ ঠাকুর, রেভারেণ্ড কে এস ম্যাকডোনাল্ড, বাবু জয়কৃষ্ণ মুখোপাধ্যায়, মিঃ রবার্ট টার্নবুল, ডাক্তার ডি বি স্মিথ, মিঃ এইচ এম ব্রতমজী, বাবু যদুলাল মল্লিক, বাবু নরেন্দ্রনাথ সেন, বাবু শিবচন্দ্র দেব, বাবু রামতনু লাহিড়ী, মিঃ সি এইচ এ ডল এবং মিঃ হাজী নুর মহম্মদ জ্যাকেরিয়া এই সভায় বক্তৃতা দি করেন। প্যারীচাঁদের চরিত্রসম্বন্ধে দুই চারিজন ইংরাজ বক্তার মত ‘হিন্দুপেট্রিয়ার্ট’ হইতে এই স্থলে উদ্ধৃত হইল। তাঁহার দেশহিতৈষণা ও সততা সম্বন্ধে চেম্বার অব্ কমার্সের তদানীন্তন সভাপতি কেটলওয়েল বলেন কোম্পানীর মিষ্টার মারে বলেন,—

“ভারতবর্ষে দুইজন বিখ্যাত লোকের শোকে কাতর,—কেশবচন্দ্র ও প্যারীচাঁদ। কেশবচন্দ্র সমাজের শিক্ষিত ব্যক্তিদিগের নিকট নিজ মত ব্যক্ত করিতেন, প্যারীচাঁদ দেশের অজ্ঞ জনসাধারণের জন্য কাজ করিতেন। প্যারীচাঁদ বাঙ্গালা সাহিত্যের ডিকেন্স। তিনি পরিচরফলে নিঃসঙ্কোচে বলিতে পারেন যে, তিনি প্যারীচাঁদের অপেক্ষা সাধু ব্যক্তি আর দেখেন নাই। এই সাধুতা ও ভারতবাসীদিগের হিতচেষ্টার জন্যই তিনি স্মরণীয়।”

কলিকাতা কর্পোরেশনের সেক্রেটারী মিঃ টার্নবুল বলেন—“তিনি সর্বদাই পরের কথা ভাবিতেন—তিনি মুক প্রাণীদিগের সুখসম্বন্ধেও

উদাসীন ছিলেন না। এই সহরের পথে যে বহু পশুপানীয় জলাধার দৃষ্ট হয়, সে সব তাঁহার কীর্তি। জীবিতকালে তিনি সকলের ভালবাসা শ্রদ্ধা ও ভক্তি অর্জন করিয়াছিলেন। তাঁহার নাম লোক স্মরণ রাখিবে; তাঁহার অভাব সহজে পূর্ণ হইবার নহে।”

তাঁহার চরিত্রের সৌন্দর্য্য সম্বন্ধে ডাক্তার স্থিথ বলেন, “He had known the deceased for about 20 years and could concur with those gentlemen who had spoken in bearing testimony to the beauty of his character,”
 “তাঁহার সরলতা সম্বন্ধে রেভারেণ্ড ডল্‌ বলেন,—‘Next June would make 30 years from the happy day when he first took the hand of Peary Chand Mittra and from that moment he found that he had a brother man by his side. The highest development of human character was simplicity, and that Babu Peary Chand Mittra possessed in an eminent degree,’”

এই সভা কর্তৃক নিযুক্ত স্মৃতিসমিতির প্রযত্নে টাউনহলে প্যারীচাঁদদের একটি মণ্ডরময় উত্তমার্দ্ধ এবং মেট্রিকফলে একখানি উত্তম তৈলচিত্র প্রতিষ্ঠিত হইয়াছিল। কলিকাতা বিশ্ববিদ্যালয়েও ইঁহার নামে একটি রোপ্যপদক প্রদানের ব্যবস্থা হয়। সম্প্রতি বঙ্গীয়-সাহিত্য-পরিষৎ-মন্দিরেও ইঁহার একখানি তৈলচিত্র প্রতিষ্ঠিত হইয়াছে।

যতদূর সংক্ষেপে সম্ভব প্যারীচাঁদদের জীবনের প্রধান প্রধান কার্য্য-গুলি বিবৃত হইল। তাঁহার সম্পূর্ণ জীবন-কথা বলিতে গেলে বাঙ্গালা দেশের অর্দ্ধশতাব্দীর উন্নতির ইতিহাস বলিতে হয়; কারণ, এই ইতিহাসের প্রতি পৃষ্ঠাতেই তাঁহার নাম আছে। দেশের সকল মঙ্গল

কার্যে তিনি আন্তরিকতার সহিত যোগদান করিতেন। প্যারীচাঁদের সম্পূর্ণ জীবন-কথানা বলিলেও পাঠকগণ বোধ হয়, উপবি-লিখিত সংক্ষিপ্ত বিবরণ হইতে এই মহাপুরুষের অদ্ভুত সাধনা ও অল্পপন্ন চরিত্রের আভাস পাইবেন। চরিত্রের নিম্নগত্য, নিঃস্বার্থ পবোপকারিতায়, আন্তরিক দেশভক্তিতে, সার্বভৌমিক সহৃদয়তায়া তাঁহার সমকক্ষ ব্যক্তি অত্যন্ত বিবল। তিনি ভাবুক ছিলেন—তিনি বিশ্বপ্রেমিক ছিলেন, তিনি অসাধারণ বিবেকবুদ্ধিসম্পন্ন ব্যক্তি ছিলেন এবং যাহা সত্য ও কল্যাণকর বসিয়া বিবেচনা করিতেন, তাহা আদর্শ সাহসিকতার সহিত সম্পাদন করিতেন। তিনি চিন্তাশীল ছিলেন, কিন্তু অতি-গম্ভীর বা নিরুন্নতাপ্রিয় ছিলেন না, বরঞ্চ তিনি যৌকসনাত্রে নিশিত ভাল বাসিতেন। তিনি অত্যন্ত কৌতুকপ্রিয় ছিলেন। তিনি বন্ধু বর্গকে সদয় স্মৃতি কথোপকথনে হানাতেন ও নিজে হাসিতেন। তাঁহার বিস্তৃত আমোদপ্রিয়তা ও উচ্চ হাস্য তাঁহার অন্তঃকরণেব শিশু-সুন্দর সবলতা প্রকাশ করিত।

শৈশব হইতে এত মহাপুরুষের সংসর্গে থাকিয়া কিশোরীচাঁদ বিশ্বপ্রেম শিক্ষা করেন। ঈশবই চরিত্রপ্রভাবে পবহুৎকাতর কিশোরীচাঁদ—দেশপ্রাণ কিশোরীচাঁদ—সমাজসংস্কারক কিশোরীচাঁদ—কম্মবীব কিশোরীচাঁদ গঠিত হন। কিন্তু কিশোরীচাঁদ তাঁহার অগ্রজ অপেক্ষা আবও সাহসী—আরও নিষ্ঠীক ছিলেন। প্যারীচাঁদ ধীবে ধীবে শাস্ত্র হইতে আদর্শ লইয়া, লোকাচারদূষিত, কুসংস্কার-বনমাচ্ছন্ন সমাজকে উন্নতিমাগে লইয়া যাতে চেষ্টা করিয়াছিলেন, বিবেকা দষ্ট কিশোরীচাঁদ লোকাচার তুচ্ছ বসিয়া অপূর্ব সাহস ও অসাধারণ নিষ্ঠীক-তার সহিত বজ্রশক্তিতে কুসংস্কারবদ্ধ সমাজকে আক্রমণ করিয়াছিলেন এবং অভিনব আদর্শ গঠন করিতে চেষ্টা করিয়াছিলেন। লোকের

মতামতের প্রতি ভ্রক্ষেপ নাই, কর্মের ফলাফলের দিকে দৃষ্টি নাই,
সেই কর্মময়ের চরণে কর্মফল নিবেদন করিয়া তিনি বিবেকের আদেশ
অনুপালন করিতেন।

তৃতীয় পরিচ্ছেদ

শিক্ষা

শৈশবে কিশোরীচাঁদ একটি পাঠশালায় রামনারায়ণ সরকার নামক জনৈক গুরুমহাশয়ের নিকট মাতৃভাষা শিক্ষা করেন। সে সময়ের বাঙ্গালা ভাষার দারিদ্র্য অস্বীকার করিবার উপায় নাই। সুতরাং কিশোরীচাঁদের সামসময়িক ছাত্রগণ যে বাঙ্গালা ভাষার প্রতি নিতান্ত অবজ্ঞা প্রকাশ করিতেন, তাহাতে তাঁহাদিগকে বিশেষ দোষ দেওয়া যায় না। কিশোরীচাঁদ যদিও তাঁহার ভ্রাতা প্যারীচাঁদের ন্যায় বাঙ্গালা পুস্তকাদি রচনা দ্বারা আমাদিগের সাহিত্য-ভাণ্ডার তাঁহার উচ্চ ভাব ও নিম্নলিখিত নীতিমূলক রচনার সমৃদ্ধ করেন নাই, তথাপি তাঁহার যে বাঙ্গালা সাহিত্যের প্রতি যথেষ্ট অনুরাগ ছিল তাঁহার ইংরাজী গ্রন্থাবলী হইতে তাহা ব নিদর্শন পাওয়া যায়। কিন্তু তাঁহার সময়ে শিক্ষিত বাঙ্গালীদিগের নিকট ইংরাজীই সমধিক সমাদর ছিল। ১৮৪৫ খৃষ্টাব্দে ডেভিড্ হেন্সলের তৃতীয় বার্ষিক স্মৃতিসভায় কিশোরীচাঁদ যথার্থই বলিয়াছিলেন—“There is a large number of our educated friends who can relish nothing that is Bengali, their taste seems to be diametrically opposed to all that is written in their own tongue. The most elevated thoughts and the most sublime sentiments, when embodied in it, become flat, stale and unprofitable.”

অর্থাৎ আমাদের শিক্ষিত বন্ধুবর্গের মধ্যে অনেকের নিকট বাঙ্গালা সাহিত্য নিতান্ত অনাদৃত ; যাহা কিছু মাতৃভাষায় লিখিত হয় তাহা

যেন তাঁহাদিগের রুচির সম্পূর্ণ বিপরীত। উচ্চতম কর্তব্য, গভীরতম ভাব সকল বাঙ্গালা ভাষায় সজ্জিত হইলেই যেন প্রাণহীন, ভাবহীন, ও উদ্দেশ্যবিহীন হইয়া পড়ে।

বাঙ্গালা শিক্ষা সমাপ্ত হইলে তৎকালীন রীতানুসারে একজন মুন্সী কর্তৃক কিশোরীচাঁদ ফারসী ভাষায় শিক্ষা প্রাপ্ত হন। এই ভাষায় কিশোরীচাঁদ তাদৃশ ব্যুৎপত্তি লাভ করিতে পারেন নাই। এই সময়ে ইংরাজী শিক্ষার উপকারিতা সকলেরই উপলব্ধি হয়। বিশেষতঃ তীক্ষ্ণবুদ্ধি রামনারায়ণ হিন্দুকলেজে প্যারীচাঁদদের শিক্ষায় উন্নতি দেখিয়া কিশোরীচাঁদকে উত্তমরূপে ইংরাজী শিক্ষা দিতে কৃতসঙ্কল্প হইলেন।

বাল্যকাল হইতেই প্যারীচাঁদের শিক্ষাবিস্তারের জন্য আগ্রহ পরিদৃষ্ট হয়। তিনি যখন হিন্দুকলেজের উচ্চ শ্রেণীতে পাঠ করেন, তখন (১৮৩০ খৃষ্টাব্দে) স্বীয় বাটীতে “হিন্দু দাতব্য বিদ্যালয়” নামে একটি বিদ্যালয় স্থাপিত করেন। বিদ্যালয়ে প্রাতঃকালে শিক্ষা দেওয়া হইত। শিবচন্দ্র দেব, গোবিন্দচন্দ্র বসাক, রাধানাথ সিকদার, কালাচাঁদ শেঠ, রাজকৃষ্ণ মিত্র প্রভৃতি ইহার অবৈতনিক শিক্ষক এবং প্যারীচাঁদ ইহার প্রধান শিক্ষক ছিলেন। শিক্ষার চিরবন্ধু ডেভিড্ হেয়ার, মহাপ্রাণ ডিরোজিও এবং হিন্দুকলেজের তদানীন্তন প্রধান শিক্ষক ডি আনসলেম প্রভৃতি মহোদয়গণ উক্ত বিদ্যালয় পরিদর্শন এবং মধ্যে মধ্যে ছাত্রগণের পরীক্ষা গ্রহণ ও পারিতোষিক বিতরণ করিতেন; কিশোরীচাঁদ এই বিদ্যালয়ে ইংরাজী ভাষায় প্রথম পাঠ গ্রহণ করেন এবং ডেভিড্ হেয়ার প্রভৃতি মহাপুরুষগণের সহিত পরিচিত হন।

১৮৩৪ খৃষ্টাব্দে হেয়ারের আগ্রহে রামনারায়ণ কিশোরীচাঁদকে হেয়ার স্কুলে প্রেরণ করিলেন। অতি অল্প সময়ের মধ্যেই কিশোরীচাঁদ



ডেভিড্ হেয়ার
(কোল্‌স্‌ওয়াডি গ্রান্ট অঙ্কিত রেখাচিত্র হইতে)

প্রভূত উন্নতি লাভ করিলেন, এবং বৎসর বৎসর পারিতোষিক পাইতে লাগিলেন। মহাত্মা ডেভিড্ হেয়ার প্রত্যেক বালকের চরিত্র ও শিক্ষাবিষয়ে তীক্ষ্ণদৃষ্টি রাখিতেন। পরিশ্রমী, তীক্ষ্ণবুদ্ধি, সুচরিত্র ও মেধাবী কিশোরীচাঁদ একাট্টাতে ইংরাজী সাহিত্য অধ্যয়ন করিতে লাগিলেন; এবং হেয়ারের নিত্যান্ত প্রিয় হইয়া উঠিলেন। হেয়ারের উপদেশে তিনি যৎপরোনাস্তি উপকৃত হইলেন। কিশোরীচাঁদ যত দিন জীবিত ছিলেন ডেভিড্ হেয়ারের এই উপকার বিস্মৃত হন নাই। এদেশে ইংরাজী শিক্ষার জন্মদাতা ডেভিড্ হেয়ারের মৃত্যু হইলে, তাঁহারই প্রযত্নে ও চেষ্টায় ‘হেয়ার সাধারণিক স্মৃতিসভা’ প্রবর্তিত হয় এবং কিশোরীচাঁদ এই সভার বাৎসরিক অধিবেশনে পোহই উপস্থিত থাকিয়া হেয়ারের গুণকীর্তন করিতেন। ১৮৬২ খৃষ্টাব্দে তিনি যাহা লিখিয়াছিলেন তাহার মর্ম—

“এতদেশবাসিগণকে কুসংস্কার ও অজ্ঞতার নিগড় হইতে মুক্ত করাই ডেভিড্ হেয়ারের জীবনের ব্রত ছিল। এই ব্রত উদ্‌যাপনের নিমিত্ত তিনি তাঁহার সমস্ত শক্তি, সময়, অর্থ ও জীবন :উৎসর্গ করিয়াছিলেন। এতদেশবাসিগণের মনোবৃত্তি যে উচ্চতম বিকাশলাভে সমর্থ তাঁহার এই ধারণা ছিল এবং তাঁহার এই অভিমত আজ আমাদের নিকট উজ্জ্বল ও সুস্পষ্ট বাস্তবরূপে পরিণত হইয়াছে। তাহাদিগের নৈতিক ও মানসিক উন্নতিবিধানই তাঁহার চরম উদ্দেশ্য ছিল। যাহারা স্বয়ং লক্ষ্য করেন নাই, তাহাদিগের পক্ষে আমাদের স্বজাতীয়গণের প্রতি তাহার নিঃস্বার্থ প্রেমের গভীরতা উপলব্ধি করা দুষ্কর। কি দনী কি নির্ধন সকল ছাত্রের প্রতি তাহার ভালবাসা সমভাবে লক্ষিত হইত। আমাদের কলিকাতার অনেক প্রসিদ্ধ লোকহিতৈষীর অনুরূপ জাতি বা বর্ণবিষয়ক

পার্থক্যানুসারে প্রদর্শিত হয়! কিন্তু ডেভিড্ হেয়ার প্রত্যেক মনুষ্যকেই প্রীতির দৃষ্টিতে দেখিতেন; কারণ সমগ্র মানবজাতিই তাঁহার প্রেমের বিষয় ছিল। দেশের পার্থক্য, জাতির পার্থক্য, সামাজিক বা বিজাতীয় অবস্থার পার্থক্য তাঁহার সহানুভূতির বৃদ্ধি বা সঙ্কোচ উৎপাদিত করিতে পারিত না। তিনি জাতি বা সামাজিক অবস্থাষটিত পক্ষপাতিত্বের বহু উচ্চে অবস্থিত ছিলেন। মানুষ যে চাপকান বা শাল, পাক্কী বা গাড়ী অপেক্ষা অধিকতর মূল্যবান বিষয়ের অধিকারী তাহা তিনি জানিতেন। তিনি কৃষ্ণকায় লোককেও ভ্রাতার মত দেখিতেন। এই ভ্রাতৃত্ববোধের অস্তিত্বের ঔচিত্য অকাট্য যুক্তি দ্বারা প্রমাণিত হইলেও এখনও সাধারণের দ্বারা স্বীকৃত বা অনুভূত হয় নাই এবং ইংলণ্ডবাসীদিগের মনে এই ভাব প্রবিষ্ট করাইবার নিমিত্ত এখনও প্রধানমন্ত্রিগণের বক্তৃতার প্রয়োজন অনুভূত হয়। লোকহিতৈষী ডেভিড্ হেয়ার, ভারতবর্ষে এই লোক-হিতৈষণার যুগেও একটি নূতন যুগ আনয়ন করিয়াছেন বলা যাইতে পারে। তাঁহার সময় হইতেই ইঙ্গ-ভারতীয় সমাজের উপর দিয়া নূতন ভাবশ্রোত প্রবাহিত হইয়াছে এবং আমার আন্তরিক বিশ্বাস যে, ইহা দ্বারা অন্ধকার হইতে আলোক উদ্ভূত হইবে এবং হিন্দু ও যুরোপীয়গণেব মধ্যে ইচ্ছা, আশা ও আকাঙ্ক্ষার ঐক্য সংসাধিত হইবে। একদেশবাসিগণের উন্নতিসংক্রান্ত বিষয়ে তাঁহার ঘেরূপ অসীম আগ্রহ ছিল, তাঁহার তৎসাধনেচ্ছাও সেইরূপ বলবতী ছিল। প্রত্যেক দেশবাসীকে তাঁহার অবস্থা উন্নত করিবার এবং উচ্চতর জ্ঞান লাভ করিবার অভূতপূৰ্ণ সুযোগ প্রদান করাই তাঁহার অভিপ্রেত ছিল। যে স্বার্থপরতা, নীচাশয়তা ও দৈর্ঘ্য আঙ্গ দেশবাসিগণকে তাঁহাদিগের ন্যায়সম্পন্ন অধিকার হইতে বঞ্চিত

করিয়া কেবল নীচ কার্যে নিযুক্ত করিতে প্রয়াস পায়, তাহার মধ্যে অবস্থিত হইয়াও তাঁহাদিগেব উন্নতিবিষয়ে ডেভিড্ হেন্সলের আগ্রহ ও তাঁহাদিগের ন্যায়সঙ্গত অবিকার স্বীকারের কথা স্মরণ করিলে মনে আনন্দেব উদয় হয়।

“হিন্দুব প্রতি প্রগাঢ় আগ্রহপূর্ণ প্রেম যেন তাঁহার প্রকৃতির সহিত অবিচ্ছেদ্যভাবে বিজড়িত ছিল। তাঁহার পরোপকারেচ্ছা গভীর ছিল, কিন্তু অসংঘত ছিল না; এবং তাঁহার মনের এই বিশেষ ভাব তাঁহার সমস্ত জীবনে ও চরিত্রে লক্ষিত হয়। তাঁহার প্রেমময় আনন হইতে যেন ইহা বিস্কুরিত হইত! কি বাবুর বৈঠকখানায়, কি রাজার নৃত্য-শালায়, কি দরিদ্র পরাম্ভোজী বালকের অপ্রশস্ত গৃহে, কি রাজকুমারের রোগ-শয্যার পার্শ্বে, সর্বত্রই ইহা লক্ষিত হইত। দেশবাসিগণের মধ্যে শিক্ষাবিস্তারকল্পে পরিশ্রমকালে ইহা বিশেষভাবে দৃষ্টিগোচর হইত। অজ্ঞতার বিষময় ফলে আমরাদিগেব সমাজের জীবনী-শক্তি অপচিত হইতেছে দেখিয়া তিনি বিচলিত হইয়াছিলেন। ভারতবর্ষেব প্রতি ইংলণ্ডের কি কর্তব্য তিনিই তাহা সর্বপ্রথমে হৃদয়ঙ্গম করিয়াছিলেন। আপনারা আপনাদিগের অভিজ্ঞতাকলে ইহা দেখিয়া থাকিবেন যে, কোনও কোনও বিশেষ ব্যক্তির দৃষ্টি দেশের কোনও কোনও বিশেষ ব্যাধির প্রতি আকৃষ্ট হয়। এই প্রাকৃতিক নিয়ম আমরাদিগের সমাজের কল্যাণ-সাধনে বিশেষভাবে সাহায্য করে; কারণ এই সকল বিশেষ ব্যাধির প্রতীকাকল্পে এই সকল বিশেষ ব্যক্তি অপরের অপেক্ষা অধিকতর উৎসাহের সহিত চেষ্টা পান। ইহার প্রভাবে কোনও বিশিষ্ট ব্যক্তি সতীদাহ নিবারণে এবং অপর কোনও বিশিষ্ট ব্যক্তি দাসত্ববিমোচনে প্রয়াস পান। আমি যে মহাত্মার বিষয় বলিতেছি, তিনি দেশবাসিগণকে অজ্ঞতা ও কুসংস্কারের অন্ধকারে হীনাবস্থায় পতিত দেখিয়া

ব্যথিত হইয়াছিলেন। মানসিক ও নৈতিক অন্ধকাররূপ মহাব্যাধির প্রতিই তাঁহার হৃদয় ও মন আকৃষ্ট হইয়াছিল। এই অন্ধকার দূরীকরণ,—শিক্ষার কল্যাণকর প্রভাব বিস্তার, তাঁহার জীবনের ব্রত হইয়াছিল। এই সংকল্পসাধনार्থ তিনি হিন্দুকলেজ, স্কুল সোসাইটীর স্কুল এবং অন্য কয়েকটি বিদ্যালয়ের প্রতিষ্ঠা ও উন্নতিবিধান করেন। এতদেখে শিক্ষাবিস্তারে তিনি সর্বপ্রথম উদ্যোগী ছিলেন এবং তাঁহার নাম যে ‘শিক্ষার জন্মদাতা’ এবং ‘দেশবাসিগণের উন্নতির জন্য সর্বপ্রথম উদ্যোগী’ বলিয়া ভবিষ্যৎশীর্ষদিগের নিকট সম্মানের সহিত স্মরণীয় হইবে, তাহাতে আমার সন্দেহ নাই।”

হেয়ার স্কুল তৎকালে “স্কুল সোসাইটীর স্কুল” নামে অভিহিত হইত। স্কুল সোসাইটি ১৮১৮ খৃষ্টাব্দে স্থাপিত হয়। ইহার প্রযত্নে হেয়ারের স্কুল প্রতি অনেক স্কুল ও পাঠশালা প্রতিষ্ঠিত হয়। ডেভিড হেয়ারের স্কুল তন্মধ্যে শ্রেষ্ঠ ছিল। এই স্কুলের সর্বাপেক্ষা প্রতিভাশালী ছাত্রগণ উক্ত সোসাইটীর ব্যয়ে হিন্দু কলেজে শিক্ষার্থ প্রেরিত হইতেন। হিন্দু কলেজে শিক্ষার্থী ধনী ছাত্রগণ এই সকল ছাত্রকে বিদ্রূপ করিয়া “বড়ে” নামে অভিহিত করিতেন। রাজনারায়ণ বসু মহাশয় তাঁহার আত্মচরিতে লিখিয়াছেন—“কেন ‘বড়ে’ বলিত তাহা নিশ্চয় করা কঠিন। হেয়ার সাহেব তাঁহার স্কুল হইতে তাহাদিগকে বড়ের মতন কলেজে চালাইয়া দিতেন, এইজন্য কিম্বা বালকেরা দরিদ্র বলিয়া তাহার কলেজের বড়মানুষ ছাত্রদিগের কল্পনামুসারে বড়ি ভাতে দিয়া ভাত খাইয়া তাহাদিগের বড়মানুষ সমাধারী অপেক্ষা সকাল সকাল কলেজে আসিতে সমর্থ হইত, এই বলিয়া তাহারা উক্ত বড়মানুষ ছাত্রদিগের নিকট হইতে তাহাদিগের নিকট অগৌরব কিন্তু প্রকৃতরূপে গৌরব-সূচক এই উপাধি লাভ করিয়াছিল কি না তাহা বলিতে পারি না।”

১৮৬৭ খৃষ্টাব্দে সমাজবিজ্ঞান সভায় (Bengal Social Science Association) পঠিত “বাল্যশিক্ষা” নামক প্রবন্ধে এই সকল ছাত্রগণের সম্বন্ধে কিশোরীচাঁদ বাহা লিখিয়াছেন তাহার ভাবানুবাদ নিম্নে প্রদত্ত হইল—

“এই সকল ছাত্র তাঁহাদিগের কলেজের সহপাঠীদিগকে প্রতিযোগিতায় পরাস্ত করিয়া বিশেষ সূখ্যাতি অর্জন করিতেন। তাঁহারা ই সমস্ত সম্মান প্রাপ্ত হইতেন এবং যে সকল ছাত্র বেতন দিয়া পড়িতেন তাঁহাদিগের অপেক্ষা ইহঁরাই কলেজের গৌরববর্দ্ধন করিতেন। ইহার কারণ, ইহঁাদিগের অপেক্ষাকৃত দারিদ্র্য, নিম্ন বিদ্যালয়ে অর্জিত পরিশ্রমের অভ্যাস, পারিতোষিক বৃত্তি প্রভৃতির উদ্বীপক প্রলোভন। ইহঁরা সুপরিচালিত উচ্চ বিদ্যালয়ের নির্দোষিত বালক। ইহঁরা তাঁহাদিগের স্কুলে অন্যান্য সহাধ্যায়িগণকে প্রতিযোগিতায় অতিক্রম করিয়াছেন এবং ইহঁাদিগের জ্ঞানার্জনে অতৃপ্ত আকাঙ্ক্ষা জন্মিয়াছে। অপরপক্ষে হিন্দুকলেজের যে সকল ছাত্র আদি হইতে তথায় বেতন দিয়া পড়িতেন তাঁহারা বিলাসের ক্রোড়ে চিরলালিত। সুতরাং যাহারা বিদ্যার্জন ঐশ্বর্য ও ষণোলাভের একমাত্র উপায় বলিয়া উপদিষ্ট হইয়াছেন—সেই সকল পরিশ্রমী ‘বড়ের’ (হেয়ারের ছাত্রগণের) নিকট বিলাসী ও আমোদপ্রিয় বালকগণ যে প্রতিযোগিতায় পরাস্ত হইবেন ইহাতে আর আশ্চর্য্য কি ?”

প্রতিভাবান ছাত্র কিশোরীচাঁদ হেয়ারের স্কুল হইতে হিন্দুকলেজে উচ্চ শিক্ষার জন্য প্রেরিত হইলেন। ইহার অব্যবহিত পূর্বেই গবর্ণমেন্ট একটি নূতন শিক্ষাপদ্ধতির অনুমোদন করিয়া এতদ্দেশে ইংরাজী সাহিত্য ও বিজ্ঞান প্রচারের অপূর্ণ সুযোগ প্রদান করেন। পূর্বে কোর্ট অব ডাইরেক্টর্সের আদেশানুসারে যে দশ সহস্র পাউণ্ড

শিক্ষার জন্য ব্যয়িত হইত তাহার অধিকাংশই দেশীয় সাহিত্য-চর্চা ও সাহিত্য-প্রচার জন্য নির্ধারিত ছিল। এতদেশের Board of Education কিছু পূর্বে দুই ভাগে বিভক্ত হইয়াছিল। কয়েকজন সদস্য সংস্কৃত, আরবা প্রভৃতি প্রাচ্য ভাষার প্রচারার্থী ছিলেন এবং অপর সদস্যগণ পাশ্চাত্য ভাষার প্রচারার্থী ছিলেন। প্রাচ্যভাষাপ্রচারার্থীরাই প্রথমে . বিজয় লাভ করেন। কিন্তু ১৮৩৫ খৃষ্টাব্দে যখন লর্ড মেকলে অপর পক্ষে যোগদান করিলেন তখন পাশ্চাত্যভাষাপ্রচারার্থীরাই জয়ী হইলেন। মেকলে তাঁহার ২রা ফেব্রুয়ারি (১৮৩৫) তারিখের সুপ্রসিদ্ধ মন্তব্যে লিখিলেন,—“যে কোন উৎকৃষ্ট যুরোপীয় পুস্তকালয়ের একটি মাত্র আলমারী সমগ্র সংস্কৃত ও আরব্য সাহিত্যের সমতুল্য।” তিনি এই সুদীর্ঘ মন্তব্যের উপসংহারে আরও বলিলেন, “হ্যা স্পষ্ট প্রতীক্ষমান হইতেছে যে, আমরা ১৮১৩ খৃষ্টাব্দের পার্লামেন্টের বিধি দ্বারা শৃঙ্খলাবদ্ধ নহি, আমরা প্রকাশ বা অপ্রকাশ কোনও প্রতিজ্ঞা দ্বারা বদ্ধ নহি, আমরা আমাদের ধনভাণ্ডার যেক্ষেপে ইচ্ছা ব্যবহার করিতে পারি ; যাহা জানা আবশ্যক তাহারই শিক্ষা দিবার জন্য আমাদের ইচ্ছার ব্যবহার করা কর্তব্য ; সংস্কৃত অথবা আরবী ভাষা অপেক্ষা ইংরাজী শিক্ষার প্রয়োজনীয়তা অধিক ; দেশবাসিগণ ইংরাজী শিক্ষা করিতে সমুৎসুক ; ধর্ম অথবা ব্যবহারশাস্ত্রের ভাষা বলিয়া সংস্কৃত অথবা আরবী ভাষা প্রচার করিবার বিশেষ কাবল বিন্যমান নাই ; এতদেশীয় লোকদিগকে ইংরাজীতে সুপাণ্ডিত করা সম্ভব ; এই উদ্দেশ্যে আমাদের সকল চেষ্টা প্রযুক্ত করা উচিত।”

বড়লাট লর্ড উইলিয়ম বেন্টিন্জ ইহাতে এই মন্তব্য লিপিবদ্ধ করেন—

“১। সপার্বদ গবর্ণর জেনারেল বাহাদুর শিক্ষাসমিতির সম্পাদক

কর্তৃক প্রেরিত বিগত ২১শে ও ২২শে জানুয়ারি তারিখের পত্রদ্বয় এবং তৎসংশ্লিষ্ট কাগজপত্রাদি মনোযোগের সহিত আলোচনা করিয়াছেন।

২। বড়লাট বাহাদুর এই সিদ্ধান্তে উপনীত হইয়াছেন যে, ভারতবাসিগণের মধ্যে যুরোপীয় সাহিত্য ও বিজ্ঞান প্রচার করিলেই ব্রিটিশ গবর্ণমেন্টের মহৎ উদ্দেশ্য সাধিত হইবে। এবং তিনি বিবেচনা করেন যে, শিশুর জন্য যে অর্থ নির্দিষ্ট আছে তাহা ইংরাজা শিক্ষায় প্রয়োগ করাই প্রেরক্ষ্য।

৩। কিন্তু সপার্বদ বড়লাট বাহাদুরের এমত অভিপ্রায় নহে যে, যতদিন দেশবাসিগণ দেশীয় সাহিত্য ও বিজ্ঞান শিক্ষার জন্য সযুগ্মক থাকিবে ততদিনের মধ্যে দেশীয় পাঠশালা বা উচ্চ বিদ্যালয়সমূহ তুলিয়া দেওয়া হইবে। অতএব সপার্বদ বড়লাট বাহাদুর আদেশ দিতেছেন যে, শিক্ষাসমিতির তত্ত্বাবধানে যে সকল বিদ্যালয় বর্তমানে পরিচালিত হইতেছে সে সকলের ছাত্র ও শিক্ষকগণ পুঙ্খের ন্যায় বৃত্তি পাইবেন। কিন্তু শিক্ষাব্যবস্থা ছাত্রগণের সাহায্যার্থে যে বৃত্তি প্রদানের প্রথা বর্তমানে প্রচলিত আছে সপার্বদ বড়লাট বাহাদুর সে প্রথার সমর্থন করিতে অক্ষম। তাঁহার বিশ্বাস যে, যে প্রথায় অধুনা শিক্ষা প্রদত্ত হয়, সেই প্রথা প্রাকৃতিক নিয়মানুসারে অনার্যবধ অধিকতর আবশ্যক প্রণার দাবা অধিকাবদ্রষ্ট হইবে এবং উচ্চ বৃত্তি প্রদানের একমাত্র ফল এই হইবে যে, সেই সকল অপ্রয়োজনীয় বিষয়ের অধ্যয়নে অস্বাভাবিক উৎসাহ প্রদান করা হইবে। অতএব তিনি আদেশ দিতেছেন যে, অতঃপর যে সকল ছাত্র এই সকল বিদ্যালয়ে প্রবিষ্ট হইবেন তাহারা কোনও প্রকার বৃত্তি প্রাপ্ত হইবেন না এবং যখন কোনও প্রাচ্য-বিদ্যার অধ্যাপক তাঁহার কন্ম হইতে অবসর গ্রহণ করিবেন,

শিক্ষাসমিতি গবর্ণমেন্টের তাঁহার বিদ্যালয়ের অবস্থা ও ছাত্রসংখ্যার একটি বিবরণ পাঠাইবেন, এবং গবর্ণমেন্ট তাঁহার স্থলে নূতন অধ্যাপক নিযুক্ত করিবার প্রয়োজনীয়তাসম্বন্ধে বিচার করিবেন।

৪। সপার্বদ গবর্ণর জেনারেলের গোচরে আসিয়াছে যে, শিক্ষা-সমিতি প্রাচ্য সাহিত্যাদি বিষয়ক পুস্তকের মুদ্রণ ও প্রচারে বহু অর্থ ব্যয় করিয়াছেন। সপার্বদ বড় লাট বাহাদুর আদেশ দিতেছেন যে, অতঃপর উক্ত কার্যে আর অর্থ ব্যয় করা হইবে না।

৫। সপার্বদ বড় লাট বাহাদুর আদেশ দিতেছেন যে, এই সকল সংস্কার সাধিত হইলে যে অর্থ উদ্ধৃত হইবে, শিক্ষাসমিতি সেই সমস্ত অর্থ অতঃপর দেশবাসিগণের মধ্যে ইংরাজী ভাষার সহায়তায় ইংরাজী সাহিত্য ও বিজ্ঞান প্রচারার্থ প্রয়োগ করিবেন এবং বড়লাট বাহাদুর সনিতিকে এতদর্থে অতি শীঘ্র একটি শিক্ষাপদ্ধতিবিষয়ক প্রস্তাব প্রেরণ করিতে অনুরোধ করিতেছেন।”

যখন এই অবধারণ অনুসারে কার্য আরম্ভ হইল, যখন প্রতীচ্য জ্ঞানের অক্ষয় ভাণ্ডার এতদেশীয় ছাত্রগণের সম্মুখে উন্মুক্ত করা হইল, ঠিক সেই সময়ে অনুপম উৎসাহ ও অতৃপ্ত জ্ঞানাকাজ্ঞা লইয়া কিশোরীচাঁদ হিন্দুকলেজে প্রবেশ করিলেন।

হেয়ার স্কুলে তাঁহার যে অসামান্য অধ্যবসায়, তীক্ষ্ণ বুদ্ধি ও প্রতিভা লক্ষিত হইয়াছিল, হিন্দু কলেজে উহার তৎকালীন অধ্যক্ষ কাপ্তেন ডেভিড লেষ্টার রিচার্ডসন শীঘ্রই তাহা দেখিতে পাইলেন। কিশোরী চাঁদ ডি-এল-রিচার্ডসনের একজন প্রিয়তম ছাত্র বলিয়া পরিগণিত হইলেন। বিদ্যালয়ের পাঠ্য পুস্তক ব্যতীত অন্যান্য খাতনামা ইংরাজ লেখকগণের গ্রন্থাবলী কিশোরীচাঁদ রিচার্ডসনের তত্ত্বাবধানে পাঠ করিতে লাগিলেন। রিচার্ডসন একজন সুপণ্ডিত, সুলেখক, সুকবি



ডেভিড্‌ লেষ্টার্‌ রিচার্ডসন
(কোলম্‌ওয়ার্‌দি গ্রান্ট অঙ্কিত বেখাচিত্র হইতে)

হুস্বেদ শী ও সমালোচক ছিলেন। তাঁহার আবৃত্তিশক্তিও অসাধারণ ছিল। বহুদর্শী সমালোচক লর্ড মেকলে তাঁহার সেক্সপিয়র আবৃত্তি শুনিয়া বলিয়াছিলেন, “আমি ভারতবর্ষের কল কথা বিস্মৃত হইতে পারি, কিন্তু আপনার সেক্সপিয়র পাঠ কখন ভুলিতে পারিব না”। কিশোরীচাঁদ ইঁহার নিকট কেবল ভাষা শিক্ষা করিলেন না; ইংরাজী আবৃত্তি-শক্তিও সঞ্চয় করিলেন। এই উচ্চারণের বিস্তৃততা গভীর জ্ঞানের সহিত সম্মিলিত হইয়া উত্তরকালে কিশোরীচাঁদের বক্তৃতাগুলিকে শ্রোতা-মাত্রেরই অত্যন্ত হৃদয়গ্রাহী করিয়া তুলিত।

অধিকাংশ সাহিত্যসেবীর ন্যায় কিশোরীচাঁদ গণিতশাস্ত্রে তাদৃশ পারদর্শী ছিলেন না। কিন্তু তিনি ইংরাজী সাহিত্যে তাঁহার সহপাঠি-গণের সহিত প্রতিযোগিতায় স্বস্থান অধিকার করিতেন এবং প্রতি বৎসর কলেজের পারিতোষিক ও ছাত্রবৃত্তিগুলি অধিকার করিতেন। তাঁহার বার্ষিক পরীক্ষায় লিখিত একটি রচনা বিশপ উইলসন কর্তৃক গবর্ণমেন্ট হৌসে পারিতোষিক বিতরণকালে পঠিত হয় এবং বাঙ্গালার তদানীন্তন চীফ জুষ্টিস সাব এডওয়ার্ড রায়ান এই বালকের অদ্ভুত প্রতিভা দেখিয়া বিস্মিত হন।

কিশোরীচাঁদের সতীর্থ ও সামসময়িক ছাত্রগণের মধ্যে প্যারীচরণ সরকার, রাজনাবায়ণ বসু, আনন্দকৃষ্ণ বসু, মাইকেল মধুসূদন দত্ত, ভূদেব মুখোপাধ্যায়, শ্রীরাম চট্টোপাধ্যায় (৬প্রেমচাঁদ তর্কবাগীশের কনিষ্ঠ ভ্রাতা), জগদীশনাথ রায়, যোগেন্দ্রচন্দ্র ঘোষ, রাজেন্দ্র দত্ত, ভোলানাথ চন্দ্র, জানেন্দ্রমোহন ঠাকুর এবং গৌরদাস বসাকের নাম বিশেষভাবে উল্লেখযোগ্য।

কিশোরীচাঁদ বাল্যকাল হইতে অত্যন্ত বন্ধুবৎসল, পরভ্রম্ভকাতর ও উচ্চমনা ছিলেন। শুনা গিয়াছে যে, স্বীয় পরিশ্রমার্জিত ছাত্রবৃত্তি

হইতে তিনি অনেক দরিদ্র জ্ঞানপিপাসু সহপাঠীর বিদ্যালয়ের বেতন দিয়া সাগাধা করিতেন। হিন্দুকলেজের উচ্চশ্রেণীতে পাঠকালে তিনি সিমুনিয়া দাতব্য বিদ্যালয়ে বিনা বেতনে দরিদ্র বালকগণকে শিক্ষা দিতেন।

১৮৩৮ খৃষ্টাব্দে ১২ মার্চ তারিখে তারিণীচরণ চট্টোপাধ্যায়, রামগোপাল বোষ, রামতনু লাগিডী, তারারাঁদ চক্রবর্তী এবং রাজকৃষ্ণ দে মহোদয়দিগের প্রস্তাবে সংস্কৃত কলেজে একটি সভার অধিবেশন হয়। ইহাতে এতদ্বৈদীয়া যুবকবৃন্দের মানসিক উন্নতির জন্য “নামধারণ জ্ঞানোপার্জিকা সভা” (Society for the Acquisition of General Knowledge) নামক একটি সভা প্রতিষ্ঠা করা স্থিরীকৃত হয়, এবং ঐ বৎসর ১৬ই মে তারিখে উক্ত সভা কার্য্য প্রারম্ভ করেন। প্রতি মাসে একটি অধিবেশন হইত এবং সুধাবৃন্দ বিবিধ বিষয়ে বক্তৃতা ও আলোচনাদি করিতেন। মহাত্মা ডেভিড হেরার উক্ত সভার সভাপতি হন। জ্ঞানপিপাসু কিশোরীচাঁদ উক্ত সভায় প্রাবল্য হইতেই উহাতে যোগদান করেন এবং উক্ত সভার দ্বিতীয়বার্ষিকী কার্য্যবিবরণী হইতে দৃষ্ট হয় যে, তিনি উক্ত সভায় মাসিক অধিবেশনে ১৮৪০ ও ১৮৪১ খৃষ্টাব্দে “সত্য” ও “শিক্ষিত দেশবাসিগণের বর্তমান অবস্থা ও ভবিষ্যৎ আশা” শীর্ষক দুইটি মনোহর ইংরাজী প্রবন্ধ পাঠ করেন। উক্ত কার্য্যবিবরণীর ভূমিকায় লিপিত আছে যে, উক্ত প্রবন্ধদ্বয় লেখকের বিশেষ বুদ্ধিমত্তার পরিচায়ক।

অনুমান ১৮৪১ খৃষ্টাব্দে * কিশোরীচাঁদ শিক্ষা সমাপ্ত করিয়া হিন্দু কলেজ পরিত্যাগ করেন। এই বৎসরের হিন্দুকলেজের পুরস্কার

* বাজনাওয়ণ বাণু তাঁহার আয়ত্নবিধে বলেন যে, যে বৎসর তিনি প্রথম শ্রেণীতে উন্নীত হন সেই বৎসর কিশোরীচাঁদ হিন্দুকলেজ পরিত্যাগ করেন।

বিতরণসভার কার্যবিবরণী দৃষ্টে প্রতীত হয় যে কিশোরীচাঁদ ইংরাজী প্রবন্ধ রচনায় শীর্ষস্থান অধিকার করিয়া তদানীন্তন গবর্ণর জেনারেল লর্ড অক্‌ল্যান্ডের নিকট হইতে প্রথম পুৰস্কার প্রাপ্ত হন। পাঠকগণের অবগতির জন্য এই কার্যবিবরণীর কিয়দংশ নিম্নে উদ্ধৃত হইল :—

(At the Hindu College Prize Distribution of 1841 held at the Town Hall)

“One of the boys of the First Class—Kissory Chand Mittra—was then called upon to read an essay entitled “Travels and enterprises considered with regard to Hindus” which he had been summoned to compose at a time when he was perfectly unprepared for it, and no assistance had been afforded to him from books &c. He wrote it in the presence of Dr. Wise, the secretary. It was a very creditable production and we were happy to see the infamous system of the Dhurmo-Sobha touched up. It was styled a diabolical system, the suppression of which reflected great credit on those who had done so. The same young man had answered in writing several questions from Grecian, English, Indian and Scotch histories. These also reflected great credit to the student, Lord Auckland awarded him the first prize which consisted of some dozen books of great value,” (“Friend of India” 4th March 1841, reported from ‘Calcutta Courier’ of 25 February 1841)

আজিকার শিক্ষিত ব্যক্তিগণ বিশ্ববিদ্যালয় প্রতিষ্ঠার পূর্ববর্তী যুগের শিক্ষিত পূর্বপুরুষদিগের প্রতি নাসিকা কুঞ্চিত করিতে পারেন ; কিন্তু হায়, সে শিক্ষায় ও আজিকার শিক্ষায় কত প্রভেদ ! ১৮৭৩ খৃষ্টাব্দে সুপণ্ডিত লালবিহারী দে তৎসম্পাদিত ‘বেঙ্গল ম্যাগেজিন’ নামক মাসিক পত্রিকায় “কিশোরীচাঁদ মিত্র” শীর্ষক প্রবন্ধে এই বিষয়ে লিখিয়াছিলেন—

“আমাদের সাহিত্যসেবকগণের মধ্যে একজন অগ্রগণ্য ব্যক্তি চলিয়া গেলেন। বাবু কিশোরীচাঁদ মিত্র যে সম্প্রদায়ের শিক্ষিত বাঙ্গালী ছিলেন—ঐহাদিগের সংখ্যা দিন দিন হ্রাস হইয়া আসিতেছে। বিশ্ববিদ্যালয় প্রতিষ্ঠার পূর্ববর্তী যুগের ব্যক্তিগণ নানা বিষয়ে কলিকাতা বিশ্ববিদ্যালয়ের গ্রাজুয়েটগণ অপেক্ষা অধিকতর উন্নতচেতা, অধিকতর পবিত্র রুচিসম্পন্ন, ইংরাজী সাহিত্যের ভাবে অধিকতর প্রভাবাপন্ন এবং সাহিত্যসেবায় অধিকতর যত্নশীল ছিলেন। ইহা বিশ্বয়ের বিষয় যে, অক্সফোর্ড ও কেম্ব্রিজের সম্মানপ্রাপ্ত ব্যক্তিগণ কতক শিক্ষিত আমাদের কলেজের ছাত্রগণ নিকটতর প্রবন্ধ লিখিয়া থাকেন। এই কুফল আমাদের আধুনিক শিক্ষাপদ্ধতির দোষেই উৎপন্ন হইয়াছে বলিয়া বোধ হয়। বর্তমান শিক্ষাপদ্ধতির প্রধান উদ্দেশ্য ছোট ছোট বালকগণের ক্ষুদ্র মস্তিষ্কের ভিতর ব্যাকরণের শুদ্ধ কঠোর স্বত্র, শব্দের নীরস ধাতু ও প্রত্যয়, বিশ্ববিদ্যালয়ের বাজারে প্রচলিত অর্থপুস্তকে লিখিত গ্রন্থের মর্ম্ম (যাহা হইতে গ্রন্থকারের সমস্ত ভাব উবিয়া গিয়াছে) এবং সরল ভাষায় অনুদিত বা সংস্কৃত প্রাচীন গ্রন্থ অনুপ্রবিষ্ট করিয়া দেওয়া। বিশ্ববিদ্যালয় প্রতিষ্ঠার পূর্ববর্তী যুগের ব্যক্তিগণ ইংরাজী সাহিত্য উপভোগ করিতেন, বর্তমান কালের যুবকগণ পরীক্ষাহলে যাহা প্রয়োজনীয় তদ্যতীত অন্য কিছুই পাঠ করেন না। সুতরাং



পত্নী—কৈলাসবাসিনী

এক্ষণে জ্ঞানলাভের জন্য যে জ্ঞান অর্জিত হয় না ইহাতে আর বিশ্বাসের কারণ কি ?”

অনেক চিন্তাশীল ব্যক্তি উক্ত মন্তব্য বোধ হয় আজিও সমর্থন করিবেন। পূর্বোল্লিখিত “বঙ্গে শিক্ষা বিস্তার” বিষয়ক প্রবন্ধে কিশোরীচাঁদ যথার্থই বসিয়াছেন যে, আমাদের বিশ্ববিদ্যালয়ের শিক্ষাপদ্ধতি “বুদ্ধি-যন্ত্র নিৰ্ম্মাণের উপযোগী—বুদ্ধিমান মনুষ্য গঠনের নহে”।

কুশাগ্র বুদ্ধি, তীক্ষ্ণ প্রতিভা ও শিক্ষামার্জিত স্মৃতি নইয়া উচ্চতম-ভাবে প্রণোদিত যুবক কিশোরীচাঁদ কিরূপে বিশাল কর্মক্ষেত্রে প্রবেশ করিলেন তাহাই পরপরিচ্ছেদে বর্ণিত হইবে। কিন্তু এই পরিচ্ছেদ সমাপ্তির পূর্বে কিশোরীচাঁদের জীবনের একটি ঘটনা লিপিবদ্ধ করা উচিত। হিন্দু কলেজ পরিত্যাগেব কিয়ৎকাল পূর্বে কিশোরীচাঁদ রাজপুরনিবাসী ৬গোরাচাঁদ ঘোষ মহাশয়ের বুদ্ধিমতী, সুশীলা ও সুন্দরী কন্যা কৈলাসবাসিনীর সহিত পরিণয়স্থত্রে আবদ্ধ হন। কিশোরীচাঁদের দাম্পত্য জীবন অতি সুখময় হইয়াছিল।

চতুর্থ পরিচ্ছেদ

সাধনা

আমরা ইংরাজী শিক্ষার সহিত ক্রমে ক্রমে জাতীয়তা বিসর্জন দিতেছি। সুপ্রসিদ্ধ পাণ্ডিত কাউয়েল ১৮৬১ খৃষ্টাব্দে বেথুন সভায় বলিয়াছিলেন, “ভারত কেবল পাশ্চাত্য জগতের অনুকরণ করিবে না (অনেক হিন্দু তাহাই করিতে প্রস্তুত)—যেন জাতীয়তাবহীন হিন্দু-গঠনই আমাদের শিক্ষার উদ্দিষ্ট ফল। ইহা ভারতবর্ষের পক্ষে যথার্থ কল্যাণকর হইবে না। প্রাচ্য প্রাচ্য থাকিবে—প্রতীচ্য-শিক্ষা তাহার নিম্নে থাকিবে, ইহাই ভারতবর্ষের কাম্য।” কিশোরীচাঁদ ইংরাজী সাহিত্যরসে আজীবন বিতোর ছিলেন, ইংরাজী সমাজে সর্বদা মিশিতেন, এমন কি সময়ের প্রভাবে তিনি অনেক বিষয়ে ইংরাজের গুণ অনুকরণ করিয়াছিলেন; কিন্তু আমাদের গৌরবের কথা—তিনি ইংরাজী শিক্ষার সহিত জাতীয়তা বিসর্জন দেন নাই। তাঁহার জীবনের প্রতি পর্বে হিন্দুজাতীয়তার চিহ্ন পরিফুট। সেই আধ্যাত্মিক সরলতা ও নির্ভীকতা, মহত্ত্ব ও উদারতা, অনুপম সাধনা ও আত্মত্যাগ, তাঁহার জীবনের প্রতি অঙ্কে দেখিতে পাই। মহত্ত্ব কোনও জাতির একচেটিয়া নহে বটে কিন্তু হিন্দুর ইতিহাসে যে নিষ্কাম কাম্য, সাধিক দান, কঠোর সাধনার মহিমোজ্জ্বল উদাহরণ দেখিতে পাওয়া যায়, আমাদের বিশ্বাস তাহা পৃথিবীর আর কোনও জাতির ইতিহাসে পাওয়া যায় না।

শিক্ষিত কিশোরীচাঁদ বিদ্যালয় পরিত্যাগের সঙ্গে সাহিত্য-চর্চা ত্যাগ করিলেন না, কিম্বা আপনার স্বার্থাশেষণে ব্যাপৃত হইলেন না



ডাক্তার আলেকজান্ডার ডফ্

বা আপনাকে বিলাসসাগরে মজ্জিত করিলেন না। প্যারীচাঁদের সহবাসে থাকিয়া এই অল্প বয়সেই তিনি বুঝিতে পারিয়াছিলেন, শিক্ষিত ব্যক্তির দায়িত্ব কত অধিক, দেশের অবস্থা কত শোচনীয়, দেশ তাঁহার নিকট কি চাহে,—তিনি দেশের জন্য কি করিতে পারেন। অজ্ঞতার অন্ধকারে দেশবাসী নিদ্রিত, কুৎসিত লোকাচারে উদারতম ধর্ম সঙ্কুচিত, কুসংস্কারের নিগড়ে সমাজ দৃঢ়রূপে আবদ্ধ। দেশের লোক আপনার রাজনৈতিক অধিকার বুঝে না, বুঝিতে চাহে না, রাখিতে জানে না, রাখিতে পারে না। এই অজ্ঞতার অন্ধকারে জ্ঞানের আলোক বিস্তার করিবার ভার কাহার উপর? এই সঙ্কীর্ণতায় পূর্ণ ধর্মকে প্রসারিত করিবার ভার কাহার উপর? এই সমাজের সম্বন্ধে কলঙ্ক মোচনের ভার কাহার উপর? এই রাজনৈতিক অধিকার অর্জন, রক্ষা ও বৃদ্ধি করিবার ভার কাহার উপর?—নুষ্টিমেয় শিক্ষিত যুবকের উপর। শত বাধা, শত বিপত্তি অতিক্রম করিতে হইবে কিসের দ্বারা?—উৎসাহ, উদ্যম, অধ্যবসায় ও আত্মত্যাগের দ্বারা। কিশোরীচাঁদ দেশের কল্যাণের জন্য কঠোর সাধনা আরম্ভ করিলেন। রামমোহন রায় প্রমুখ ব্যক্তিগণের জীবন তাঁহার আদর্শ হইল।

এই সময়ে একজন পবিত্রচেতা, উদারহৃদয় মহাত্মার সহিত কিশোরীচাঁদ পরিচিত হইলেন। তিনি আর কেহই নহেন চিরস্মরণীয় ডাক্তার আলেক্সান্ডার ডফ। যে অদম্য উৎসাহ ও অসাধারণ একাগ্রতা লইয়া এই তেজস্বী ধর্মযাজক এদেশে শিক্ষাবিস্তার ও নৈতিক উন্নতিসাধনের জন্য প্রযত্ন করিতেছিলেন তাহা কিশোরীচাঁদ লক্ষ্য করিলেন—মুগ্ধ হইলেন। তিনি অবিলম্বে ডাক্তার ডফের মহৎ উদ্দেশ্য উপলব্ধি করিলেন এবং তাঁহাকে শিক্ষাবিস্তারে সহায়তা

করিতে কৃতসংকল্প হইলেন। ডফের বিদ্যালয় প্রতিষ্ঠিত হইল। কিশোরীচাঁদ সেই বিদ্যালয়ে বিনা বেতনে শিক্ষাদান করিতে স্বীকৃত হইলেন এবং কিয়ৎকাল শিক্ষকতা করিলেন। এই সময়ে ডাক্তার ডফের সহিত তাঁহার সম্বন্ধ আরও ঘনিষ্ঠ হইল এবং ডফ কিশোরীচাঁদের একজন প্রধান বন্ধু ও মঙ্গলাকাজক্ষী হইলেন। এই বন্ধুত্ব তিরদিন অক্ষুণ্ণ ছিল এবং কি সম্পদে কি বিপদে ডাক্তার ডফের উপদেশ, সহায়ত্ব ও উৎসাহ তাঁহার হৃদয়ে নব আশা নব বল সঞ্চারিত করিত। যিনি বাল্যে প্যারীচাঁদ কর্তৃক, কৈশোরে ডেভিড হেয়ার কর্তৃক, এবং যৌবনে আলেকজান্ডার ডফ কর্তৃক জীবনের দায়িত্ব ও কর্তব্য সম্বন্ধে উপদ্রষ্ট হইয়াছেন, তিনি যে উত্তরকালে অসাধারণ কস্মবীর বলিয়া অক্ষয় যশ অর্জন করিবেন তাহাতে আর বিশ্বয়ের কারণ কোথায় ?

কিশোরীচাঁদ এই সময় হইতেই সাহিত্যসেবা আরম্ভ করিলেন। তিনি প্রথমে ‘বেঙ্গল হরকরা’ নামক বিখ্যাত দৈনিক সংবাদপত্রে ক্ষুদ্র ক্ষুদ্র প্রবন্ধাদি লিখিতে আরম্ভ করেন; পরে ১৮৪২ খৃষ্টাব্দে এপ্রিল মাসে ‘বেঙ্গল স্পেক্টেটর’ নামক দ্বিভাষীপত্রিকা প্রকাশিত হইলে প্যারীচাঁদ মিত্র, তারারচাঁদ চক্রবর্তী, রামগোপাল ঘোষ প্রভৃতির সহিত তিনিও এই পত্রিকার নিয়মিত লেখক হন এবং অনেকগুলি মনোহর প্রবন্ধ দ্বারা উক্ত পত্রিকা অলঙ্কৃত করেন।

১৮৪২ খৃষ্টাব্দে ১লা জুন তারিখে দেশের অকৃত্রিম বন্ধু “এদেশে ইংরাজী শিক্ষার পিতা” ডেভিড হেয়ার তাঁহার অসংখ্য ছাত্রকে শোকসাগরে নিমগ্ন করিয়া ইহলোক পরিত্যাগ করিলেন। ডেভিড হেয়ারের সহিত কিশোরীচাঁদের কিরূপ মৈত্রী সম্বন্ধ ছিল তাহা পূর্বপরিচ্ছেদে উল্লিখিত হইয়াছে এবং এই ঘটনা কিশোরীচাঁদের

ভরূপ হৃদয়ে কিরূপ আঘাত করে তাহা সহজেই অনুমিত হইতে পারে। হেয়ারের দেহ সমাধিস্থ হইলে তাঁহার অসংখ্য হিন্দু ভক্ত কর্তৃক স্মৃতিস্তম্ভ, প্রস্তরমূর্তি ও স্মৃতিফলক নির্মিত ও স্থাপিত হইল।

কিশোরীচাঁদ এই সকল অনুষ্ঠানে আন্তরিকতার সহিত যোগদান করিয়াই ক্ষান্ত হইলেন না; পরন্তু বাহাতে বৎসর বৎসর তাঁহার পবিত্র স্মৃতি পূজিত হয়, নবীনযুগের ছাত্রগণের হৃদয়ে তাঁহার মহৎ-জীবনের পুণ্যকর্মগুলি সর্বদা জাগরূক থাকে ও উন্নততাবগুলি প্রতিফলিত হয় এতদুদ্দেশ্যে স্বীয় ভবনে হেয়ারের বন্ধু ও ভক্ত-গণকে আহৃত করিয়া হেয়ার বার্ষিক উৎসব সমিতি গঠিত করিলেন।

কিশোরীচাঁদ ইহার প্রথম সম্পাদক হইলেন। এই সমিতির উদ্যোগে প্রতি বৎসর ১লা জুন তারিখে হেয়ার-স্মৃতিসম্মিলনীতে ভারতবাসী-দিগের মানসিক বা নৈতিক উন্নতিসম্বন্ধীয় কোনও বিষয়ে বক্তৃতা প্রদত্ত বা প্রবন্ধ পাঠিত হইত। ১৮৪৬ খৃষ্টাব্দে রাজকর্মানুরোধে কলিকাতা ত্যাগকাল পর্য্যন্ত কিশোরীচাঁদ এই সমিতির সম্পাদক ছিলেন এবং পরে পুনরায় ১৮৫৪ খৃষ্টাব্দে কলিকাতার ম্যাজিষ্ট্রেটের পদ লাভ করিয়া প্রত্যাগমন করিলে উৎসাহের সহিত যোগদান করেন। তিনি নিজে এই বাৎসরিক স্মৃতিসম্মিলনীতে কয়েকটি মনোহর প্রবন্ধ পাঠ করেন। যথা;—১৮৬২ খৃষ্টাব্দে “Hindoo College and its Founder”, ১৮৬৪ খৃষ্টাব্দে “The Medical College and its first Secretary” এবং ১৮৭০ খৃষ্টাব্দে “Memoirs of Dwarkanath Tagore.” তিনি কয়েকবার উক্ত সম্মিলনীতে সভাপতির আসন গ্রহণ করিয়াও কয়েকটি সুন্দর হৃদয়গ্রাহী বক্তৃতা প্রদান করেন। হেয়ারের পুণ্যস্মৃতি কিশোরীচাঁদ আজীবন ভক্তি, স্নেহ ও কৃতজ্ঞতার সহিত হৃদয়ে ধারণ করিয়া রাখিয়াছিলেন।

ইহার কয়েক মাস পরেই কিশোরীচাঁদ আর একটি শোকের ভীষণ আঘাত প্রাপ্ত হইলেন। ১৮৪২ খৃষ্টাব্দে ২৬ শে অক্টোবর (১১ই কার্তিক ১২৪৯ বঙ্গাব্দ) দিবসে তাঁহার পিতা রামনারায়ণ ইচ্ছলোক পরিত্যাগ করিলেন। পূর্বেই বলা হইয়াছে, তিনি পিতাকে দেবতার মত ভক্তি করিতেন। কিশোরীচাঁদের সহধর্মিণী কর্তৃক লিখিত একটি অসমাপ্ত জীবন-চিত্র হইতে দৃষ্ট হয় যে, এই দুর্ঘটনায় কিশোরীচাঁদের কোমল হৃদয় এত আঘাত প্রাপ্ত হয় যে, এই শোক-সংবাদ কর্ণগোচর হইবামাত্র তিনি মুচ্ছিত হইয়া পড়েন। তাঁহার নবীন হৃদয় তখন ও নিরুৎসাহ হইয়া পড়িল।

কিন্তু তাঁহার মানসিক অবসাদ অধিক কাল স্থায়ী হইল না। মহাত্মা ডক্ তাঁহার যুবক বঙ্গুর এই অবসাদপূর্ণ নিশ্চেষ্টভাব দর্শন করিয়া তদ্রূপীকরণাভিপ্রায়ে সান্ত্বনাপূর্ণ উপদেশাদি দ্বারা তাঁহাকে পুনরায় কর্মজীবনে উদ্বীপ্ত করিয়া তুলিলেন। এই সময়ে ডাক্তার ডফের উপদেশে কিশোরীচাঁদ প্রাকৃতিক ধর্মবিজ্ঞানানুশীলনে প্রবৃত্ত হইলেন। ইহাতে তাঁহার মন পুনরায় সুস্থ হইল। পুনরায় মানব-জীবনের দায়িত্ব তাঁহার মনশ্চক্ষুর সম্মুখে সমুদিত হইল। বাহাতে প্রত্যেক মানবের প্রতি প্রত্যেকের প্রেম এবং সর্বোপরি সেই “একনেবাদিতীয়ম্” পরমেশ্বরের প্রতি অমুরাগ উদ্বীপ্ত হয়, তজ্জন্য তিনি সচেষ্ট হইলেন এবং এতদ্ভেদে ১৮৪৩ খৃষ্টাব্দে ১০ই ফেব্রুয়ারী দিবসে স্বীয় ভবনে Hindu Theo Philanthropic Society নামক বিশ্বপ্রেমোদ্দীপনী সভা প্রতিষ্ঠা করিলেন। এই সভায় বিবিধ সম্প্রদায়ের সাধু ও সত্যপ্রিয় ব্যক্তি বোণদান করেন। তন্মধ্যে ডাক্তার ডফ, কৃষ্ণমোহন বন্দ্যোপাধ্যায়, অক্ষয়কুমার দত্ত, রামগোপাল বোষ, ঈশ্বরচন্দ্র গুপ্ত ও প্যারীচাঁদের নাম উল্লেখযোগ্য। এই সভায় প্রতি

নাসে একটি করিয়া অবিবেশন হইত এবং তাহাতে ইংরাজী অথবা বাঙ্গালা ভাষায় ঈশ্বরের প্রকৃতি ও গুণ এবং নীতি ও ধর্মবিষয়ক প্রবন্ধাদি পঠিত হইত।

এই সভার প্রকৃতি ও উদ্দেশ্য ১৮৪৪ খৃষ্টাব্দে প্রকাশিত এই সভার পঠিত “প্রবন্ধাবলীর” * ভূমিকার নিম্নলিখিত অনুবাদ হইতে প্রতীয়মান হইবে।

“হিন্দু বিশ্বপ্রেমোদ্দীপনী সভার কার্যানির্বাহকসমিতি এই সভার প্রকৃতি ও উদ্দেশ্য সম্বন্ধে কয়েকটি কথা বলা প্রয়োজনীয় বোধ করেন। ভারতের নবজীবন যে তাহার নৈতিক ও ধর্মসম্বন্ধীয় উন্নতির প্রতি যত্নবান না হইলে সম্ভবপর নহে, প্রত্যেক চিন্তাশীল ব্যক্তির মনে এই যে সত্যটি অপ্রতিহতভাবে উথিত হইতেছে—ইহাই এই সভার জন্মহেতু।

“১৮৪৩ খৃষ্টাব্দে ১০ই ফেব্রুয়ারী দিবসে দেশবাসীর নৈতিক উন্নতির সর্বোৎকৃষ্ট উপায় নির্ধারণের জন্য সমবেত কতিপয় এতদদেশীয় বন্ধুবর্গ কর্তৃক এই সভা প্রতিষ্ঠিত হয়। ইহার উন্নতির বিপক্ষে বহুবিধ প্রবল এবং দেশের বর্তমান অবস্থায় সকল প্রকার মহৎ এবং সংকার্যের অবিচ্ছেদ্য বাধাবিপত্তি সত্ত্বেও এইরূপে প্রতিষ্ঠিত এই ক্ষুদ্র সমবায় উন্নতি লাভ করিয়াছে এবং এক্ষণে চিরস্থায়ী ও কল্যাণপ্রদ অনুষ্ঠান হইবে বলিয়া মনে হইতেছে। নৈতিক ও ধর্মবিষয়ক সাধনার আবশ্যকতা ও উপকারিতা যে শিক্ষিত হিন্দুগণের মধ্যে অন্ততঃ কয়েক জনও

* Discourses read at the Meetings of the Hindu Theo-Philanthropic Society, Vol. I, Calcutta. P. S. D. Rozario & Co 1844.

কার্য্যতঃ সমর্থন করেন, গত বর্ষের কার্য্যবিবরণী তাহার আনন্দজনক নিদর্শন।

“হিন্দু পৌত্তলিকতা বিনষ্ট করা এবং ঈশ্বর, পরলোক, সত্য ও মৃত্যু সম্বন্ধে যুক্তিসম্মত ও উন্নত অভিমত প্রচার করাই সভার উদ্দেশ্য। হিন্দুগণকে পরমাত্মা এবং সত্যরূপে ঈশ্বরকে পূজা করিতে শিক্ষা দেওয়া এবং তাঁহাদিগের সৃষ্টিকর্ত্তা, স্বজাতীয়গণ এবং আপনাদিগের প্রতি যে সকল নৈতিক ও পবিত্রতম কর্ত্তব্য আছে, তাহা পালন করান ইহার অভিলষিত উদ্দেশ্য।

“ইহা স্মরণ রাখা উচিত যে, যে সকল সত্য প্রচার করা ইহার উদ্দেশ্য, সে সকল কোনও ধর্ম্মাবলম্বীদিগের স্বীকৃত সত্য বা মিথ্যার উপর নির্ভর করিবে না; পরন্তু সমগ্র মানবজাতির নৈসর্গিক বিশ্বাসের অনুযায়ী হইবে। যদিও সকল ধর্ম্মমত হইতে পৃথক্, তথাপি এই সত্যগুলি, বলিতে কি, সকল ধর্ম্মবিশ্বাসের মূল। এই বিশ্বের যে একজন স্রষ্টা ও নৈতিক শাসনকর্ত্তা আছেন, মানবের মধ্যে এমন যে কিছু আছে যাহা দেহপিঞ্জর ভঙ্গ হইলেই বিনাশ পায় না এবং চিরস্থায়ী, পুণ্যের সহিত যে মৃত্যু এবং পাপের সহিত যে দুঃখ অবিচ্ছেদ্যভাবে জড়িত, এই সকল সত্যই সভ্য এবং অসভ্য উভয় জাতিরই ধর্ম্মের প্রধান উপদেশ, মূলতত্ত্ব। এতদ্দেশের সাধারণ দেশবাসিগণ কর্ত্তক এই সকল মত কার্য্যতঃ স্বীকার করা ভারতের যথার্থ হিতৈষীদিগের আনন্দের কারণ না হইয়া থাকিতে পারে না।

“এই সভার উদ্দেশ্য, ঈশ্বর এবং মানবের প্রতি প্রেম বৃদ্ধি করা। ইহার নামেই সে উদ্দেশ্য স্বপ্রকাশ। সকল ধান্মিক এবং সহৃদয় ব্যক্তি যে ইহার উদ্দেশ্যে গভীর সহানুভূতি প্রকাশ করিবেন তাহাতে সন্দেহ নাই।

“এই সভার মাসিক অধিবেশন হইয়া থাকে এবং তথায় ইংরাজী ও বাঙ্গালা প্রবন্ধাদি পঠিত হয়। ধর্ম ও নীতিবিষয়ক বাঙ্গালা গ্রন্থ প্রণয়ন ও প্রকাশ, ঐ বিষয়ক সংস্কৃত ও বাঙ্গালা গ্রন্থের পুনর্মুদ্রণ এই সভার উদ্দেশ্যসাধনের অন্যতম উপায় বলিয়া অবলম্বিত হইয়াছে।

“এই সভার উদ্দেশ্য এত উদার যে অঙ্গদেশস্থ সকল শিক্ষিত যুরোপীয় ও ভারতীয় যে ইহাতে আন্তরিক সহায়ত্ব প্রকাশ করিবেন এই আন্তরিক আশা করা যায়।

“কলিকাতা, ১লা অক্টোবর ১৮৪৪।”

এই সভার উদ্দেশ্য কিশোরীচাঁদ কর্তৃক লিখিত প্রথম প্রবন্ধে আরও বিস্তৃতভাবে বর্ণিত হইয়াছে। “কলিকাতা রিভিউ” পত্রের ৩য় সংখ্যার ডাক্তার ডক্‌সমালোচনা প্রসঙ্গে বলেন,—“সকল প্রবন্ধগুলির মধ্যে এই প্রবন্ধটি কয়েক বিষয়ে অতি শক্তিশালী এবং উৎকৃষ্ট বলিয়া বোধ হয়। * * * অধিকন্তু এই রচনাব মধ্যে যে আন্তরিকতা প্রকাশ পাইতেছে—তাহা আমাদের বর্তমান তুমার-শীতল ঔদাসীন্যের মধ্যে একটি মনোমুগ্ধকর ব্যাপার। মাহুষের মধ্যে যে বুদ্ধিবৃত্তির ন্যায় ধর্ম ও নীতিশক্তিও নিহিত আছে, এবং উহার ন্যায় এগুলিরও চর্চা এবং বর্দ্ধন করা উচিত, এই মহান্ অথচ সত্যত উপেক্ষিত সত্যটি এইরূপ স্পষ্টভাবে বর্ণিত হইয়াছে।

মাহুষের প্রকৃতির আলোচনা করিলে ইহা স্পষ্টই প্রতীয়মান হয় যে, তাহান মধ্যে বুদ্ধিবৃত্তি হইতে সম্পূর্ণ বিভিন্ন আরও কিছু আছে। সে কেবল বুদ্ধিমান নহে; পরন্তু ধর্ম ও নীতি-প্রবণ জীব। সে ঈশ্বর, স্বজাতি এবং আপনার নিকট তিন প্রকার সম্বন্ধে আবদ্ধ। প্রথম সম্বন্ধে ভক্তি, দ্বিতীয়ে পরোপকারিতা এবং তৃতীয়ে হিতাহিত-জ্ঞান দ্বারা সে বিভূষিত। মাহুষের হৃদয়ে ঈশ্বরের হস্ত দ্বারা ভক্তি ও

প্রীতির বীজ উপ্ত হইয়াছে ; কিন্তু কর্ষণ না করিলে তাহা বিকশিত ও ফলপ্রসূ হইতে পারে না। আমাদের ধর্ম ও নৈতিক বৃত্তিসকল এবং প্রেমের বিকাশই আমাদের জীবনের প্রধান কর্ম। কিন্তু কিরূপে ইহা সম্পূর্ণ হইতে পারে? নিশ্চয়ই কেবল বুদ্ধিবৃত্তি বিকাশের দ্বারা নহে? না—বুদ্ধিবৃত্তিগুলির চর্চা করা ধর্ম ও নৈতিকবৃত্তি বিকাশের সহিত এক নহে। প্রথমেই সহিত শেষবৃত্তিগুলি অবিচ্ছেদ্য ভাবে জড়িত নহে। শিক্ষাসমিতি কর্তৃক অগুস্ত শিষ্যপদ্ধতি যদিও ভারতবর্ষের পরমোপকারী ফলসমূহ প্রসব করিতে পারে; তথাপি ইহা শিক্ষার ধর্মার্থ উদ্দেশ্যসমূহ যথেষ্টভাবে লাভ করিতে অসমর্থ। ইহার নষ্টিকের সহিত সম্বন্ধ আছে—হৃদয়ের সহিত নহে। ইহার সহিত বুদ্ধিবৃত্তিযুক্ত মানুষের সম্বন্ধ আছে নৈতিক ও ধর্মবৃত্তিসম্পন্ন মানুষের সম্পর্ক নাই। কিন্তু মানুষ কেবল বুদ্ধিবৃত্তি দ্বারা অধিত জীব নহে; নীতি এবং ধর্মপ্রবণ জীব অর্থাৎ অতি সুন্দর বিকাশক্ষম করুণা ও মেহাভিষিক্ত জীব—এই পার্থিব জগৎ, এমন কি, আকাশের অসীম-তার মধ্যে ঘূর্ণায়মান সূর্য্য এবং গ্রহসমূহ বিনাশপ্রাপ্ত হইলেও বাহারা জীবিত থাকিবে সেই অমরত্বলাভের জন্য নির্দিষ্ট জীব হইয়া আমাদের নৈতিক ও ধর্মবৃত্তিসমূহের উৎকর্ষ সাধনে অবহেলা করার ন্যায় আমাদের জীবনের মহান উদ্দেশ্যের ঠিক বিপরীত কার্য আর কিছুই করিতে পারি না। এই সভার সংগঠন যে আমাদের নৈতিক ও ধর্মবৃত্তিসমূহের পরিপুষ্টি ও উৎকর্ষ সাধনের সহায় হইবে তাহা স্বীকৃত হইবে। আমাদের উদ্দেশ্য সাধনের ইহা একটা উৎকৃষ্ট উপায়। সংমিলিত শক্তি ও উদ্যম আশ্চর্য্য সাধন করিতে পারে।’

“যে সকল উচ্চ শিক্ষাপ্রাপ্ত ব্যক্তি অন্ততঃ মনে মনে হিন্দুধর্মের ভাবাবহ কুসংস্কারসমূহ ত্যাগ করিয়াছেন, তাঁহারাও কোনও প্রেষ্ঠতর

ধর্ম অবলম্বন অথবা অন্বেষণ করিতে কোনও চেষ্টা করিতেছেন না, এই অথও সত্যটি এইরূপ সুন্দরভাবে স্বীকৃত ও শাস্ত্রভাবে প্রদর্শিত হইয়াছে।

‘আমাদের দেশের বর্তমান অবস্থার পর্যালোচনা করিলে একদিকে শিক্ষার অনন্ত শক্তিসমুদ্রুত মহান পরিবর্তন সকল দেখিয়া আমরা বিস্মিত হই, অপরদিকে শিক্ষিত অথবা তথাকথিত শিক্ষিত দেশবাসিগণের মধ্যে সর্বপ্রকার ব্যবহারিক ধর্মের অভাবের শোচনীয় চিত্র দেখিতে পাই। * * * বর্তমান কালের এই সকল স্বাধীনপ্রকৃতিক পুরুষগণের, দেশের তথাকথিত সংস্কারকগণের জানা উচিত যে, তাঁহাদিগের জ্ঞান, অজ্ঞানতমসচ্ছন্ন, জনসাধারণ হইতে তাঁহাদিগের উন্নীত স্বপ্নসাত্র—কল্পনামাত্র। যদি কুসংস্কারের শৃঙ্খল হইতে মুক্ত হইবার সমস্ত তাঁহাণা তাঁহাদিগের ধর্মবৃত্তিসমূহের বিকাশের জন্য, পরমেশ্বরের অদ্ভুত সৃষ্টি-বৈচিত্র্যের মধ্যে পরিদৃশ্যমান তাঁহার শক্তি ও মঙ্গলোচ্চার বিষয় অনুধাবন করিয়া তাহার সম্বন্ধে জ্ঞান অজ্ঞান ও বিস্তারার্থে সেইরূপ আগ্রহ প্রকাশ করিতেন, তাহা হইলে তাঁহারা জাতির গৌরব, দেশের আলোক বলিয়া অভিনন্দিত হইতেন। কিন্তু ধর্মচর্চায় তাঁহাদিগের অবহেলা ও ঔদাসীন্যের বিষয় চিন্তা করিলে তাঁহাদিগের লৌকিক ধর্ম ত্যাগ সম্ভব বলিয়া বোধ হয় না এবং তাঁহাদিগকে শ্রেষ্ঠত্ব প্রদান না করিয়া তাঁহাদের কুসংস্কারাপন্ন দেশ-ভ্রাতৃগণ অপেক্ষা নিম্নতর আসনে স্থাপন করিতে হয়। সাধারণ দেশবাসিগণের সত্য হউক, মিথ্যা হউক, একটা ধর্ম আছে। তাহাদের সংকার্যসাধনেচ্ছার সম্পূর্ণ অভাব নাই—কুসংস্কার তাহাদিগকে সং-কার্যসাধন হইতে বিরত করে না। তাহাদের নরকে অর্থাৎ ঈশ্বরের শাস্তি ও সুবিচারে বিশ্বাস তাহাদিগকে পুণ্যকর্ম প্রণোদিত ও

পাপানুষ্ঠান হইতে বিরত করে। কিন্তু আমাদের কতিপয় শিক্ষিত বন্ধু (আমি ব্যক্তিগত অভিজ্ঞতা হইতে বলিতেছি) একেবারে পরলোকে অবিশ্বাস করেন এবং আমাদের সকল আশা এবং আকাঙ্ক্ষা ইহলোকেই আবদ্ধ করিয়া রাখিতে চাহেন। * * *'

“নৈতিক ও ধর্মবিষয়ক সংস্কারের নেতৃগণ বাহা সামাজিক ও রাজনৈতিক উন্নতি হইতে অবিচ্ছেদ্য বলিয়া নির্ধারণ করেন, জাতীয় উন্নতির সম্বন্ধে এই প্রবন্ধরচয়িতা সেই সকল গম্ভীর ও শাস্ত্র মতসমূহ গ্রহণ করিয়াছেন দেখিয়া আমরা আনন্দিত হইয়াছি। রাজনীতিক সংস্কার যে ভারতের ভ্রান্তি ও ভারতের বিষম রোগসমূহের একমাত্র মহৌষধ, এইরূপ স্বপ্ন বাহারা দেখিয়া থাকেন, তাঁহাদিগের ন্যায় ভয়ানক মতিভ্রম বোধ হয় আর কাহারও ঘটে নাই এবং একজন শিক্ষিত হিন্দু কর্তৃক এই সকল সঙ্গীর্ণ ও ভ্রান্তিজনক মতের অবিকর্তা এবং পোষকগণকে কিছু স্বাধীনভাবে এইরূপে যথোচিত নিন্দিত হইতে দেখা কিছু আশ্চর্য্য ও আনন্দের বিষয়।

‘আমরা গবর্ণমেন্টের অবিচারের কথা বলি। আমরা আমাদের লিডনহল স্ট্রীটের প্রভুগণের স্বার্থপর ও পক্ষপাতী নীতির কথা উত্থাপিত করি। আমরা দেশের রাজনীতিক হীনতার কথা বলি। কিন্তু নিশ্চয় জানিবেন যে দেশের নবজীবন-প্রদানরূপ মহৎ কার্য্য কেবলমাত্র রাজনীতিক উন্নতির দ্বারাই অমুষ্ঠিত হইতে পারে না। আমাদের দেশ বহুবিধ রোগে আক্রান্ত, এবং আমাদের রাজনীতিক অপেক্ষা নৈতিক রোগই অধিক। এতদ্বারা এমন বুঝিবেন না যে, রাজনীতিক সংস্কারে আমাদের সহায়ত্ব নাই। বরঞ্চ ইহার বিপরীত। আমাদের বণিক্রাজ্যগণের—আমাদিগের যৌথসম্রাটগণের সঙ্গীর্ণ ও ভ্রান্তিজনক নীতির প্রতিবাদ করিতে, বাণিজ্যে তাঁহাদিগের লবণ ও

আফিমের আধিপত্য বন্ধ কবিত্তে, তাঁহাদিগের শাসনবিষয় একাধিপত্যের বিকল্পে প্রতিবাদ কবিত্তে আমি সর্বাপেক্ষা উৎসুক। তাহা হইলে দেশবাসিগণ অবাধবাণিজ্যের স্বফল লাভ করিবার পারেন এবং তাঁহাদিগের প্রাপ্য দায়িত্বপূর্ণ ও উচ্চ পদসমূহ অধিকার করিতে পারেন। আমার স্থির বিশ্বাস যে, ভারতকে নবজীবন প্রদান করিতে হইলে, উন্নত কবিত্তে হইলে, তাহার প্রতি রাজনীতিক সুবিচার করা অন্যতম প্রধান উপায়—ভাবতবর্ষ যে সকল রাজনীতিক ব্যবস্থায় কষ্ট পাইতেছে, সে সকল হইতে তাহাকে মুক্ত করা, রাজনীতিক অনধিগম্য পঞ্চ তাগাব সম্ভানগণকে মুক্ত করিয়া দেওয়া—শেষ সন্দেহ ৮৭তম নিয়মে যে উদার মত প্রকাশিত হইয়াছে, তাহা প্রবর্তিত কবা—তাঁহাদিগকে দেশশাসন কার্যে নিযুক্ত করা, স্বৈচ্ছিক উচ্চ আসন দূর করিয়া এবং বর্ণনিষিদ্ধে কার্য্য দেখিয়া পুরস্কার প্রদান পূর্ব্বক অন্ধস্বার্থপরতা জনিত চিহ্নিত এবং সাধাবণ রাজকন্মের পার্থক্য দূর করা। আমি পুনশ্চ বাণ, উচ্চ নৈতিক শিক্ষা, ধর্ম্ম ও নীতিবিষয়ক ভাবসমূহের চক্কা, কুসংস্কার ও কুনীতিব বিনাশ, দেশবাসীর মধ্যে ঈশ্ববসম্বন্ধে বিশুদ্ধ এবং উন্নত মতসমূহ বিস্তার এবং যে ধর্ম্মে তিনি একই আরাধ্য দেবতা, এই শিক্ষা দেয়, সেই ধর্ম্ম দেশবাসিগণ কর্তৃক গ্রহণের উপায় বিধান ব্যতীত দেশে নবজীবন প্রদান অসম্ভব। লোককে নীতি ও ধর্ম্মবিষয়ে স্বাধীনতা প্রদান কবন, লোক পুনর্জীবন লাভ কবিবে। নীতি ও ধর্ম্মবিষয়ে স্বাধীনতা প্রাপ্ত ও পুনর্জীবিত ভারত, আধ্যাত্মিক দাসত্ব হইতে বিমুক্ত ভারত, যে কুসংস্কারে প্রতিমা-পূজা এবং এক নিবাকার ঈশ্ববকে তেত্রিশ কোটি ভাগে বিভাগ করিতে প্রণোদিত করে, ব্রাহ্মণগণের সেই কুসংস্কারে নিমগ্ন অবস্থা হইতে মুক্ত ভারত অপ্রতিহতভাবে এবং দ্রুতগতিতে উন্নতির সোপানে

উঠিবে এবং সভ্যতা ও স্বাধীনতার গুণ এবং অধিকারে বিভূষিত হইবে।’

এই সভা কর্তৃক প্রকাশিত প্রাণুল্লিখিত “প্রবন্ধাবলীতে” নিম্নলিখিত ইংরাজী ও বাঙ্গালা প্রবন্ধ সম্মিষিট ছিল :—

1. Discourse read at the Inaugural Meeting of the Hindu Theophilanthropic Society.

2. পরমেশ্বরের শক্তি ও দয়া।

3. The Goodness of the deity manifested in a leaf.

4. The system of Philosophy inculcated in the Bhagavat Geeta.

5. On the Bhagavat Geeta.

6. ব্রহ্মোপাসনায় আনন্দ।

7. The power, Wisdom and Goodness of the deity as displayed in the organisation of the Zoophyte.

8. নীতিজ্ঞান।

9. On Hinduism as it is.

10. The Phenomena of reproduction—an argument for the goodness of God and the immortality of the soul.

11. ষথার্থ প্রেম এবং ভক্তিদ্বারা পরমেশ্বরের উপাসনা করা কর্তব্য।

12. The association of virtue with happiness and of vice with misery—an argument for the goodness of the deity.



রেভারেণ্ড কৃষ্ণমোহন বন্দ্যোপাধ্যায়
(কোলসুওয়াদি গ্রান্ট অঙ্কিত বেথার্চিহইতে)

13. On the Immortality of the soul as inculcated in the Hindu religion.

14. পরোপকার।

15. Conformity and Nonconformity.

বাসালা প্রবন্ধগুলির প্রায় সমস্তগুলিই মহাত্মা অক্ষয়কুমার দত্ত, মহর্ষি দেবেন্দ্রনাথ ঠাকুর ও কবিবর দ্বৈধবচ্ছর গুপ্তের মধ্যে কাহারও রচিত বলিয়া বোধ হয়। ইংরাজী প্রবন্ধগুলির অধিকাংশ সভার প্রতিষ্ঠাতা ও সম্পাদক কিশোরীচাঁদের লিখিত। “On the Bhagavat Geeta” এবং “Conformity and Nonconformity” প্রবন্ধ দুইটি রেভারেন্ড কৃষ্ণমোহন বন্দ্যোপাধ্যায়ের রচিত। ইহার প্রথমটি কিশোরীচাঁদের “On the System of Philosophy inculcated by the Bhagavat Geeta”র প্রত্যুত্তর। এই প্রবন্ধে গীতা হইতে বহুদূর পর্য্যন্ত শ্লোক উদ্ধৃত করিয়া এবং গীতাব প্রধান প্রধান উপদেশগুলির ব্যাখ্যা করিয়া কিশোরীচাঁদ প্রতীচ নীতিকারগণের উপদেশের সহিত তুলনায় সমালোচনা করিয়া গীতার শ্রেষ্ঠত্ব প্রতিপন্ন করেন। উপসংহারে তিনি বলেন :—

“সত্য বটে, গীতার উপদেশ আমাদেরকে এত উচ্চ নৈতিক আদর্শের প্রতি লক্ষ্য রাখিতে শিক্ষা দেয় যে, বর্তমান অবস্থার মানব-প্রকৃতিতে ততদূর উন্নতি অসম্ভব। কিন্তু ইহাতে কি আহসে যায় ? চরম উৎকর্ষ লাভই কি আমাদেরই জীবনের লক্ষ্য হওয়া উচিত নহে ? যাহা উচ্চ, যাহা কঠিনসাধ্য তাহারই অনুসরণ করিতে মানবকে উত্তেজিত করা উচিত নহে কি ? এই প্রচেষ্টাই কি তাহা প্রচ্ছন্ন শক্তিকে বিকশিত করে না ? আদর্শের সহিত তাহাব যে গভীর জদয়োন্মাদ কারী সম্বন্ধ আছে তাহাই কি তাহার সাবনার শক্তিপ্রদান করে না

এবং প্রথমে যে সকল বাধাবিপত্তি অনতিক্রমণীয় বোধ হয় তাহা লঙ্ঘন করিতে সামর্থ্য প্রদান করে না ? যে সকল উচ্চ আশা ও আকাঙ্ক্ষা হয়ত মানবজীবনে সফল হওয়া অসম্ভব, সেই সকল আশা ও আকাঙ্ক্ষাই কি সর্বশক্তিমান মঙ্গলময় বিধাতার প্রদত্ত মানবহৃদয়ের স্নানর ও আশ্রয় মনোবৃত্তিসমূহ বিকশিত করিতে সাহায্য করে না ? ইংলণ্ডের কোনও স্নপসিক্সা লেখিকা বলেন :—“আলস্য ও ইন্দ্রিয়সুখা-সক্তির সহিত সামঞ্জস্য রাখিবার নিমিত্ত আধুনিক নীতিকারগণ যেক্ষপ মানবের তৈতিক আদর্শ গৌরব করিয়াছেন প্রাচীন নীতিকাবগণ লেক্ষপ করেন নাই, ইহা প্রত্যক্ষ কবয়া তাঁহাদিগের প্রতি আমার শ্রদ্ধার উদ্রেক হয়। তাঁহারা কখনও সনগ্র মানবজাতিকে গিব্য প্রদান করিবার অভিলাষ বাবেন নাই, বরঞ্চ সংসার হইতে যতদূরে সম্ভব ততদূর অবস্থান কবিতেন। তাঁহারা সবা ভাষায় বলিয়া দিেন, ক্রীষ্ণ আত্মত্যাগ প্রয়োজন এবং তাহা হইতে ক্রীষ্ণ সাক্ষ লাভ সম্ভব। যদি তুমি তদজ্ঞান লাভ করিতে চাও—একপ সাধনার প্রয়োজন; এই এই ক্রিয়ানুষ্ঠান আবশ্যক, দ্বিতীয় পথ নাই। যদি তুমি না করিতে পার, অজ্ঞাননিশেব সমাজে প্রবেশ কবা।”

The Immortality of the Soul as inculcated in Hindu Religion নামক প্রবন্ধও কিশোরীচাঁদ বেদবেদান্ত, গীতা ও বাম মোহন রায়েব গ্রন্থাবলী হইতে শ্লোকাদি উদ্ধৃত কবিয়া জীবাত্মার সহিত পবমান্দ্ৰাব সম্বন্ধ প্রদশন কবিয়া জীবাত্মাব অবিনশ্ববত্ত্ব প্রতিপন্ন করেন।

কিশোরীচাঁদ গীতার উক্ত উপদেশগুলি তাঁহাব জীবনের Motto কবিয়া লইয়াছিলেন এবং আজীবন এই সফল উপদেশানুসারে কার্য্য কবিত্তে চেষ্টা কবিয়াছিলেন।

তিনি ব্যবহারিক হিন্দুধর্মের সংস্কারপ্রার্থী ছিলেন এবং সময়ে সময়ে পৌত্তলিকতা প্রভৃতির বিরুদ্ধে তীব্র মত প্রকাশ করিয়াছিলেন। কিন্তু যথার্থ হিন্দুধর্মের প্রতি যে তাঁহার অকৃত্রিম অনুরাগ ছিল তাহা প্রাপ্ত প্রবন্ধের উদ্ধৃত উপসংহার হইতে প্রতীয়মান হইবে। একজন লেখক প্যারীটানেব সহিত কিশোরীটাদের তুলনায় সমালোচনা করিয়া বলিয়াছেন—“উভয়েই সংস্কারক ছিলেন। কিন্তু জ্যেষ্ঠভ্রাতা ধীরভাবে নীতি উপদেশ দ্বারা দেশের কুসংস্কার দূর করিতে প্রয়াস পাইতেন, কনিষ্ঠ প্রাচীন আচারনমূহের প্রতি অবজ্ঞা প্রদর্শন করিয়া অধিকাংশ লোকের হৃদয়ে আঘাত করিতেন। একজন আমাদিগের শাস্ত্র অধ্যয়ন করেন, শাস্ত্রগ্রন্থাদির প্রতি সম্মান প্রদর্শন করেন এবং রচনায় ও কথোপকথনে শাস্ত্রবাক্যের উল্লেখ করেন, অপর ভ্রাতা কেবলমাত্র বিজাতীয় ঘৃণাবশতঃ এই সকল শাস্ত্র পাঠ করা অপপ্রয়োজনীয় বোধ করিতেন।”

কিশোরীটাদ আমাদের শাস্ত্রাদি যে ঘৃণার দৃষ্টিতে দেখিতেন না, ইহা প্রমাণ করিবার জন্য বোধ হয় আমাদের আর কিছু বলা নিষ্প্রয়োজন। পুণ্যাদির গবাংশেব সত্যতাসম্বন্ধে সন্দেহ প্রকাশ করা, অর্থহীন অনুষ্ঠানপদ্ধতির সহিত সনাতন হিন্দুধর্মের সম্বন্ধ নির্ণয়ে অক্ষমতা প্রকাশ করা, হিন্দুশাস্ত্রে অশ্রদ্ধা প্রদর্শন করার সহিত একার্থ-বাচক নহে। পক্ষান্তরে যিনি গীতার উজ্জ্বল আদর্শ সম্মুখে রাখিয়া এই বিশাল কক্ষক্ষেত্রে নিকামভাবে কর্তব্য সম্পাদনে চেষ্টা করিয়া-ছিলেন, শত দোষ সত্ত্বেও তাঁহাকে যথার্থ হিন্দু বলিয়া স্বীকার করিতে আমরা কুণ্ঠিত নহি।

এই বিশ্বপ্রেমোদ্দীপনী সভা কর্তৃক প্রকাশিত প্রবন্ধাবলীর সমালোচনার উপসংহারে ডাক্তার ডক্ বগেন :—

“যখন আমরা আমাদের চতুর্দিকে নেত্রপাত করি এবং দৃষ্টিগোচর করি যে, স্বর্গকে অবজ্ঞা করিয়া এবং পৃথিবীকে কলঙ্কিত করিয়া, পরমেশ্বরের অবমাননা করিয়া এবং মানবাত্মাকে কলুষিত করিয়া, অসংখ্য মানবমণ্ডলীর দ্বারা দেবার্চনার নামে নানাপ্রকার পৈশাচিক অত্যাচার, অর্থহীন অনুষ্ঠান এবং শিশুজ্ঞানোচিত ক্রিয়াকলাপ সং-সাধিত হইতেছে, তখন অতি প্রাচীনকাল হইতে প্রচলিত মানুষের অবনতিকর কুসংস্কারের দৃঢ় নিগড় হইতে মুক্তিপ্রার্থী বিশ্বপ্রমোদীপনী সভার সভাপণের এই প্রাথমিক প্রচেষ্টা সন্দর্শন করিয়া বিষয়াবিষ্ট বা বা বিচলিত না হওয়া অসম্ভব। ইহা নিশ্চয়ই উন্নতির একটি সোপান এবং যুগপরিবর্তনকারী কয়েকটি মহাশক্তির আন্তর ও ক্রিয়াব-পরিচায়ক। এতকালের নিরজীবতার পরে নবজীবনপ্রবাহের ক্ষীণওন আশা দেখিয়া কে না আনন্দিত হইবেন? ঘৃণ্য পৌত্তলিকতার পঙ্কিলভূমি হইতে উত্থান করিবার ইচ্ছা, ক্রিয়াকলাপের অর্থহীন অভিনয় হইতে নিষ্কৃতি পাইবার ইচ্ছা, আনুষ্ঠানিক বা অনানুষ্ঠানিক নাস্তিকতার যুক্তিবদ্ধতা প্রচার করিবার আকাঙ্ক্ষা, হৃদয়নিহিত ধর্মবৃত্তি ও নৈতিকবৃত্তিসমূহের ক্ষুধা প্রদানের ইচ্ছা (ইহাই যথার্থ ভগবদ্ভক্তি) এবং অত্যন্ত পৌত্তলিক জাতির সম্মুখে ঈশ্বরকে পবনাস্রা ও সত্যরূপে পূজা কাববার ইচ্ছা—এই সকল আকাঙ্ক্ষা যতই অগ্ননাশ্রয় বিদ্যমান থাকুক, যেকোন ভাবেই পোষণ করা যাউক, যেকোন ভাবেই অনুসৃত হউক, ভবিষ্যৎ সুদিনের আশার সঞ্চয় করিবে।”

‘কলিকাতা রিভিউ’ পত্রিকায় ৩য় ভাগে ৫ম সংখ্যায় রেভারেন্ড কুমারমোহন বন্দ্যোপাধ্যায় *Transition States of the Hindu Mind* নামক প্রবন্ধে ঐক্যোপনিষদী সভা ও এই বিশ্বপ্রমোদীপনী

সভার কার্যবিবরণীর তুলনায় সমালোচনা করিয়া শেখোক্ত সভার উদারতার ও উচ্চতর আদর্শের ভূয়সী প্রশংসা করেন।

কিন্তু দুঃখের বিষয়, এই সভা অধিককাল স্থায়ী হইল না এবং ইহাতে দেশের যেরূপ কল্যাণ সম্ভাবিত হইয়াছিল তাহা আশাশ্রুয়ায়ী সাধিত হইল না। ইহার কারণ এই যে, ১৮৪৬ খৃষ্টাব্দে কলকাতা কিশোরীচাঁদ, যিনি এ সভার প্রাণস্বরূপ ছিলেন, রাজকর্ম্মানুরোধে কলিকাতা ত্যাগ করিতে বাধ্য হইলেন এবং আমাদের দেশের অন্যান্য যে সকল মঙ্গলকর অনুষ্ঠান একজন ব্যক্তির একান্ত প্রবন্ধ, উদাম ও আন্তরিকতার উপর নির্ভব করে, সে সকল যেরূপ উক্ত ব্যক্তির তিরোধানের সতি বিলুপ্ত হয়, এই সভাও সেইরূপ বিলুপ্ত হইল।

যখন কিশোরীচাঁদ অদম্য উৎসাহের সাহিত ধর্ম্মবিজ্ঞানানুশীলনে ব্যাপ্ত ছিলেন তখন তিনি দেশের অন্যান্য কল্যাণকর বিষয়ের প্রতি উদাসীন ছিলেন না। ১৮৪৩ খৃষ্টাব্দ আমাদের দেশের রাজনীতিক আন্দোলনের ইতিহাসে একটি চিহ্নস্বরণীয় বৎসর। এই বৎসরে বিখ্যাত দ্বারকানাথ ঠাকুর পার্লামেন্টের অন্যতম সদস্য, বিখ্যাত বাগ্মী ও ভারতহিতৈষী মহাত্মা জর্জ টমসনকে বিলাত হইতে এই দেশে আনয়ন করেন। ইনি রামমোহন রায়েব অন্যতম বন্ধু মিষ্টার আড্যাম কট্রক প্রাতিষ্ঠিত ব্রিটিশ ইণ্ডিয়ানসভার (British Indian Society) একজন প্রধান সভ্য ছিলেন। ভারতসম্বন্ধীয় তথ্যসংগ্রহ-মানসে এবং দেশবাসিগণকে রাজনীতিক শিক্ষা প্রদানার্থ ইনি এত-দেশে আগমন করিয়া Chuckerburty Faction * নামে অতিথিত

* Friend of India সম্পাদক Mr. Marshman হিন্দুকলেজে শিক্ষিত নব্য সংস্কারকগণকে উপহাস করিয়া "Chuckerburty Faction" নাম প্রদান করেন।

তারিচাঁদ চক্রবর্তী প্রমুখ নব্য বঙ্গদিগের নিকট রাজনীতিক শিক্ষাপ্রদ কয়েকটি অতি উৎকৃষ্ট বক্তৃতা প্রদান করেন। শ্রদ্ধাস্পদ পণ্ডিত শিবনাথ শাস্ত্রী বলেন, “বেমন চুষ্টকে লোহা লাগিয়া যায়, তেমনি রামগোপাল ঘোষ, তারিচাঁদ চক্রবর্তী, প্যারীচাঁদ মিত্র প্রভৃতি জর্জ টমসনের সহিত মিশিয়া গেলেন।”

ফৌজদারী বালাখানায় প্রদত্ত ইহার কয়েকটি বক্তৃতার উল্লেখ করিয়া Friend of India সম্পাদক মার্শম্যান বলেন, “এখন ছই দিকে বজ্রধ্বনি হইতেছে; পশ্চিমে বালাহিনারে ও কলিকাতায় ফৌজদারী বালাখানায়।” টমসনের বক্তৃতা এতদ্বন্দ্বীয় শিক্ষিত যুবক-গণকে এক নূতন কর্ত্তব্যের প্রদর্শন করাইল। সে বক্তৃতাও কিরূপ হৃদয়োন্মত্তকারিনী। রাজা দিগম্বর মিত্রের জীবন-চরিতে ভোলা-নাথ চন্দ্র লিখিয়াছেন, “যাঁহারা পার্সিয়ামেন্টের অন্যতম সভ্য জর্জ টমসনের বক্তৃতা শ্রবণ করিয়াছেন, তাঁহারা পার্সিয়ামেন্ট সভার বক্তৃতা কিরূপ তাহার পরিচয় পাইয়াছেন। ডেভিড্ হেয়ার এ দেশে যে ক্ষেত্র প্রস্তুত করিয়া দিয়াছিলেন, জর্জ টমসন তাহাতে রাজনীতিক শিক্ষার বীজ রপন করিলেন। তাঁহার স্বদেশীয়গণ তাহাকে ‘অভাবমোচয়িতা টমসন’ নামে অভিহিত করিয়া থাকিতে পারেন; কিন্তু এতদ্বন্দ্বেষে রাজনীতিক সভাসমূহের জন্মদাতা বলিয়া তিনি আমাদের ধন্যবাদভাজন”।

বলা বাহুল্য বিংশতিবর্ষীয় যুবক কিশোরীচাঁদও এই Chucker-burty Faction-এর মধ্যে থাকিয়া টমসনের সহিত পরিচিত হইলেন এবং তাঁহারই নিকট রাজনীতিক শিক্ষার প্রথম পাঠ গ্রহণ করিলেন। টমসনের বক্তৃতার ফলে, এবং রামগোপাল ঘোষ, তারিচাঁদ চক্রবর্তী, চন্দ্রশেখর দেব, প্যারীচাঁদ ও কিশোরীচাঁদের যত্নে ১৮৪৩ খৃষ্টাব্দে



জর্জ টম্‌সন

(কোল্‌স্‌ওয়াদি গ্রান্ট অঙ্কিত বেখাচিত্র হইতে)

২০ শে এপ্রিল দিবসে বঙ্গদেশে “ব্রিটিশ ইণ্ডিয়া সোসাইটি” স্থাপিত হয়। টমসন ইহার সভাপতি ও প্যারীচাঁদ ইহার সম্পাদক নিযুক্ত হন। ১৮৪২—৪৩ খৃষ্টাব্দের Bengal Spectator পত্রে দেখা যায় যে, কিশোরীচাঁদ এই সভার অবিবেশনে মধ্যে মধ্যে প্রস্তাবাদি উত্থাপিত করিতেন।

এই সময় জন্ সালিভ্যান (John Sullivan) নামক একজন মাদ্রাজ সিভিলিয়ান ইংলেণ্ডে East Indian Stock এবং স্বত্বাধিকারিগণের নিকট প্রস্তাব করেন যে, ১৮৩৩ খৃষ্টাব্দের Charter Act এর ৮৭তম ধারা একপভাবে পরিবর্তিত করা হউক যে, শিক্ষিত ভাবতবাসিগণকে শাসনকার্যে নিয়োগ করা যাইতে পারিবে। আমাদের ব্রিটিশ ইণ্ডিয়া সোসাইটিও এই সময়ে দেশবাসিগণের কার্যক্ষমতাসম্বন্ধে বিস্তর যুক্তি প্রদর্শিত কবিয়া একটি পুস্তিকা প্রকাশ করেন। উক্ত সভার সদস্যগণ টাউনহলে একটি সভা করিয়াও সালিভ্যানকে কৃতজ্ঞতা জ্ঞাপন করিয়া একটি অভিনন্দন পত্র প্রেরণ করেন। রামগোপাল বোষ প্রমুখ অবিকাংশ শিক্ষিত ব্যক্তিই এই সভায় যোগদান ও বক্তৃতা করেন। কলিকাতার তদানীন্তন High Sheriff মিষ্টার অ্যাডাম ফ্রেয়ার স্বীয় এই সভায় সভাপতিত্ব করেন। ১৮৪৩ খৃঃ অব্দের ২৩ শে এপ্রিল তারিখের Bengal Harkuru and India Gazette পত্রে এই সভার যে কার্যবিবরণী প্রকাশিত হইয়াছিল তাহা হইতে উদ্ধৃত নিম্নলিখিত অংশ হইতে দৃষ্ট হইবে যে, কিশোরীচাঁদও এই সভায় একটি সুন্দর বক্তৃতা প্রদান কবিয়াছিলেন :—

“Raja Barodacant Roy moved the second Resolution.

‘That the following address be adopted and signed by all favorable to its object and that it be then forwarded to England for presentation to Mr. Sullivan.’
Babu Kissory Chand Mittra rose to second the resolution. We will give his able speech on a future occasion.”

সাধারণ প্রকাশ্য সভায় কিশোরীচাঁদদের এই বোধ হয় সর্বপ্রথম বক্তৃতা। দুঃখের বিষয়, আমরা এই বক্তৃতাটি সংগ্রহ করিতে পারি নাই এবং এই বিষয়ে পাঠকগণের কৌতুহল নিবৃত্তি করিতে অক্ষম।

১৮৪৪ খৃষ্টাব্দের ১০ই অক্টোবর দিবসে লর্ড হার্ডিং বাহাদুর তাঁহার শিক্ষাবিষয়ক বিখ্যাত সিদ্ধান্ত প্রকাশ করেন। ইহাতে প্রকাশ করা হয়, রাজকার্য্যে নিয়োগকালে অশিক্ষিত অপেক্ষা শিক্ষিত দেশবাসিগণকে প্রাধান্য দেওয়া হইবে। শিক্ষিত দেশবাসিগণ এই সিদ্ধান্ত প্রকাশে তাঁহাদের অকৃত্রিম আনন্দ জ্ঞাপন করিবার নিমিত্ত ১৮৪৪ খৃষ্টাব্দে ২৫শে নভেম্বর দিবসে ফ্রিচার্জ ইনস্টিটিউসনে একুটি বিরাট সভার আয়োজন করেন। ঐ বৎসরের ২৮শে নভেম্বর তারিখের Bengal Harkuru পত্রে এই সভার বিস্তৃত কার্য্যবিবরণী প্রকাশিত হইয়াছিল। দেশবাসিগণের শিক্ষার নির্মিত্ত বড়লাট বাহাদুরের আন্তরিক সহায়ত্বের জন্য দেশবাসীর কৃতজ্ঞতা-জ্ঞাপনবিষয়ক প্রথম প্রস্তাব রামগোপাল ঘোষ কর্তৃক উত্থাপিত হইলে কিশোরীচাঁদ উহার সমর্থনে যে সুন্দর বক্তৃতা পদান করেন কৌতুহলী পাঠকগণের জন্য নিম্নে তাহা উদ্ধৃত করিয়া আমরা এই পরিচ্ছেদ সমাপ্ত করিব :—

“Gentlemen, I believe I speak the sense of a large

majority of this meeting when I declare that no Governor-General came out to India with a stronger conviction that the true and legitimate object of Government is the happiness of the governed than Sir Henry Hardinge, and that no administration has opened under happier auspices than Sir Henry's. His Excellency has begun his Government by recognising the paramount duty of educating the people and is at this moment, I have reason to think, engaged in the consideration of several important measures with reference to education which will be, ere long, adopted. The Resolution of 10th October is obviously, a practical recognition of the great truth that education is the grand remedial agent for regenerating and elevating our country. That ignorance is the root of all the evils she is labouring under, cannot be doubted. You talk of the diabolical system of Mofussil Police. You talk of the crushed and prostrate energies of the great mass of your countrymen, and of their squalid misery and destitution. I admit and deplore these facts. I seek not to apologize for that cold apathy to all but the animal wants of life which characterizes them. I disguise not from myself that ages of misrule have extinguished all generous aspirations in their breasts.

But educate the people and you will find them manfully resisting the oppressions of the Zamindar. Educate the people and they will cease to be victimised by the Duroga. Educate the people and they will burst asunder those fetters by which they are now bandaged and trampled upon. The clear benevolence and enlightened statesmanship which have dictated this resolution cannot be sufficiently appreciated. The practical operation of it will be fraught with results of the last importance to our country at the same time that it would benefit the State largely by the introduction of men of superior intelligence and moral integrity into those offices which are now held by those who, as it is generally expressed, make the best of them; it cannot fail to subserve most powerfully the great cause of education. Among the formidable obstacles which oppose themselves to the progress of education in our country the absence of all connection between education and pecuniary success in the world is one of the principal. Why is it that the generous and enlightened efforts of our rulers to disseminate its blessings in the North-Western provinces have resulted in, I may almost say, utter failure and have been crowned with a

large measure of success in Calcutta and its vicinity ? Why ?—but because an acquaintance with English, and the knowledge, of which it is the vehicle, is not in the North-West, as it is, in some degree, in Calcutta, a passport to wealth and distinction. I hail therefore this resolution as, by recognizing the claims of educated, above those of uneducated, natives to Government employ, it cannot but farther the mighty work of moral and intellectual enlightenment of our countrymen. The Resolution, I have the honor of seconding embodies our thanks to the Governor-General. By adopting it, you will show and convince your friends here and elsewhere that whatever might be the faults of your national character, ingratitude to your benefactors, or an incapacity to appreciate their exertions, is not one of them.

পঞ্চম পরিচ্ছেদ

রাজকর্ম

হিন্দু কলেজ পরিত্যাগেব অবাবহিত পরেই কিশোরী চাঁদ তদানীন্তন লিগাল রিমেম্বারসার মিঃ আলেকজান্ডারের অধীনে কিয়ংকাল কার্য করিয়াছিলেন। পরে তিনি ঈষ্ট ইণ্ডিয়ান বেগওয়ার সেক্রেটারী মিষ্টার থিওবোল্ডের অধীনে কিছুদিন কার্য করেন। কিন্তু এ সকল কার্য তাহার কচির অনুরূপ ছিল না। সুতরাং তিনি এই কর্ম পরিত্যাগ করিয়া কিয়ংকাল ২৪ পবগাব তদানাত্তন প্রধান সদর আমীন, (প্যারীচাঁদেব অন্যতন পরমবন্ধু) হবচন্দ্র বোষ মহাশয়ের সহিত আলিপুর বিচারালয়ে বিচারবিভাগীয় কার্য সম্বন্ধে অন্তর্দৃষ্টি-লাভার্থ যাতায়াত করিতে লাগিলেন। এইরূপে তিনি বিচারবিভাগীয় কার্যসম্বন্ধে কিছু জ্ঞানলাভ করেন। ইহার কিছু পরে মিষ্টার হেনরা টরেন্স এনিয়টিক সোসাইটীর সহকারী সম্পাদকের কার্যেব নিমন্ত একজন উপযুক্ত লোক অনুরুদ্ধান করিতে অনুরোধ করা, প্যারীচাঁদ তাহাব ভ্রাতাব সম্মত লহয়া তাহার নাম প্রস্তাব করিলে কিশোরীচাঁদ উক্ত পদ প্রাপ্ত হন। এই কর্ম তাঁহার কচিব সম্পূর্ণ অনুরূপ ছিল এবং তাঁহার জ্ঞানচর্চায়ও বিশেষ সহায়তা করিয়াছিল। তাহাব কার্য তদানীন্তন সম্পাদক ও কার্যানির্বাহক সনিতব বিশেষ মনঃপূত হইয়াছিল।

এই সময়ে কিশোরীচাঁদ তাঁহার জীবনেব আদর্শ, উনবিংশ শতাব্দীতে ভাবতের সর্বাশ্রেষ্ঠ সংস্কারক—বাজা রামমোহন রায়েব জীবন-বৃত্তান্ত প্রণয়ন করেন। ১৮৪৫ খৃষ্টাব্দে ‘কলিকাতা রিভিউ’ পত্রের অক্টোবর-সংখ্যায় উহা প্রকাশিত হয়। ‘বেঙ্গল হরকরা’ এই প্রস্তাবের সমালোচনা প্রসঙ্গে বলেন, “We understand it is the produc-



কিশোরীচাঁদ মিত্র

tion of a young educated native and it is altogether the best account we have ever seen of Ram-mohun, especially of his early life " 'ব্ৰহ্মোত্তর' ও এই প্রবন্ধের যথেষ্ট সুখ্যাতি করেন। ভাষাব মাধুর্য্য, রচনার পাবিপাটো, যুক্তির সাববভায় ও বর্ণনার অল্পাধিক্য এই প্রবন্ধ পাঠকমাত্রেই নিকট অতি উপাদেয় বণিয়া বোব হয় এবং বাঙ্গালার তদানাতন ডেপুটী গভর্নর গুণগ্রাহী হিষ্টাব (পরে সার ফেডরিক) ছাড়া উহা পাঠ কবিতা এত প্রীত হন যে, তিনি কিশোরীচাঁদকে আশ্বাস করিয়া তাহাকে ডেপুটীম্যাজিষ্ট্রেটব পদ গ্রহণ করিতে অনুবোধ করেন। তখন এ কাহ্যে ভারতীয়গণকে প্রায় নিযুক্ত কবা হইত না এবং এই পদ অত্যন্ত সম্মানের বণিয়া বিবেচিত হইত। বিশোরীচাঁদ এই অযাচিত দায়িত্বপূর্ণ পদ গ্রহণ করিলেন। স্বর্গীয় রাজনারায়ণ বসু মহাশয়ের 'আত্মচরিতে' এই বিষয়ে লিখিত হইয়াছে, "হংরাজী ১৮৪২ সালে 'কলিকাতা রিভিউ' নামক সাময়িক পত্রিকায় প্রীকৃত কিশোরীচাঁদ মিঃ রানমোহন রায়ের জীবনী লিখেন। কিশোরীচাঁদ মিঃ বিখ্যাত টেকসাদ ঠাকুরের (প্যারিচাঁদ মিঃএর) কনিষ্ঠ ভ্রাতা। তিনি নিজেও একজন বিখ্যাত লোক। আমি যে বৎসব হিন্দু কলেজেব প্রথম শ্রেণীতে উঠি, সেই বৎসর তিনি কলেজ পড়িত্যগ করেন। তত হওয়া গিয়াছিল যে তাঁহার ঐ জীবনী-প্রণয়নে মহাত্মা ত্যাগব্রহ্মীয় বন্ধুপ্রচারক ডাক্তার ডব্লু সাহায্য করেন। ঐ জীবনী বিশোরী বাবুর সাময়িক উন্নতির কারণ হয়। তাহার ঐ লেখা বেঙ্গল গেজেটারী হেলিডে সাহেবের দৃষ্টি আকর্ষণ কবে। হেলিডে সাহেব তাঁহাকে ডেপুটী ম্যাজিষ্ট্রেটী পদ দেন। আমি উক্ত জীবনীবচনায় বিলক্ষণ সাহায্য করি। রানমোহন

রায় সম্বন্ধীয় অনেক গল্প আমার পিতার নিকট হইতে সংগ্রহ করিয়া তাঁহাকে দিই।”

ডাক্তার ডব্লু বে উক্ত প্রবন্ধরচনায় সাহায্য করেন, এই জনশ্রুতির মূলে কতদূর সত্য নিহিত আছে তাহা বিবেচ্য। ডাক্তার ডব্লু ঐ সময়ে ‘কলিকাতা রিভিউ’ সম্পাদন করিতেছিলেন। প্রাপ্ত সংখ্যায় ভারতবাসীদিগের শিক্ষা—(The Education of the People of India, its political importance and advantages) নানক একখানি পুস্তিকার সমালোচনায় ইংরাজী শিক্ষার কত দূর উন্নতি হইয়াছে ও হইতেছে তাহা প্রদর্শন করিয়া উপসংহারে তিনি স্বয়ং বলিয়াছেন :—

“And when, in the spirit of the remarks here made, we simply state that the article in the present number, on RAMMOYAN ROY is *bonafide* the production of an educated Hindu, we think we have furnished a fresh argument to the friends of sound education to persevere more earnestly than ever in their philanthropic labours.”

এই উক্তি হইতে বোধ হয় যে, কিশোরীচাঁদ ডাক্তার ডব্লু বে নিকট বিশেষ কোনও সাহায্য গ্রহণ নাই। ডাক্তার ডব্লু তৎকালে ‘কলিকাতা রিভিউ’ পত্রের সম্পাদক এবং কিশোরীচাঁদের একজন অল্পবয়সী বন্ধু ও মঙ্গলাকাঙ্ক্ষী ছিলেন। এই দুই কারণে এবং উক্ত প্রবন্ধের ভাব্য লালিত্যে ও বিস্তৃতিতে বিস্তৃত তৎকালীন ব্যক্তিবৃন্দের করুণা উক্ত জনশ্রুতির জনক বলিয়া অনুমান হয়। রাজনারায়ণ বাবুর আশ্চর্যের হইতে উক্ত অংশটির শেষ ভাগে যাহা নিখিত আছে তাহা কিশোরী-

চাঁদের প্রবন্ধবচনাসম্বন্ধে একটি বৈশিষ্ট্যের উদাহরণস্বরূপ। কিশোরী-চাঁদ কোনও বিষয়ে গিৰিবার পূর্বে তৎসম্বন্ধে যতদূর সম্ভব বিবরণ সংগ্রহ করিয়া নোটবুকে লিখিয়া রাখিতেন। বহু স্থান হইতে এবং বহু ব্যক্তির নিকট হইতে তাঁহার বচনাব উপকরণ সংগৃহীত হইত। পবে অবসর মত তিনি সেইগুলি মনোনিবেশ সহকারে দেখিতেন ও চিন্তা করিতেন। উহার অনেক পরে প্রকৃত বচনা আবদ্ধ হইত। এই জন্য কিশোরীচাঁদের ক্ষুদ্র ক্ষুদ্র পুস্তকগুলির মাধ্যমে এক-একখানি বৃহৎ গ্রন্থের উপকরণ ল্কাপ্ত আছে। অর্থাৎ তাঁহার বচনাব মাধ্যম ভাষাগুলি একপ ভাবে আবৃত আছে যে, তাহা বহু চিন্তার পর সম্বন্ধ-লিখিত বোধ না হইয়া নিগন্ত স্বাভাবিকতার সহিত গাঁথিত বলিয়া অনুমিত হয়। বাঙ্গালী ভাষার রান নাহন বাগ্গেব সর্বাংকুশে চবিত-লেখক নগেজ্জনাথ চট্টোপাধ্যায় মহাশয় এষ্ট জনাঙ্ক কিশোরীচাঁদের উক্ত সংশ্লিষ্ট জ্ঞানবগ্গাত হইতে অনেক উাকব্যা পাণ্ডু হইয়াছেন। * বলা বাজ্জনা ‘কানিকাগা নিভিত’ পদ প্রকাশিত কিশোরীচাঁদের এই সর্বপ্রথম প্রবন্ধটি সার্ভাংশে বহু ও পাবশম্বেব সর্ভিত নিশ্চিত।

প্যারীচাঁদের বর্চিত ডোঁতড্ হেরাবেব ইংবাজী জীবনচরিত হইতে প্রতীয়মান হয় যে, ১৮৪৬ খৃষ্টাব্দে ২০শে এপ্রিল তারিখসংঘনিত এক-খানি পত্রে কিশোরীচাঁদ বাজ্জাদী গননাব জন্য হেরার স্বতঃস্ভাব সম্পাদকেব পদতাগ কার্যনিম্বাহক সর্ভাংশে জ্ঞাপন কবেন। স্মৃতরাং উক্ত সময়েই যে তিনি রাজশাসীত ডেপুটি মাস্ট্রেটর পদ গ্রহণ কবিয়া প্রথম তথায় গমন কবেন তদ্বিষয়ে সন্দেহ নাই।

এই সময়ে তিনি আব একটি সাংসাবিক স্মথের অধিকারী হন।

* মহাশয় রাজা রামমোহন রাথের জীবনবৃত্তান্ত, “দ্বিতীয় বারের বিজ্ঞাপন”।

১২৫২ বঙ্গাব্দে ১লা বৈশাখ কিশোরীচাঁদ একটি পুত্র লাভ করেন। কিন্তু ইহার ঠিক এক বৎসর পরেই বৈশাখ মাসে তাঁহার পুত্র উপেন্দ্র-লাল অকালে কালগ্রাসে পতিত হন। কিশোরীচাঁদের কোমল হৃদয় পুত্রশোককে নিতান্ত কাতর হইয়া পড়ে এবং তাঁহার শিক্ষিতা সংদর্শিনী কর্তৃক লিখিত একখানি অসমাপ্ত জীবনচরিত হইতে দৃষ্ট হয় যে, তখন তিনি এতদূর শোকাচ্ছন্ন হন যে, ১০।১২ দিন শয্যাগত থাকেন এবং তিনি ও তাঁহার বন্ধু ‘নবনারী’ প্রণেতা নীলমণি বসাক মহাশয় (যাঁহার বাসায় কিশোরীচাঁদ তৎকালে অবস্থান করিতেছিলেন) উভয়ে কয়েক দিবস কোনও কার্যো হস্তক্ষেপ করিতে পারেন নাই। *

কিন্তু কর্তব্যের আহ্বান যাহার কর্ণকুহরে প্রবেশ করিয়াছে তিনি কত দিন নিশ্চেষ্ট থাকিতে পারেন? কর্মের কি মহিমা! যখন কোনও কর্মরত মহাত্মা হৃদয়েব একাগ্রতা ও আন্তরিকতার সহিত কৰ্মক্ষেত্রে প্রবেশ করেন তখন তাঁহার সাংসারিক সকল চিন্তা দূর হয়। কিশোরীচাঁদ কর্মের আহ্বান শ্রবণ করিলেন। অবসাদ অনতিবিগ্নেষে উদ্যমে পরিণত হইল। কিশোরীচাঁদ অবিচলিত উৎসাহের সহিত দেশের কল্যাণকল্পে সচেষ্ট হইলেন।

কিশোরীচাঁদ সর্ব প্রথমে রামপুর বোয়ালিয়ায় সহকারী ম্যাজি-স্ট্রেটের কর্ম প্রাপ্ত হন। রামপুরে বিদ্যালয় প্রভৃতির উন্নতিকল্পে তিনি অশেষ চেষ্টা করেন। ১৮৪৮ খৃষ্টাব্দে তাঁহার পরামর্শে বাবু লোকনাথ মৈত্র রামপুর বোয়ালিয়ায় একটি বিদ্যালয় প্রতিষ্ঠা করেন। কিশোরীচাঁদ এই স্কুলের সম্পাদক ছিলেন। তিনি কেবল বালক-গণের উন্নতিবিষয়ে যত্নবান ছিলেন না; পরন্তু বালিকাগণের শিক্ষার

* নীলমণি বাবু তৎকালে কনিষ্ঠনারায়ণ পাশনাথ অ্যাসিষ্ট্যান্ট ছিলেন।

জন্য একটি স্বতন্ত্র শ্রেণীও প্রতিষ্ঠিত করিয়াছিলেন। যে সময়ে ব্রিটিশভারতের রাজধানীতেও শিক্ষিত হিন্দুগণ বালিকাদিগকে বিদ্যালয়ে প্রেরণ করিতে ইতস্ততঃ করিতেছিলেন, যখন কন্যাকে বালিকা বিদ্যালয়ে পাঠাইয়া মদনমোহন তর্কালঙ্কারকে জাতিচ্যুত হইতে হইয়াছিল, যখন বাঙ্গালার ডেপুটী গবর্নর সার জন লিট্‌লারের ন্যায় উচ্চপদস্থ ইংরাজগণও মনে করিতেন যে বেথুনবিদ্যালয়ে বালিকাগণকে প্রদত্ত “a smattering of the teaching would lead them to immoral havits”—* সেই সময়ে সভ্যতার কেন্দ্র হইতে বহু দূরে অবস্থিত রামপুর বোয়ালিয়াতে বালিকাবিদ্যালয় প্রতিষ্ঠা যে কতদূর হুঃসাধ্য কার্য্য ছিল তাহা আজিকার দিনে অমূল্য কল্পনা অসম্ভব। ১৮৫০ খৃষ্টাব্দে এই স্কুলের দ্বিতীয় বার্ষিক পারিতোষিক বিতরণকালে কিশোরীচাঁদ কর্তৃক পঠিত কার্য্যবিবরণী হইতে উদ্ধৃত নিম্নলিখিত অংশ হইতে দৃষ্ট হইবে যে, দেশে স্ত্রীশিক্ষা বিস্তারকণ কল্যাণকর কার্য্যে স্থানীয় সম্ভ্রান্ত জমীদারগণ বিশেষ বাধা প্রদান করিয়াছিলেন।

“It now numbers six girls but the committee expect many accessions soon, several respectable natives having promised to send in their daughters. The committee are fully aware of the difficulties inseparable from the introduction of female education in this district. The prejudices of some of the most respectable zemindars here would oppose a formidable

* Private letters of the Marquess of Dalhousie Edited by J. G. A. Baird. William Blackwood and Sons, Edinburgh and London 1911.

resistance. They will have also to contend against the apathy of not only their ignorant and illiterate countrymen but many of those who appreciate it and should lend them their co-operation. The successful example, however, set by the Hon'ble Mr. Drinkwater Bethune in Calcutta is very encouraging and ought to be followed in every part of the country. The recognition of female education by Government will, they also believe, greatly facilitate the accomplishment of this great object."

কিন্তু কেবল শিক্ষাবিস্তারেই কিশোরীচাঁদেব দেশটিতে যশা নীমাবদ্ধ ছিল না। যাহাতে জনসাধারণের মনে ধর্ম্যভাব উদ্দীপ্ত হয় তদুদ্দেশ্যে তিনি ১২৫৪ বঙ্গাব্দে ফাল্গুন মাসে একটি ব্রাহ্মসমাজ স্থাপিত করেন। প্রতি বুধবারে ইহার অধিবেশন হইত। কিশোরীচাঁদ এই সভার প্রাণস্বরূপ ছিলেন এবং প্রতি সপ্তাহে ধর্ম্য ও নীতিবিষয়ক বক্তৃতাাদি প্রদান করিতেন। স্থানীয় শিক্ষিত ও সম্ভ্রান্ত ব্যক্তিমাঝেই এই সভার উপস্থিত থাকিতেন। বোধ করি, এই সভাটি Hindu Theophilanthropic Societyর আদর্শেই গঠিত হইয়াছিল। ইহার প্রকৃতি-সম্বন্ধে বিশেষ বিবরণ জানিবার জন্য আমরা কিছুকাল পূর্বে বোয়ালিয়া ব্রাহ্মসমাজের সম্পাদক মহাশয়কে পুতান কাগজপত্রাদি দেখিয়া এবং প্রাচীন ব্যক্তিগণের নিকট অনুসন্ধান করিয়া সবিশেষ তথ্যসংগ্রহ করিতে অনুরোধ করিয়াছিলাম। প্রজ্ঞানন্দ ব্রজলাল দাস মহাশয় ১৫ই জুন ১৯১০ তারিখ সম্বলিত একখানি পত্রে আমাদেরিগকে লিখিয়া-
ছিলেন—

“In compliance with your letter of the 7th ultimo, I made a thorough search in the old records of the Samaj and consulted with the old friends of the time of your great-grand-father the late Babu Kisoroy Chandra Mitra; but I regret to let you know that this Rampur Boalia Brahmo Samaj was not established by him. The late Maharshi Debendranath Tagore of Calcutta laid the foundation stone of the Samaj in 1273 B. S. Mr. Mitler was the Sub-Divisional Officer of Nator in the District; and what he did, he did possibly at Nator. He used to come here occasionally for his official business and delivered lectures in the meetings then held at the Samaj.

আমাদের বোধ হয় ব্রজলাল বাবু পুরাতন কাগজপত্রে দেখিয়া থাকিবেন যে, বাবু দেবেন্দ্রনাথ ঠাকুর ১২৭৩ সালে সমাজের ভিত্তি স্থাপন করেন এবং কিশোরীচাঁদের পুরাতন বন্ধুগণের নিকট শ্রুত হইয়া থাকিবেন যে, বোয়ালিয়া ব্রাহ্মসমাজে কিশোরীচাঁদ মধ্যে মধ্যে বক্তৃতাদি প্রদান করিতেন। কিন্তু তাঁহার পত্রাংশে পরস্পরবিরুদ্ধ বাক্য সন্নিবিষ্ট হইয়াছে। কারণ, কিশোরীচাঁদ ১২৭৩ সালের বহু পূর্বে রাজকর্ম ত্যাগ করিয়াছিলেন এবং ইহার প্রায় ২০ বৎসর পূর্বে রাজশাহীতে ছিলেন। সুতরাং তিনি সমাজে বক্তৃতা দিতেন স্বীকার করিলে ১২৭৩ সালের বহু পূর্বে সমাজের অস্তিত্ব স্বীকার করিতে হইবে। আমাদের উপরিলিখিত বিবরণ কিশোরীচাঁদের সহধর্মিণী কর্তৃক লিখিত প্রাণুলিখিত জীবনচিত্র হইতে গৃহীত; এবং তিনি

যখন সে সময়ে রাজশাহীতে ছিলেন, তখন তাঁহার লিখিত বিবরণের সত্যতাসম্বন্ধে সন্দেহ করিবার কোনই কারণ বিদ্যমান নাই। মফঃ-
স্বলস্থ অধিকাংশ ব্রাহ্মসমাজের ইতিহাসে দৃষ্ট হয় যে, তাহাদের প্রতি-
ষ্ঠার পর স্থানীয় ব্যক্তিবৃন্দের আগ্রহের অভাবে সমাজ লুপ্ত এবং পরে
পুনঃপ্রতিষ্ঠিত হয়। রামপুর বোয়ালিয়া সমাজের ইতিহাসেও এইরূপ
ঘটনা হইয়াছে বলিয়া বোধ হয়; এবং সম্ভবতঃ কিশোরীচাঁদ কর্তৃক
তথায় ব্রাহ্মসমাজ স্থাপিত হইবার পর উহা বিলুপ্ত হয় এবং পুনঃপ্রতি-
ষ্ঠিত হইলে ১৯ বৎসর পরে দেবেঙ্গনাথ কর্তৃক সমাজগৃহের ভিত্তি-
স্থাপন হয়।

রাজশাহীতে অবস্থানকালে ১৯৫৪ বঙ্গাব্দে বৈশাখ মাসে কিশোরী-
চাঁদের একটি কন্যা সম্ভান জন্মগ্রহণ করেন। তাঁহার আর কোনও
সন্তানাদি হয় নাই।

১৮৪৮ খৃষ্টাব্দে সবডিভিসন প্রণালী প্রবর্তিত হইলে কিশোরী-
চাঁদ ম্যাজিষ্ট্রেটের পূর্ণ ক্ষমতা প্রাপ্ত হইয়া নাটোর সবডিভিসনের ভার
গ্রহণ করেন।

রেভারেণ্ড লালবিহারী দে ১৮৭৩ খৃষ্টাব্দে ‘বেঙ্গল ম্যাজিস্ট্রেনে’
‘কিশোরীচাঁদ মিত্র’ শীর্ষক প্রবন্ধে লিখিয়াছিলেন,—“যে পাঁচ বৎসর
কয়েক মাস কিশোরীচাঁদ নাটোরের ডেপুটী ম্যাজিষ্ট্রেটের পদে প্রতিষ্ঠিত
ছিলেন, সেই সময়টী তাঁহার জীবনের সর্বাপেক্ষা কল্যাণকর ও গৌরব-
ময় বলিয়া আমাদের বোধ হয়। একজন উচ্চশিক্ষিত সম্ভ্রান্ত দেশবাসী
উদার মত, সর্বব্যাপী সহানুভূতি ও উচ্চতম আশা লইয়া দেশের একটি
সর্বাপেক্ষা হীনাবস্থাপন্ন জিলার শাসনভার গ্রহণ করিলেন। এই
স্থানে, অনেকে যাহা প্রাপ্ত হন না,—কিশোরীচাঁদ তাহা পাইলেন।
তাঁহার শক্তি সর্বোৎকৃষ্টভাবে এবং যাহাদিগের সহিত তাঁহার ভাগ্য

বিজড়িত হইল তাঁহাদিগের সর্বাঙ্গীন কল্যাণার্থ পরিচালন করিবার অপূৰ্ণ সুযোগলাভ ঘটিল। কিশোরীচাঁদ সে সুযোগ হারাইলেন না। প্রথম হইতেই তিনি জিলার উন্নতিকল্পে সর্বাঙ্গতঃ করণে আপনাকে নিয়োজিত করিলেন। শীঘ্রই তিনি জিলার মধ্যে একজন মহাপ্রতাপ-শালী ব্যক্তি হইয়া উঠিলেন এবং তিনি তাঁহার সমস্ত ক্ষমতা দেশবাসীর মঙ্গলার্থ ব্যয় করিতে লাগিলেন। স্বর্গীয় রাজা প্রসন্ননাথ রায়ের সাহায্যে তিনি বিদ্যালয়-প্রতিষ্ঠা, ঔষধালয়-স্থাপন, জলাশয়-খনন, পথ-নিৰ্ম্মাণ প্রভৃতি কার্যের অনুষ্ঠান করিলেন এবং দেশবাসীর শারীরিক ও সামাজিক উন্নতির জন্য সর্বপ্রকারে চেষ্টা পাইতে লাগিলেন। রাজশাহীতে তাঁহার নাম আজও সকলে স্মরণ করেন এবং বহুদিন ভক্তি ও কৃতজ্ঞতার সহিত স্মরণ করিবেন।”

নাটোরে অবস্থানকালে কিশোরীচাঁদের সহিত দীঘাপতিয়ার রাজা (তখন বাবু) প্রসন্ননাথ রায়ের বনিষ্ঠতা ভ্রমে। অতি শুভকণ্ঠে এই দুই জনের বন্ধুত্ব সংঘটিত হইয়াছিল। দুই জনের সম্মিলিত চেষ্টায় রাজশাহী কয়েক বৎসরের মধ্যে ছেয়তম অবস্থা হইতে দেশের একটি সর্কাপেক্ষা উন্নতিশীল জিলায় পরিণত হইয়াছিল। প্রসন্ননাথ যথার্থই একজন মহাত্মা ছিলেন। রাজশাহীর রাজগণ “(Rajas of Rajachye)” নামক প্রসিদ্ধ ঐতিহাসিক গ্রন্থে কিশোরীচাঁদ তাঁহার সম্বন্ধে যথার্থই বলিয়াছিলেন,—

“The un-elfish life of the Raja, devoted to patriotic objects, challenges our unqualified admiration. The ancestors of Raja Prasanna Nath Roy were no doubt charitable. But his charity was discriminating. It was not exercised on Sraddhas and Nautches. It

was not displayed in ostentatious manifestations. It sought proper objects and aimed at proper means.”

অর্থাৎ “এই রাজার দেশহিতে চিরনিয়োজিত নিঃস্বার্থ জীবন আমাদের প্রগাঢ় শ্রদ্ধা আকৃষ্ট করে। রাজা প্রসন্ননাথের পূর্বপুরুষগণও দাতা ছিলেন, তাহাতে সন্দেহ নাই। কিন্তু ইহার দান অতি বিবেচনার সহিত প্রদত্ত হইত। শ্রাদ্ধ এবং নাচে ইহার অর্থ ব্যয়িত হইত না। বৃথা আড়ম্বরে ইহা দৃষ্ট হইত না। ইহা উপযুক্ত পাত্র অন্বেষণ করিয়া ব্যয়িত হইত এবং উপযুক্ত উপায় অবলম্বন করিত।”

কিন্তু প্রসন্ননাথ যে তাঁহার অর্থ কখনও অল্পপুঙ্খ বিবয়ে অপব্যয়িত করেন নাই তাহার কারণ, কিশোরীচাঁদ তাঁহার দানের উপযুক্ত পথ তাঁহাকে প্রদর্শন করিয়াছিলেন। প্রসন্ননাথের দান যে উপযুক্ত পথে আকৃষ্ট হইয়াছিল, তাহার কারণ কিশোরীচাঁদ সেই পথ আবিষ্কার করিয়া দিয়াছিলেন। পক্ষান্তরে, প্রভূত ঐশ্বর্যাশালী ও অসীম ক্ষমতাপন্ন বন্ধু প্রসন্ননাথ তাঁহার সাহায্যার্থ অগ্রসর না হইলে কিশোরীচাঁদের মহৎ উদ্দেশ্যসমূহ, তাঁহার অসাধারণ আত্মত্যাগ, জলন্ত উৎসাহ ও অবিচলিত উদ্যম সত্ত্বেও হয়ত আশারূপ সাফল্য লাভ করিত না।

যাহা হউক, আমরা রাজশাহীর উন্নতির ইতিহাসে কিশোরীচাঁদ বা প্রসন্ননাথের পারস্পরিক স্থান কোথায় তাহা নির্দেশ করিতে প্রয়াস পাইব না। এই পরিচ্ছেদে আমরা সরলভাবে তাঁহাদিগের অনুষ্ঠিত কার্যাবলী লিপিবদ্ধ করিব মনস্থ করিয়াছি। এবং আশা করি, পাঠকগণ এই সংক্ষিপ্ত বিবরণ হইতে এই কল্পবীরদ্বয়ের মহত্ব ও বিশ্বপ্রেমের যথেষ্ট পরিচয় পাইবেন। এই বিবরণ প্রধানতঃ কিশোরীচাঁদ-রচিত “রাজশাহীর রাজগণ” নামক প্রবন্ধ হইতে সংকলিত হইয়াছে।

কিশোরীচাঁদ যখন নাটোর মহকুমার ভার প্রাপ্ত হইলেন, তখন বোয়ালিয়া ও দীঘাপতিয়া দুইটি প্রধান নগরের মধ্যে কোন সুগম পথ না থাকায় উভয় নগরবাসিগণের যাতায়াতের নিত্যন্ত অসুবিধা ছিল। কিশোরীচাঁদ এই অসুবিধা নিবারণার্থ 'ফেরী ফণ্ড' কমিটির নিকট একটি প্রশস্ত পথ নিৰ্ম্মাণের জন্ত আবেদন করেন ও আনুমানিক ব্যয় নির্দেশ করিয়া দেন। কিন্তু উক্ত কমিটি অবিলম্বে এই লোকহিতকর প্রস্তাবের অনুমোদন না করিয়া অলুসন্ধানে ও আলাচনায় সময় অতিবাহিত করিতে লাগিলেন। কিশোরীচাঁদ এই বিলম্ব দর্শন করিয়া তাঁহার বন্ধু প্রসন্ননাথকে এই বিষয় স্মৃত্ত কবাইলেন। প্রসন্ননাথ তৎক্ষণাৎ (১৮৫০ খৃঃ অব্দে) কিশোরীচাঁদেব দ্বাৰা প্রকাশ করিলেন যে, যেহেতু দীঘাপতিয়া হইতে বোয়ালিয়া পর্য্যন্ত একটি বিস্তৃত পথ নিত্যন্ত আবশ্যক ও জেলাব অত্যন্ত মঙ্গলকর বলিয়া বোধ হয় এবং সংগৃহীত অর্থ ও সবকাবেব প্রতিশ্রুত সাত হাজার টাকা ঐ পথ নিৰ্ম্মাণের জন্ত যথেষ্ট নহে, তিনি স্বয়ং উক্ত পথ ও পথের সেতু প্রভৃতি নিৰ্ম্মাণের সমস্ত ব্যয়ভার বহন করিতে ইচ্ছুক। এই দান ধন্যবাদের সহিত গৃহীত হয় এবং উক্ত লোকরঞ্জক ভূম্যধিকারী এতদৰ্থে সর্বসম্মত প্রায় পঞ্চত্রিংশ সহস্র মুদ্রা ব্যয় করেন। প্রথমে বোয়ালিয়া হইতে নাটোর পর্য্যন্ত উক্ত পথ নিৰ্ম্মিত এবং পরে দীঘাপতিয়া পর্য্যন্ত বিস্তৃত হয়।

এই সময়ে নাটোরে বালকগণের শিক্ষাব কোনও সুব্যবস্থা ছিল না। ১৮৩৫ খৃষ্টাব্দে লড বোর্ণট্রক কর্তৃক নিযুক্ত স্পেশিয়াল কমিশনার মিষ্টার আডাম মফঃস্বলে শিক্ষাবিস্তার-বিষয়ক রিপোর্টে যে কথা প্রকাশ করেন, তাহাতে দেশের নিত্যন্ত শোচনীয় অবস্থা প্রকটিত। তখন শতকরা ৮ জন বালকও বিদ্যালয়ে প্রেরিত হইত না এবং

যাহারা বিদ্যালয়ে যাইত তাহারা কিরূপ শিক্ষিত হইত বুঝাইবার জন্য এই কথা বলিলেই যথেষ্ট হইবে যে, বিদ্যালয়গামী ছাত্রগণের বয়স গড়ে ৫ হইতে ১০ বৎসর এবং বিদ্যালয়তাগী ছাত্রগণের বয়স ১৫ হইতে ১৬ বর্ষ মাত্র এবং শিক্ষকগণ সরলচিত্ত হইলেও নিতান্ত দরিদ্র ও বিদ্যাহীন; তাঁহারা তাঁহাদের গুণ ও আশার অনুযায়ী ব্যবসায় বলিয়া শিক্ষকতা গ্রহণ করিতেন এবং তাঁহাদের মহৎ ব্রত সম্বন্ধেও অত্যন্ত উদাসীন থাকিতেন। উক্ত রিপোর্ট প্রকাশিত হইবার পর রাজশাহীতে একটি জিলা স্কুল স্থাপিত হয় এবং ১৮৪৭ খৃষ্টাব্দে বাবু লোকনাথ মৈত্র কর্তৃক বামপুর-বায়ালিয়াতে একটি ঠংবাঙ্গী-বাঙ্গালা বিদ্যালয় প্রতিষ্ঠিত হয়। কিন্তু নাটোরবাসিগণের পুত্রদিগকে শিক্ষা দিবার কোন সুযোগ ছিল না। যাহারা আপন আপন পুত্রদিগকে বামপুরে রাখিতে পারিতেন, তাঁহারা সন্তানদিগকে যৎকিঞ্চিৎ শিক্ষা দিতে পারিতেন। যাহাদিগের সে ক্ষমতা বা সুযোগ ছিল না, তাঁহাদিগের পুত্রগণ নিম্নতম শিক্ষাও প্রাপ্ত হইত না। কি ভয়ানক অবস্থা! সমাজে অজ্ঞতাব সহিত সর্বপ্রকার পাপ ও অনাচারও বৃদ্ধি পাইতেছিল।

নাটোরের অধিবাসিগণের এই প্রধান অভাব মোচনের জন্য কিশোরীচাঁদ উক্ত স্থানে নিজ বায়ে একটি বিদ্যালয় স্থাপিত করিলেন। ১৮৫২ খৃষ্টাব্দে ২৪শে জানুয়ারী তারিখে উক্ত বিদ্যালয় নবপ্রতিষ্ঠিত প্রসন্ননাথ আকাডেমীর সহিত সম্মিলিত হয়। এই ঘটনা উপলক্ষে একটি মহতী সভার অধিবেশন হয়। বহু সম্ভ্রান্ত যুরোপীয় ও এতদেশীয় ব্যক্তিবর্গ তথায় উপস্থিত ছিলেন। কিশোরীচাঁদ উক্ত সভায় সভাপতি নির্বাচিত হইলে, নিম্নলিখিত সারবান্ বক্তৃতা করেন,—

“ভদ্রমহোদয়গণ, আপনারা আমাকে সভাপতি-পদে বৃত্ত করিয়া আমাকে যে সম্মান প্রদান করিয়াছেন, তজ্জন্য আমার ধন্যবাদ গ্রহণ

করুন। যদিও আমার ইচ্ছা ছিল, আপনারা কোনও যোগ্যতর ব্যক্তির প্রতি এই ভার অর্পণ করেন, তথাপি আপনাদের প্রদত্ত এই কর্তৃত্ব ভার গ্রহণ করিতে আমি পশ্চাৎপদ হইব না। আমি আপনাদিগকে অভিবাদন করিতেছি। যে বিদ্যালয় প্রতিষ্ঠার জন্য আমরা অন্য সমবেত হইয়াছি সেই বিদ্যালয়ের উচ্চ-শিক্ষিত স্বত্বাধিকারীর নামে, অন্য যে বালকগণ ছাত্রশ্রেণীভুক্ত হইয়াছেন তাঁহাদের নামে এবং সর্বোপরি শিক্ষার নামে আপনাদিগকে অভিবাদন করিতেছি। আমার বোধ হয়, শিক্ষাবিস্তার বিষয়ে যথাসাধ্য চেষ্টা করা দেশহিতসাধনে ইচ্ছুক প্রত্যেক ব্যক্তির, বিশেষতঃ এতদেশবাসীর কর্তব্য। লোকের সুখ এবং ঐশ্বর্যের সহিত শিক্ষা দৃঢ়রূপে সম্বন্ধ। আমি এমন কথা বলি না যে, আমাদের দেশ যে পাপসমূহ দ্বারা আক্রান্ত শিক্ষাই সে সকলের একমাত্র মহৌষধ; কারণ ভারত নানা ব্যাধিতে পীড়িত এবং সে সকলের জন্য নৈতিক ও শারীরিক উভয়বিধ প্রতিষেধকের প্রয়োজন। আমি আরও জ্ঞাত আছি যে, এতদেশীয় জলবায়ু ও বহু-শতাব্দীব্যাপী মুসলমানের অত্যাচার আমাদের অধঃপতনের যথেষ্ট সাহায্য করিয়াছে; কিন্তু আমার দৃঢ় প্রতীতি যে, অজ্ঞতা ও কুসংস্কার এই অধঃপতনের প্রধানতম কারণ। কেন জনসাধারণ জমীদারগণ কর্তৃক উৎপীড়িত, মহাজন কর্তৃক হৃতসর্বস্ব এবং নগররক্ষকগণ কর্তৃক লাহিত হইতেছে? কেন চাপরানীর আবির্ভাব সমস্ত গ্রামকে সম্ভ্রান্ত করে এবং চাপরাসধারী অন্যান্য উপায়ে অর্থ আদায় করিতে পার? কেন সর্পাঘাতে বা জলময়ে মৃত্যুবিষয়ক অহুসন্ধানের জন্য প্রেরিত ধানার বরকন্দাজ মফঃস্বলে এত ভীতি উৎপাদন করে এবং ঐরূপ বৃত্তা ইচ্ছাকৃত হত্যা বলিয়া প্রকাশ করিবে ও নির্দোষ গ্রামবাসিগণকে

‘চালান’ দিবে, এই বিভাষিকা দেখাইয়া তাহাদিগের নিকট হইতে উৎকোচ গ্রহণ করে ? কারণ, জনসাধারণ তাহাদের অধিকারসম্বন্ধে অজ্ঞ। তাহাদিগের অধিকার কি শিক্ষা দাও, তাহারা সপৌরুষে অধিকার প্রতিপাদন করিবে। তাহাদিগকে জ্ঞান বিতরণ কর, তাহারা বেকনের উপদেশ প্রত্যক্ষীকৃত করিবে। তাহাদিগকে বিদ্যাদান কর, তাহারা আর অত্যাচারিত ও পদদলিত হইবে না। অনেকে শিক্ষার বিরুদ্ধে এই যুক্তি উপস্থাপিত করেন যে, ইহা জনসাধারণকে জীবনের স্বাভাবিক অবস্থার ও কর্তব্যের অনুপযুক্ত করিবে। কিন্তু আমি এই বৃহৎ জনসাধারণের জন্য সারবান্ এবং শিল্পবিষয়ক শিক্ষার সমর্থন করিতেছি—উচ্চ শিক্ষার নহে। আমি তাহাদিগকে কার্যের শিক্ষা দিতে চাহি; বাক্যশিক্ষা দিতে চাহি না। উচ্চবংশীয় বালকগণ, যাহারা আজীবন জ্ঞানচর্চার অবসর পাইবেন এবং দেশবাসীর মানসিক উন্নতিকল্পে উচ্চ জ্ঞান ব্যবহৃত করিতে পারিবেন তাহাদিগের জন্য আমি উচ্চশিক্ষার ব্যবস্থা করিতে চাহি; কিন্তু আমি সকল শ্রেণীর ব্যক্তিরই মনে সর্বদাস্ত্রদায়সম্মত এবং সকলের প্রয়োজনীয় ধর্ম ও নীতিবিষয়ক উদার ও উচ্চ ভাবসমূহ সঞ্চারিত করিতে চাহি।

“এই সকল ভাবে প্রবৃত্ত হইয়া, রাজশাহীর ভবিষ্যৎ স্কদিনের অগ্রদূত বলিয়া প্রসন্ননাথ আকাদেমীর প্রতিষ্ঠা আমি আনন্দের সহিত স্বাগত করিতেছি। এই জিলার একজন সমৃদ্ধিশালী এবং প্রতাপাবিত্রী জমীদার এই বিরাট আয়োজনের সহিত এই বিদ্যালয় রক্ষা এবং সম্বর্দ্ধনের জন্য তাহার আয়ের এক অংশ ধৈর্যপূর্ণে বিনিয়োগিত করিলেন তাহা দেশের এই ক্রমবর্দ্ধনশীল বিখ্যাসের আনন্দদায়ক ও শুভদায়ক উদাহরণের সমর্থন করে যে, যাহারা সেই আলোকে পথ চলিবেন তাহারা ই. বৃত্তিকা ধরিবেন। স্কখের বিষয়, এ দেশে শিক্ষাবিস্তার-

বিষয়ে দেশবাসীর পোষকতা আর অসামান্য ঘটনা নহে। কিন্তু বাবু প্রমথনাথ আর একটি প্রশংসনীয় এবং লোকহিতকর কার্য দ্বারা এই জিলার অধিবাসিগণের চিরস্থায়ী কলহতা অর্জন করিয়াছেন। আমি নাটোর পথ সংস্কারের কথা বলিতেছি। সেই পথানুষ্ঠানের সমস্ত ব্যয়-ভার—প্রায় পঞ্চাশ সহস্র মুদ্রা—তিনি একাকী বহন করিয়াছেন। এইরূপে তিনি অন্যান্য জমিদারবর্গের সম্মুখে সমুচ্চ বদান্যতার উজ্জল আদর্শ উপস্থিত করিয়াছেন। যদি পুরাতন কলহ লইয়া পরস্পর যুদ্ধ-বিগ্রহের বদলে অথবা এক বিধা বা এক কাঠা জমী লইয়া বিবাদ-বিসম্বাদেব পরিবর্তে এবং শ্রদ্ধা, নাচ ও ‘নামকা ওয়াস্তে’ পূজায় অপরিমিত ধনব্যয়ের বিনিময়ে তাঁহারা জনসাধারণের কল্যাণকর এবং তাঁহাদেব বিলাস ও স্বাচ্ছন্দ্যেব জন্য নিয়তপরিশ্রমশীল হীনাবস্থাপন্ন ও দরিদ্র বায়তগণের উন্নতিবিধায়ক বিষয়ে জমিদারগণ প্রতিযোগিতায় পরস্পর পবনপবেক আতক্রম করিতে চেষ্টা করেন তাহা হইলে আমি নিশ্চয় বলিতে পারি, দেশেব অবস্থা সম্পূর্ণ ভিন্ন ভাব ধারণ করিবে। তাহা হইলে আমরা অন্ননময়ের মধ্যেই দেখিতে পাইব যে, প্রত্যেক জিলা তাহাব নিজেব বিদ্যালয়ের, নিজের চিকিৎসালয়ের ও নিজের অতিথিশালার এবং নিজেব সরাইয়ের জন্য গর্ব করিতে পারিবে। তাহা হইলে আমরা দেখিতে পাইব, আজ যে সহস্র সহস্র ক্ষতচরণ যাত্রী ভাগীরথীর পথে ওলাউঠায় প্রাণত্যাগ করিতেছে, পশ্চিপার্শ্বে যত্নমুখে পতিত হইতেছে, প্রিয়তম পরিবাববর্গের আনন্দদায়িনী উপস্থিতি ও সেবার সুযোগ পাহতেছে না—তাহারা স্থানীয় পান্থনিবাসে আশ্রয় এবং উপযুক্ত যত্ন ও সেবা পাইবে। আমরা দেখিতে পাইব, প্রত্যেক গ্রামের দরিদ্র, রোগ ব্যক্তি—কবিরাজগণের হুর্চিকৎসা (!) হইতে নিষ্কৃতি পাইয়া উপযুক্ত চিকিৎসা প্রাপ্ত হইবে। যেকোন গঙ্গা-

মায়ীর' অনিবার্য ও কল্যাণকর প্রবাহ প্রাচুর্য এবং মাসলা বহন করে, আমরা দেখিতে পাইব, সেইরূপ জ্ঞানের প্রবাহ দেশের প্রতি অংশ পরিপূর্ণ করিবে, মানসিক ক্ষেত্র প্রাবিত ও উন্নয়ন করিবে।”

এই প্রসন্ননাথ অ্যাকাডেমীতে অনেক ব্যক্তি শিক্ষিত হইয়াছেন এবং শিক্ষা প্রাপ্ত হইতেছেন।

কিশোরীচাঁদ নাটোরে দ্বীশিক্ষাবিস্তারের জন্যও যথাসাধ্য চেষ্টা করিয়াছিলেন ; এবং প্রসন্ননাথ রায়ের সাহায্যে তথায় একটি বালিকা-বিদ্যালয় প্রতিষ্ঠিত করেন।

রাজশাহীতে শিক্ষাবিস্তারের জন্য কিশোরীচাঁদের এই সকল চেষ্টা ও যত্ন শিক্ষিত ব্যক্তিগণের আন্তরিক প্রজ্ঞা আকর্ষণ করিয়াছিল এবং তাঁহার স্মৃতিস্মরণে করাচমারিয়ায় জমীদার বাবু রাজকুমার সরকারের প্রবন্ধে কিশোরীচাঁদের একখানি প্রতিকৃতি রাজশাহী কলেজে স্থাপিত হইয়াছে।

১৮৪৯ খৃষ্টাব্দে কিশোরীচাঁদ নাটোরে একটি চিকিৎসালয় স্থাপিত করেন। রাজা আনন্দনাথ রায় বাহাদুর, বাবু প্রসন্ননাথ রায় প্রভৃতি স্থানীয় জমীদার ও সম্ভ্রান্ত ব্যক্তিগণ এই চিকিৎসালয়ের ব্যয়নির্বাহার্থ মাসিক চাঁদা প্রদান করিতেন। কিশোরীচাঁদ কেবল অর্থ সাহায্য করিয়াই ক্ষান্ত ছিলেন না; পরন্তু ইহার কমিটির সম্পাদক নিযুক্ত হইয়া পরিশ্রম সহকারে ইহার উন্নতিসাধন করেন। এই চিকিৎসালয়ের প্রথম সাধারণিক সভায় ডাক্তার জে, আর, বেডফোর্ড কিশোরীচাঁদের অল্পকালীন কার্যাবলী দেখাইয়া তাঁহাকে “Man of Ross”এর সহিত তুলনা করেন। ডাক্তার বেডফোর্ড একজন মহাশয় ব্যক্তি ছিলেন। তিনি এতদ্ব্যতীত স্বাস্থ্যোন্নতিবিষয়ে যথেষ্ট পরিশ্রম করেন এবং সরকারে তাঁহার বিশেষ প্রতিপত্তি ছিল। দ্বিতীয় সাধারণিক

সভায় তিনি অনিবার্য কারণ বশতঃ উপস্থিত হইতে না পারিয়াও দেশের স্বাস্থ্যোন্নতির উপায় নির্দেশ করিয়া কিশোরীচাঁদকে যে সুদীর্ঘ পত্র প্রেরণ করেন তাহার এক অংশে লিখিত ছিল—

“You have the proud satisfaction of feeling that you are in advance in that mighty social change which is now working in Hindustan and that the wheel of progress has received one of its earliest impulses from your hand.” অর্থাৎ “হিন্দুস্থানে যে মহান সামাজিক পরিবর্তন সংসাধিত হইতেছে, আপনি তাহার অন্যতর অগ্রণী এবং উন্নতির চক্র ঘাঁহাদের হস্ত হইতে প্রথম আবর্তনবেগ প্রাপ্ত হইয়াছে, আপনি তাঁহাদের অন্যতর। এই কারণে আপনি গৌরব ও সন্তোষ অনুভব করিতে পারেন।”

নাটোরে উত্তম জলাশয় না থাকা তথায় রোগাধিক্যের একটি প্রধান কারণ হৃদয়ঙ্গম করিয়া কিশোরীচাঁদ অশেষ চেষ্টায় তত্রত্য সম্ভ্রান্ত ব্যক্তিগণের সাহায্যে কয়েকটি জলাশয় খনন করাইয়া নাটোরবাসীর কৃতজ্ঞতা অর্জন করেন।

কৃষি ও পুষ্পপ্রদর্শনীর উপকারিতা উপলব্ধি করিয়া তিনি নাটোরে একটি প্রদর্শনীর অনুষ্ঠান করেন। ইহাতে অনেক যুরোপীয় ও এতদেশীয় সম্ভ্রান্ত ব্যক্তি তাঁহাকে সাহায্য করেন।

কিশোরীচাঁদ নাটোরে যে সকল কল্যাণকর কার্যের অনুষ্ঠান করেন তাহাতে মুর্শিদাবাদ বিভাগের তদানীন্তন কমিশনর মিঃ টি, টেলর, রাজশাহীর ম্যাজিস্ট্রেট মিঃ এ, এ, সুইন্টন, জজ মিঃ জি, সি, চিপ্ প্রভৃতি উচ্চপদস্থ রাজকর্মচারীরা ও স্থানীয় জমীদারগণ ও কুঠিয়াল যুরোপীয় ব্যবসায়ীরা সহায়ত্ব প্রকাশ করিতেন। তাঁহার

অপূর্ব পরহিতৈষণা ও অসামান্য কর্তব্যশীলতা সকলেরই শ্রদ্ধা ও প্রীতি আকৃষ্ট করিয়াছিল। বাস্তবিক কয়েক বৎসরের মধ্যে কিশোরীচাঁদ রাজশাহী জেলার এত উন্নতি সাধন করিলেন যে তাহা ভাবিলে বিস্মিত হইতে হয়। আজও উচ্চশিক্ষিত সম্ভ্রান্তবংশীয় রাজকর্মচারীরা প্রভূত ক্ষমতাসহ মফঃস্বলে প্রেরিত হইতেছেন; আজও মফঃস্বলের অবস্থা ঈষ্পিত আদর্শ হইতে বহু নিম্নে; কিন্তু কয়জন এইরূপ অবিচলিত উৎসাহ, দৃঢ় অধ্যবসায় ও অক্লান্ত পরিশ্রমের সহিত দেশের উন্নতিসাধনার্থ যত্নবান ?

১৮৫২ খৃষ্টাব্দে কিশোরীচাঁদ জাহানাবাদে স্থানান্তরিত হইলেন। জাহানাবাদ সবডিভিশন তখন ডাকাইতি ও অন্যান্য ভীষণ পাপের লীলাক্ষেত্র ছিল এবং সুদক্ষ কর্মচারিগণের উপরেই এই মহকুমার ভার অর্পিত হইত। এই স্থানেও কিশোরীচাঁদ উপরিতন কর্মচারিগণের প্রশংসা ও স্থানীয় জমীদার ও প্রজাদিগের প্রীতি ও বিশ্বাস অর্জন করেন। কিশোরীচাঁদের নিয়োগনম্বন্ধে ‘প্রভাকর’ লিখিয়াছিলেন—
“আমাদের পরন বন্ধু কার্য্যকুশল সুযোগ্য ডেপুটি ম্যাজিষ্ট্রেট বাবু কিশোরীচাঁদ মিত্র জাহানাবাদ এলাকাথও ভার প্রাপ্ত হইয়াছেন। তিনি হুগলী ও বর্ধমান জেলার ম্যাজিষ্ট্রেটের সম্পূর্ণ ক্ষমতায় উক্ত স্থানে কার্য্য নির্বাহ করিবেন।” ‘প্রভাকর’ দেখা যায়, জাহানাবাদে কিশোরীচাঁদ নবপ্রতিষ্ঠিত বিদ্যালয়ের উন্নতিকল্পে বিশেষ চেষ্টা করিয়াছিলেন। তিনি বিদ্যালয় সংশ্লিষ্ট পুস্তকালয় স্থাপনের চেষ্টা করিলে “বিদ্যালুরাগী উত্তরপাড়ানিবাসী শ্রীযুক্ত বাবু জয়কৃষ্ণ মুখোপাধ্যায় ও কলিকাতানিবাসী প্যারীচাঁদ মিত্র মহাশয়েরা” তাহাতে বিশেষ সাহায্য করিতে সম্মত হন।

কিশোরীচাঁদের অসামান্য কার্য্যদক্ষতা দেখিয়া বর্ধমানের মহারাজা-

ধিরাজ বাহাদুর তাঁহাকে ৩০০ টাকা বেতনে তাঁহার সদস্যপদে নিযুক্ত করিবার অভিপ্রায় প্রকাশ করেন এবং পরে আরও উচ্চ পদ প্রদান করিবার আশা দেন। যদিও সরকারী চাকরিতে কিশোরীচাঁদ এই সময়ে অপেক্ষাকৃত অল্প বেতন পাইতেন, তথাপি তিনি স্বীয় আর্থিক অবস্থার উন্নতির জন্য রাজকর্ম্মত্যাগে প্রস্তুত ছিলেন না। তাই তিনি এই পদ গ্রহণ করিতে অস্বীকার করেন।

কিন্তু যে অপূর্ণ উৎসাহ ও কর্তব্যশীলতার সহিত কিশোরীচাঁদ নাটোরে এবং জাহানাবাদে রাজকর্ম্মসমূহ সম্পাদন করেন এবং দেশ-বাসীর সর্ববিধ কল্যাণের জন্য যে অদ্ভুত পরিশ্রম ও প্রবল কবেন তাহা গুণগ্রাহী লেফটেন্যান্ট গবর্নর সার ফ্রেডরিক হ্যালিডের দৃষ্টি অতিক্রম করে নাই। তিনি এই কর্ম্মনিষ্ঠ যুবককে উপযুক্ত পুৰস্কার দিতে কৃত-সঙ্কল্প হইলেন। যখন ১৮৫৪ খৃষ্টাব্দে রসময় দত্ত মহাশয়ের মৃত্যু হইলে রায় হরচন্দ্র বোষ ছোট আদালতের জজ নিযুক্ত হইলেন; তখন সকলে বিশ্বাসের সহিত দেখিলেন, কলিকাতা ম্যাজিস্ট্রেটের তদ্বর্ত্ত পদে পুরাতন কর্ম্মচাবিগণকে অতিক্রম করিয়া, মাত্র আট বৎসরের অভিজ্ঞতালব্ধ কিশোরীচাঁদ প্রতিষ্ঠিত হইলেন। এই পদের বেতন তখন মাসিক ৮০০ শত টাকা ছিল। বলা বাহুল্য কিশোরীচাঁদ সর্বপ্রকারে এই পদের সর্বাপেক্ষা উপযুক্ত ছিলেন।

১৮৫৪ খৃঃ অব্দে ৬ই জুলাই (২৩শে আষাঢ় ১২৬১ বঙ্গাব্দ) তারিখে কবিবর ঈশ্বরচন্দ্র গুপ্ত তাঁহার ‘প্রভাকরে’ কিশোরীচাঁদদের পদপ্রাপ্তি বিষয়ে বাহা লিখিয়াছিলেন তাহা পাঠকগণের অবগতির জন্য নিম্নে উদ্ধৃত হইল :—

“আমরা পূর্বে ইংলিসম্যান-পত্রদৃষ্টে লিখিয়াছিলাম, আমাদিগের সুবিজ্ঞতম রাজনীতিজ্ঞ কার্য্যতৎপর ডেপুটী ম্যাজিস্ট্রেট বাবু কিশোরী-

চাঁদ মিত্র ৬০০ টাকা মাসিক বেতনে কলিকাতা পুলিশের কনিষ্ঠ ম্যাজিষ্ট্রেট-পদে অধিষ্ঠিত হইয়াছেন, এইক্ষণে আবার উক্ত পত্রেই দৃষ্ট হইল ঐ পদের বেতন কিছুমাত্র নূন হয় নাই, বাবু হরচন্দ্র ঘোষ যে ৮০০ টাকা বেতন পাইতেন, কিশোরীচাঁদ মিত্র তাহাই পাইবেন। ষাণ হউক, এতৎ স্মরণে আমরা অত্যন্ত সন্তুষ্ট হইলাম, আমাদের মিত্র মিত্রবাবু পূর্বে ৩৫০ পাইতেন অধুনা ৪৫০ টাকা বৃদ্ধি হইল। রাজপুরুষেরা এতদেশীয় কৃতবিদ্যা উপযুক্ত রাজকর্মচারীদের পদোন্নতির প্রতি এরূপ প্রসন্নতা প্রকাশ করাতে অত্যন্ত যশস্বী হইবেন, তাহাতে সন্দেহ নাই।”

ষষ্ঠ পরিচ্ছেদ

কলিকাতা ম্যাজিষ্ট্রেসী ; শিল্প, শিক্ষা ও

সমাজের উন্নতিচেষ্টা।

যে সময়ে কিশোরীচাঁদ কলিকাতার উত্তর বিভাগের ম্যাজিষ্ট্রেটের পদ প্রাপ্ত হইলেন, অনেক সেই সময়ই তাঁহার জীবনের সৰ্ব্বাপেক্ষা গৌরবময় কাল বলিয়া নির্দেশ করেন। যদিও আমরা তাঁহার প্রতিভা-দীপ্ত জীবনের প্রতি পৰ্ব্ব অপূৰ্ণ গরিমায় উদ্ভাসিত ও অমুপম মহিমায় পরিপূর্ণ দেখি এবং কোন্ অবস্থা সৰ্ব্বাপেক্ষা গৌরবময় তাহা নির্দেশ করিতে অক্ষম, তথাপি কতিপয় কারণে আমরা তাঁহার জীবনের এই সময়ের বৈশিষ্ট্য স্বীকার করি এবং বোধ হয় কিশোরীচাঁদ স্বয়ংও এই সময়টাই জীবনের সৰ্ব্বাপেক্ষা সুখময় ও গৌরবময় কাল বলিয়া অনুভব করিয়াছিলেন। সুখময় কেন?—পার্থিব ঐশ্বৰ্য্যের জন্য নহে; কারণ, কিশোরীচাঁদ জীবনে কখনও পার্থিব ঐশ্বৰ্য্যের জন্য আগ্রহ প্রকাশ করেন নাই। সেকালে যখন মানবের আবশ্যিক দ্রব্যাদি এত মহার্ঘ্য ছিল না এবং এরূপ পদে প্রতিষ্ঠিত ব্যক্তিগণ কয়েক বৎসরের মধ্যে প্রকাণ্ড বিষয় রাখিয়া যাইতে পারিতেন, তখনও কিশোরীচাঁদ রাজকৰ্ম করিয়া এক কপর্দকও সঞ্চিত করেন নাই। তাঁহার অদ্ভুত আতিথ্য ও লোকহিতার্থে দান তাঁহার ভাণ্ডার শূন্য করিত। তিনি কখনও ভবিষ্যতের জন্য চিন্তা করিতেন না। সঙ্কীর্ণ স্বার্থের দিকে তাঁহার দৃষ্টি ছিল না। গৌরবময় কেন? লোকবাহিত হইয়া পদ প্রাপ্ত হইয়াছিলেন বলিয়া নহে—কারণ, কিশোরীচাঁদ কখনও পদগর্বে গৰ্বিত হন নাই এবং যে পদের জন্য লোক

লালায়িত এবং আপনার বিবেকবিরুদ্ধ কার্য্য করিতেও কুণ্ঠিত হয় না, কিশোরীচাঁদ আপনার স্বাধীনতা রক্ষার নিমিত্ত সেই পদ তুচ্ছ জ্ঞান করিয়াছিলেন। তবে কিসের জন্য? কিশোরীচাঁদেব জীবনের স্বপ্ন সফল হইল বলিয়া—তিনি দেশহিতকর কর্ম্মাচুষ্ঠানে আপনার জীবন উৎসৃষ্ট করিবার অপূর্ণ সুযোগ প্রাপ্ত হইলেন বলিয়া। যে অভিমত আমার অথবা আপনার সমর্থনে রাজা অথবা প্রজা গ্রাহ্য করিবেন না, তাহা উচ্চপদাধিষ্ঠিত কোনও শিক্ষিত ব্যক্তির স্বীকৃত হইলে বিশেষ আলোচনার বিষয় হইয়া পড়ে। কর্ম্মবীর কিশোরীচাঁদ এই সুযোগ প্রাপ্ত হইবেন বলিয়াই এই সময় অতি সুখময় বলিয়া বিবেচনা করিলেন। তিনি তাঁহার লোকহিতেচ্ছা পরিপূর্ণ করিবার ছুটি উপায় দেখিতে পাইলেন। প্রথম, উচ্চশ্রেণীর ইংরাজদিগের সহিত আলাপ করিয়া তাঁহাদিগকে নিয়ত দেশের অবস্থা বুঝাইয়া দেওয়া এবং এই প্রকারে দেশহিতকর বিষয়ে তাঁহাদিগের সহানুভূতি ও সহকারিতা লাভ করা। দ্বিতীয়—দেশের প্রধান প্রধান ব্যক্তি ও সমাজের নেতা, যাহারা সমাজের কলঙ্কফালগে সম্পূর্ণ উদাসীন ছিলেন তাঁহাদিগের মনে কর্তব্যজ্ঞানের উদ্রেক করিয়া দেওয়া, তাঁহাদিগকে কর্ম্মজীবনে প্রবুদ্ধ করা।

কিশোরীচাঁদ কলিকাতায় প্রত্যাগমন করিয়া প্রথমে কাশীপুরে গঙ্গাতীরে একটা উদ্যানবাটিকায় অবস্থান কবেন। তখন চীফজুষ্টিস, পুলিশ-ম্যাজিস্ট্রেট প্রভৃতি উচ্চপদস্থ রাষ্ট্রকর্ম্মচারীরা অনেকে কাশীপুরে অবস্থান করিতেন। কিশোরীচাঁদেব ইচ্ছা, পূর্ব্বোক্ত প্রথম উদ্দেশ্য সাধন করা। নিকটবর্ত্তী কামারহাটা গ্রামে বিখ্যাত বাগ্গী রামগোপাল ঘোষ বাস করিতেন এবং দেশের অনেক প্রধান প্রধান ব্যক্তি ইহার নিকটে অবস্থান করিতেন। কিশোরীচাঁদেব

অসাম্প্রিকতার মুগ্ধ হইয়া সকলেই তাঁহার বাসস্থানে সতত সম্মিলিত হইয়া নানা প্রকার সদালাপে সময় অতিবাহিত করিতেন।

কিশোরীটাদ প্রায়ই তাঁহার ইয়াত্রাপীর ও দেশীয় বন্ধুগণকে নিমন্ত্রিত করিয়া পরস্পরের আলাপ করাইয়া দিওেন এবং প্রায় প্রতি সপ্তাহে বিরাট আয়োজনে ভোজ দিওেন। তাঁহার ডায়েরী হইতে উদ্ধৃত নিম্নলিখিত অংশ হইতে তাঁহার কয়েকজন বিশেষ বন্ধুর নাম পাওয়া যায় :—

“২রা নভেম্বর ১৮৫১। সন্ধ্যাকালে একটা ক্ষুদ্র পার্টি দিয়া-
হিলাম। খিওবোল্ড, মেজর এ ক্রম, আমার অগ্রজ প্যারীটাদ মিত্র,
আমাব সহকৰ্মী মিষ্টাব ফেগান্ এবং বেভারেণ্ড প্রফেসর কে-এম
ব্যানার্জী উপস্থিত ছিলেন। কৃষ্ণের (কৃষ্ণ মোহন বন্দ্যোপাধ্যায়ের)
খোষণগলে ও হাস্যকৌতুকে সন্ধ্যাকালটা বেশ আনন্দে কাটিয়াছিল।

“৩রা নবেম্বর ১৮৫৫। আর একটা ‘পার্টি’ দেওয়া হইল।
এটা গত কল্যের পার্টি অপেক্ষা জাঁকাল এবং সেইরূপই আনন্দে
শেষ হইত, যদি ‘বুড়া রাজ’ গোল না বাধাইত। তাহার ক্ষুণ্ণ
আনন্দের সীমা অতিক্রম করিয়াছিল এবং শিষ্টাচারের বহিভূত হইয়া
পড়িয়াছিল। গোপাল লাল ঠাকুর, দিগম্বর মিত্র, রাজেন্দ্রলাল মিত্র,
নীলকমল বন্দ্যোপাধ্যায়, চন্দ্রনাথ চট্টোপাধ্যায়, দ্বারিকানাথ গুপ্ত,
গৌরদাস বসাক, নন্দলাল সেন এবং রাজ এই কয়েকজন আসিয়াছিলেন।
বড় পার্টি আমি দেখিতে পারি না। ছয় জনের অধিক লোক হইলেই
আমি বড় পার্টি বলিয়া গণনা করি। কিন্তু অন্য আমি অধিক লোক
নিমন্ত্রণ করিয়াছিলাম, তাহার কারণ আমি মনে করিয়াছিলাম
আমার টেবিলে যত জন ধরে তত জন কৃতবিদ্য যুগকে একত্র
দেখিব।”

উক্ত ডায়েরী হইতে উদ্ধৃত নিম্নলিখিত অংশ হইতে দৃষ্ট হয় যে, ১৮৫৫ খৃষ্টাব্দে তিনি ১নং দমদম রোডস্থিত উদ্যানবাটী ক্রয় করিয়া তথায় বাস করিতে আরম্ভ করেন :—

“১৭ই জুন ১৮৫৫। অদ্য প্রাতে আমার পাইকপাড়ার নূতন বাটীতে উঠিয়া আসিলাম। দাদা ও আমি বৈকালে টোটার সময় গাড়ী করিয়া আসিলাম। আমরা উভয়েই সর্বশক্তিমান পরমেশ্বরকে ধন্যবাদ দিলাম। আমি প্রার্থনা করি, যেন আমি এই বাটীতে সুখভোগ করিতে পাই। আমি কেবল সচ্ছন্দ প্রাসাচ্ছাদন ও প্রায়ের উত্তাপ ও বর্ষা-শীতাদি হইতে আশ্রয়-লাভজনিত দৈহিক সুখ চাহি না, নৈতিক ও মানসিক উন্নতিজনিত সুখের প্রয়াসী। হে সর্বশক্তিমান অনন্তকালবিদ্যমান জগদীশ্বর! যদি এই বাটীতে আমার অবস্থিতি তোমার ইচ্ছানুযায়ী হয় তবে আশীর্বাদ কর যেন আমি এখানে সুখে বাস করিতে পারি। তোমার করুণা যেন দিন দিন অবিকতর উপলব্ধি করিতে শিক্ষা করি। যে অলসভাব আমাকে সম্প্রতি আক্রমণ করিয়াছে তাহা দূর করিয়া আমি যেন জ্ঞানচর্চা ও তৃষ্ণচিন্তায় একাগ্রতার সহিত মনোনিবেশ করিতে পারি। আমার শক্তিনিচয় যেন আমার নিজের এবং স্বদেশবাসীদিগের নৈতিক ও মানসিক উন্নতিবিধানকল্পে নিয়োজিত করিতে পারি। বাঙ্গালা দেশের যে সামাজিক সংস্কারব্যাপারে আমি যোগদান করিয়াছি, তাহা যেন দিন দিন নূতন শক্তি সঞ্চয় করে এবং দেশীয় সমাজের শিক্ষিত ব্যক্তিগণের কার্যাতঃ সহায়ত্ব লাভ করে। আমি যেন উক্ত ব্যাপারে অবিশ্রান্ত উৎসাহের সহিত কার্য করিতে পারি।”

এই রোজনামচার শেষাংশে তাঁহার সমাজোন্নতি বিষয়ে চেষ্টার উল্লেখ আছে। তিনি সমাজসংস্কারের জন্য বাহা করিয়াছিলেন তাহা

বলিবার পূর্বে তাঁহার দেশীয় শিল্পোন্নতি ও শিক্ষাবিস্তারের চেষ্টা সম্বন্ধে আমরা কিছু বলিতে চাই।

১৮৫৪ খৃষ্টাব্দে কর্ণেল গুডউইন বেথুন দোসাইটীতে “Union of Science, Industry and Art” নামে প্রবন্ধ পাঠ করেন ও এতদ্দেশে একটি শিল্পবিদ্যালয় প্রতিষ্ঠার প্রস্তাব উপস্থাপিত করেন। ঐ বৎসরে মার্চ মাসে ইংল্যান্ডে চেষ্টায় মিঃ হজ্‌সন্ প্র্যাটের বাটীতে ভারত গবর্ণমেন্টের রাজস্ববিভাগের তদানীন্তন সেক্রেটারী মিঃ আলেনের সভাপতিত্বে একটি সভা হয় এবং—Society for the Promotion of Industrial Art নামে একটি সমিতি গঠিত হয়। সার সিসিল বিডন ইংল্যান্ডের সভাপতি এবং রেভারেন্ড জে, লঙ্ক, উইলিয়ম মনি, কিশোরীচাঁদ মিত্র, রাজা প্রতাপচন্দ্র সিংহ প্রভৃতি মহোদয়গণ ইংল্যান্ডে কার্যনির্বাহক সমিতির সভ্য হন। * এই সমিতির চেষ্টায় The Calcutta School of Industrial Arts নামক শিল্পবিদ্যালয় প্রতিষ্ঠিত হইয়াছিল। এই বিদ্যালয়ে গঠিত দ্রব্য (models) এবং প্রাকৃতিক বস্তুনিচয় (natural objects) দৃষ্টে অঙ্কন ও স্থাপত্য অঙ্কন (architectural drawings), ধাতুর উপর খোদাই কার্য (etching), কাঠের উপর খোদাই কার্য (wood engraving), লিথোগ্রাফি, মৃৎপাত্র-নিৰ্মাণ (pottery) প্রভৃতি শিক্ষা দেওয়া হইত; পরে প্লাষ্টারের ছাঁচ নিৰ্মাণ (moulding), ফটোগ্রাফি প্রভৃতি বিদ্যাও শিক্ষা দেওয়া হইত। মুসে রিগো, মিঃ ফাউলার, মিঃ জর্জ হুইটলি, মুসে ম্যালিয়েট প্রভৃতি শিক্ষক ঐ বিদ্যালয়ে শিক্ষাদান করিতেন।

* ঐশ্বরচন্দ্র দেবের কলিকাতার ইতিহাস—শিল্পপুঞ্জালি—১ম বর্ষ, ১৮৮৬।

কিশোরীচাঁদ এই সমিতির প্রায় সকল অধিবেশনেই উপস্থিত থাকিতেন এবং মধ্যে মধ্যে বিদ্যালয় পরিদর্শন করিয়া ছাত্রগণকে উৎসাহ দিতেন। তাঁহার ডায়েরী হইতে দুইটি অংশ এই স্থলে উদ্ধৃত করিতেছি :—

“২০শে সেপ্টেম্বর ১৮৫৫। প্রাতে গাড়ী করিয়া Industrial Schoolএব কমিটির অধিবেশনে উপস্থিত হইলাম। উক্ত বিদ্যালয়ের প্রথম সাপ্তাহিক উৎসব উপলক্ষে টাউনহলে একটি প্রদর্শনী খোলা উচিত কি না সেই বিষয় বিবেচনা করিবার জন্য উক্ত সভা আহুত হয়। আমি কর্ণেল গডউইনের উক্ত প্রস্তাবের প্রবল প্রতিবাদ করি এবং বলি যে বিদ্যালয়ের বাটীতেই একটি ক্ষুদ্র আকারের প্রদর্শনী খোলা হউক। আমার প্রস্তাবই গৃহীত হইল। সম্প্রতি গবর্ণমেন্ট উক্ত বিদ্যালয়ে মাসিক ২০০ টাকা দিবার ব্যবস্থা করিয়াছেন, কিন্তু তাহা প্রচুর নহে, সুতরাং খরচ কমান প্রয়োজন। বিদ্যালয়ের নূতন সম্পাদক রেভারেণ্ড সি এচ এন্ডল উহার কার্যে সাহায্য মনোনীবেশ করিতেছেন এবং যদিও তিনি সম্প্রতিমাত্র বটেন নগর হইতে আসিয়াছেন এবং কলিকাতার বিষয় অনভিজ্ঞ, তথাপি তিনি শীঘ্রই খুব নিপুণ সম্পাদক হইবেন।

“২৩শে সেপ্টেম্বর ১৮৫৫। প্রাতে Industrial Art School এ গাড়ী করিয়া গিয়াছিলাম। ছাত্রদের গঠন ও অঙ্কন বিদ্যায় উন্নতি দেখিয়া বড়ই প্রীত হইলাম। প্রোফেসর রিগো আমাকে কতকগুলি “বেস রিলিফ” দেখাইলেন। মিষ্টার হ্যালিডের জন্য তিনি উহা প্রস্তুত করিতেছেন। সেগুলি বাস্তবিক অতি সুন্দরভাবে প্রস্তুত হইয়াছে। আমি তাঁহাকে একটি মেডিচির ভিনস্ ও একটা হার্কিউলিস্ প্রস্তুত করিবার জন্য আদেশ দিলাম। উহা জীবন্ত মানুষের

জায় বৃহৎ হইবে এবং পিতলের বর্ণে রঞ্জিত হইয়া আমার উদ্যানে স্থাপিত হইবে। আমি তিনস্ ও হার্কিউলিস্ এই জন্য মনোনীত করিলাম যে, একজন সৌন্দর্য্যের ও অপরজন পুরুষোচিত শক্তির আদর্শ।”

কিশোরীচাঁদের উদ্যানবাটিকার বৈঠকখানা গৃহের প্লাষ্টারের কাজও রিগোর ছাত্রগণ কর্তৃক নিষ্পন্ন হইয়াছিল।

যাহাতে দেশে শিল্পোন্নতি হয় তজ্জন্য তিনি বহুদিন হইতে চেষ্টা করিতেছিলেন। তাঁহার ইচ্ছা ছিল, এসিয়াটিক সোসাইটি এই বিষয়ে মনোযোগ প্রদান করেন। ১৮৫৫ খৃষ্টাব্দে এলা নভেম্বর তারিখে তিনি তাঁহার ভার্য্যরীতে লিখিয়াছেন :—

“এসিয়াটিক সোসাইটীর অধিবেশনে গিয়াছিলাম। রামগোপাল আমাকে সভ্য করিবার প্রস্তাব করিলেন। এই সভার সহিত সম্বন্ধ পুনঃস্থাপন করিতে আমি এই জন্য ইচ্ছা করি যে, রাজশাহী বাওয়ার পূর্বে আমি ইহার সহকারী সম্পাদক ও গ্রন্থাধ্যক্ষ ছিলাম। এই সভাটীর অশৃঙ্খলা বিধান কারিতে আমি উৎসুক। আমার বিবেচনায় যে উদ্দেশ্যে ইহা স্থাপিত হইয়াছে তাহার বহির্ভূত বিষয়ে ব্যাপৃত থাকায় সে উদ্দেশ্য সিদ্ধ হইতেছে না। আমার ইচ্ছা, এই সভার সাহায্যে একটি শিল্প-প্রদর্শনী স্থাপিত হয়। কর্ণেল গডউইনের প্রস্তাবিত ‘ব্যবসায়-শিল্প-প্রদর্শনী সংস্থাপনে’ এই সভা কেন নেতৃত্ব গ্রহণ করিল না? আমার অভিমত কৃষ্ণ, রামগোপাল, রাধানাথ, রাজেন্দ্র-লাল, লাও, কোলব্রুক ও যাদবকে বলিতে হইবে এবং এই সভার পুনর্গঠনবিষয়ে তাঁহাদের সহায়তা লাভের চেষ্টা করিতে হইবে।”

বহুদিন হইতেই এতদ্দেশে শিক্ষাবিস্তারের জন্য কিশোরীচাঁদ চেষ্টা করিতেছিলেন। আমরা দেখিয়াছি, তিনি কলিকাতায় রেভারেণ্ড

ডাক্তার ডককে তাঁহার সাধ্যমত সাহায্য প্রদান করিয়াছিলেন, এবং রাজশাহীতে স্কুল প্রভৃতি প্রতিষ্ঠিত করিয়াছিলেন। কলিকাতায় প্রত্যাগমন করিয়া তিনি প্রায়ই বেসরকারী স্কুলসমূহ পরিদর্শন করিতেন, পারিতোষিকাদি প্রদান করিয়া ছাত্রগণকে উৎসাহ দিতেন এবং মধ্যে মধ্যে স্কুলফণ্ডে অর্থসাহায্যাদি প্রদান করিতেন। * পাইক-পাড়ার একটি বিদ্যালয় স্থাপনের জন্যও তিনি চেষ্টা করেন। তিনি স্কুলসমূহে নিম্ন শ্রেণীর লোকদের কৃষি এবং শিল্পবিদ্যা শিক্ষা দিবার চেষ্টা করিতেন। ১৮৫৫ খৃষ্টাব্দে ২৯শে আগষ্ট তারিখের ডায়েরীতে তিনি লিখিয়াছেন :—

“দাদা ও রাধানাথের সহিত এ অঞ্চলে একটি বাঙ্গালা বিদ্যালয় স্থাপনের প্রস্তাব সম্বন্ধে বহুক্ষণ কথাবার্তা হইল। এই বিদ্যালয়টি দরিদ্রদিগের জন্য এবং গরীব ভদ্র শ্রেণীর লোকদের জন্য হওয়া উচিত। এদেশে গরীব ভদ্র শ্রেণীর লোকের সংখ্যা বড় বেশী। সামান্য বাঙ্গালা শিক্ষার প্রচার করিতে হইবে। প্রথম অবস্থায় কেবল পাঠশিক্ষা ও দ্বিতীয় অবস্থায় লিখন ও অঙ্কশিক্ষা দেওয়া হইবে, কিন্তু তাহার পর একটা শিল্পবিদ্যা এবং কৃষিবিদ্যা শিক্ষা দেওয়া হইবে। বালকগণকে কৃষি ও উদ্ভিদ বিদ্যার মূল বিষয়গুলি শিখাইতে

* ১৮৫৬ খৃষ্টাব্দের ১০ই ডিসেম্বর তারিখের ‘Hindoo Patriot’ হইতে একটি প্যারাগ্রাফ নিম্নে উদ্ধৃত হইল—

“We are glad to inform our readers and the public that our worthy Junior Magistrate Roy Kissory Chandra Mitter has given a handsome donation to the Calcutta Seminary and has also expressed his desire of visiting the school one day,

হইবে—শল না শিখাইয়া বস্ত্র শিক্ষা দিতে হইবে। লঙ সাহেবের ঠাকুরপুকুরের স্থল আমি দেখিয়া আসিব এবং Botanic স্থলটা ভাল করিয়া পর্যবেক্ষণ করিব। আগামী শীতকালে কার্য আরম্ভ করিতে হইবে। মানুষের আয়ু অন্ন, তাহা আমি এখন বেরূপ করিতেছি সেরূপ অপব্যয় করিলে চলিবে না।”

কিশোরীচাঁদের ডায়েরী হইতে দেখা যায় যে, এতদ্ব্যতীত তিনি প্রায়ই মেডিক্যাল কলেজে বট্যানিক গার্ডেনের তৎকালীন সুপারিন্টেন্ডেন্ট ডাক্তার টমসনের উদ্ভিদবিদ্যা বিষয়ক বক্তৃতা শুনিতে যাইতেন। রেভারেণ্ড ডল ও লঙও তাঁহার সহিত যাইতেন। মিঃ লঙই টমসনের সহিত কিশোরীচাঁদের আলাপ করাইয়া দেন। সেই অবধি ডাক্তার টমসন মধ্যে মধ্যে কিশোরীচাঁদের বাটীতে আসিতেন এবং উভয়ে এতদেশে কৃষিক্ষেত্রবিস্তারের উপায় সম্বন্ধে আলোচনাদি হইত :—

“২৫শে অক্টোবর ১৮৫৫। বাড়ীতে একটা ছোট প্রান্ত-ভোজ পাটি দিয়াছিলাম। ডাক্তার টমসন (বট্যানিক গার্ডেনের নূতন সুপারিন্টেন্ডেন্ট), রেভারেণ্ড জে লঙ্ক, আগাবেগ, দাদা ও রাজ। খাওয়ার পর ডাক্তার টি, লঙ, দাদা ও কুমুদকে সাতপুকুরে লইয়া গেলাম। ডাক্তার বাড়ীটির ঐশ্বর্য ও সুরক্ষার পরিচায়ক সাজ-সরঞ্জামের তারিফ করিলেন। সাতপুকুর হইতে আমরা আমার উদ্যান সংলগ্ন রাজা নরসিংহের বাগানে গেলাম। ডাক্তার টমসন নানাবিধ বৃক্ষলতার সুবিশাল সংগ্রহ দেখিয়া বিস্মিত ও আনন্দিত হইলেন। তিনি সমস্ত সন্দর্শন করিলেন। আমিও তাঁহার সহিত পুষ্কালপুষ্কালরূপে সমস্ত দর্শন করিয়া পরিতোষ লাভ করিলাম। হুর্ভাগ্যক্রমে অত্যন্ত দুর্যোগ উপস্থিত হওয়ায় বাগানটা প্রদক্ষিণ করা হইল

না, কেবল কনসারভেটোরিটি দেখিয়াই তাড়াতাড়ি আমরা বাড়ী ফিরিতে বাধ্য হইলাম। ৩টার সময় টিফিন খাইলাম ও দিনটি বেশ আনন্দে কাটিল। ভারতের উদ্ভিদ্বিদ্যা, মেডিক্যাল কলেজের বাঙ্গালা মেডিক্যাল ক্লাস, কৃষিবিদ্যালয় স্থাপনের প্রয়োজনীয়তা প্রভৃতি সকল বিষয়ে দীর্ঘ কথোপকথন হইল। গোপুলির সময় সকলে প্রস্থান করিলেন।

“২৭শে অক্টোবর। আমি অনেকদিন ধরিয়া কৃষিবিদ্যালয়ের বিষয় ভাবিতেছি, এবং গতকল্য টমসন্ ও লঙ্ এর সহিত আমার যে কথাবার্তা হইল তাহাতে একরূপ বিদ্যালয় স্থাপনের আবশ্যিকতা ও সহজসাধ্যতা সম্বন্ধে আমার পূর্ব ধারণা দৃঢ়ীভূত হইয়াছে। আমি একটা skeleton plan প্রস্তুত করিয়া বন্ধুদিগকে দেখাইব। বাঙ্গালা মেডিক্যাল ক্লাস ও বালিকাবিদ্যালয় আমাকে পুনঃ পুনঃ পরিদর্শন করিতে হইবে। শেষোক্ত বিদ্যালয় সম্বন্ধে বীডন সাহেবও সহিত আমাকে দেখা করিতে হইবে। শিল্পবিদ্যালয়টিও যতবার পারি পরিদর্শন করিতে হইবে।”

কিশোরীচাঁদের এই কৃষি ও শিল্পবিদ্যালয় স্থাপনের চেষ্টা কতদূর ফলবতী হইয়াছিল আমরা তাহা অবগত নহি। কিন্তু তিনি আজীবন লিখিত প্রবন্ধে, বক্তৃতা এবং কথোপকথনে যাহাতে এইরূপ বিদ্যালয় সর্বত্র স্থাপিত হয় তাহাব চেষ্টা করিয়াছিলেন।

১৮৫৫ খৃষ্টাব্দে প্রধানতঃ কিশোরীচাঁদের উদ্যোগে এবং প্রযত্নে কুমার কালীকৃষ্ণ রায় কর্তৃক পাইকপাড়ায় একটা ইংরাজী বিদ্যালয় স্থাপিত হয়। কিশোরীচাঁদ এই স্কুলের পরিদর্শক ছিলেন। তিনি প্রায়ই স্কুল পরিদর্শন, পরীক্ষাগ্রহণ ও পারিতোষিক প্রদান করিয়া আনন্দ প্রকাশ করিতেন। শুধু তাহাই নহে, ছাত্রগণ এবং শিক্ষক-

গণকে উৎসাহ দিবার নিমিত্ত তিনি মধ্যে মধ্যে যুরোপীয় ও দেশীয় পণ্ডিতগণকে বিদ্যালয় পরিদর্শন করিতে আনয়ন করিতেন। ইহাদের মধ্যে চিরস্মরণীয় পণ্ডিত ঈশ্বরচন্দ্র বিদ্যাসাগর ও মহামহোপাধ্যায় চন্দ্রকান্ত তর্কালঙ্কার মহাশয়দিগের নাম উল্লেখ করা যাইতে পারে। বিদ্যাসাগর মহাশয় মধ্যে মধ্যে বাঙ্গাল ভাষার পরীক্ষা লইতেন এবং পুস্তকাদি প্রদান করিয়া ছাত্রগণকে উৎসাহ প্রদান করিতেন। এই স্কুলের প্রথম বার্ষিক কার্যাবিবরণীতে কুমার কালীকৃষ্ণ কিশোরীচাঁদের নিকট যে সাহায্য পাইয়াছিলেন তাহা এইরূপে স্বীকৃত হইয়াছে :—

“I have been always warmly assisted by Roy Kissory Chand Mitter, the Magistrate of the Northern Division, Calcutta. He has always evinced a deep interest in the welfare of the School and is one of its sincere friends.”

এইবার সমাজ-সংস্কারবিষয়ে কিশোরীচাঁদ কি করিয়াছিলেন, তাহাই বলিব। যখন হতভাগিনী বর্জ্যবধবার জন্য দেশবাসীর হৃদয় বিচলিত হয় নাই, যখন বহুবিবাহকারী কুলীনগণের কার্য গর্হিত বলিয়া বিবেচিত হইত না, এমন কি যখন যাঁহাদিগের উপর জাতিসংগঠনের ভার ন্যস্ত, সেই নারীজাতির শিক্ষাবিষয়ক প্রস্তাব সাদরে গৃহীত হওয়া দূরে থাকুক, মহা অমঙ্গলকর বলিয়া পরিত্যক্ত হইতেছিল, সেই সময়ে কুসংস্কারাচ্ছন্ন সমাজকে উন্নত করা কিশোরীচাঁদের জীবনের সর্বপ্রথম কর্তব্য বলিয়া বোধ হইল। তিনি এই উদ্দেশ্য সাধনার্থ যথাসাধ্য চেষ্টা করিতে কৃতসংকল্প হইলেন।

শীঘ্রই তাঁহার বাস-ভবনে সমাজোন্নতিবিধায়িনী স্মৃদ্ধসমিতি

প্রতিষ্ঠিত হইল। যে সভায় এই সমিতির প্রতিষ্ঠা হয়, তাহার কার্য-
বিবরণীর বাঙ্গালা অনুবাদ নিয়ে প্রদত্ত হইল—

“সভার কার্যবিবরণী

১৮৫৪ খৃষ্টাব্দে ১৫ই ডিসেম্বর দিবসে কাশীপুরে বাবু কিশোরীচাঁদ
মিত্রের ভবনে বঙ্গের সামাজিক উন্নতিবিধায়িনী একটি সমিতি স্থাপনের
সম্ভাব্যতা স্বীকার করিবার জন্য একটি সভা আহূত হইয়াছিল। বাবু
দেবেন্দ্রনাথ ঠাকুর সভাপতির আসন গ্রহণ করিতে অমুরুদ্ধ হন।

কিশোরীচাঁদ মিত্র সভার উদ্দেশ্য সংক্ষেপে বর্ণনা করিয়া সভার
কার্য আরম্ভ করেন। তিনি এইরূপে সম্ভাষণ করেন;—

“যে রূপ আগ্রহের সহিত আমার সাক্ষ্য নিমন্ত্রণে আপনারা যোগদান
করিয়াছেন, তজ্জন্য আমরা আপনাদিগকে আন্তরিক ধন্যবাদ জ্ঞাপন
করিতেছি। আপনারা সকলেই জানেন, এই সভার উদ্দেশ্য, এত-
দ্দেশে সমাজোন্নতিবিধায়িনী সভা সংস্থাপনের সম্ভাব্যতা সম্বন্ধে আলো-
চনা করা। আমাদের দেশের সমাজ-সংস্কারের প্রয়োজনীয়তার অথবা
ঐরূপ সংস্কারের অপরিমিত সুফলের কথার পুনরুল্লেখ করিয়া আমি
আপনাদের জ্ঞানের অবমাননা করিতে চাহি না। ইহা যে সর্বত্র
অমুষ্ঠিত হওয়া উচিত এবং সর্বপ্রকার সংস্কারের মধ্যে শ্রেষ্ঠতম, ইহা
ব্যতীত যে রাজনৈতিক সংস্কার অসম্ভব, ইহা যে আমাদের দেশের
উন্নতির সহিত অচ্ছেদ্যভাবে বিজড়িত এবং বলিতে কি, একার্থবাচক
এ সকল সত্য নিশ্চয়ই প্রতিদিন আপনাদিগের নিকট প্রতীয়মান হই-
তেছে। আমি নিশ্চয় জানি যে, এ বিষয়ে আমি যেরূপ অনুভব করিতেছি
আপনারাও সেইরূপ করিতেছেন এবং উন্নতির জন্য সেইরূপ ব্যাকুল
হইয়াছেন। যদি আমি এই বিষয়ে স্থিরনিশ্চয় না হইতাম, তাহা হইলে
অন্য সম্মতিকালে আপনাদিগকে আহ্বান করিয়া কষ্ট দিতাম না।



মহর্ষি দেবেন্দ্রনাথ ঠাকুর

আমরা নিশ্চয়ই উদ্দেশ্যসম্বন্ধে একমত হইয়াছি। কিন্তু আমি দুঃখিত যে, উপায় ও কার্যের সময়সম্বন্ধে আমরা একমত উপস্থিত হইতে পারি নাই। আমাদিগের কয়েকজন বন্ধু নির্ভীক এবং সাধুভাবে অগ্রসর হইবার পক্ষ সমর্থন করেন; অপর পক্ষে অন্য বন্ধুগণ (আর দুঃখের বিষয়, তাঁহাদিগের সংখ্যাই অধিক) বিপরীত পক্ষ সমর্থন করেন। পূর্বোক্ত পক্ষ তাঁহাদিগের বিবেকের আদেশ কিয়ৎপরিমাণেও লঙ্ঘন করিয়া সাধারণ দেশবাসিগণ কর্তৃক অবলম্বিত প্রাচীন আচার-ব্যবহারসমূহের অনুসরণ করিতে অসম্মত এবং শেষোক্ত পক্ষ যদিও উহাদের অনিষ্টকারিতা ও নৈতিক অপকর্ষপ্রবণতাসম্বন্ধে জ্ঞাতপ্রত্যয়, তথাপি সেগুলিকে অতিক্রম করিতে অভিলাষী নহেন। আরও এক পক্ষ আছেন, যাহারা এই সকল আচার-ব্যবহার ত্যাগ করিতে উপদেশ দেন, অথচ আপনারা সে সকলের অনুসরণ করেন। তাহার পর সময়সম্বন্ধেও মতভেদ আছে। কোন কোন লোকের বিশ্বাস যে, যেকপ অনুষ্ঠানের বিষয় আমরা চিন্তা করিতেছি, এখনও সে সকলের সময় আসে নাই। আমি যে দলভুক্ত, সে দলের বিশ্বাস যে, আমরা না আনিলে সময় কখনই আসিবে না। শিক্ষিত দেশবাসিগণের মুখে সচরাচর একই ধূয়া শুনিতে পাওয়া যায় যে, জাতিভেদ-লোপের ও বিধবাবিবাহপ্রবর্তনের সময় এখনও আসে নাই। তাঁহারা বলেন যে, আমাদের দেশ এই সকল সংস্কারের জন্য এখনও উপযুক্ত হয় নাই এবং এই সকল সংস্কারবিষয়ে প্রচেষ্টা অতি অসময়ে হইতেছে ও নিশ্চয়ই ফলপ্রসূ হইবে না। আমি অকুণ্ঠিতভাবে বলিতে পারি যে, এই ধূয়া উদাসীনের স্বর—আমাদিগের মধ্যে অকর্মণ্যাদিগের ওজর—ইহা সেই আলস্যের অবলম্বন, যে আলস্য সমগ্র দেশের প্রয়োজন হইলেও একটি অঙ্গুলী উত্তোলন করে না। আমার কথায় বিশ্বাস

ককন, আমরা যদি সময় আনিবে বলিয়া অপেক্ষা করি, তবে দেশের নৈতিক পুনর্জীবনলাভ চিরকালের জন্য স্থগিত থাকিবে। সময়ই বটে!! কেন, ইহা আমাদের প্রযত্ন করিবার উপযুক্ত সময়। যদি আমরা বর্তমান লাগ কাণ, তাহা হইলে সময় কখনও আসিবে না। আমাদের সন্তানগণ এবং পরে আমাদের সন্তানগণের সন্তানগণ ঐ একই সুর গাইবে, 'সময় এখনও আসে নাহ।' না, আমাদের কেই উন্নতিচক্রে দ্বন্দ্ব দিতে হইবে। আমি সত্যি আপনাদিগকে আশ্বস্ত করিতেছি যে, সময় আসন্ন ছে এবং বর্তমান ভাবে চলিলে ইহা আব কখনও আসিবে না। আমি আগ্রহের সহিত অনুরোধ করিতেছি, আপনারা অগ্রসর হউন এবং সময়ের সদ্যবহার ককন। আমি অনুরোধ করিতেছি যে, আপনারা আপনাদিগের কল্যাণসাধনের বর্তমান সুযোগ পরিচালনা করিবেন না। আমি অনুরোধ করিতেছি, আপনাদিগের সমস্ত শক্তি দেশের সমাজসংস্কারকর্ম মহান ও পবিত্র কার্যে উৎসর্গ ককন। আমি আপনাদিগের অনুরোধ করিতেছি—যাঁহারা মানসিক শ্রেষ্ঠতার অগ্রভূমিতে দণ্ডায়মান হইয়া চতুর্দিকে অজ্ঞতা এবং কুসংস্কারের অচ্ছন্ন অন্ধকার সুস্পষ্ট ভাবে দেখিতে পাইতেছেন, তাঁহারা দেশের সভ্যতা-বিস্তার-কার্যে নেতার গৌরবোজ্জ্বল বৃত্ত গ্রহণ ককন। আমি দেশের নামে আপনাদিগকে অনুরোধ করিতেছি, আর আপনাদিগের উপর ন্যস্ত দেশের প্রধানতম অধিকার সকল তুচ্ছ করিবেন না, ভবিষ্যৎ সুযোগের জন্য অপেক্ষা করিয়া উদ্যম হইতে বিরত হইবেন না, যে সকল পেশাচিক সামাজিক পাপের অত্যাচারে দেশ ক্রন্দন করিতেছে, তাহা হইতে তাকে মুক্তি প্রদান করিতে বিনাশ না করিয়া সমস্ত হৃদয়, সমস্ত উৎসাহের সাহিত এই মুক্তির জন্য জীবন উৎসর্গ ককন। প্রবন্ধবচনার ও বক্তৃতা প্রদা-

নের সময় গিয়াছে। কার্যের সময় আসিয়াছে। অতিশয় সাহসের সহিত—প্রভূত বলের সহিত—যুক্তি সাহায্যে দেশকে টানিয়া তুলিতে হইবে। আমাদিগকে এক হইতে হইবে; অনাথা আনাদিগের উদ্দেশ্য বার্থ হইবে। ভগ্নগৃহ এক নিঃশ্বাসে ধূলিসাৎ হয়। প্রাচীন বাঙ্গালী এবং নব্য বাঙ্গালীদিগকে এক সঙ্গে এই অনুষ্ঠানে যোগদান করিতে হইবে। একাত্ত উদ্যম অসম্ভবকেও সম্ভব করে।

“আমাদিগের বাবহারিক ধর্ম বহু দোষের আকর। ইহা সকল প্রকার উন্নতির বিঘ্নকারী। ইহা প্রতিনিয়ত এবং অতি হৃদয়-ভাবে আমাদিগের সকল সামাজিক অন্তঃকণের সহিত সংঘর্ষে আইসে। ইহা কেবল আমাদিগের আহাৰ নিদ্রাব নিয়ম নির্দিষ্ট করিয়াই ক্ষান্ত নহে, এমন কি, শৌচাদি বিষয়েও নিয়ম নির্দিষ্ট করিতেছে। ইহা কেবল যে আমাদিগের যাতায়াতের সময় নির্দিষ্ট করিতেছে, তাহা নহে; কেবল আমাদিগের যাত্রা নিষেধ করিতেছে, বৎসরের মধ্যে অর্দ্ধেক সময় ইহা অমঙ্গলকর বলিয়া ঘোষণা করিতেছে এবং ক্রমশঃ নিষেধ পাব হইতে নিষেধ করিতেছে, এমনও নহে; পরন্তু আমাদিগকে বসিয়া থাকিতে এবং বিশ্রাম করিতে উপদেশ দিতেছে। হাঁ, আমাদিগকে এক নির্দিষ্ট বিধি অনুসারে আহাৰ ও পান করিতে হইবে, পাঠ কবিত্তে হইবে এবং ভ্রমণ করিতে হইবে, বিশ্রাম কবিত্তে হইবে, এবং নিদ্রা ঘাইতে হইবে—যেন আমাদিগের সাধারণ কার্য না করিয়া আমরা একটি গম্ভীর এবং পবিত্র-ধর্ম-কর্ম করিতেছি! মল্ল, যাজ্ঞ বন্ধ্য এবং অন্যান্য স্মৃতিকারগণ আমাদিগের জীবনের নিত্যকর্মগুলি ধর্মের গাম্ভীর্য ও পবিত্রতার সহিত সূচত্বরূপে সংগঠিত করিয়া সর্ব-প্রকার সামাজিক উন্নতির পথ অতি অব্যর্থভাবে রুদ্ধ করিয়া দিয়াছেন। সত্য বটে, গ্রীকধর্মও ঠিক আমাদিগের ধর্মের ন্যায় অদ্ভুত

কুসংস্কারে পূর্ণ ছিল; কিন্তু উহা দেশবাসীর সামাজিক ও গার্হস্থ্য আচার-পদ্ধতির সহিত একরূপ সংশ্লিষ্ট ছিল না। বরঞ্চ উহা কয়েকটি উত্তম ফল প্রসব করিয়াছিল; যথা—যে ভাঙ্কর্যা ও স্বাপত্য আজিও উহার বিগত গৌরব স্মরণ করাইয়া দেয় এবং যাহা এখনও সমগ্র জগৎ প্রতিযোগিতায় অতিক্রম করিতে পারে নাই—তাহা সেই ধর্ম্ম হইতে সৃষ্ট হইয়াছিল এবং সম্পূর্ণতা লাভ করিয়াছিল। রোমান ক্যাথলিক ধর্ম্ম ইহার নানা গর্হিত নিয়ম এবং অনিষ্টকারিতা সত্ত্বেও (অর্গল্ড এবং মেকলে উভয়েই তাহা দেখাইয়াছেন) যুরোপে অতি কলাগণকর ফল প্রদান করিয়াছিল। ইহা জ্ঞানচর্চা বর্দ্ধিত করিয়াছিল, তাই নির্জ্ঞান প্রদেশে ধর্ম্মযাজকগণ সাংসারিক কর্ম্ম হইতে মুক্ত হইয়া, বহির্জগতের মতামত এবং কুসংস্কারের প্রভাব হইতে স্বতন্ত্র থাকিয়া জ্ঞানচর্চায় আপনাদিগকে উৎসৃষ্ট করিতে পারিতেন এবং পরে সেই জ্ঞান সাধারণ জনসংঘের মধ্যে বিস্তৃত করিতে পারিতেন। কিন্তু আমাদিগের জাতীয় ক্রুর সকল প্রকার সামাজিক সংস্কারে অতি প্রবল ভাবে বাধা প্রদান করে। সুতরাং একটির বিনাশের সহিত অপরটির উন্নতি অচ্ছেদ্যভাবে বিজড়িত। বস্তুতঃ যখন ভারতবর্ষ তাহার সঙ্কুচিত ধর্ম্মের দাসত্ব হইতে মুক্তিলাভ করিবে, তখনই আমরা জাতীয় পার্থক্য এবং অন্যান্য পৈশাচিক সামাজিক পাপের নিগড় হইতে মুক্ত হইব এবং যখন এদেশ ধর্ম্ম ও সামাজিক বন্ধন হইতে মুক্তিলাভ করিবে এবং নব-জীবন লাভ করিবে, তখন সকল বাধা-বিঘ্ন অতিক্রম করিয়া উহা স্বতঃই উন্নতিমার্গে উঠিতে থাকিবে এবং সভ্যতা ও স্বাধীনতার সকল প্রকার অধিকার ও স্বত্ব ভূষিত হইবে। গৌরবময় ভবিষ্যতের প্রতি দৃষ্টিপাত করুন—তাহার আলোক দেখা যাইতেছে—মার অধিক দূরে নহে, পরন্তু আপনাদিগের নিকটেই উদ্ভিত হইয়াছে এবং বলুন, আপনারা—

আপনাদিগের নিকট আগত বংশধরদিগের নিকট এবং ভবিষ্যৎ-
ধর্মীয়দিগের নিকট—এই অস্থানে বোগদান করিতে বাধ্য কি না ?
আমি পুনরায়, ষত দূর আগ্রহের সহিত সম্ভব, আপনাদিগকে অমু-
রোধ করিতেছি, আপনারা আপনাদিগের জন্মভূমির সামাজিক
উন্নতির পবিত্র ব্রত গ্রহণ করুন।

“আমি গৌরব এবং আনন্দের সহিত প্রস্তাব করিতেছি যে, ‘এই
সভার মতে সাধারণ হিন্দুজনসংজ্ঞের বর্তমান সামাজিক অবস্থার
আলোচনা করিয়া বোধ হয় যে, সম্মিলিত এবং যথোচিত প্রযত্নই ইহার
উন্নতির একমাত্র উপায় এবং সমাজোন্নতিবিধায়িনী মুহূদসমিতি নামক
একটি সভা স্থাপিত হউক’।”

প্রস্তাবটি বাবু দেবেন্দ্রনাথ ঠাকুর কর্তৃক সমর্থিত হইলে সর্ববাদ-
সম্মতি ক্রমে গৃহীত হইল। তৎপরে নিম্নলিখিত প্রস্তাবগুলি গৃহীত
হয় ;—

বাবু হরিশচন্দ্র মুখোপাধ্যায় প্রস্তাব করেন এবং বাবু ধানবচন্দ্র মিত্র
সমর্থন করেন যে,—সভাগণ স্ব স্ব দৃষ্টান্তে, শিক্ষায়, কর্মে এবং মতে
দেশের সামাজিক উন্নতির বিরোধোৎপাদনকারী এবং যুক্তি ও সত্যের
বিরুদ্ধ সর্বপ্রকার নীচ এবং নৈতিক অবনতির কারণস্বরূপ কুসংস্কারের
অমুমোদন করিবেন না।

বাবু কিশোরীচাঁদ মিত্র প্রস্তাব করেন এবং বাবু অক্ষয়কুমার দত্ত
সমর্থন করেন যে, খ্রীশিক্ষার প্রবর্তন, হিন্দু-বিধবার পুনর্বিবাহ, বাণ্য-
বিবাহবর্জন এবং বহুবিবাহ-প্রচলন-রোধের নিমিত্ত সমিতির শক্তি
বিশেষভাবে প্রয়োগ করা হউক।

বাবু দেবেন্দ্রনাথ ঠাকুর প্রস্তাব করেন এবং বাবু কিশোরীচাঁদ
মিত্র সমর্থন করেন যে, উক্ত প্রস্তাব অনুসারে এই সমিতি হিন্দু-বিধবার

পুনর্বিবাহের আইন সম্বন্ধীয় অক্ষমতা দূর করিবার জন্য বাবস্থাপক-সভায় আবেদন করা হউক এবং আপাততঃ অনতিবৃহৎ আয়োজনে নগরের উপকণ্ঠে অথবা ভিন্ন ভিন্ন পাড়ায় বালিকা-বিদ্যালয় প্রতিষ্ঠার প্রযত্ন ও প্রচেষ্টা করা হউক।

বাবু প্যারীচাঁদ মিত্র প্রস্তাব করেন এবং বাবু কাশীনাথ দত্ত সমর্থন করেন যে, সভার উদ্দেশ্য সাধনের জন্য সভাসংখ্যা বৃদ্ধি করিবার ক্ষমতাবিশিষ্ট একটি কার্যনির্বাহক সমিতি সংগঠিত হউক।

রাত্রি ৯।০ ঘটিকার সময় সভাপতিকে প্রথানুযায়ী ধন্যবাদ প্রদান করিয়া সভা ভঙ্গ করা হয়।

(স্বাক্ষর) শ্রীদেবেন্দ্রনাথ ঠাকুর

সভাপতি

সভাপতি

বাবু দেবেন্দ্রনাথ ঠাকুর

কার্যনির্বাহক-সমিতির সভ্যগণ।

রাজা সত্যচরণ ঘোষাল বাহাদুর, বাবু প্যারীচাঁদ মিত্র, বাবু হরিশ্চন্দ্র মুখোপাধ্যায়, বাবু চন্দ্রশেখর দেব, বাবু রাজেন্দ্রলাল মিত্র, বাবু ঈশ্বরচন্দ্র মিত্র, বাবু শ্যামাচরণ সেন, বাবু দিগম্বর মিত্র, বাবু যাদবচন্দ্র মুখোপাধ্যায়, বাবু গৌরদাস বসাক, বাবু অক্ষয়কুমার দত্ত, বাবু কিশোরীচাঁদ মিত্র।

সম্পাদকগণ

বাবু কিশোরীচাঁদ মিত্র।

বাবু অক্ষয়কুমার দত্ত।

এই সভার সভ্যগণের নামের তালিকা পাওয়া যায় না। তবে অনেক শিক্ষিত হিন্দু যে ইহাতে যোগদান করিয়াছিলেন, তাহাতে

সন্দেহ নাই। বাবু রাধানাথ শিকদার ও বাবু রসিককৃষ্ণ মল্লিক প্রভৃতি এই সভার সভ্য ছিলেন; কারণ, ১৮৫৫ খৃষ্টাব্দে ৯ই ডিসেম্বর তারিখে কিশোরীচাঁদ ডায়েরীতে লিখিয়াছেন,—

“আমি, দাদা, রাধানাথ, রসিক ও তারকনাথ সেন একত্র হইয়া হিন্দুবিধবাগণের পুনর্ব্বার বিবাহ সম্বন্ধে ব্যবস্থাপক সভার প্রতি আমাদের প্রার্থনাপত্র বিবেচনা ও সংশোধন করিলাম।”

১৮৫৭ খৃষ্টাব্দের কার্যানির্ব্বাহক-সমিতির সদস্যগণের মধ্যে এই কম্বটি নূতন নাম দেখিতে পাওয়া যায়—বাবু শিবচন্দ্র দেব, বাবু হরচন্দ্র ঘোষ, বাবু হের্ষচন্দ্র চৌধুরী, বাবু জীবনকৃষ্ণ সেন।


আমরা ১৮৫৭ খৃষ্টাব্দে প্রকাশিত এই সভার একটি বাৎসরিক কার্যবিবরণী প্রাপ্ত হইয়াছি। ইহা হইতে দৃষ্ট হয় যে, এই সভায় বহু প্রয়োজনীয় সমাজসংস্কারবিষয়ক প্রস্তাব আনোচিত হইয়াছিল এবং সংস্কারকল্পে যথাসাধ্য চেষ্টাও হইয়াছিল। আমরা এই সভার অস্বষ্টিত্ব কয়েকটি প্রধান কার্যের সংক্ষিপ্ত পরিচয় নিম্নে প্রদান করিতেছি।

(১) ১৮৫৫ খৃষ্টাব্দের প্রারম্ভে এই সভা বহুবিবাহ নিবারণের নিমিত্ত ‘ভারতীয় ব্যবস্থাপকসভায়’ সর্ব্বপ্রথম আবেদন প্রেরণ করেন। ঈশ্বরচন্দ্র বিদ্যাসাগর মহাশয়ও তাঁহার বহুবিবাহবিষয়ক পুস্তকের ভূমিকায় লিখিয়াছেন যে, কিশোরীচাঁদই সর্ব্বপ্রথম বন্ধুবর্গ-সমবায় হইতে এই গহিত প্রথার বিরুদ্ধে ব্যবস্থাপক-সভায় আবেদন প্রেরণ করেন। রক্ষণশীল হিন্দুগণের নেতা রাজা রাধাকান্ত দেব এই আবেদনের বিরুদ্ধে আর একখানি আবেদন করেন। ১৮৫৬ খৃষ্টাব্দে বহু সম্ভ্রান্ত ব্যক্তি এই আবেদনের অধুরূপ আর একটি আবেদন প্রেরণ করেন। স্মরণ্য এই সমবায় হইতেই একটি দেশব্যাপী আন্দোলনের স্রষ্টি হইয়াছিল। ১৮৫৭ খৃষ্টাব্দের কার্যবিবরণীতেও দেখা যায় যে,

ঐ বৎসর ঐ সমবায় আর একখানি যুক্তিপূর্ণ আবেদন-পত্র প্রেরণ করিবার চেষ্টা করিতেছিলেন।

(২) এই সভা পণ্ডিত ঈশ্বরচন্দ্র বিদ্যাসাগর মহাশয়ের প্রস্তাবিত বিধবা-বিবাহ-বিষয়ক আইন বিধিবদ্ধ করিতে সাহায্য করেন। তাঁহার সকল বিষয়েই বিদ্যাসাগর মহাশয়ের সহিত একমত হইয়াছিলেন। কেবল বিধবাবিবাহ যে হিন্দুশাস্ত্রসম্মত, কয়েকজন সভ্য তাহা বিশ্বাস করেন নাই। সেইজন্য এই সভা প্রস্তাবিত আইনের কোনও অংশ সামান্য পরিবর্তিত করিবার নিমিত্ত আবেদন করিয়াছিলেন এবং বিধবাবিবাহ রেজেষ্ট্রারী করিবার প্রস্তাব করেন। ব্যবস্থাপক-সভার বিশেষ সমিতি মিঃ গ্রাণ্টের বিল পরীক্ষা করিবার সময় তাঁহাদিগের রিপোর্টে এই সমবায়ের প্রস্তাব কেন গৃহীত হইতে পারে না—তাহা লিখিয়াছিলেন। বাহা হউক, বিধবাবিবাহ আইন বিধিবদ্ধ হওয়ায় এই সভা আনন্দ প্রকাশ করেন এবং পণ্ডিত ঈশ্বরচন্দ্র বিদ্যাসাগরকে তাঁহার “অদম্য উৎসাহ এবং অপূর্ণ দেশহিতৈষণার” জন্য ধন্যবাদ জ্ঞাপন করেন। ১৮৫৬ খৃষ্টাব্দের ৭ই এবং ৮ই ডিসেম্বর বঙ্গদেশে এই আইনানুসারে যে প্রথম এবং দ্বিতীয় বিধবাবিবাহ অনুষ্ঠিত হয়, তাহাতে এই সভার সম্পাদক (কিশোরীচাঁদ) এবং সভার অনেক সভ্য “পণ্ডিত ঈশ্বরচন্দ্রকে এই কার্যে সাহায্য করা কর্তব্য এবং গৌরবের বিষয় বলিয়া বোধ করিয়াছিলেন।” এই স্থানে কিশোরীচাঁদের ভাষ্যেরী হইতে ছই-এক অংশ উদ্ধার করা অপ্ৰাসঙ্গিক হইবে না ;—

“৭ই ডিসেম্বর ১৮৫৬। অদ্যকার দিন আমার দেশের ইতিবৃত্তে নবযুগের প্রারম্ভ বলিয়া গণ্য হইবে। অদ্য রাত্রি ছই প্রহরের সময় প্রথম বিধবাবিবাহ অনুষ্ঠিত হইল। সিমুলিয়া স্কীয়াষ্ট্রীটস্থ রাজকৃষ্ণ মুখে পাধ্যায়ের (?) বাটীতে হইল। পাত্র স্প্রসিক্ কথক ৬রামধন



ঈশ্বরচন্দ্র বিদ্যাসাগর

শিরোমণির পুত্র এবং মুর্শিদাবাদ সার্কেলের জজ পণ্ডিত শ্রীশচন্দ্র বিদ্যারত্ন। পাত্রী ৬ত্রক্ষানন্দ মুখোপাধ্যায়ের বিধবা কন্যা। আমি আহারাতির পর দাদা, শিবচন্দ্র দেব, গোপী ও অন্যান্য বন্ধুগণের সহিত গিয়াছিলাম। বাড়ীতে অনেক লোকের সমাগম হইয়াছিল। নবাবজের দল ত ছিলই, তদ্বাতীত গবর্ণমেন্ট সংস্কৃত কলেজের কয়েকজন অধ্যাপক এবং বালী ও অন্যান্য স্থানের কয়েকজন পণ্ডিত ও বাঙ্গালার প্রাচীন সম্প্রদায়ের দুই-একজন ব্যক্তি উপস্থিত ছিলেন। সকল কার্যাই নিরীয়ে সম্পাদিত হইল। পুরাতন শাস্ত্রসম্মত পদ্ধতি অনুসারেই ক্রিয়াটি আচরিত হয়। কন্যার মাতা লক্ষ্মী দেবী কন্যা সম্প্রদান করিলেন। যে ঘরে সম্প্রদান হয় সে ঘরে আমি ও রাম-গোপাল মাত্র উপস্থিত ছিলাম, পরিবাহক ব্যক্তি ভিন্ন আর কেবল ঈশ্বরচন্দ্র বিদ্যাসাগর ছিলেন, যাঁহার অবিশ্রাস্ত উৎসাহ এবং অননুক্রম-ণীয় যুক্তিকুশলতার জন্যই এই শুভ ফল প্রধানতঃ উৎপন্ন হইয়াছে।

“৮ই ডিসেম্বর। অদ্য সন্ধ্যাকালে আর একটি বিধবাবিবাহে উপস্থিত ছিলাম। যাঁহারা উদ্ধাত্তবন্ধনে আবদ্ধ হইলেন তাঁহারা অতি সম্ভ্রান্ত বংশোদ্ভূত কায়স্থ। পাত্র কৃষ্ণকালী ঘোষের পুত্র মধুসূদন ঘোষ,—সাহেবঘাট রাজপরিবাসম্পর্কিত রামকালী ঘোষের আজীয়। পাত্রী ঠনঠনিয়ার ঈশানচন্দ্র মিত্রের বিধবা কন্যা।”

(৩) এই সভায় গঙ্গাযাত্রা উঠাইয়া দিবার প্রস্তাব আলোচিত হয়, কিন্তু শিক্ষাবিস্তারের সহিত শীঘ্রই এই প্রথা বিলুপ্ত হওয়া সম্ভব, এই বিবেচনা করিয়া গবর্ণমেন্টে আবেদন করা নিম্নপ্রয়োজন বলিয়া বিবেচিত হয়।

(৪) স্ত্রীশিক্ষা বিস্তারের জন্য এই সভা প্রথম হইতেই উৎসুক ছিলেন। সম্পাদক (কিশোরীচাঁদ) কর্তৃক তাঁহাব কাশীপুরস্থ ভবনে

একটি বালিকা-বিদ্যালয় প্রতিষ্ঠিত হইয়াছিল। কিন্তু ছাত্রীর অভাবে এবং স্থানীয় ব্যক্তিগণের সহানুভূতির অভাবে ঐ বিদ্যালয় উঠিয়া যায়।

(৫) বাঙ্গালী কৃষকগণের যথার্থ অবস্থা ইংলণ্ডের জনসাধারণের গোচর করিবার উদ্দেশ্যে এই সভা “প্রজাগণের সামাজিক অবস্থা” বিষয়ে সর্বোৎকৃষ্ট প্রবন্ধের জন্য পাঁচশত টাকা পুরস্কার ঘোষণা করেন। কিন্তু পরীক্ষকগণের (সভাপতি, সম্পাদক এবং রেভারেন্ড মিঃ জে, লঙ্ক্) মতে কোনও প্রবন্ধ পুরস্কারযোগ্য বিবেচিত হয় নাই। সুতরাং প্রাইজ ফণ্ডের টাকায় প্রজাগণের অবস্থাসম্বন্ধীয় মৌলিক এবং গবেষণাপূর্ণ পুস্তক বা পুস্তক্যাংশ, রিপোর্ট প্রভৃতি প্রচার করা হইবে স্থির হয়।

(৬) চড়ক পূজার সহিত সংশ্লিষ্ট যে সকল নিষ্ঠুর প্রথা প্রচলিত, সে সকলের উচ্ছেদের জন্য এই সভা বিশেষ চেষ্টা করেন।

উপরে বর্ণিত সংক্ষিপ্ত বিবরণ হইতে এই সভায় অনুষ্ঠিত কার্যাবলী সম্বন্ধে একটা স্থূল ধারণা হয়। সে সময়ে সমাজ-সংস্কার কার্য্য নিতান্ত সহজসাধ্য ছিল না। কারণ, তখন শিক্ষা এত বিস্তৃতিলাভ করে নাই এবং অকাটা যুক্তিসকলও অজ্ঞানতাবশতঃ পরিত্যক্ত হইত। এই স্থলে আমরা পূর্বোক্ত কার্য্যবিবরণীর উপসংহারংশের অনুবাদ প্রদান করিয়া এই পরিচ্ছেদ শেষ করিব। বলা বাহুল্য, এই বিবরণী কিশোরচাঁদ কর্তৃক লিখিত।

“আপনাদিগের কার্য্যানির্ব্বাহক-সমিতি এই সভার এই সংহত অথচ সংক্ষিপ্ত কার্য্যবিবরণীর উপসংহারে গত বৎসরে অতি অল্প কার্য্য সংসাধিত হইয়াছে বলিয়া দুঃখ প্রকাশ করিতেছেন। কিন্তু এ বৎসর যে বিঘলে গিয়াছে এমন কথা বলা যায় না। অজ্ঞতা ও কুসংস্কার

জরে ইহা বিশেষভাবে প্রযুক্ত হইয়াছে। হতভাগিনী বিধবাগণের শৃঙ্খল মুক্ত হইয়াছে এবং অদূর ভবিষ্যতে হিন্দুনারী আর গার্হস্থ্য বস্ত্র বলিয়া বিবেচিত হইবেন না। সভার দূরীকরণীয় ভুক্তির বিপুলতা এবং প্রস্তাবিত উদ্দেশ্য ও প্রাপ্ত সুযোগের অসমতা বাহ্য অকৃতকার্যতার যথেষ্ট কারণ বলিয়া অনুভূত হইবে।

“আমাদিগের দেশের সভক্তিপূজিত বিধানসকল, ইহার অতি প্রাচীন অথচ অস্বাভাবিক আচারসমূহ, ইহার অতি প্রাচীন অথচ ন্যায়বিরুদ্ধ কুসংস্কারসমূহ এক দিনে উচ্ছিন্ন হইবার নহে। সাফল্যের মুকুট লাভ করিবার পূর্বে এই সভাকে বহু বৎসর কার্য্য করিতে হইবে। কিন্তু সংসাদিত পরিবর্তনের গুরুত্ব দর্শন করিয়া মুগ্ধ না হইয়া থাকা যায় না। যখন আপনাদিগের সমিতি কয়েক বৎসর পূর্বের হিন্দুর মানসিক অবস্থার সহিত বর্তমান অবস্থার তুলনা করেন—যখন তাঁহারা স্মরণ করেন, সেই এক সময়ের—অবিচ্ছিন্ন অজ্ঞতা কিরূপে দূর হইল—কিরূপে সমগ্র জাতির মতি কুসংস্কারে নীচতাপ্রাপ্ত এবং চিত্তবিকারে শৃঙ্খলাবদ্ধ হইয়াছিল, কিরূপে তাহারা শৃঙ্খলমুক্ত হইতেছে ও ব্রাহ্মণের প্রাধান্য অতিক্রম করিয়াছে এবং আপনাদের স্বাধীনতা ঘোষণা করিয়াছে—তখন তাঁহারা সমাজসংস্কারবিষয়ে নিরাশ হইবার কারণ দেখিতে পান না এবং সর্বশক্তিমান সিদ্ধিধাতার প্রতি ধন্যবাদের অশেষ কারণ বিদ্যমান আছে মনে করেন।”

সপ্তম পরিচ্ছেদ

মুক্তি

স্বাধীনতার সহিত রাজকর্ম সম্পাদন করিয়া, দেশে শিল্প, শিক্ষা ও সমাজের উন্নতিকল্পে অবিশ্রান্তভাবে পরিশ্রম করিয়া, এশিয়াটিক সোসাইটি, ডিষ্ট্রিক্ট চ্যারিটেবল সোসাইটি প্রভৃতি বহু সভার একজন প্রধান সভ্যরূপে বক্তৃতা ও আলোচনাদি করিয়াই যে কিশোরীচাঁদ নিশ্চিন্ত ছিলেন, তাহা নহে। তিনি এই সময়ে রাজনীতিরও বিলক্ষণ চর্চা করিয়াছিলেন এবং দেশের রাজনৈতিক অবস্থা উন্নত করিবার জন্য যথেষ্ট চেষ্টা করিয়াছিলেন। পূর্বেই বলিয়াছি, কিশোরীচাঁদের বাটীতে প্রায় প্রতি সপ্তাহেই দেশের শ্রেষ্ঠ ব্যক্তির একত্র হইয়া নানা প্রকার দেশহিতকর বিষয়ের আলোচনা করিতেন। মহাত্মা জর্জ টম্পনের প্রথম ভারতবর্ষে আগমন এবং এতদ্দেশে রাজনৈতিক আন্দোলনের সৃষ্টির বিষয় পূর্বেই কথিত হইয়াছে। ১৮৫৭ খৃষ্টাব্দে তিনি দ্বিতীয়বার এদেশে আগমন করেন। ইনি কিছুদিন কিশোরীচাঁদের আতিথ্য গ্রহণ করিয়াছিলেন এবং নব্যবঙ্গকে পুনরায় উত্তেজনা-ময়ী রাজনৈতিক বক্তৃতায় উদ্দীপ্ত করিয়া তুলেন। এই সময়ে “মফঃস্বলস্থ ফৌজদারী বিচারালয়ে শ্বেতাঙ্গ অপরাধীর বিচার :হওয়া উচিত কি না,” এই বিষয় আলোচিত হইয়াছিল। এ পর্য্যন্ত এই সকল স্বাধীন ব্রিটনবাসীর ফৌজদারী মোকদ্দমা-সমূহের বিচারনিষ্পত্তির ক্ষমতা কেবল সুপ্রীমকোর্টেরই ছিল। সুদূর মফঃস্বলে ইংরাজ প্লাণ্টার এবং দেশীয় প্রজার মোকদ্দমা বাধিলে দরিদ্র প্রজাকে প্রভূত সময় এবং অর্থ নাশ করিয়া কলিকাতায় আসিয়া নালিশ রুজু করিতে হইত। তখন যাতায়াতেরও এত সুবিধা ছিল না। আইন কমি-

শস্যের তদানীন্তন সতাপতি মাননীয় মিঃ পিকক্ নূতন ফৌজদারী
বিধির খসড়া পেশ করিবার সময় এই প্রস্তাব উত্থাপিত করেন। শিক্ষিত
ভারতবাসীরা এই বিষয়ে যে বিরাট আন্দোলন উপস্থিত করিয়া-
ছিলেন, তাহা আমাদিগের দেশে এক অভূতপূর্ব ব্যাপার। পরে
বোধ হয়, ইলবার্ট বিলের আলোচনাকালে এবং গত স্বদেশী আন্দো-
লনের সময় মাত্র দেশবাসী এইরূপ উত্তেজিত হইয়াছিলেন। কিশোরী
চাঁদের ডায়েরী হইতে প্রতীয়মান হয় যে, তিনি এই আন্দোলনের
অন্যতম স্রষ্টা।

কিশোরীচাঁদের প্রস্তাবানুসারে ১৮৫৭ খৃষ্টাব্দে ৬ই এপ্রিল তারিখে
টাউনহলে এক বিরাট সভা আহূত হয়। ইহাতে দেশের প্রধান
প্রধান ব্যক্তিগণ সকলেই উপস্থিত ছিলেন। এতদ্ব্যতীত মেসার্স
জেম্‌স্‌ হিউম, জর্জ টমসন্, রেভারেন্ড জে লঙ প্রভৃতি কয়েকজন
অকৃত্রিম ভারতবন্ধুও এই সভায় উপস্থিত ছিলেন। পাইকপাড়ার
স্বনামধন্য রাজা প্রতাপচন্দ্র সিংহ এই সভায় প্রথম প্রস্তাব উপস্থাপিত
করেন :—

“এই সভার সতর্ক বিচারে, ন্যায় এবং বিগ্ৰহ নীতি অনুসারে,
তথা দেশের পরিবর্তিত অবস্থায় ইহা বাঞ্ছনীয় যে, মহারাজার ভারত-
সাম্রাজ্যের মধ্যে মহারাজার সর্বজাতীয় প্রজা ফৌজদারী মোকদ্দমায়
যে কোনও দোষের জন্য অভিযুক্ত হউন না, একই বিধি দ্বারা, একই
বিচারকগণ কর্তৃক বিচারিত হইবেন এবং কোনও সম্প্রদায়ের ব্যক্তি,
জন্মস্থান, ধর্ম অথবা লৌকিক অবস্থাব নিমিত্ত অন্যান্য প্রজাবৃন্দ
হইতে বিশেষ সত্ত্ব বা অপ্রকাশ্য সুবিধা দ্বারা রাজবিধির নিকট ভিন্ন-
ভাবে দৃষ্ট হইবেন না। অতএব এই সভা আত্মরিক আশা করেন যে,
মহারাজার কোনও শ্রেনীর প্রজা মফঃস্বলস্থ বিচারালয়ের অধিকার-

বহির্ভূত হইবেন না—এই নীতি বাবস্থাপক সভার আলোচনাধীন ফৌজদারী বিধির মধ্যে সম্পূর্ণভাবে সন্নিবিষ্ট হইবে।”

কিশোরীচাঁদ এই প্রস্তাব সমর্থন করিয়া যে সুদীর্ঘ অথচ অতীব চিন্তাকর্ষক বক্তৃতা প্রদান করেন, ভারতবর্ষনিবাসী ইংরাজ ও এতদ্দেশীয় প্রজাগণের মধ্যে অন্যায় ও অস্বাভাবিক পার্থক্য দূরীকরণার্থ যে সকল যুক্তির অবতারণা করেন এবং যে অসীম সাহস ও তেজস্বিতার সহিত ন্যায়ের পক্ষ গ্রহণ করিয়া রাজবিরির অপসৃত নীতির কঠোর সমালোচনা করেন, তাহা তাঁহার বক্তৃতাটি পাঠ না করিলে সম্যকরূপে উপলব্ধি হইবে না। জুজের বিষয়, এই ক্ষুদ্র প্রবন্ধে তাঁহার এই প্রসিদ্ধ বক্তৃতার সারাংশ প্রদান করাও সম্ভবপর নহে। ‘ইংলিশম্যান’র সম্পাদক কব হাবী লিখিয়াছিলেন যে, “চারি জন মিত্র উক্ত সভার দিনটি জয় করিয়াছেন” (Four Mitras have won the day); কিশোরীচাঁদ, দিগম্বর, রাজেন্দ্রলাল ও প্যারীচাঁদ মিত্র এই সভার কার্যে বিশেষভাবে যোগদান করিয়াছিলেন। এই সভায় প্রদত্ত বক্তৃতাগুলির মধ্যে কিশোরীচাঁদের বক্তৃতা ই সর্বোৎকৃষ্ট হইয়াছিল।

এই সভার কার্যাবলিরূপী ইংরাজী সংবাদপত্রসমূহে অতি তীব্রভাবে সমালোচিত হইয়াছিল। কিন্তু কিশোরীচাঁদ জানিতেন যে, ইহাতে সুফল ফলিবে। ইংলণ্ডের জনসাধারণের দৃষ্টি আকৃষ্ট হইবে।

ষাটলগু তাংহাই। সিপাহী-বিদ্রোহের গোলমালে এই সভা কর্তৃক প্রেরিত আবেদন ভারতগবর্ণমেন্ট কর্তৃক ইংলণ্ডে প্রেরিত হয় নাই। কিন্তু ‘কোর্ট অব্ ডিরেক্টরস্’ তাঁহাদিগের এক পত্রে উহার বিষয় উল্লেখ করেন এবং ১৮৫৭ খৃষ্টাব্দে ২৭শে নভেম্বর তারিখে উহা ইংলণ্ডে প্রেরিত হয়। এই আন্দোলনের উদ্দেশ্য আংশিকভাবে সফল হইয়াছিল। নূতন আইনে বিধিবদ্ধ হইল যে,

মফঃস্বলস্থ বিচারালয় সমূহে এতদেশীয় ব্রিটনবাদীদিগের বিরুদ্ধে ফৌজদারী মোকদ্দমা চলিতে পারিবে। তবে ইচ্ছা করিলে, ব্রিটিশগণ বলিতে পারিবেন যে, “কালী আদমীর নিকট আমাদিগের বিচার-নিষ্পত্তি হইবে না।”

বলা বাহুল্য, কিশোরীচাঁদ এই আন্দোলনের নেতৃত্ব গ্রহণ করিয়া গবর্ণমেন্টেব ও অনেক উচ্চপদস্থ ইংরাজ-কর্মচারীকে অসন্তোষভাজন হইয়াছিলেন। কিন্তু তিনি স্বার্থের জন্য ন্যায় ও সত্যাহুমোদিত দেশহিতকর কন্মের অমুঠানে বিরত থাকিবার লোক ছিলেন না। এই সময়েই তিনি আবও একটি কার্যের দ্বারা বহু ক্ষমতাশালী ইংবাজের (গবর্ণমেন্টের নহে) অপ্রিয় হইয়াছিলেন। তাহার বিষয় পরে বলিতেছি।

১৮৫৮ খৃষ্টাব্দে সিপাহী-যুদ্ধের অবসানে ভারতপ্রবাসী ইংরাজগণ ভাবতবাদীর উপর নিতান্ত প্রতিহিংসাপরায়ণ হইয়া উঠেন। চতুর্দিকে কেবল “প্রতিহিংসা” “প্রতিহিংসা” রব উঠিত হইল। কয়েক জন নির্মম ও মূর্খ সিপাহী কতৃক অমুষ্টিত অত্যাচারের প্রতিশোধ লইবার জন্য শান্তিপ্রিয় ঈশার শিষ্যগণ নির্দোষ লক্ষ লক্ষ প্রজার বিরুদ্ধে উত্তেজিত হইয়া উঠিলেন। সদাশয় লর্ড ক্যানিং দৃঢ়তার সহিত প্রতিহিংসাপরায়ণ ইংবাজগণের মন্তুণা পরিত্যাগ করিয়া ককণার উংস উন্মুক্ত করিয়া দিলেন। কিন্তু এই সকল ইংরাজ মহাত্মা ক্যানিংএর মতং ভাব উপলব্ধি কবা দূরে থাকুক, তাঁহার প্রতি নিতান্ত নীচজনোচিত বিজ্ঞপবাক্য প্রয়োগ করিতে লাগিলেন এবং কার্যে ও বাক্যে এই অসভ্যজনোচিত প্রতিহিংসার সমর্থন করিতে লাগিলেন। এই সময় কেবলমাত্র কতিপয় শিক্ষিত ভাবতবাদী দেশের যথার্থ অবস্থাধর্ণন ও লর্ড ক্যানিংএর সমীচীন নীতির সমর্থন করিয়া রাজ্যশাসনে

ক্যানিংকে সাহায্য ও উৎসাহ প্রদান করেন। তাঁহাদিগের মধ্যে ‘হিন্দুপেট্রিয়ার্টের’ তৎকালীন সম্পাদক চিরস্মরণীয় হরিশ্চন্দ্র মুখোপাধ্যায় ও তাঁহার অভিন্নহৃদয় সখ্যদ হিন্দুপেট্রিয়ার্টের জন্মদাতা ও উহার প্রথম সম্পাদক সুপণ্ডিত ও সুলেখক গিরিশচন্দ্র বোষ বিশেষভাবে উল্লেখযোগ্য। শেষোক্ত মহাত্মা অসামান্য নির্ভীকতা-সহকারে শ্লেষ-বর্ষা ভাষায় “জাতিবৈরিতা ও জাতিবিদ্বেষ” বিষয়ক যে সকল প্রবন্ধ প্রকাশ করেন সে সকল সম্বন্ধে কৃষ্ণদাস পাল ‘হিন্দুপেট্রিয়ার্টে’ উক্ত মহাত্মার মৃত্যুবিষয়ক প্রবন্ধে লিখিয়াছিলেন, সেগুলি “সম্পাদকের হাড়কাঠে দেওয়া মাথায় এই সকল যুদ্ধার্থী মহাপ্রভুদের প্রতিশোধের আকাঙ্ক্ষা উজ্জ্বল করিয়াছিল”। দেশপ্রাণ কিশোরীচাঁদও এই সময় তাঁহার অকৃত্রিম সখ্যদ হরিশ্চন্দ্রের সাহায্যার্থ অগ্রসর হইয়াছিলেন। ১৮৫৮ খৃষ্টাব্দে The Mutiny, the Government and the People—“By a Hindu” নামক একখানি পুস্তিকা প্রণয়ন ও প্রকাশ করিয়া তিনি অকাটা যুক্তি দ্বারা প্রমাণ করেন যে, সিপাহীবিরোধে সৈন্যসংক্রান্ত বিপ্লবমাত্র, ইহাতে সমগ্র দেশের জনসাধারণের কিছুমাত্র সহায়ত্ব নাই। দেশবাসী রাজভক্তই আছেন। কয়েকজন মূঢ় সিপাহীর জন্য নির্দোষ দেশবাসীর উপর প্রতিহিংসা-গ্রহণ নিতান্ত অসঙ্গত। ক্যানিংএবং গবর্ণমেন্টের বিরুদ্ধে সাধারণ ইংরাজগণ কর্তৃক দুইটি অভিযোগ উত্থাপিত হইয়াছিল। যথা—

(১) বিদ্রোহিণের সহিত অত্যন্ত ক্ষমাশীল ব্যবহার।

(২) গবর্ণমেন্টের দূরদর্শিতার, এবং বিদ্রোহের প্রকৃতি ও আকৃতি সম্বন্ধে বিচারক্ষমতার অভাব, অথবা বিদ্রোহদমনে অবহেলা বা শিথিলতা।

কিশোরীচাঁদ তাঁহার প্রবন্ধে যুক্তি দ্বারা এই অভিযন্তগুলির খণ্ডন

করিয়া গবর্ণমেন্টের কার্যের সমর্থন করেন। শুনিয়াছি, মহামতি লর্ড ক্যানিং বাহাদুর এই পুস্তক পাঠ করিয়া সান্ত্বিত হইতেন এবং গ্রন্থকারকে একখানি প্রশংসাপূর্ণ পত্র লিখেন। দুর্ভাগ্যবশতঃ পত্রখানি আমাদের হস্তগত হয় নাই। ১৮৫৮ খৃঃ অব্দে ২৫শে ফেব্রুয়ারী তারিখে ‘হিন্দুপেট্রিয়ার্ট’ উক্ত পুস্তিকার সুদীর্ঘ প্রশংসাপূর্ণ সমালোচনার উপসংহারে বলেন যে, সিপাহীবিদ্রোহ-সংক্রান্ত প্রবন্ধগুলির মধ্যে ইহা যে একটি অতিশয় চিন্তাশীল ও যুক্তিপূর্ণ প্রবন্ধ, তাহাতে সন্দেহ নাই।

এই পুস্তক প্রকাশের পূর্বেই কিশোরীচাঁদ এক প্রকাশ্য সভা আহ্বান করিয়া ক্যানিং বাহাদুরকে সিপাহীবিদ্রোহে জায়সঙ্গত এবং বিচক্ষণ নীতি অবলম্বনের জন্ত ধন্যবাদ দিয়াছিলেন। আমরা এই সভার কার্যবিবরণ সংগ্রহ করিতে পারি নাই। তবে তাঁহার ভাষণ-রীতে ইহার উল্লেখ দেখিতে পাই।

ইহা ব্যতীত প্রকাশ্য সভায় বক্তৃতা প্রদানকালে তিনি এই সকল মত প্রচার করিতেন। এই বৎসর শিবচন্দ্র দেব কর্তৃক প্রতিষ্ঠিত কোন্নগর স্কুলের পারিতোষিক বিতরণকালে সভাপতিরূপে কিশোরীচাঁদ একটি সুন্দর বক্তৃতা প্রদান করিয়াছিলেন এবং সাধারণ ইংরাজগণের বিদ্রোহসম্বন্ধে ভ্রান্ত ধারণা দূর করিবার চেষ্টা করিয়াছিলেন। তাঁহার দেশে শিক্ষাবিস্তারকার্য্য বন্ধ করিয়া দিবার প্রস্তাব করিতেছিলেন। কিশোরীচাঁদ বলেন, শিক্ষার অভাবই এই বিদ্রোহের কারণ এবং সর্বত্র শিক্ষাবিস্তারের জন্য চেষ্টা হওয়া উচিত।

এই সময়ের সকল রাজনীতিক আন্দোলনে যোগদান করিয়া কিশোরীচাঁদ কেবল কয়েকজন ইংরাজের বিরক্তিভাজন হইয়াছিলেন, তাহাই নহে; ঈর্ষাপ্রণোদিত কতিপয় ভারতীয় কর্মচারীও তাঁহাকে বিপদগ্রস্ত করিতে চেষ্টা করেন। তাঁহার এই সকল শত্রুগণের মধ্যে

সর্বপ্রধান তদানীন্তন পুলিশ-কমিশনার মিঃ ওয়াকোপ (Mr Wauchope) কয়েকবার তাঁহার নামে গবর্ণমেন্টে রিপোর্ট করেন। কিন্তু এই রিপোর্টের কোনও ফল হয় নাই। পুলিশ-ম্যাজিষ্ট্রেট তখন বিচারবিভাগের প্রধান ছিলেন, পুলিশ কমিশনের মতে না চলিয়া স্বাধীনভাবে কার্য্য করিতে পারিতেন। কিশোরীচাঁদের সহযোগী দক্ষিণ-বিভাগের পুলিশ ম্যাজিষ্ট্রেট মিঃ জেঃ হিউম কিশোরীচাঁদের অকৃত্রিম বন্ধু ছিলেন এবং উভয়েই ন্যায্যপরায়ণতা ও বিচারকালে অপক্ষপাতিত্ব-প্রদর্শন দ্বারা সকলেরই প্রীতিভাজন হইয়াছিলেন। কিন্তু একপে কার্য্য করিতে হইলে সময় সময় পুলিশের দোষ প্রদর্শন করিতেও হয়। স্মরণ্য পুলিশ-কমিশনার উভয়ের উপর ক্রুদ্ধ হইলেন। ‘ইংলিশম্যান’ পত্রে প্রায়ই এই দুই জন লোকরঞ্জক ম্যাজিষ্ট্রেটকে আক্রমণ কারিয়া পত্রাদি লিখিত হইত। কিন্তু ওয়াকোপের মনোবাঞ্ছা পূর্ণ হইল না। হিউম এবং কিশোরীচাঁদ কেহই স্থানান্তরিত হইলেন না।

বাস্তবিক কিশোরীচাঁদ অতিশয় স্মৃতিশক্তি সহিত তাঁহার দায়িত্বপূর্ণ কার্য্য সম্পাদন করিয়াছিলেন। তিনি দেশবাসীর মধ্যে প্রথম “জাস্টিস অব দি পীসেস” (Justice of the Peace) ক্ষমতাপ্রাপ্ত হইলেন। এই ক্ষমতা প্রাপ্ত হইয়া তিনি বিচারকালে অপক্ষপাতিত্ব প্রদর্শন করিয়া জাতীয় পার্থক্য দূরীকরণে চেষ্টা করেন। ইংরাজ ফরিয়াদী ও দেশীয় আসামী হইলেই যে আসামীকে কঠিন শাস্তি প্রদান করিতে হইবে এবং বিপরীত অবস্থায় ইংরাজ আসামীকে নিষ্কৃতি দিতে হইবে, সাম্যবাদী কিশোরীচাঁদ এই দুর্নীতিকে কিছু ভাই সমর্থন করিতেন না। কিন্তু একপ কার্য্য করা ব্রিটিশজাতির অপমান এবং “রাজার বিরুদ্ধে যুদ্ধ” করার সহিত একার্থবাচক কি না, সিপাহীবিদ্রোহের পর বিরুদ্ধ-মস্তিষ্ক অনেকেরই মনে এই প্রশ্ন উত্থিত হইয়াছিল !

কমিশনার মিঃ ওয়াকোপ বহু চেষ্টার পর অবশেষে কৃতকার্য হইয়াছিলেন। তাঁহার শেষ বিপোর্টের ফলে গবর্ণমেন্ট কিশোরীচাঁদের নিকট হইতে কৈফিয়ত তলব করিলেন। কিন্তু মিঃ ওয়াকোপ কি অভিযোগ উপস্থিত করিয়াছিলেন এং কেন কিশোরীচাঁদের কৈফিয়ত তলব হইয়াছিল, তাহা জানিতে হইলে দুইটি মোকদ্দমার বিবরণ জানা আবশ্যিক। একটি মোকদ্দমায় ইংরাজ ফরিাদী এবং একটি মুসলমান বালক চৌর্য্য অপরাধে অভিযুক্ত হয়; বালকটি অব্যাহতি লাভ করে। অপরটিতে একটি পুলিশ চৌকীদারের সাক্ষ্যে কিশোরীচাঁদ আস্তা স্থাপন করিতে পারেন নাই এবং অন্ধ আনা মূল্যের কাষ্ঠখণ্ড চুরীর একটি মোকদ্দমা ডিসমিস করেন।

মিঃ ওয়াকোপ গবর্ণমেন্টকে উক্ত মোকদ্দমার কাগজপত্রাদি প্রেরণ করিয়া লিখেন যে, তিনি ম্যাজিস্ট্রেটের বিচারফল দেখিয়া বিস্মিত হইয়াছেন এবং যেকপ "hurried, slovenly and unbusiness-like manner" ব্যস্তভাবে, কদর্য্যরূপে এবং অসম্পূর্ণভাবে তিনি কার্য্য করেন তাহা গবর্ণমেন্টের গোচরে আনয়ন করা কর্তব্য মনে করেন। তিনি আরও একটি অভিযোগ আনয়ন করেন। তাহা এই যে, পূর্ব্বোক্ত দ্বিতীয় মোকদ্দমায় সত্যবাদী চৌকীদার মহাশয়ের যে সাক্ষ্য ওয়াকোপের নিকট সত্য বলিয়া প্রতীয়মান হইয়াছিল, তাহা কিশোরীচাঁদ বিশ্বাস করেন নাই বলিয়া তিনি (মিঃ ওয়াকোপ) গোপনে কেসবুক আনিয়া যেকপ ভাবে ঐ দুইটি মোকদ্দমার বিবরণ লিপিবদ্ধ হইয়াছিল তাহা পাঠ করিয়া দেখিয়াছিলেন। পরে ঐ মোকদ্দমাগুলির বিষয়ে পুনশ্চ তদাবক করিবার অভিপ্রায়ে তিনি প্রকাশ্যভাবে কিশোরীচাঁদের নিকট হইতে ঐ পুস্তকখানি আনয়ন করিয়া পাঠ করেন। তাহাতে তাঁহাব বোধ হয় যে, মোকদ্দমার বিবরণ দুইটির

কতকগুলি অংশ পরে সংযোজিত হইয়াছে। অথচ কমিশনার মহোদয় তাঁহার স্মৃতিশক্তির উপর নির্ভর করিয়া এই অভিযোগ আনয়ন করেন। ইহার সমর্থনে তিনি বলেন যে, প্রথম মোকদ্দমার আসামী আবদুল রহিমকে নির্দোষীর ন্যায় মুক্তিপ্রদান করা হয় (acquitted) কিন্তু পরে কয়েকটি বাক্য একপ ভাবে সংযোজিত করা হইয়াছে যে, অস্বাভাবিক হয় যে, আসামী অল্পবয়স্ক বলিয়া তাহাকে সাবধান করিয়া ছাড়িয়া দেওয়া হইয়াছে (warned and acquitted)। তিনি আরও বলেন যে, “warned and di-charged”—এই আদেশই সচরাচর প্রদত্ত হয়, “warned and acquitted” কথা ইংরাজীতে ব্যবহৃত হয় না। উপস্থাপিত মিঃ ওয়াকোপের নিকট রিপোর্ট পাইয়া গবর্নমেন্ট ওয়াকোপের এই পত্রখানির একখানি নকল কিশোরীচাঁদের নিকট প্রেরণ করিয়া তাঁহার কৈফিয়ত তলব করেন।

ম্যাজিষ্ট্রেটের কার্য্যপ্রণালীর উপর মন্তব্য প্রকাশ করিবার কোনও অধিকার পুলিশ কমিশনারের ছিল না। সূত্রাং বিচার বিভাগের স্বাধীনতারক্ষার জন্য কিশোরীচাঁদ বিনীতভাবে অথচ তেজের সহিত গবর্নমেন্টের পত্রের উত্তর প্রদান করেন। ইহাতে মিষ্টার ওয়াকোপের আইন সম্বন্ধে মূর্থতার বিষয়েরও উল্লেখ ছিল। কেবল মাত্র স্মৃতিশক্তির উপর নির্ভর করিয়া একজন ম্যাজিষ্ট্রেটের নামে গুরু অভিযোগ উপস্থাপিত হইয়াছে, ইহাতে তিনি দুঃখ প্রকাশ করেন। শুনিয়াছি, এই পত্র প্যারীচাঁদ মিত্র ও রামগোপাল বোষের নামে দুইজন স্বাধীনচেতা ও তেজস্বী ব্যক্তির উপদেশানুসারে লিখিত হইয়াছিল। ইহাতে কিশোরীচাঁদের নির্ভীকতা ও তেজস্বিতার পরিচয় পাওয়া যায়।

A. R. YOUNG ESQ.

Secretary to the Government of Bengal.

Dated Calcutta Police Office, the 7th July 58.

Sir,

I have the honor to acknowledge the receipt of your letter No. 2276 dated the 29th June 1858 with enclosures.

I must confess that I have read the letter of the Commissioner of Police with feelings of painful surprise. Mr. Wauchope has accustomed himself to sit in judgment over my decisions but has now thought fit to bring against me one charge at least, which if true, would render me unworthy of all future confidence on the part of Government. I need scarcely observe that I allude to the charge of interpolating and altering the records in two of the three cases brought to the notice of His Honor the Lieutenant Governor. I hardly know what to say in my defence beyond expressing my regret that a charge so utterly groundless and so decidedly at variance with my habits and notions should have been preferred against me without so much as the faintest shadow of evidence. I entirely and emphatically deny the charge, and I

beg leave to assure His Honour that the copies of the proceedings as furnished by me to the Commissioner are a faithful transcript of all that transpired at the trial of the cases in question, I am at a loss to conceive how Mr. Wauchope should have been led to form an opinion so insulting to my sense of honor as a man and so derogatory to my position as a Magistrate. I flatter myself that the whole history of my humble career as a servant of Government and a member of society shows nothing to warrant so cruel an aspersion on my character. But in casting it, what does Mr. Wauchope rely upon ? His mere recollection. What opportunity the Commissioner of Police enjoys of looking into and perusing the case-book of the Magistrate I do not know. But if, as he says, he was, on the present occasion, enabled to do so, then the assistants in whose charge those books were, must have betrayed their trust and grossly misinformed me; for I am assured that he never obtained a sight of the books. With reference to the cases brought to the notice of the Hon'ble the Lieutenant Governor, I feel called upon to say but little. I cannot convict prisoners against my own belief, not even to gratify the head of the

Executive Police. Nor can I persuade myself to pronounce them guilty of one offence, when sent up on another differing from the first, *toto cælo*.

In regard to the first case, Sumbhoonath Dhar vs. Dederbux, the Commissioner of Police observes that a few days ago, Mr. Supdt. Purney under instructions from the Northern Division Magistrate brought before me a Chowkeydar charged with giving false evidence. This is a mistake. I requested Mr. Purney simply to mention to the Commissioner that I thought the Chowkeydar was unworthy of confidence. If (*vide* my letter no. 45 dated 18th June 58 to the Commissioner) the case were clearer against him I should have committed him for perjury at once under the new Police Act. I did not attach the slightest weight to the evidence of the Chowkeydar and felt strongly disposed to believe that the prosecution arose from motives of revenge and I humbly submit that I am not a total stranger to the peculiarities of native feelings and instincts.

In his report on the case of Milligan, the Commissioner has thought fit to be merry on a slight slip of pen, in the hurry of the moment, for in those days I had to dispose of every case arising in so large a

city as Calcutta, Mr Hume being absent on sick leave, I had written "warned and acquitted" instead of "warned and discharged." It is not often that I make mistakes of this kind and the fact of my allowing such a mistake to remain uncorrected is, I presume, calculated to show that I am not in the habit of polishing, even into idiomatic accuracy, the statements taken down at the time of trying cases, but leave them with all the imperfections on their head.

* * * * *

The Commissioner has been pleased to characterize my manner of disposing of cases and to call it "slovenly, hurried and unbusinesslike". This is a mere matter of taste and I refrain from dwelling on it, as I believe the Judicial Bench owes it to its dignity to refuse to recognise any right in the Commissioner or any other officer of Police to interfere with it. I humbly submit that if such a right be conceded to the Commissioner, an officer who will in all probability be selected in future from the ranks of the Executive Police and not from the Covenanted Service as at present, the position of a Magistrate of Calcutta would be truly humiliating. As this is not the first time of Mr. Wauchope taking upon himself a function not belong-

ing to him, I would respectfully submit for the consideration of His Honor the Lieutenant Governor whether I do not barely perform a necessary duty in soliciting that a check may be put upon proceedings, which ostensibly adopted with a view to promote the efficiency of his own department, seem designed and are certainly calculated to degrade the Judicial Bench and would be unjustifiable on that ground, even if they had been less uncalled for. If it were my purpose to recriminate, I should bring to the notice of His Honor the more than "slovenly and unbusinesslike" because illegal and arbitrary manner in which the Commissioner occasionally performs his duties; very recently I found he had dealt with a case of forgery, *Queen vs. Nobin* and others, in which when it was brought up before me by Mr. Superintendent Younan, I was surprised to see that he had examined one of the prisoners as a witness without discharging him at all and had issued a warrant of apprehension on that deposition. I pointed this out and requested that the party might be released if his evidence were required as the statement of one prisoner could not fix another. This circumstance transpired, I believe, one or two days before he called

upon me for copies of the cases in question. But my present object is not to retort but respectfully and earnestly to deprecate the repeated and uncalled for attacks of the Commissioner of Police and to solicit the continuance of that support which His Honor has been hitherto graciously pleased to accord to me and without which no public officer, especially one in my position and of my race, can carry on his duties.

গবর্ণমেন্ট এই পত্রের একটি নকল মিঃ ওয়াকোপকে প্রেরণ করিয়া তাঁহার মন্তব্য প্রকাশ করিতে বলেন। মিঃ ওয়াকোপ যখন দেখিলেন যে, কিশোরীচাঁদদের নামে অভিযোগ উপস্থাপিত করিতে গিয়া তিনি স্বয়ং অভিযুক্ত হইয়াছেন, তখন তাঁহার ক্রোধের সীমা রহিল না। তিনি পুনরায় তাঁহার স্বতীশক্তির উপর নির্ভর করিয়া কিশোরীচাঁদদের নামে সরকারী কাজে নিবেশিত লিখনের দোষ আরোপ করিলেন এবং উহা বিচার করিবার জন্য গবর্ণমেন্টের নিকট প্রার্থনা করিলেন। সার ফ্রেডরিক হ্যালিডে কিশোরীচাঁদকে উপযুক্ত কর্মচারী বলিয়া জানিতেন, সুতরাং তিনি প্রকাশ্য বিচার না করিয়া যাহাতে আপোষে মিটিয়া যায় তাহার চেষ্টা করেন। সুতরাং তিনি কিশোরীচাঁদকে জিজ্ঞাসা করেন যে, তাঁহার নামে যে অভিযোগ উপস্থাপিত হইয়াছে তিনি তাহা আপোষে মিটাইতে প্রস্তুত আছেন কি প্রকাশ্য ভাবে তাহার বিচার প্রার্থনা করেন। ওয়াকোপের সহিত এই বিবাদ আপোষে মিটানর অর্থ তাঁহার নিকট ক্ষমা প্রার্থনা করা। কিশোরীচাঁদদের ন্যায় স্বাধীনচেতা পুরুষের পক্ষে ইহা অসম্ভব; অতএব নিষ্কলঙ্ক কিশোরীচাঁদ প্রকাশ্য বিচার প্রার্থনা করিলেন।

শুনা যায় যে, চিরস্মরণীয় হরিশ্চন্দ্র মুখোপাধ্যায় ও মাইকেল মধুসূদন দত্ত এই বিষয়ে কিশোরীচাঁদকে উত্তেজিত করেন, কিন্তু বহুদর্শী প্যারীচাঁদ মিত্র ও রামগোপাল ঘোষ ইহাতে ভবিষ্যৎ অনিষ্ট আশঙ্কা করিয়াছিলেন। যোগীন্দ্র বাবুর মধুসূদনের জীবনচরিত্রের পরিশিষ্টে কিশোরীচাঁদের সহপাঠী ভোলানাথ চন্দ্র মহাশয়ের মন্তব্যে এই বিষয়ের উল্লেখ আছে।

One more recollection that comes to my mind is the following—Kissory Chand Mitra was Magistrate when Modhu returned from Madras. He returned like a true poet, without a six pence in his pocket. One Mr. Tucker, choosing to go away from the Police to the Small Causes Court, made room for Modhu to be taken in as interpreter by Kissory. Modhu's pay was Rs-120 a month—just enough for his *dal bhat*. Kissory treated Modhu in the spirit of a friend and not a superior. In this Kissory was an honorable exception to most Bengalis in power who are generally tyrants over their nation, Poor fellow; when he was in hot water, Modhu and Harish Mookerji came to his help. They drew up all the necessary papers for him. They advised him to ask for a commission. Ramgopal Ghosh very much condemned this step and lamented Kissory's mistake in taking no better advice than from two flaming young spirits,

এই স্থলে কিশোরীচাঁদের সহিত মধুসূদনের সম্বন্ধ-সম্বন্ধে ছই একটি কথা বলা বোধ হয় অপ্রাসঙ্গিক হইবে না। কিশোরীচাঁদ মধুসূদনকে কেবল প্রিয় বন্ধু বলিয়া বিবেচনা করিতেন না, পরন্তু কনিষ্ঠ ভ্রাতার ন্যায় দেখিতেন। মধুসূদনের জন্মস্থান সাগরদাঁড়ী হইলেও তিনি থিদিরপুরে পিতার বাসায় বর্দ্ধিত হন। ইহারই সন্নিকটে কিশোরীচাঁদের সহধর্মিণীর জ্যেষ্ঠতাত মহাশয় বাস করিতেন। এই সম্পর্কে মধুসূদন কিশোরীচাঁদের সহধর্মিণীর ভ্রাতৃস্থানীয় ছিলেন। ১৮৫৬ খৃষ্টাব্দে পিতার লোকান্তর গমনের পর যখন মধুসূদন নিরাশ্রয় অবস্থায় কলিকাতায় প্রত্যাগমন করেন, তখন কিশোরীচাঁদই মধুসূদনকে আশ্রয় প্রদান করিয়াছিলেন। মধুসূদন কিশোরীচাঁদের বাটীতে বহুদিন অবস্থান করিয়াছিলেন। পৈতৃক বিষয় উদ্ধারের জন্য কিশোরীচাঁদ মধুসূদনকে যথাসাধ্য সাহায্য করিয়াছিলেন। কিশোরীচাঁদই পাইক-পাড়ার বিজ্ঞোৎসাহী রাজা স্বনামধন্য প্রতাপচন্দ্র ও ঈশ্বরচন্দ্রের সহিত ভবিষ্যতে শর্মিষ্ঠারচয়িতার পরিচয় করাইয়া দেন। মধুসূদনের নিতান্ত ছরবছার সময় কিশোরীচাঁদই তাঁহাকে পুলিশকোটে ইণ্টারপ্রিটারের কর্ম প্রদান করিয়া বাঙ্গলার এই মহাকবির জীবন রক্ষা করিয়াছিলেন। ইহার পরেও কিশোরীচাঁদ বহুবার মধুসূদনকে সাহায্য করিয়াছিলেন; এবং মধুসূদন আজীবন এই ব্যবহার কৃতজ্ঞতার সহিত স্বীকার করিতেন। ১৮৫৬ খৃষ্টাব্দে কিশোরীচাঁদের বাটীতে অবস্থান কালে মধুসূদন প্রায়ই তাঁহার সহিত সাহিত্যচর্চা করিতেন। ঐ বৎসরের ২০শে জুলাই তারিখের দৈনন্দিন লিপিতে কিশোরীচাঁদ মাইকেলের রচিত একটি সঙ্গীত লিপিবদ্ধ করিয়া রাখিয়াছেন। উহা এ পর্য্যন্ত প্রকাশিত হয় নাই। উহাতে কোন বিশেষত্ব না থাকিলেও পাঠকগণের কৌতুহল নিবারণার্থে উহা নিম্নে উদ্ধৃত হইল;—



মাইকেল মধুসূদন দত্ত

20th July 1856. Mr. M. S. Dutt gave me the following song :—

“When I was a young and gay recruit
Just landed at Mauaras
I thought to lead a sober life
With a superfine black shining lass,
I roved about from place to place
Until I found my Mothonia
Oh what a charming girl she was
With her thana-na-na,”

এইবার আমরা সংক্ষেপে কিশোরীচাঁদের বিচারের কথা বলিব। কিশোরীচাঁদের প্রার্থনামুসারে তাঁহার বিচারের ভার একটি কমিশনের উপর ন্যস্ত হইল।

পাঠকগণ প্রশ্ন করিতে পারেন যে, এস্থলে “কিশোরীচাঁদ ও ওয়াকোপের মোকদ্দমার বিচার” না বলিয়া আমরা কিশোরীচাঁদের বিচার বলিলাম কেন? কারণ, পূর্বে বলা হইয়াছে—কিশোরীচাঁদ ও ওয়াকোপ উভয়েই উভয়ের দ্বারা অভিযুক্ত। ইহার কারণ এই যে, ওয়াকোপ “চিহ্নিত রাজপুরুষ।” গবর্ণমেন্ট তাঁহার মোকদ্দমা নিজের বলিয়া গ্রহণ করিলেন। গবর্ণমেন্টের সলিসিটর, অ্যাডভোকেট প্রভৃতি ওয়াকোপের পক্ষে মোকদ্দমা চালাইলেন। কিশোরীচাঁদের নিযুক্ত এটর্নি ও ব্যারিষ্টার তাঁহার পক্ষে মোকদ্দমা চালাইলেন। কেন এরূপ হইল, এই প্রশ্ন দেশবাসীর মুখপত্র ‘হিন্দুপেট্রিয়ার্ট’ উত্থাপিত করিয়া ছিলেন।

যাহা হউক, কমিশন নিযুক্ত হইল। ২৪ পরগণার ম্যাজিস্ট্রেট মি:

এইচ্ ফাণ্ডসন, ব্যারিষ্টার মিঃ জে, হাইণ্ড এবং ছোট আদালতের জজ বাবু হরচন্দ্র ঘোষ কমিশনার নিযুক্ত হইলেন। ওয়াকোপের পক্ষে (অথবা গবর্ণমেন্টের পক্ষে) ব্যারিষ্টার মিঃ গ্রেগাম এবং এটর্নি মেসার্স স্যাণ্ডিস্ এণ্ড ওয়াট্‌স্ নিযুক্ত হন এবং কিশোরীচাঁদের পক্ষে ব্যারিষ্টার মিঃ নিউমার্চ এবং এটর্নি মেসার্স জর্জ, জর্জ এণ্ড ওয়াটকিন্স্ নিযুক্ত হইয়াছিলেন। কিশোরীচাঁদ স্বয়ং এই মোকদ্দমায় উপস্থিত ছিলেন না। কিন্তু মিঃ ওয়াকোপ তাঁহার স্মৃতিশক্তির উপর নির্ভর করিয়া কিশোরীচাঁদের বিরুদ্ধে সাক্ষ্য প্রদান করিয়াছিলেন। ওয়াকোপের অধীনস্থ কয়েকজন নিম্নপদস্থ পুলিশ কর্মচারীর সাক্ষ্যও গৃহীত হইয়াছিল। যে যে কারণে কিশোরীচাঁদ অভিযুক্ত হইয়াছিলেন তাহার মর্ম্ম নিম্নে প্রদত্ত হইল :—

(১) ১৮৫২ খৃষ্টাব্দের ১২ই জুন দিবসে কলিকাতার অন্যতম ম্যাজিষ্ট্রেট রায় কিশোরীচাঁদ মিত্রের কোটে, আবছল রহিম নামক এক ব্যক্তি তাহার প্রভু লেফটেনান্ট মিলিগ্যানের ৫ ১/২ চুবী করা অপরাধে অভিযুক্ত হয়। সাক্ষ্য প্রতীক্ষনান হয় যে, আসামী দোষী; কিন্তু উক্ত ম্যাজিষ্ট্রেট অনায়ত্ত্ব ভাবে তাহাকে মুক্তি প্রদান করেন।

(২) আসামীর অল্পবয়স এবং অন্যান্য কারণে তিনি তাহাকে ভৎসনা করিয়া ছাড়িয়া দেন, এইরূপ দেখাইবার নিমিত্ত ম্যাজিষ্ট্রেট পরে তাঁহার কেসবুকে কয়েকটি অতিরিক্ত বাক্য সন্নিবিষ্ট করিয়াছেন।

(৩) পরে গবর্ণমেন্টের পত্রের উত্তরে উক্ত ম্যাজিষ্ট্রেট মিথ্যা করিয়া বলেন যে, তিনি যথার্থই উক্ত আসামীকে ভৎসনা করিয়া ছাড়িয়া দিয়াছিলেন এবং তাড়াতাড়িতে “warned and discharged” না লিখিয়া “warned and acquitted” লিখিয়াছিলেন।

(৪) মেথ দেদার বক্স নামক এক ব্যক্তি শত্ৰুনাথ ধরের এক আটি কাঠ চুরীর অপরাধে অভিযুক্ত হয়। কিশোরীচাঁদ অন্যায় বিচারে আসামীকে সম্মানে অব্যাহতি প্রদান করেন এবং শত্ৰুনাথের ১০৭ জরিমানা করেন।

(৫) তিনি উক্ত বিচারকগণ ঠিক হইয়াছে ইহা দেখাইবার নিমিত্ত তাঁহার কেসবুকে উক্ত মোকদ্দমার বিবরণ মধ্যে কয়েকটি কথা পরে সংযোজিত করিয়াছেন।

(৬) গবর্ণমেন্টের পত্রের প্রত্যুত্তরে তিনি নিবেশিতলিখন অস্বীকার করিয়াছেন।

কিশোরীচাঁদের ব্যারিষ্টার মিঃ নিউমার্চ যেকপ দফতার সহিত মোকদ্দমা চালাইয়াছিলেন, তাহাতে দেশবাসীর মনে কিশোরীচাঁদের নির্দোষিতা ও মিঃ ওয়াকোপের ষড়যন্ত্র সম্বন্ধে কোনও সন্দেহ ছিল না। তিনি কমিশনবগণকে দেখাইয়া দেন যে, ১ম এবং ৪র্থ অভিযোগ কোনও “জুষ্টিস্ অব্ দি পিসেব” বিবন্ধে আনা নিয়মবহির্ভূত। তিনি প্রসিদ্ধ বিচারক চিক্‌জষ্টিস্ লর্ড ম্যাক্সফিল্ডের “If their Judgment be wrong, yet their heart and intention pure, God forbid that they should be punished.” এই উক্তি প্রদর্শন করিয়া বলেন যে, কিশোরীচাঁদের বিচার যে ন্যায্যমোদিত হয় না, তাহাতেই সন্দেহ আছে। তিনি বলেন, বস্তুতঃ কিশোরীচাঁদের নামে দুইটা অভিযোগ আনীত হইয়াছে। যথা—

(১) তিনি উপরি উক্ত দুইটা মোকদ্দমার বিবরণ মধ্যে অতিরিক্ত বাক্য সন্নিবেশিত করিয়াছেন। (২) গবর্ণমেন্টের পত্রের প্রত্যুত্তরে নিবেশিতলিখন অস্বীকার করিয়াছেন। যদি প্রথম

অভিযোগটা মিথ্যা প্রতীয়মান হয়, তাহা হইলে দ্বিতীয় অভিযোগটাও অবশ্য মিথ্যা প্রমাণিত হইবে।

সাক্ষ্য মিঃ ওয়াকোপ এবং তাঁহার নিয়তন পুলিশ কন্সটারিগণ কেবলমাত্র স্মৃতির উপর নির্ভর করিয়া বলিয়াছেন যে, অতিরিক্ত বাক্যগুলি গরে সন্নিবেশিত হইয়াছে। কিন্তু ওয়াকোপের সাক্ষ্যের মধ্যে তিনি অনেক পরস্পরবিরুদ্ধ বাক্য বলিয়াছেন। তিনি বলিয়াছেন, তাঁহার কেসবুকে অন্য কোথাও এরূপ নিবেশিত-লিখন নাই কেবল এই দুইটা মোকদ্দমার বিবরণীতেই আছে, তাহা মিথ্যা। তিনি বলিয়াছেন পূর্বোক্ত বিবরণীর নিয়তন অংশগুলিই দুইটা পংক্তির মধ্যে নিবেশিত হইয়াছে, তাহা সত্য নহে। যে কথাগুলি পরে সন্নিবেশিত হইয়াছে, তাহার সহিত মোকদ্দমার বিচারফলের বিশেষ সম্বন্ধ নাই। “Warned and acquitted” কথাটির ইংরাজীতে অপ্রয়োগ নাই। অনেক সময়ে শুনা গিয়াছে, প্রসিদ্ধ বিচারকগণ জুরীগণের মতামতসারে আসামীকে অব্যাহতি দিবার সময়ে তাহাকে সাবধান করিয়া দিয়াছেন। যদি কিশোরীচাঁদ যথার্থই কেসবুকে লিখিত বিবরণ পরে সংশোধন করিয়া থাকেন তাহা হইলে তিনি অনায়াসে acquitted কথাটা কাটিয়া discharged কথাটা লিখিতে পারিতেন। পুলিশ কন্সটারিগণ ব্যতীত একজন বাহিরের সাক্ষী এটর্নি মিঃ ওয়েস্কিনের সাক্ষ্য প্রতীয়মান হয় যে, তিনি প্রথম মোকদ্দমার সময় বিচারালয়ে উপস্থিত ছিলেন এবং কিশোরীচাঁদ যে অভিযুক্ত বালকটিকে ভৎসনা করিয়াছিলেন, ইহা তাঁহার বেশ স্মরণ আছে; সুতরাং warned কথাটা যে পরে সন্নিবেশিত হয় নাই তাহা প্রমাণিত হইল।

কিশোরীচাঁদের নির্দোষিতা প্রমাণিত হইলেও গবর্ণমেন্ট যেক্রপ

ভাবে মোকদ্দমা চালাইতেছিলেন তাহাতে কমিশনরগণের পক্ষে অপক্ষ-পাতিতার সহিত মন্তব্য প্রকাশ করা একপ্রকার অসম্ভব হইয়াছিল। তাঁহারা কিশোরীচাঁদকে দোষী সাব্যস্ত করিলেন। কিন্তু দুইজন কমিশনার মিঃ হাইও্ এবং হরচন্দ্র ঘোষ তাঁহার পূর্বকৃত সংকার্য্য এবং মন্দ উদ্দেশ্যের অভাব বিবেচনা করিয়া লেফটেনান্ট গবর্ণরকে তাঁহার প্রতি সদয়ভাবে ব্যবহার করিতে অনুরোধ করিলেন। কিন্তু গবর্ণমেন্টে কিশোরীচাঁদকে কক্ষচ্যুত করিলেন।

এই হাস্যাস্পদ বিচারাভিনয়ের বিষয়ে হরিশ্চন্দ্রের হিন্দুপেট্রিয়ার্টে কয়েকটি প্রবন্ধ প্রকাশিত হইয়াছিল। একটা প্রবন্ধের ভাবানুবাদ নিম্নে প্রদত্ত হইল।

দেশী ম্যাজিষ্ট্রেট।

“যে অপূর্ব ঘটনাবলী অবশেষে কলিকাতার একজন ম্যাজিষ্ট্রেটের কর্মচ্যুতিতে সমাপ্ত হইল তাহার উপর আমরা কোনও মন্তব্য প্রকাশে এতদিন বিরত ছিলাম। পূর্ব হইতেই এই কার্য্যাবলীতে কঠোরতা ও পক্ষপাতিতার একটা ছায়া পতিত হইয়াছিল, যাহা সকল বুদ্ধিমান নাগরিকের নিকট অভিযোক্তগণের উপর অবিধানের ভাব বকমল করিয়াছিল। এ সকল আরম্ভ হইবার বহুপূর্ব হইতেই ইহা সর্বজন-বিদিত ছিল যে, দেশীয় ম্যাজিষ্ট্রেট মহাশয়ের সহিত পুলিশ কমিশনারের বিন্দুমাত্র সদ্ভাব ছিল না। ইহা সর্বজনবিশ্রুত ছিল যে কমিশনার মহাশয় পূর্বোক্ত ম্যাজিষ্ট্রেটের নামে গবর্ণমেন্টের নিকট অপভাষ করিবার সুযোগ কখনও হারান নাই এবং এপর্য্যন্ত অকৃতকার্য্য হইয়া আসিতেছেন। এই পুলিশ কমিশনারের সংবাদের উপরেই এই অভিযোগ স্থাপিত। এই সংবাদের ভিত্তিও পুনশ্চ এই বিকৃতচিত্ত কর্মচারীর স্থিতির উপর মাত্র অবস্থিত।

অভিযুক্ত ব্যক্তিকে প্রকাশ্য অথবা অপ্রকাশ্য বিচার পছন্দ করিতে দেওয়া হইয়াছিল। তিনি প্রকাশ্য এবং যথারীতি বিচার ইচ্ছা করিয়াছিলেন। নিযুক্ত বিচারসমিতি স্মৃতিত বসিয়া বোধ হইয়াছিল, যদিও ফলে প্রতিপাদিত হইল যে যোগ্যতর সমিতি নিযুক্ত হইতে পারিত। দুইদিকেই ব্যাধিটার নিযুক্ত হইয়াছিলেন। অভিযুক্তগণের নিকট প্রমাণ আছে, ইহাই অভিযুক্তের বিরুদ্ধে প্রধান প্রমাণ এবং ইহা নিম্নতন কংগ্রেসারীরাবৃন্দের সাক্ষ্য দ্বারা সমর্থিত হয়। একমাত্র স্বাধীন সাক্ষী সমস্ত আসল বিষয়ে পরস্পরবিরুদ্ধ বাক্য কহেন। আমরা বিচারের পরে প্রাপ্ত লেফটেনেন্ট মিলিগানের প্রামাণ্য স্বীকারোক্তি ছাড়িয়া দিতেছি। যে সকল ভাসা ভাসা স্মৃতির উপর বাদী পক্ষের প্রমাণ প্রতিষ্ঠিত তাহা প্রতিবাদী পক্ষ কর্তৃক সম্পূর্ণরূপে চূর্ণীকৃত হইয়াছিল। তথাপি কমিশনরগণ অভিযুক্তকে সকল দোষে দোষী স্থির করিলেন। যে রিপোর্টে তাঁহারা তাঁহানিগের মন্তব্য প্রকাশ করিয়াছেন, সেই রিপোর্টের বর্ণিত ঘটনাগুলি অতি অল্পসংখ্যক ব্যক্তি বাতীত জনসাধারণ এই অভিযোগের প্রকৃতি সম্বন্ধে যে প্রতিকূল মত পোষণ করেন তাঁহাবই সমর্থন করে। ইহাদের রায়ে অণুমাত্র বিচারের ভাব নাই এবং যথার্থ কথা বলিতে কি, উহাতে বাদীপক্ষের ব্যাধিটারের বক্তৃতা অপেক্ষা অধিকতর বাতুলতা প্রকাশিত হইয়াছে।

“একজন রাজকমচারীর উপর যতদূর কঠিন শাস্তি প্রদান করা যাইতে পারে গবর্ণমেন্ট এই অভিযোগের উপর ম্যাজিস্ট্রেট মহাশয়কে তাঁহাই দেওয়া যোগ্য বিবেচনা করিয়াছেন! আমরা আশা করি ইহাই শেষ আদেশ নহে। এই সকল বিষয়ে নূতন কমিশন নিয়োগের ব্যবস্থা আছে। কিন্তু আমরা গবর্ণমেন্টকে ইচ্ছানুরূপ কার্য্য করিতে বলি। লেফটেনেন্ট মিলিগানের প্রামাণ্য সাক্ষ্য এবং অভিযোগের

প্রকৃতি ও সাফীগণের সততা সম্বন্ধে গুরুতর অভিযোগ আছে এবং গবর্ণমেন্টকে তাঁহাদিগের আদেশ পুনর্বিবেচনা করিবার নিমিত্ত পার্থনা করিতেছি।” হিন্দুপেট্রি, ৪ঠা নভেম্বর ১৮৭৮।

“দেশী কর্মচারী” শীর্ষক একটা সম্পাদকীয় প্রবন্ধে হরিশচন্দ্র পুনশ্চ ১১ই নভেম্বরের হিন্দুপেট্রি, য়েটে ইংরাজ এবং চিত্রিত উর্দ্ধতন কর্মচারীর অধীন দেশী কর্মচারাদিগের অনন্তোমকর অবস্থা প্রদর্শন করাইয়া এই বিচার সম্বন্ধে বলেন—

“(১) ওয়াকোপের সাফা হইতে প্রতীয়মান হয় যে যদিও পুলিশ-আইনানুসারে পুলিশ-কমিশনর ম্যাজিস্ট্রেটগণের উপর বোনও কর্তৃত্ব কবিত্তে পারেন না তথাপি তিনি লেফটেন্যান্ট গবর্ণরের অল্পমতি পাইয়াছিলেন, প্রয়োজন হইলে তাঁহাদিগের কার্য্য তাঁহার নিকট জ্ঞাপন করিতে পারিবেন। এই অল্পমতি কি কেবল দেশী ম্যাজিস্ট্রেটের জন্যই গওয়া হয়? কারণ, হিউম সাহেবের বিচারেও কমিশনর মহাশয় মধ্যে মধ্যে আপত্তি উত্থাপনের কাণ্ড পাইয়াছেন; অথবা যুরোপীয় ম্যাজিস্ট্রেটের প্রতি দেশী ম্যাজিস্ট্রেটের ন্যায় ব্যবহার করিতে সাহস করেন নাই? সামান্য ছল পাইলেই তিনি একেবারে লেফটেন্যান্ট গবর্ণরের নিকট ছুটিেন। এই সকল অভিযোগ নিশ্চয়ই অমূলক; নতুবা দেশী ম্যাজিস্ট্রেট বহু পূর্বেই কর্মচ্যুত হইতেন। কিন্তু এই আগ্রহ বাদীর বিজাতীয় বিদ্বেষভাব এবং উৎসাহপ্রাপ্ত আশার অস্তিত্ব প্রকাশ করে।

(২) কমিশনার কেবল স্থিতির উপর নির্ভর করিয়া ম্যাজিস্ট্রেটকে নানা প্রকার অসমাক্ আচরণের জন্য অভিযুক্ত করেন। ম্যাজিস্ট্রেট ইহা সম্পূর্ণ অস্বীকার করেন। অভিযুক্তা উত্তর দেন—তাহাও স্থিতির উপর নির্ভর করিয়া। গবর্ণমেন্ট অভিযুক্তকে কোনও কৈফিয়ত

জিজ্ঞাসা না করিয়া একেবারে বিচার করিবেন স্থির করিলেন। মনে করুন, যদি কমিশনের একজন দেশীয় ব্যক্তি হইতেন এবং ম্যাজিস্ট্রেট যুরোপীয়—ইহা হওয়া একেবারে অসম্ভব নহে—তাহা হইলে গবর্ণমেন্ট কি এইরূপ পদ্ধতিতে কার্য্য করিতেন ?

(৩) গবর্ণমেন্ট বাদীপক্ষে নিজব্যয়ে ব্যারিষ্টার দিলেন, প্রকারান্তরে নিজেই বাদী হইলেন। পুনরায় দুইজনের অবস্থা উল্টাইয়া লউন এবং ভাবিয়া দেখুন গবর্ণমেন্ট তাহা হইলে কি করিতেন।

(৪) বিচার সময়ে বাদী যে সকল বাক্য কহেন, তাহার অনেকগুলি পরস্পরবিরুদ্ধ বাক্য।

(৫) পুলিশের নিম্নতন কর্মচারী উদ্ধৃতন কর্মচারীর প্রভাবে যে সাক্ষ্য দিয়াছে তাহার কোনও মূল্য নাই। একজন স্বাধীন সাক্ষীর ডাক হইয়াছিল এবং তিনি বাদীব বিপক্ষে বলেন। কিন্তু প্রতিবাদী দেশী লোক এবং বাদী ইউরোপীয় ও চিহ্নিত সিভিলিয়ান ; কমিশন সিভিলিয়ান মিঃ ওয়াকোপ, ডেপুটী সুপারিন্টেন্ডেন্ট রবার্টস্ ও ইন্সপেক্টর পূর্ণী প্রভৃতির ন্যায় মহাশয় ব্যক্তিগণের সাক্ষ্য অবিশ্বাস করিতে অস্বীকার করিলেন।

(৬) দুইজন কমিশনার তাঁহার পূর্বরূপে সংকার্য্য এবং মন্দ উদ্দেশ্যের অভাব বিবেচনা করিয়া লেফটেন্যান্ট গবর্ণরকে তাঁহার প্রতি সদয়ভাবে ব্যবহার করিতে অনুরোধ করেন, কিন্তু এই অনুরোধ সবেও তাঁহাকে কণ্ঠচ্যুত করা হইল। দেশীলোক ব্যতীত যুরোপীয় কর্মচারিগণকে কখনও একপ দোষে কণ্ঠচ্যুত হইতে দেখা যায় নাই। দেশী কর্মচারিগণের প্রতি কঠোর নীতি প্রবর্তন করিবার জন্য আমরা অগ্রসর হইতেছি না, কেবল মাত্র দেশী ও যুরোপীয় কর্মচারীর মধ্যে যে প্রভেদ বর্তমান তাহাই দেখাইতে চাই।”

হিন্দুপেট্রিয়টের ৪৮ সংখ্যায় “করেকজন বাঙ্গালী” সাক্ষরিত একটি পত্রে এই “স্বণিত ষড়যন্ত্র” এবং বাঙ্গালী জাতির অপ্রিয় হ্যালিডে সাহেবের ইংরাজসমাজের প্রশংসালভার্থ এই অগ্রায় কার্যের প্রতিবাদ করিয়া লিখিত হয় যে, একটি প্রকাশ্য সভা করিয়া ইহার প্রতীকার করা আবশ্যিক কর্তব্য।

কিন্তু আমরা বাহুল্যভয়ে এ সকল কথা আর আলোচনা করিতে চাহি না। যাহা বর্ণিত হইয়াছে তাহা হইতেই পাঠকগণ বোধ হয় বুঝিতে পারিবেন যে, কিশোরীচাঁদের এই কর্মচ্যুতির কারণ তাঁহার নিজেরই স্বাধীন ও নির্ভীক প্রকৃতি এবং অসামান্য তেজস্বিতা ও অভিমান, সময়ের প্রতিকূল অবস্থা এবং কতিপয় ক্ষমতাশালী শত্রুর স্বণিত ষড়যন্ত্র। সিভিলিয়ান মিঃ ওয়াকোপের সহিত কলহের অবশেষে এই পরিণাম হইবে তাহা কিশোরীচাঁদও জানিতেন। কিন্তু সত্য-প্রিয়তা ও ন্যায়পরায়ণতা এবং পার্শ্বব গোঁরব ও ঐশ্বর্যের মধ্যে শেষোক্ত দুইটি তাঁহার নিকট তুচ্ছ বোধ হইয়াছিল। তাঁহার ডায়েরির একস্থানে তিনি লিখিয়াছেন—“He (Mr. Wauchope) has accused me and I have accused him and one of us must go to the wall. But he being a member of the pet service is almost certain to triumph over me.” কৃষ্ণদাস পাল যথার্থই বলিয়াছিলেন, মৃগয়পাত্র ও কাংস্যপাত্রের সংঘর্ষে যাহা ঘটয়া থাকে এক্ষেত্রে তাহাই হইল। অথবা কবির ভাষায় “পার্শ্ব-ইমানে বিবাদ বাধিলে পার্শ্বই অপরাধী” হইয়া থাকে।

কিশোরীচাঁদ যেমন একদিকে অত্যন্ত তেজস্বী ছিলেন, অন্যদিকে তেমনই অভিমানী ছিলেন। তিনি হ্যালিডেকে অত্যন্ত সম্মান করিতেন এবং তাঁহার চিরহিতাকাজ্জী যে একটি স্বণিত ষড়যন্ত্রের কোশল-

ময় আবরণ উদ্ধৃত করিয়া সত্য প্রকাশ করিতে পারিবেন না, ইহা তাঁহার অনুমানের অতীত ছিল। তিনি বঙ্কুগণের পরামর্শে তাঁহার নিকট একটি আবেদন করিয়া প্রার্থনা করিলেন যে, লেফটেন্যান্ট মিলিগ্যানের সাক্ষ্য গ্রহণ করা হউক; কিন্তু একটি প্রবাদ আছে ‘হাকিম নড়ে ত হুকুম নড়ে না।’ হ্যালিডের গবর্ণমেন্ট লিখিলেন যে লেফটেন্যান্ট গবর্ণর পুনরায় কমিশন বসাইবার অথবা লেফটেন্যান্ট মিলিগ্যানের সাক্ষ্যগ্রহণের কোনও প্রয়োজন দেখিতেছেন না। ১৮৫৮ খৃষ্টাব্দের ৯ই ডিসেম্বর দিবসের হিন্দুপেট্রিয়ার্ট এই উপলক্ষ্যে বিজ্ঞপ্তি করিয়া বলেন—“কমিশনারগণের ন্যায় লেফটেন্যান্ট গবর্ণরের মতেও ভূতপূর্ব ডাকাইতি কমিশনার এবং অর্ধ ডজন পুলিশের লোকের সাক্ষ্যের নিকট সম্রাজ্ঞীর সৈনিক বিভাগের একজন কর্মচারীর সাক্ষ্য নিতান্ত অকিঞ্চিৎকর।”

১৮৫৯ খৃষ্টাব্দের মার্চ মাসে তিনি পুনরায় লর্ড ক্যানিং বাহাদুরের নিকট কমিশনারগণকে আরও অনুসন্ধান এবং লেফটেন্যান্ট মিলিগ্যানের সাক্ষ্যগ্রহণের আদেশ প্রদানের জন্য আবেদন করেন। ৩০শে মার্চ তারিখের ‘ইংলিশম্যান’ পত্রিকায় এই আবেদনের যে সারাংশ প্রদত্ত হয় তাহাতে দৃষ্ট হয় যে, রাজসাহীতে কাধ্যাকালে স্মিটন, লিটলডেল, ডজনসন প্রভৃতি ম্যাজিস্ট্রেট এবং পুলিশ সুপারিন্টেন্ডেন্টের এবং তত্ত্ব্য জমিদার ও প্রজাগণের বিরূপ প্রাণসা ও প্রীতিভাজন হইয়াছিলেন তাহা উল্লেখ করিয়া তিনি বিবেচনা করিতে বলেন, “ইহা কি সম্ভব যে, তিনি লিখিত জবানবন্দীর মধ্যে নূতন কথা সন্নিবেশিত করিবেন এবং তাহা মিথ্যা স্বীকার করিবেন এবং পূর্বে প্রায় ত্রয়োদশ বর্ষব্যাপী রাজকর্মে যে যশঃ ও গৌরব অর্জন করিয়াছেন তাহা সঙ্কটাপন্ন করিবেন—যে দীর্ঘ সময়ের মধ্যে তিনি কেবলমাত্র গবর্ণ-

মেণ্টের বিশ্বাস প্রাপ্ত হইয়াছিলেন এমন নহে, পরন্তু কখনও তাঁহার সৎনামের উপর একটা অপবাদের স্নানতম খাসও আবিলতা আনয়ন করে নাই? বহু দীর্ঘবৎসরের বিপদ এবং পরীক্ষার মধ্যে চরিত্রের নিম্নত সত্যশীলতার দ্বারা তিনি যে যশঃ অর্জন করিয়াছেন এবং যাহা—পরমেশ্বর জানেন—পিতার বাৎসল্যাপেক্ষা অধিকতর উৎকর্ষার সহিত হৃদয়মধ্যে পোষণ করিতেছিলেন, তাহা এইরূপে সঙ্কটাপন্ন করিতে সাহস করিবেন?—এবং কিসের জন্য? কেবল একটা স্বীকারোক্তি (যদি ইহা সত্যই অস্বীকারিত হয় যে, তিনি নূতন কথা সন্নিবেশিত করিয়াছিলেন) অস্বীকার করিবার জন্য, যাহা সম্ভবতঃ ক্ষমাপ্রাপ্ত হইত অথবা: বড় জোর একটা অসন্তোষ বা তিরস্কারের কারণ হইত।” কিন্তু সহজবুদ্ধিতে যাহা অন্যায় বলিয়া প্রতীয়মান হয়—লালফিতার কি মাহাত্ম্য!—গবর্ণমেণ্টের নিকট তাহা প্রতিপন্ন হইল না। ভারত-গবর্ণমেণ্ট প্রাদেশিক গবর্ণমেণ্টের আদেশের উপর হস্তক্ষেপ করিতে চাহিলেন না। এইরূপে গবর্ণমেণ্ট একজন উচ্চপদস্থ ইংরাজ সিভিলিয়নের জিদের বশবর্তী হইয়া একজন উচ্চশিক্ষিত, উৎসাহসম্পন্ন কর্তব্যশীল কর্মচারী হারাইলেন, দেশ তাঁহার একজন উচ্চমনা নির্ভীকচিত্ত কর্মব্রত সন্তানকে সম্পূর্ণরূপে আপনার মধ্যে পাইলেন।

১৬ বৎসর পরে আর একটা এইরূপ ঘটনা হইয়াছিল। তাহাতে আমরা একটা স্বাধীনতাহীন সহকারী মাজিস্ট্রেটের পরিবর্তে দেশব্রত সুরেন্দ্রনাথকে প্রাপ্ত হইয়াছিলাম। বাস্তবিক কিশোরীচাঁদ ও সুরেন্দ্রনাথের শেষজীবনের বিষয় আলোচনা করিলে মনে হয়, আমাদের দেশে কত শক্তি, কত প্রতিভা অপেক্ষাকৃত ক্ষুদ্র ক্ষেত্রে অপব্যয়িত হইয়াছে ও হইতেছে! মনে হয়, যদি রমেশচন্দ্র বা বঙ্কিমচন্দ্র বা বিজ্ঞানলাল রাজকর্মে প্রবিষ্ট না হইয়া সমস্ত শক্তি, সমস্ত চেষ্টা

উচ্চতর দেশহিতব্রতে নিয়োগ করিতে পারিতেন তবে দেশের পক্ষে কতই কল্যাণকর হইত !


স্বীয় কর্মচ্যুতির আদেশ কিশোরীচাঁদ কিরূপে গ্রহণ করিয়াছিলেন তাঁহার ডায়েরী হইতে উদ্ধৃত নিম্নলিখিত সংক্ষিপ্ত মন্তব্যে তাহার পরিচয় পাওয়া যায় :—

“28th October 1858. Dismissed from my appointment of Magistrate of Calcutta. God’s will be done. I bow to it and know and feel that it is ultimately for my good.”

ঈশ্বরে কি প্রগাঢ় বিশ্বাস ! বৎসরের প্রারম্ভে কিশোরীচাঁদ প্রার্থনা করিয়াছিলেন :—

“Almighty and Everlasting Father ! Accept my most fervent and most heartfelt thanks for the thousand and one blessings showered on my most unworthy self every moment during the last year, and grant that I may learn to appreciate them by leading a better and more useful life—a life dedicated to the service of my fellow-beings. I know that such service is the most acceptable worship I can offer Thee, and I therefore pray that the faculties Thou hast been pleased to endow me with may be systematically and successfully consecrated to the alleviation of human misery and augmentation of human happiness.”

(Diary January 1, 1858)



कथा—कुमुदिनी

ভগবান বুঝি সেই প্রার্থনা পূর্ণ করিলেন। দেশের জন্য তাঁহাকে জীবন উৎসর্গ করিবার সুযোগ প্রদান করিলেন।

পর-পরিচ্ছেদসমূহে কিশোরীচাঁদের জীবনের পরবর্ত্তী অধ্যায়গুলি বিবৃত করিবার পূর্বে এই সময়ের দুইটা পারিবারিক ঘটনা এস্থলে লিপিবদ্ধ করা উচিত।

১৮৫৮ খৃষ্টাব্দে ৬ই মে দিবসে কিশোরীচাঁদ পাউনান নিবাসী ৮মধুসূদন দেব একমাত্র পুত্র শ্রীযুক্ত নীলমণি দেব হস্তে তাঁহার একমাত্র সন্তান কুমুদিনীকে সমর্পণ করেন। কিশোরীচাঁদ তখনও কলিকাতার ম্যাঞ্জিষ্ট্রেট ছিলেন। সমাজে তাঁহার অদাম্য প্রতিপত্তি ছিল। ভ্রাতৃগণ কৌলীন্যমর্যাদাবিশিষ্ট কোনও ধনী ব্যক্তির সহিত কুটুম্বিতা স্থাপনে প্রয়াস পাইয়াছিলেন; কিন্তু কিশোরীচাঁদ কেবল উচ্চশিক্ষাপ্রাপ্ত ও সচ্চরিত্র পাত্রকে তাঁহার শিক্ষিতা ও সুন্দরী কন্যাকে সমর্পণ করিতে কৃতসংকল্প হইয়াছিলেন। তাঁহার বিশ্বাস ছিল যে, এইরূপ মিলনই সুখপ্রদ এবং কল্যাণকর। তাঁহার বিশ্বাস সত্যে পরিণত হইয়াছিল।

এই বিবাহোপলক্ষে প্রাগুক্তিথিত শিল্পবিদ্যালয়ের প্রধান শিক্ষক মঁসিয়র রিগো তাঁহার ছাত্রগণের সাহায্যে কিশোরীচাঁদের উদ্যান-বাটিকা নানাজাতীয় ফুল ও লতাপাতা দ্বারা সজ্জিত করিয়া নন্দন-কাননে পরিণত করিয়া দিয়াছিলেন, এবং এখনও দুই-একজনের মুখেই মঁসিয়র রিগোর সুন্দর রুচির এই নিদর্শনের কথা শুনা যায়। কিশোরীচাঁদের ডায়েরীতেও ইহার বিবরণ লিপিবদ্ধ হইয়াছে। বাহ্যল্যভয়ে এস্থলে উদ্ধৃত করিলাম না।

আর একটা ঘটনা হুঃখের। ১৮৫৮ খৃষ্টাব্দের ২৪শে অক্টোবর দিবসে ৮মধুসূদন দেব কনিষ্ঠ পুত্র, কিশোরীচাঁদের অভিন্নহৃদয় বন্ধু

নগেন্দ্রনাথ ঠাকুর ইহলোক পরিত্যাগ করেন। ইনি অত্যন্ত উদার ও স্বেচ্ছায় ব্যক্তি ছিলেন। ইনিই দ্বারকানাথের সহিত বিলাত গমন করিয়াছিলেন এবং সরলতা ও শারীরিক সৌন্দর্য্যের জন্য ‘ডচেস্ অব সমারসেট’ প্রমুখ সম্রাট ইংরাজ মহিলাগণের স্নেহভাজন হইয়াছিলেন। এতদ্দেশে আগমন করিয়া কিছুকাল আবগারী বিভাগে Asst. Collector of Customsএর কার্য্য করিয়াছিলেন। তিনি এত কোমলহৃদয় ছিলেন যে পরের কষ্ট দেখিলে সহস্র বিপদের সম্ভাবনা সত্ত্বেও তাহার প্রতীকারের চেষ্টা করিতেন। যখন আর্থিক অবস্থা নিতান্ত শোচনীয় তখনও “to help another he would borrow even Rs-10000/-, so kindly and sympathetic disposition had he” * এই বন্ধুবিয়োগে কিশোরীচাঁদ অত্যন্ত বাথিত হন। তাঁহার ডায়ারিতে আছে—

26th Oct. 58. “I deeply mourn the death of my dear lamented friend Nagendranath. He breathed his last on Sunday last (24th Oct 1858). May God bless his soul. I mourn over him as a good man who loved to do good to all men. I mourn over him as a personal friend—one whose friendship it was my privilege to enjoy for several years.” (—Diary)

* Autobiography of Maharshi Debendra Nath Tagore. Ed, by S. N Tagore and Indira Devi.

অষ্টম পরিচ্ছেদ

দেশসেবা—‘ইতিহাস ফিল্ম’

কৃষ্ণদাস পাল লিখিয়াছেন, “কিশোরীচাঁদ অদ্বুত মানসিক দৃঢ়তা-সম্পন্ন ব্যক্তি ছিলেন। কোনও সাধারণ ব্যক্তি এইরূপ উজ্জল রাজ-কর্মজীবনের শেঁচনীয় পরিসমাপ্তিতে শোকভারে ভগ্নহৃদয় হইয়া পড়েন। কিন্তু তাঁহার সেই মানসিক তেজ ছিল, যাহা জীবনের পরীক্ষা এবং ভাগ্যপরিবর্তনের মধ্যে তাঁহাকে সবল রাখিয়াছিল। তাঁহার গভীর জ্ঞান এবং অসাধারণ ক্ষমতা রাজকর্মে নিয়োজিত হইতে না পাওয়ায় সাহিত্য ও রাজনীতিক্ষেত্রে দেশসেবায় উৎসৃষ্ট হইল।” আমরা পূর্ব পরিচ্ছেদসমূহে দেখিয়াছি যে কিশোরীচাঁদ অলস হইয়া বসিয়া থাকিবার পাত্র ছিলেন না। আমরা দেখিয়াছি যে, রাজকর্মের দায়িত্বপূর্ণ গুরুভার বহন করিয়াও তাঁহার অক্লান্ত অধ্যবসায় ও প্রাণংসনীয় উদ্যম দেশহিতকর বিষয়ের দিকে কিরূপ আগ্রহের সহিত প্রধাবিত হইত। আমরা দেখিয়াছি তাঁহার জ্ঞান-চর্চার অতৃপ্ত আকাঙ্ক্ষা, তাঁহার সাহিত্যসেবায় অপূর্ণ আনন্দ। এইরূপে সেই অতি ভারাক্রান্ত জীবন রাজকর্মের নীরস গুরুতা হইতে পরিত্রাণ পাইয়া যেন সমস্ত উৎসাহ সমস্ত উদ্যমের সহিত আপনার বাঞ্ছিত পথে যাইবার সুযোগ পাইল। কিশোরীচাঁদ তাঁহার জীবনের অবশিষ্টাংশ দেশসেবায় ও সাহিত্যচর্চায় উৎসর্গ করিলেন।

কিশোরীচাঁদ নানা প্রকারে দেশের কলাগণ সাধন করেন। এই সময় হইতে তাঁহার মৃত্যুকাল পর্য্যন্ত দেগে যত হিতকর অনুষ্ঠান সম্পন্ন হইয়াছে তাহার সকলগুলির সহিতই কিশোরীচাঁদের নাম অচ্ছেদ্য-

ভাবে বিজড়িত। কিন্তু দ্বিবিধ উপায়ে তিনি দেশবাসীর বিশেষ প্রীতি ও কৃতজ্ঞতা আকর্ষণ করিয়াছিলেন। প্রথম—‘ইণ্ডিয়ান ফিল্ড্’ পত্রিকার সম্পাদন ও তদ্বারা দেশের নানাপ্রকার উপকারসাধন। দ্বিতীয়—আমাদিগের দেশের তৎকালীন একমাত্র প্রতিপত্তিশালী রাজ-নীতিক সভা ব্রিটিশ ইণ্ডিয়ান এসোসিয়েশনের অগ্রতম প্রধান সভ্য-রূপে দেশের যাবতীয় জটিল প্রশ্নসমূহের আলোচনা ও সরল মীমাংসা করিয়া তাঁহার হৃদয়গ্রাহী বক্তৃতার দ্বারা দেশবাসী ও রাজকর্মচারি-গণকে বুঝাইয়া দিয়া তাঁহাদিগকে যুক্তিসঙ্গত পহাবলম্বনে প্রবৃত্তি প্রদান।

আমরা বর্তমান পরিচ্ছেদে ‘ইণ্ডিয়ান ফিল্ডের’ ইতিহাস বর্ণন করিয়া পর-পরিচ্ছেদে ব্রিটিশ ইণ্ডিয়ান এসোসিয়েশনের সহিত কিশোরীচাঁদের সম্বন্ধ বিচার করিব।

কিন্তু ‘ইণ্ডিয়ান ফিল্ডের’ ইতিহাস বর্ণনা করিবার পূর্বে কিশোরী-চাঁদের ব্যক্তিগত জীবনের বিষয়ে দুই-একটি কথা এইস্থলে বলা আবশ্যক।

কর্মচ্যুতির পর কিশোরীচাঁদ কি উপজীবিকা অবলম্বন করিবেন তাহার কোনও স্থিরতা ছিল না। কেবলমাত্র রাজনৈতিক আন্দোলন বা সাহিত্যসেবা দ্বারা এদেশে সেই সময়ে কোনও ব্যক্তির সংসারযাত্রা নির্বাহ করা সম্ভব ছিল না। সুতরাং এই বিষয়ের মীমাংসা করিবার জন্য তিনি কয়েক জন বিশিষ্ট বন্ধুকে নিমন্ত্রণ করেন। ডাক্তার আলেকজান্ডার ডক্ (যিনি তাঁহার কর্মচ্যুতির সংবাদ পাইয়াই তাঁহাকে সাহায্যপূর্ণ পত্রে লিখিয়াছিলেন যে তাঁহার প্রতিভা এইবার উচ্চতর ক্ষেত্রে নিয়োজিত হইবার সুযোগ পাইল), রামগোপাল ঘোষ, হরিশ-চন্দ্র মুখোপাধ্যায় ও প্যারীচাঁদ মিত্র এই নিমন্ত্রণে

ইহারা সকলেই বুঝিয়াছিলেন যে, কিশোরীচাঁদ তাঁহাদিগের পরামর্শ-মত যে পুনর্বিচারের প্রার্থনা করিয়াছিলেন তাহা বিফল হইবে, সুতরাং ইহারা কিশোরীচাঁদকে ইংলণ্ডে গমন করিয়া তদানীন্তন সেক্রেটারী অব্‌ স্টেট স্যার চার্লস্‌ উডের সাক্ষাতে সমস্ত অবস্থা বর্ণন করিয়া বিচার প্রার্থনা করিতে পরামর্শ দিলেন। তৎসঙ্গে কিশোরীচাঁদকে ব্যারিষ্টারি পরীক্ষা প্রদান করিয়া আসিবার পরামর্শও প্রদত্ত হইল। কিন্তু এই প্রস্তাবের বিরুদ্ধে প্রধান অন্তরায় হইল অর্থান্ধাভাব। যদিও সেকালে আবশ্যকীয় দ্রব্যাদি মহার্ঘ্য ছিল না এবং কিশোরীচাঁদের সমান অবস্থার অন্যান্য রাজকর্মচারিগণ প্রভূত অর্থসঞ্চয় করিয়াছিলেন;—সঞ্চয় কাহাকে বলে কিশোরীচাঁদ তাহা জানিতেন না। বিদ্যালয়, চিকিৎসালয়, পুস্তকাগার প্রভৃতি যে কোনও দেশহিতকর অল্পষ্ঠানের জন্য সাহায্য প্রার্থনা করা হইত, তাহাতেই কিশোরীচাঁদ প্রভূত অর্থসাহায্য করিতে অগ্রসর হইতেন। দেশের কল্যাণকর সর্বপ্রকার অল্পষ্ঠানের গৃষ্ঠপোষকতা করা তাঁহার স্বভাবসিদ্ধ ছিল। সুতরাং তাঁহার অর্থান্ধাভাব কিছুমাত্র বিচিত্র নহে। কিন্তু কিশোরীচাঁদের এই আপত্তির বিরুদ্ধে উপস্থিত বন্ধুগণ বলিলেন যে, তাঁহারা তাঁহাদিগের মধ্যে চাঁদা করিয়া আবশ্যকীয় অর্থ সংগ্রহ করিয়া দিবেন। কিন্তু স্বীয় অবস্থার উন্নতির জন্য অন্যের নিকট অর্থগ্রহণে কিশোরীচাঁদ অসম্মত হইলেন। ইংলণ্ড গমনের আরও একটা অন্তরায় হঠয়াছিল—তাঁহার মাতার আপত্তি। তিনি জননীর নিকট প্রতিশ্রুত হইয়াছিলেন যে, তিনি কখনও তাঁহার আদেশ লঙ্ঘন করিয়া গোমাংসভক্ষণ বা সমুদ্র-যাত্রা করিবেন না।

কিছু দিন পরে প্রসন্নকুমার ঠাকুরের বাটীতে নিমন্ত্রিত বন্ধুবর্গের সহিত পুনরায় এই বিষয়ের আলোচনা হয়। বালাসুন্দর রমাশ্রমাদ

রায় কিশোরীচাঁদকে সদর দেওয়ানী আদালতে ওকালতী করিতে পরামর্শ দেন। তৎকালে রমাপ্রসাদের তথায় অসামান্য প্রতিপত্তি ছিল এবং তিনি কিশোরীচাঁদকে যথাসাধ্য সাহায্য করিতে প্রতিশ্রুত হন। কিন্তু সিবিలిয়ান বিচারকগণ সম্ভবতঃ তাঁহাকে প্রাথমিক পরীক্ষা প্রদান না করিলে ওকালতী করিতে দিবে না—প্রসন্নকুমার এই আশঙ্কা প্রকাশ করিলেন। কিশোরীচাঁদ পরীক্ষাপ্রদানে অসম্মত হইলেন। কিশোরীচাঁদের যেরূপ আইনসম্বন্ধীয় অভিজ্ঞতা, তর্কশক্তি ও বক্তৃতাপ্রদানের ক্ষমতা ছিল তাহাতে তিনি ব্যারিষ্টার বা উকীল হইলে যে অসামান্য প্রতিষ্ঠা লাভ করিতে সমর্থ হইতেন তাহাতে অণুমাত্র সংশয় ছিল না। কিন্তু তিনি স্থায়ী অবস্থার উন্নতিসাধন অপেক্ষা আরও উচ্চতর কর্তব্য দেখিতে পাইয়াছিলেন এবং রমাপ্রসাদের সনির্বন্ধ অনুরোধ প্রত্যাখ্যান করিলেন।

রামগোপাল তখন তাঁহাকে বাণিজ্য-ব্যবসায়ে প্রবৃত্ত করিতে চেষ্টা পাইলেন। তিনি তাঁহাকে নিজের কারবারে সহকারিরূপে গ্রহণ করিতে ইচ্ছা প্রকাশ করিলেন। কিন্তু তিনি রামগোপালেরও সহকারিরূপে কার্য করিতে অসম্মত হইলেন।

প্যারীচাঁদ তখন বাণিজ্যে বেশ উন্নতি লাভ করিয়াছিলেন। কিশোরীচাঁদও স্বতন্ত্রভাবে বাণিজ্য-ব্যবসায়ে প্রবৃত্ত হইবেন স্থির করিলেন। ১৮৫৮ খৃষ্টাব্দে ২৫শে ডিসেম্বর তারিখের রোজনামচায় লিখিয়াছেন—

“I purpose to take a trip up the country partly on business and partly for pleasure. The truth is that I want a change of air and scene, and intending as I do to follow commercial pursuits, I should avail my-

self of this opportunity to acquire and collect information regarding the resources of the districts I may visit.

১৮৫৯ খৃষ্টাব্দের ৮ই জানুয়ারি কিশোরীচাঁদ পূর্ব সংকল্লালুসারে বাণিজ্যবিষয়ক তথ্যাদি সংগ্রহের জন্য বিদেশভ্রমণে বহির্গত হন। ট্রেন ফেল হওয়ায় নৌকাযোগে বাঁশবেড়িয়া পর্যন্ত গমন করেন। তথায় তাঁহার বন্ধু শ্রীকৃষ্ণ সিংহের জমিদারী ছিল। বাঁশবেড়িয়ায় কিশোরীচাঁদের অন্যতম বালাবন্ধু শান্তিপুরের তৎকালীন ডেপুটি ম্যাজিস্ট্রেট স্বনামধন্য ঈশ্বরচন্দ্র ঘোষাল মহাশয় কর্তৃক প্রেরিত নৌকায় উঠিয়া ১৯শে জানুয়ারি প্রত্যুষে শান্তিপুরে ঈশ্বরচন্দ্রের বাসায় উঠেন। ৫৫ বৎসর পূর্বে শান্তিপুরের অবস্থা কিরূপ ছিল সেই সম্বন্ধে পাঠক-বর্গের কৌতূহল হইতে পারে। তাঁহাদিগের কৌতূহল নিবৃত্তির জন্য কিশোরীচাঁদের ভার্যরী হইতে কিয়দংশ উদ্ধৃত করিলাম।

"21st January 1859 Continued to be the guest of Isser Chunder. Santipore is decidedly the best sub-division in Bengal. It is a healthy place pleasantly situated on the banks of the Bhagiruthee, It is contiguous to Naddia which is the Athens of Bengal, It is the Manchester of Bengal. It has been placed under the operation of Act 26 of 1850, The commissioners under that act have made several new roads and repaired the old ones. * * *

"The Rajah of Pachete is here. He has selected to come to this spot in consequence of its proximity

to the metropolis and its situation on the Banks of the sacred river ; but I fancy his choice was like that of Hobson, * * *

“He appears to be a very gentlemanly man. He is very chatty and not unfrequently speaks sense.” *

২২শে জানুয়ারি কিশোরীচাঁদ ডাকে দিবাপতিয়ার জন্য রওনা হন। পথিমধ্যে বহরমপুরে ডেপুটী ম্যাজিস্ট্রেট হেমচন্দ্রের নিকট একদিন অবস্থান করিয়াছিলেন। ২৩শে বেলা ১১ ঘটিকার সময় বঙ্গ রাজা প্রসন্ননাথের বাটীতে উপস্থিত এবং সাদরে অভ্যর্থিত হন।

যে স্থানে কিশোরীচাঁদ ঘোবনের উৎসাহ ও উদ্যম লইয়া বহু বৎসর দেশের উন্নতিকল্পে পরিশ্রম করিয়াছিলেন, বহু বৎসর পরে পুনরায় সেই স্থানে আসিয়া তাঁহার মনে অভূতপূর্ব ভাবের সমাবেশ হইয়াছিল। সে সকল তিনি তাঁহার ‘রোজনামচায়’ লিপিবদ্ধ করিয়া গিয়াছেন। তাঁহার রাজসাহীতে পুনরাগমনের কল এই হইল যে রাজা প্রসন্ননাথ কিশোরীচাঁদকে কলিকাতায় এজেন্ট নিযুক্ত করিলেন।

ফেব্রুয়ারির শেষভাগে কিশোরীচাঁদ কলিকাতায় প্রত্যাগমন করেন। কিন্তু কলিকাতায় প্রত্যাগমন করিয়া তিনি স্বাধীন ব্যবসায়বাণিজ্যে প্রবৃত্ত হইয়াছিলেন বলিয়া বোধ হয় না। ভ্রাতা

* সিপাহীযুদ্ধের সময় পঞ্চকোটের রাজা নীলমণি সিংহ বিক্রোহিণ্যকে সাহায্য করিয়াছিলেন বা করিতে চেষ্টা পাইয়াছিলেন বলিয়া অভিযুক্ত এবং গবর্ণ-মেন্টের মজরবন্দী হইয়া শাস্তিপু্রে প্রেরিত হন। সেই বিপ্লবের সময় এইরূপ একজন শক্তিশালী উচ্চপদস্থ রাজনীতিক অপরাধীকে একজন বাঙ্গালী ডেপুটী ম্যাজিস্ট্রেটের (ঈশ্বরচন্দ্র ঘোষালের) হস্তে অর্পণ করিয়া গবর্ণমেন্ট ঈশ্বরচন্দ্রের প্রতি যে রূপ বিশ্বাসের পরিচয় প্রদান করিয়াছিলেন, অর্দ্ধ শতাব্দীর উন্নতির পরে তদপেক্ষা উচ্চপদস্থ দেশীয় কর্ত্তারদের প্রতিও সেইরূপ বিশ্বাস স্থাপন করিতে দেখা যায় না।

গ্যারীচাঁদের কারবারে কিছু অর্থ প্রদান করিয়াছিলেন, কিন্তু স্বয়ং স্বাধীন ভাবে কখনও কার্য্য করিয়াছিলেন বলিয়া প্রকাশ নাই। শিয়ার্শোল রাজবংশের প্রতিষ্ঠাতা পণ্ডিত গোবিন্দপ্রসাদের কয়লার খনি ও কারবার ছিল। কিশোরীচাঁদ কিছুকাল তাঁহার কলিকাতাস্থ এজেন্ট হইয়াছিলেন। গোবিন্দপ্রসাদের সহিত তাঁহার পূর্বেই আলাপ ছিল। পাঠকগণের মধ্যে অনেকেরই হয় ত তাঁহার নাম শ্রবণ করেন নাই। ১৮৫৫ খৃষ্টাব্দে একবার কিশোরীচাঁদ রাণীগঞ্জে তাঁহার কয়লার খনি পরিদর্শন করিতে গিয়াছিলেন এবং সেই সময় তাঁহার ‘রোজনামচাষ’ পণ্ডিত গোবিন্দপ্রসাদ সম্বন্ধে বাহা লিখিয়াছিলেন তাহা এই স্থানে উদ্ধৃত করা যাইতে পারে—

“তিনি একজন কাশ্মীরী ব্রাহ্মণ ছিলেন। তাঁহার পূর্বপুরুষগণ ৫০ বৎসর পূর্বে বঙ্গদেশে আসেন। তাঁহারা বীরভূমের নিকট বসতি করেন। কিন্তু মিঃ জোন্স কর্তৃক কয়লা আবিষ্কার হওয়াতে এবং বেঙ্গল কোল কোম্পানির সৃষ্টি হওয়াতে রাণীগঞ্জে ভাগ্যপরীক্ষার জন্য আসেন—তখন রাণীগঞ্জ অজ্ঞাত প্রদেশ ছিল। তিনি ‘বেঙ্গল কোল কোম্পানি’ কর্তৃক বরকন্দাজ বা জমাদার নিযুক্ত হইয়াছিলেন। খনির কাজকর্ম্ম দেখিয়া * * * শেষে নিজেই একটা খনি খুলিলেন এবং এখন অনেকগুলি খনির মালিক। * * * বরকন্দাজ হইতে যে পদ তিনি অধিকার করিয়াছিলেন, তাহার জন্য নিশ্চয়ই অসাধারণ বুদ্ধিমান বলিয়া তাঁহাকে ধরা যাইতে পারে।”

পর বৎসর তিনি দ্বিতীয়বার গোবিন্দপ্রসাদের কয়লার খনি পরিদর্শনার্থে গমন করিয়া তাঁহার ডায়েরীতে এই খনির ইতিহাস লিপিবদ্ধ করিয়া রাখিয়াছেন।

গোবিন্দপ্রসাদের অশুচরগণ একটা দাঙ্গাহাঙ্গামা করায় তাহাদিগের

প্রভুকে শাস্তিভোগ করিতে হয়। বাঁকুড়া জেলে (১৮৬২ খৃষ্টাব্দে) গোবিন্দ প্রসাদের মৃত্যু হয়। কিশোরীচাঁদ তাঁহার মুক্তির জন্য যথাসাধ্য চেষ্টা করিয়াছিলেন এবং দেশের সম্ভ্রান্ত ও উচ্চপদস্থ ব্যক্তি-বৃন্দ দ্বারা গবর্ণমেন্টে একটা আবেদন প্রেরণ করাইয়াছিলেন।

কিশোরীচাঁদ কখনও স্বাধীনভাবে বাণিজ্যব্যবসায় করেন নাই, সুতরাং এ সম্বন্ধে আর অধিক কিছু বলা নিম্প্রয়োজন। রাজনীতি ও সাহিত্যক্ষেত্রে প্রতিষ্ঠালাভের জন্যই তিনি সমুৎসুক ছিলেন। সুতরাং ১৮৫৯ খৃষ্টাব্দের মে মাসে যখন ‘ইণ্ডিয়ান ফীল্ডের’ প্রথম সম্পাদক মিষ্টার জেমস হিউম্ অমুহুতা নিবন্ধন অবসর গ্রহণ-পূর্বক ইংলণ্ডে প্রত্যাগমন করিলেন এবং উক্ত পত্রিকার স্বত্বাধিকারি-গণ ৫০০/- বেতনে কিশোরীচাঁদকে উহার সম্পাদকত্ব গ্রহণ করিতে অনুরোধ করিলেন, তখন কিশোরীচাঁদ অত্যন্ত আনন্দের সহিত উক্ত পত্রিকা পরিচালনের ভার গ্রহণ করিলেন। ‘ইণ্ডিয়ান ফীল্ডের’ প্রতিষ্ঠাকাল হইতেই কিশোরীচাঁদ উহার অন্যতম প্রধান লেখকরূপে সংশ্লিষ্ট ছিলেন। এক্ষণে অধিকতর উৎসাহের সহিত তিনি ফীল্ডের সম্পাদকীয় স্তম্ভে দেশের সামাজিক, নৈতিক, রাজনৈতিক ও শিক্ষা-বিষয়ক উন্নতির জন্য মসীবুদ্ধ আরম্ভ করিলেন। ইণ্ডিয়ান ফীল্ডে প্রকাশিত কিশোরীচাঁদের প্রবন্ধাবলীর পরিচয় প্রদানের পূর্বে ইণ্ডিয়ান ফীল্ডের প্রতিষ্ঠার ইতিহাস বর্ণিত হওয়া উচিত।

১৮৫৭ খৃষ্টাব্দে কিশোরীচাঁদের চেষ্টায় যে বিরাট Black Act meeting আহূত হয়, তাহার বিষয় পূর্বেই উল্লিখিত হইয়াছে। জৈষ্ঠ্যপ্রণোদিত ইংরাজগণের মুখপত্রগুলিতে এই সভার কার্যবিবরণী কঠোরভাবে সমালোচিত হইয়াছিল। হিন্দুগণের একমাত্র ক্ষমতাশালী মুখপত্র ‘হিন্দুপেট্রিয়ার্ট’ ইংরাজগণ কর্তৃক পরিচালিত সংবাদপত্রদমূহের

কুপ্রভাব নিবারণে অসমর্থ হইয়াছিল। কারণ হিন্দুপেটিয়ট দেশবাসি-
গণ কর্তৃকই পরিচালিত হইত, এবং উহার ইংরাজ গ্রাহক বা পাঠক
এত অল্প ছিল যে ঐ পত্রিকার প্রচার দ্বারা সাধারণ ইংরাজগণের
বিষেবভাব দূরীভূত করা অসম্ভব ছিল। দূরদর্শী কিশোরীচাঁদ দেখিতে
পাইয়াছিলেন যে দেশের তৎকালীন অবস্থায় যে কয়জন অকৃত্রিম
ভারতবন্ধু ইংরাজ আছেন, তাঁহাদিগের সহিত মিলিত হইয়া কার্য্য না
করিলে, তাঁহাদিগকে দেশের জনসাধারণের উন্নতির জন্য লেখনী ধারণ
না করাইলে দেশের উন্নতিব আশা সুদূর্বপবাহত। ইংরেজদিগের
মধ্যে ভারতবন্ধুর অভাব ছিল না। কলিকাতার প্রধান পুলিশ
ম্যাজিষ্ট্রেট মিঃ জেম্‌স্‌ হিউম, মিষ্টার (পরে স্যার) এশলি ইডেন,
রেভারেণ্ড জেম্‌স্‌ লঙ্ক, রেভারেণ্ড সি, এচ্‌, এ ডল প্রভৃতি
মহাত্মগণ দেশের অকৃত্রিম বন্ধু ছিলেন। সুতরাং তিনি এই সময়ে
তাঁহাদিগের সাহায্যতায় দেশবাসীর মুখপত্রস্বরূপ একরূপ একটী
সংবাদপত্র প্রতিষ্ঠার সংকল্প করিলেন যে, তাহাতে সাধারণ
ইংরাজদিগের সহানুভূতি আকর্ষণ করিবে এবং তাঁহাদিগকে
দেশহিতকর কর্ম্মানুষ্ঠানে প্রবৃত্ত করিবে। কিন্তু কেবল রাজনীতিক
সংবাদপত্র—যাহাতে দেশবাসীর কল্যাণ আলোচিত হইবে—
সাধারণ ইংরাজগণের প্রীতিকর হইবে কেন? সুতরাং উহাতে
রাজনীতি ব্যতীত কৃষি, পুর্ভ, শিল্প, সাহিত্য প্রভৃতি সর্ব-
প্রকার বিষয় এবং সর্বোপরি ইংরাজগণের সর্বোপেক্ষা প্রীতিকর—
ঘোড়দোড় প্রভৃতি ক্রীড়াবিষয়ক প্রবন্ধাদিও প্রকাশিত হইবে, এই-
রূপ সংকল্প হইল। তৎকালে ক্রীড়াবিষয়ক কোনও সংবাদপত্র
এদেশে প্রচলিত ছিল না; সুতরাং “ইণ্ডিয়ান স্পোর্টিং রিভিউ” এর
ভূতপূর্ব সম্পাদক জেম্‌স্‌ হিউম যখন এই পত্রিকার সম্পাদনভার

গ্রহণ করিতে স্বীকৃত হইলেন তখন উহার প্রচার ও প্রতিষ্ঠালাভ সম্বন্ধে কাহারও অণুমাত্র সংশয় রহিল না। কিশোরীচাঁদ হিউমের সহিত পরামর্শ করিয়া একটা মুদ্রাবল্ল ও এই পত্রিকা প্রকাশের অমুষ্ঠানপত্র নিখিয়া তাঁহার এসোসিয়েশনের বন্ধুগণকে দেখাইলেন।

পাইকপাড়ার স্বদেশহিতৈষী রাজা প্রতাপচন্দ্র সিংহ ও ঈশ্বরচন্দ্র সিংহ তাঁহাদিগের স্বভাবনিক্ক উদারতার সহিত এই অমুষ্ঠানে যোগদান করিলেন এবং প্রধানতঃ তাঁহাদিগেরই অর্থায়ুকূল্যে ১৮৫৮ খৃষ্টাব্দের প্রারম্ভে Calcutta Printing and Publishing Co. স্থাপিত হইল। মূলধন ৫০০০০ টাকা, ২৫০ টাকার ২০০ শ্বেংশে বিভক্ত হইল। নিম্নলিখিত সম্ভ্রান্ত ব্যক্তিগণকে লইয়া একটা বোর্ড গঠিত হইল :—

মিঃ সেথ এ আপকার

„ জর্জ শ্যালো

„ চার্লস পিফার্ড

বাবু রমানাথ ঠাকুর

বাবু ঈশ্বরচন্দ্র সিংহ

১৮৫৮ খৃষ্টাব্দের ২৭শে মার্চ শনিবার নূতন সাপ্তাহিক সংবাদপত্র ‘ইণ্ডিয়ান ক্রীস্টের’ প্রথম সংখ্যা প্রকাশিত হয়। এই পত্রিকার শিরোনামে শিকার, কৃষি, পুর্ন্ত, রাজনীতি, সাহিত্য ও শিল্পবিদ্যার অধিষ্ঠাত্রী দেবীগণের চিত্র অঙ্কিত থাকিত। সর্ব প্রথমেই শীকার ও ক্রীড়াবিষয়ক প্রবন্ধাদি প্রকাশিত হইত। পরবর্ত্তী পৃষ্ঠায় রাজনীতি প্রভৃতি আলোচিত হইত। জেমস্ হিউম ‘এবেল-ঈষ্ট’ (Abel East) এই ছদ্মনামে এই পত্রিকা সম্পাদন করিতেন। অনেক ইংরাজ লেখক এই পত্রিকা পরিচালনে তাঁহাকে সাহায্য করিতেন। রাজনীতিক স্তম্ভে

কিশোরীচাঁদ ফীল্ডের অন্যতম প্রধান লেখক ছিলেন। রাজা (তখন বাবু) ঈশ্বরচন্দ্র সিংহ এই পত্রিকার মধ্যে মধ্যে ক্রীড়াবিষয়ক প্রবন্ধাদি লিখিতেন। এই পত্রিকা প্রচারের অব্যবহিত পরেই আশা-তীত সাফল্য লাভ করিয়াছিল এবং সৈন্যবিভাগীয় অধিকাংশ ইংরাজ কর্মচারী ইহার গ্রাহকশ্রেণীভুক্ত হন। ১৮৫৯ খৃষ্টাব্দের মে মাসে ‘এবেল-ঈষ্ট’ (জেমস্ হিউম) স্বাস্থ্যলাভের জন্য ইউরোপে প্রত্যাগমন করিতে বাধ্য হন। এই সময় হইতেই কিশোরীচাঁদ ‘ইণ্ডিয়ান ফীল্ড’র সম্পাদকত্ব গ্রহণ করেন। পত্রিকার Sporting Department-এ হিউমের ইংরাজিবন্ধুগণ পূর্বের ন্যায় লিখিতে লাগিলেন। রাজনীতি ও সাহিত্যবিভাগীয় স্তম্ভে কিশোরীচাঁদ, রাজেন্দ্রলাল মিত্র, প্যারীচাঁদ মিত্র, কৈলাসচন্দ্র বসু, কৃষ্ণদাস পাল প্রভৃতি নিয়মিতরূপে লিখিতে লাগিলেন। ‘ইণ্ডিয়ান ফীল্ড’ সর্বজন-সমাদৃত হইল।

কিন্তু হিউমের অনুপস্থিতিতে ক্রীড়াবিষয়ক প্রবন্ধাদির সম্পাদনে বিশৃঙ্খলা উপস্থিত হইল। এবেল ঈষ্ট এই বিষয়ে স্বয়ং অধিকাংশ প্রবন্ধ লিখিতেন। তিনি এবিষয়ে সিদ্ধহস্ত ছিলেন। সূত্রাং ক্রমে ক্রমে এই সকল প্রবন্ধের মূল্য হ্রাস হইল। জেমসের পুত্র হ্যামিল্টন হিউম একটা Sporting Novel (Bogglesbury Hall) লিখিতে আরম্ভ করিলেন। ইহাও কিছু দিন পরে বন্ধ হইয়া গেল। কয়েক মাসের মধ্যে ‘ইণ্ডিয়ান ফীল্ড’ ক্রীড়াপ্রধান সংবাদপত্র হইতে রাজনীতিপ্রধান সংবাদপত্রে পরিণত হইল। ১৮৫৯ খৃষ্টাব্দের ২৪শে সেপ্টেম্বর ‘ইণ্ডিয়ান ফীল্ড’র প্রথমে রাজনীতিবিষয়ক প্রবন্ধাদি প্রকাশিত হইল; ক্রীড়াবিষয়ক সংবাদাদি শেষে দেওয়া হইল।

১৮৫৯ খৃষ্টাব্দের ‘ইণ্ডিয়ান ফীল্ড’ কিশোরীচাঁদের লিখিত যে সকল প্রবন্ধ প্রকাশিত হয় তন্মধ্যে নিম্নলিখিত প্রবন্ধগুলি এত

সুন্দর ও সমরোপযোগী হইয়াছিল যে, বন্ধুগণের অনুরোধে তিনি উহা পুস্তিকাভারে পুনর্মুদ্রিত করেন।

1. Observations on the Rent Law—

Indian Field, May 7, 1859

2. Observations on the New Sale Law—

Indian Field, June 25, 1859

3. The Ryot and Zemindar—

Indian Field, July 16, 1859

4. Education in India—

Indian Field, Sept. 17, 1859

5. Mofussil Police—

Indian Field, Octr to Decr 1859

প্রথমোক্ত প্রবন্ধস্বয়ের বিষয় এখন আলোচনা করা নিম্নয়োজন। “রায়ত এবং জমিদার” নামক প্রবন্ধে কিশোরীচাঁদ দেখাইতে চেষ্টা করেন যে, জমিদার এবং প্রজার মধ্যে আরও ঘনিষ্ঠতর সম্বন্ধ থাকা উচিত এবং একের উন্নতিতে :অপরের উন্নতি নির্ভর করে ইহা সর্বদা মনে রাখা কৰ্তব্য :—

“কিন্তু জমিদার ও প্রজা যে স্বত্রে আবদ্ধ তাহাকে দৃঢ় করিতে হইবে। যাহা কিছু এই স্বত্রে বিচ্ছিন্ন করে তাহা এক পক্ষের স্বার্থ স্বার্থহানিকর অপর পক্ষেরও সেইরূপ। পরন্তু যাহা কিছু জমিদার ও প্রজাকে মিলিত করে এবং তাহাদিগকে দৃঢ়তররূপে আবদ্ধ রাখে— তাহা উভয়েরই বৈষয়িক ও নৈতিক উন্নতি বৃদ্ধি করিবে।

“ঋহাৱা মনে করেন, জমিদারেরা মনুষ্যাকারে দানব এবং প্রজারা নগণ্য জীব এবং মধ্যে মধ্যে ও কিস্তীর সময়ে ঠাঁহাবা উহাদিগকে

বধ করিবেন এবং ভক্ষণ করিবেন—আমরা তাঁহাদের সহিত একমত হইতে পারি না। আমাদের মনে হয় যে, জমিদার ও প্রজা উভয়েরই বিশিষ্ট গুণ ও দোষ আছে। কিন্তু আমাদের যথাশক্তি সমগ্র আগ্রহ সহকারে উভয় শ্রেণীর মধ্যে এই সত্য নিবদ্ধ করিতে হইবে যে তাহাদের স্বার্থ মূলতঃ অবিভিন্ন। আমরা বিশেষ ভাবে প্রমাণ পাইয়াছি যে, যত আগ্রহসহকারে জমিদারেরা তালুকের ধনসমৃদ্ধির উন্নতির জন্য প্রজাদিগকে সাহায্য করিবেন—তত অধিক পরিমাণে তালুকগুলিও তাঁহাদের লাভজনক হইবে। আমরা ইহাও নিঃসন্দেহে বুঝিয়াছি যে, আন্তরিকতার সহিত জমিদারেরা যতই প্রজার সামাজিক ও মানসিক অবস্থার উন্নতির চেষ্টা করিবেন ততই তাঁহাদের প্রাপ্য অধিকতর লাভজনক হইবে; এবং এই প্রাপ্য কেবল বদ্ধিত আর্থিক লাভ হিসাবে নহে পরন্তু প্রজাদের সুখ ও শান্তিতে এবং তাঁহাদের প্রতি তাহাদের অচ্ছেদ্য আত্মগত্য ও সহকারিতায়।”

“ভারতের শিক্ষাপদ্ধতি” শীর্ষক প্রবন্ধে কিশোরীচাঁদ বলেন যে ১৮৩৯ খৃষ্টাব্দে কোর্ট অব ডিরেক্টর্স লিখিয়াছিলেন :—“That, with a view to the moral and intellectual improvement of people, the great primary object ought to be the extension, among those who have leisure for advanced study, of the most complete education in our power. By raising the standard of instruction among these classes we should eventually produce a much greater and more beneficial change in the ideas and feelings of the community than we can hope to produce by acting more directly on the poorer classes,” এবং এই

নির্দেশানুসারে এ দেশে কুলীনসন্তানদিগের উপযোগী উচ্চশিক্ষার ব্যবস্থা হইয়াছে, কিন্তু লক্ষ লক্ষ দরিদ্র প্রজাগণের উপযোগী কোনও শিক্ষার ব্যবস্থা হয় নাই। তাহারা সেক্ষপীয়র, বেকন বা নিউটন পড়িয়া কি করিবে? অথচ ইহাদিগকে শিক্ষাদান না করিলে দেশের উন্নতি সুদূরপর্যন্ত। কিরূপ শিক্ষা ইহাদিগকে প্রদান করা উচিত, কিশোরীচাঁদ এই প্রবন্ধে তাহার আলোচনা করেন। তিনি বলেন, যে শিক্ষা ইহাদিগের কাজে লাগিবে সেই শিক্ষাই প্রদান করা উচিত। মাতৃভাষায় এই অসংখ্য জনসাধারণকে স্বাস্থ্যবিজ্ঞান, কৃষি-বিজ্ঞান এবং বিবিধ শিল্পবিদ্যা শিক্ষা দেওয়া হউক :—

“আমি বুঝিয়াছি যে, সুচিন্তিত ও সুগঠিত কোন দেশীয় শিক্ষা-প্রণালী—যে রূপ আমি একটি উত্থাপন করিয়াছি—কয়েক বৎসরের মধ্যেই দেশীয় লোকদের অভ্যাস, চিন্তাধারা, অবস্থা এবং চিরাত্মস্থ সংস্কারের বিপর্যয় ঘটাইবে। এই শিক্ষা অবশ্যই মাতৃভাষার মধ্য দিয়া পরিচালিত করিতে হইবে এবং প্রধানতঃ ব্যবসায় ও শিল্পবিষয়ক হওয়া কর্তব্য এবং ভবিষ্যৎ জীবনের জীবিকোপার্জন পন্থার সহিত বিশিষ্ট সম্পর্ক থাকা উচিত। উচ্চশ্রেণীর মধ্যে বাহাদুরের অর্জিত জ্ঞানকে কার্য্যকরী করিবার অবসর আছে, তাহারা ইংরাজী শিখিতে পারেন এবং অবশ্যই শিখিবেন। কিন্তু যে অসংখ্য জনসাধারণ খাদ্যোৎপাদনের জন্য দেশময় ব্যাপ্ত রহিয়াছে তাহাদের শিক্ষা কেবল-মাত্র মাতৃভাষার মধ্য দিয়া দিতে হইবে।”

“মফঃস্বলে পুলিশ” নামক প্রবন্ধটী ধারাবাহিকরূপে ‘ফীল্ডে’ প্রকাশিত হয়। এই প্রবন্ধটী কিশোরীচাঁদের আইনজ্ঞান ও অভিজ্ঞতার পরিচয় প্রদান করে। পুস্তিকাকারে প্রকাশিত হইলে ১৮৬০ খৃষ্টাব্দের ২৮শে জানুয়ারি তারিখের হিন্দুপেট্রিয়ার্টে হরিশ্চন্দ্র উহার

একটা সুদীর্ঘ সমালোচনা করেন। উহাতে তিনি এই প্রবন্ধটির যথেষ্ট প্রশংসা করেন। এই প্রবন্ধে কিশোরীচাঁদ বলেন যে বিচার ও শাসন বিভাগের পার্থক্য সংসাধিত না হইলে মফঃস্বলবাসী সুবিচার ও শাসন প্রাপ্ত হইতে পারে না। কলিকাতা পুলিশ আইন (১৮৫৬ খৃষ্টাব্দের ১৩ আইন) বিধিবদ্ধ হওয়ায় যথেষ্ট সফল ফলিয়াছে। মফঃস্বলেও শাসন ও বিচারবিভাগের পার্থক্য সাধন অত্যন্ত আবশ্যিক। কিন্তু এতদ্ব্যতীত বর্তমান শাসন পদ্ধতির আরও কতকগুলি দোষ আছে—যথা পুলিশের বর্তমান সংগঠন প্রণালী, কারাগারের অসন্তোষজনক অবস্থা, ফৌজদারী আইনের দোষ ইত্যাদি ইত্যাদি।

মফঃস্বলস্থ ফৌজদারী আদালতে খেতাবের বিচার হইতে পারে না বলিয়া ক্রমাঙ্গণ সুবিচার প্রাপ্ত হন না, এই প্রবন্ধে ইহাও বিশেষ ভাবে প্রদর্শিত হয়।

১৮৬০ খৃষ্টাব্দে নীলবিপ্লব প্রধান আলোচ্য বিষয় হইল। সমস্ত ইংরাজপরিচালিত সংবাদপত্র নীলকরগণের পক্ষ অবলম্বন করিল। স্বদেশপ্রাণ হরিশচন্দ্র ও তাঁহার অভিন্নহৃদয় অহুদ গিরিশচন্দ্র ‘হিন্দু-পেট্রিয়ার্টে’ সপ্তাহের পর সপ্তাহে নীলকরগণের অমাহুযিক অত্যাচার-কাহিনী তাঁহাদিগের অভ্যন্তর জলন্ত উত্তেজনার ময়ী ভাষায় লিপিবদ্ধ করিতে লাগিলেন। কিশোরীচাঁদও ‘ইণ্ডিয়ান ফীল্ডে’ দরিদ্র প্রজাগণের পক্ষে তাঁহার ক্ষমতাশালী লেখনী ধারণ করিলেন। মিষ্টার (পরে বাঙ্গালার ছোট লাট স্যার) অ্যাশলি ইডেন, (যিনি রাজশাহীতে শিক্ষা-নবীশ অবস্থায় কিশোরীচাঁদের সহিত কার্য্য করিয়াছিলেন এবং চিরকাল তাঁহার একজন মঙ্গলাকাজ্জী বন্ধু ছিলেন) কিশোরীচাঁদ কর্তৃক অহুদ হইয়া নীলবিপ্লববিষয়ে ধারাবাহিকরূপে প্রবন্ধ লিখিতে আরম্ভ

করিলেন। * কিশোরীচাঁদের অন্যান্য সহৃদয় ইংরাজবন্ধুগণও যোগদান করিলেন। এই সময়ে ‘ইণ্ডিয়ান ফীল্ড’ দেশের জন্য যে কার্য্য করিয়াছিল তাহা নীলবিদ্রোহের ইতিহাসে স্বর্ণাক্ষরে লিখিত হওয়া উচিত। পূর্বেই বলিয়াছি ‘ইণ্ডিয়ান ফীল্ড’ ইংরাজ ও বাঙ্গালী ভারত-হিতৈষিগণের সম্মিলনক্ষেত্র ছিল। সুতরাং উহা একেবারে দেশী কাগজ বলিয়া উপেক্ষিত হইত না। অনেক ইংরাজ আগ্রহসহকারে ‘ইণ্ডিয়ান ফীল্ড’ পড়িতেন। সুতরাং উহা দ্বারা অনেক কল্যাণ সাধিত হয়। কৃষ্ণদাস পাল তরুণ বয়সে নীলবিপ্লব সম্বন্ধে দুই খণ্ডে সম্পূর্ণ যে পুস্তকখানি সঙ্কলন করিয়াছিলেন (১৮৫৮-৬০ খৃষ্টাব্দে) তাহা ‘হিন্দুপেট্রিয়ার্ট’ ও ‘ইণ্ডিয়ান ফীল্ডের’ সম্পাদকীয় প্রবন্ধের সমষ্টি মাত্র।

‘ইণ্ডিয়ান ফীল্ড’ যখন এইরূপ প্রতিপত্তি লাভ করিল তখন একটা মহাবিপদ দেখা দিল। এমন কি, কাগজখানি বিলুপ্ত হইবার সম্ভাবনা হইল।

Calcutta Printing & Publishing Co. আশা করিয়াছিলেন যে তাঁহার বাহিরের কাজ অনেক পাইবেন, তাহাতে বিলক্ষণ লাভ হইবে। ‘ইণ্ডিয়ান ফীল্ড’ মুদ্রণের জন্য মাসিক ৩০০ মাত্র লইবেন

* এই স্থানে বলা উচিত যে ইডেন সাহেব তাঁহার প্রবন্ধের জন্য পারিভ্রমিক গ্রহণ করিতেন। প্রতি সপ্তাহে ফীল্ড আফিসে আসিয়া প্রথমেই “Kissory, give me my cheque” বলিয়া হাঁক দিতেন। সময়ে সময়ে অনুযোগ করিতেন “সরকারী মাফিনা এত কম যে এইরূপে অর্থোপার্জন না করিলে আর উপায় নাই।” ইডেনের ন্যায় সহৃদয় ইংরাজ আজকাল দেখা যায় না। যখন তিনি বারাসতের ম্যাজিষ্ট্রেট ছিলেন, নীলকরগণের হস্ত হইতে প্রজাগণকে রক্ষা করিবার চেষ্টা করিয়া কিরূপে কমিশনার খোট সাহেবের অশ্রিয় হইয়াছিলেন এবং পরে ন্যায়পরায়ণ ছোটলাট স্যার জন পিটের প্রান্তের প্রশংসাজ্ঞান হইয়াছিলেন, তাহা বকলাও সাহেবের “লেপ্টনান্ট গবর্ণর-গণের শাসনাধীন বাঙ্গালা” নামক প্রসিদ্ধ ইতিহাসগ্রন্থে বর্ণিত হইয়াছে।

স্থির ছিল। কিন্তু তাঁহাদিগের আশা বিফল হইল। বাহিরের কাগজ অধিক পরিমাণে না পাওয়াতে কোম্পানি ক্ষতিগ্রস্ত হইলেন। স্বত্বাধিকারিগণ প্রেস বিক্রয় করিলেন। এই মুদ্রাঘটনের ভগ্নাবশেষ হইতে স্মিথ কোম্পানীর বিখ্যাত এডিনবরা প্রেসের উদ্ধব হইল।

‘ইণ্ডিয়ান ফীল্ড’র সম্পাদকের পারিশ্রমিক দেওয়া দূরের কথা, ছাপিবার খরচ কিরূপে সঙ্কুলান হইবে তাহা চিন্তার বিষয় হইল। কিন্তু দেশের সেই সঙ্কটকালে কাগজখানির বিলোপসাধন কোনরূপেই বাঞ্ছনীয় বোধ হইল না। স্বত্বাধিকারিগণকে শঙ্কিত দেখিয়া কিশোরী চাঁদ স্বয়ং কাগজের সমুদায় স্বত্ব ক্রয় করিয়া লইলেন। হিউমের সময় হইতেই ফীল্ড উৎকৃষ্ট কাগজে সুন্দর অক্ষরে মুদ্রিত হইত। সেইরূপ অগ্র মুদ্রাঘটনে ছাপাইলে দ্বাদশ পৃষ্ঠাসম্বলিত সংবাদপত্র প্রকাশে বিস্তর অর্থব্যয় হইবে; সুতরাং লাভের আশা কিছুমাত্র রহিল না। কিন্তু কিশোরীচাঁদ কখনও স্বার্থের প্রতি দৃষ্টিপাত করেন নাই।

হরিশ্চন্দ্র মুখোপাধ্যায়ের সহিত স্থির করা হইল যে, হিন্দুপেট্রিয়ার প্রেসে ইণ্ডিয়ান ফীল্ড মুদ্রিত হইবে। ১৮৬০ খৃষ্টাব্দের জুলাই মাস হইতে ‘ইণ্ডিয়ান ফীল্ড’ ‘পেট্রিয়ার’ প্রেসে মুদ্রিত হইতে লাগিল। প্রেসটি বেশী বড় ছিল না। সুতরাং দুইখানি কাগজই শনিবার প্রকাশ করা অসম্ভব হইল। ৪ঠা জুলাই হইতে হিন্দুপেট্রিয়ার শনিবারের পরিবর্তে বুধবারে বাহির হইতে লাগিল।

কিন্তু এই বন্দোবস্ত অধিককাল স্থায়ী হইল না। এইরূপ ছোট প্রেসে হিন্দুপেট্রিয়ার ও ফীল্ডের মত দুইখানি কাগজ প্রকাশ করা অসম্ভব হইল। ছাপার ভুল, অসময়ে প্রকাশ প্রভৃতি নানাপ্রকার বিশৃঙ্খলা উপস্থিত হইল। কয়েক মাসের মধ্যেই নূতন বন্দোবস্ত করিতে হইল।

এই সময়ে পতিতপাবন সেন নামক এক ব্যক্তি বহুবাজারে Calcutta Union Press নামে একটি নূতন প্রেস স্থাপিত করিলেন। 'ইণ্ডিয়ান ফীল্ড' উক্ত প্রেসে মুদ্রিত হইবে স্থির হইল। ফীল্ড অফিস ঐ স্থানে উঠাইয়া লইয়া যাওয়া হইল। এই সময়েই ইণ্ডিয়ান মিররের স্বনামধন্য সম্পাদক নরেন্দ্রনাথ সেন (তখন যুবক মাত্র) ইণ্ডিয়ান ফীল্ডের লেখকরূপে যোগদান করেন।

১৮৬১ খৃষ্টাব্দে 'ফীল্ড' 'ইউনিয়ন' প্রেসেই মুদ্রিত হয়। এই বৎসরের প্রথমেই কিশোরীচাঁদের সাহিত্যগুরু ডি, এল্, রিচার্ডসন ভারতবর্ষ হইতে বিদায় গ্রহণ করেন। কিশোরীচাঁদ ও নিয়লিখিত মহাশয়গণের চেষ্টায় এই উপলক্ষে রিচার্ডসন সাহেবকে একটি অভিনন্দন ও পঞ্চদশশ মুদ্রার একটি খলি উপহার প্রদত্ত হয় :—

রাজা কালীকৃষ্ণ বাহাদুর, র'জা প্রতাপচন্দ্র সিংহ বাহাদুর, রাজা প্রসন্ননারায়ণ দেব বাহাদুর, রাজা ঈশ্বরচন্দ্র সিংহ, বাবু জয়কৃষ্ণ মুখোপাধ্যায়, বাবু যাদবকৃষ্ণ সিংহ, কুমার সত্যানন্দ ঘোষাল, কুমার হরেন্দ্রকৃষ্ণ, বাবু ষষ্ঠীশ্রীমোহন ঠাকুর, বাবু অভয়চরণ মল্লিক, বাবু গৌরদাস বসাক, বাবু কৃষ্ণকিশোর বোষ, বাবু জগদানন্দ মুখোপাধ্যায়, বাবু কৃষ্ণদাস পাল, বাবু চন্দ্রমোহন চট্টোপাধ্যায়, বাবু নরসিংহদাস আচা, বাবু গিরিশচন্দ্র বোষ, বাবু স্বরেন্দ্রচন্দ্র দত্ত প্রভৃতি।

এই বৎসরেই রাজনারায়ণ বসু ফীল্ড মাইকেল মধুসূদনের তিলোত্তমাসম্ভব কাব্যের সমালোচনা প্রকাশ করেন।

এই বৎসরের আর দুইটি প্রসিদ্ধ ঘটনা, কিশোরীচাঁদের দুইজন প্রিয় স্নহদ, রাজা ঈশ্বরচন্দ্র সিংহ ও হরিশচন্দ্র মুখোপাধ্যায়ের ইহলোক পরিত্যাগ।

দ্বিগুণচন্দ্র ‘কিন্ডে’র একজন প্রকৃত হিতাকাঙ্ক্ষী ছিলেন এবং সকল প্রকার দেশহিতকর বিষয়ে আগ্রহের সহিত অগ্রসর হইতেন। কিছুকাল তিনি ইণ্ডিয়ানকিন্ডের সৌভাবিক প্রবন্ধাদি সম্পাদন করিতেছিলেন। ইহার মৃত্যুর পর কিশোরীচাঁদ কিন্ডে ইহার মৃত্যু-বিষয়ক একটি সুন্দর সম্ভর্ষ লিখিয়াছিলেন।

জুন মাসে হরিশ্চন্দ্রের মৃত্যু হইলে কিশোরীচাঁদ ‘কিন্ডে’ তাঁহার সুন্দর জীবনচরিত প্রকাশ করিয়াছিলেন, কিছুকাল পূর্বে আমরা তাহার অনুবাদ ‘সাহিত্যে’ প্রকাশ করিয়াছিলাম। উহাতে হরিশ্চন্দ্রের জীবনচরিতেব অনেক উপকরণ আছে বলিয়া পরিশিষ্টে উহা পুনর্মুদ্রিত হইল। * কিশোরীচাঁদ তাঁহার বন্ধুগণের সহিত মিলিত হইয়া হরিশ্চন্দ্রের মৃত্যুতে শোকপ্রকাশ করিবাব জন্য একটি সাধারণ সভাও আহূত করিয়াছিলেন। তাহাতেও তিনি হরিশ্চন্দ্র সম্বন্ধে একটি সুন্দর বক্তৃতা কবিয়াছিলেন।

এই বৎসর নীলবিপ্লবের আন্দোলন পূর্ণ তেজে চলিয়াছিল। যখন “অদম্যে হরিণ ম’লো লগের হ’ল কারাগার” তখন ‘কিন্ডে’ কিশোরীচাঁদ ও ‘পেট্রিয়ার্টে’ গিরিশচন্দ্র বোম্ব হরিশ্চন্দ্রের স্থান পূর্ণ করিয়াছিলেন। শিক্ষিত দেশবাসী মাত্রেই হস্তে ওখন কিন্ড ও হিন্দুপেট্রিয়ার্ট বিরাজ করিত।

কিন্ডের গ্রাহকসংখ্যা বর্দ্ধিত হইলেও কাগজমুদ্রণ প্রভৃতির ব্যয় এত অধিক হইত যে, উহাতে যৎসামান্য লাভ হইত মাত্র। ইহা কিছুমাত্র বিচিত্র নহে, কারণ তখন শিক্ষিত দেশবাসীর সংখ্যা নিতান্ত অল্প ছিল। ক্রীড়াবিষয়ক সংবাদ ও মন্তব্যাদি প্রকাশ ক্রমশঃ রহিত হওয়ার ইংরাজ

* পরিশিষ্ট (ক) দ্রষ্টব্য।

গ্রাহকগণ একে একে কাগজ লওয়া বন্ধ করিয়াছিলেন। শুনিয়াছি সিপাহীবিদ্রোহের পর হিন্দুপেট্রিয়টের জন্য হরিচন্দ্রকে কেবলমাত্র তাঁহার সঞ্চয় হইতে অর্থ প্রদান করিতে হইত না। স্বতরাং যদিও ১৮৬২ খৃষ্টাব্দের প্রারম্ভে কিশোরীচাঁদ লিখিয়াছেন—

“In spite of unprecedented increase of newspaper competition and the establishment of several new weeklies representing different sections (such as the Competitionwallahs, the Converts and the Vedantists) which must be a source of satisfaction with all who are interested in the progress of India, the Field enters on the year 1862 with a circulation next only to one hebdomadal in Bengal”—

ফিল্ডের আর্থিক অবস্থা এত মন্দ হইয়াছিল যে, উহার পরিচালন-ব্যাপার ছাড়কর হইয়া উঠিয়াছিল। এই সময়ে কিশোরীচাঁদের অন্যতম বন্ধু চন্দ্রকুমার চট্টোপাধ্যায় প্রস্তাব করেন যে, ফিল্ডের একটি স্বতন্ত্র প্রেস থাকিলে পত্রিকা মুদ্রণের ব্যয় অনেক হ্রাস পাইবে। কিশোরীচাঁদ ও চন্দ্রকুমার উভয়ে মিলিয়া Canning Press নামে একটি মুদ্রাঘরের প্রতিষ্ঠা করিলেন।

১৮৬২ খৃষ্টাব্দে কিশোরীচাঁদের তিন জন অকৃত্রিম বন্ধু ইহলোক হইতে অবসৃত হন। এপ্রিল মাসে দিঘাপতিয়ার রাজা প্রসন্ননাথের মৃত্যু হয়। তাঁহার সহিত কিশোরীচাঁদের কিরূপ প্রীতিসম্বন্ধ ছিল তাহা পূর্বেই উল্লিখিত হইয়াছে। রাজা প্রসন্ননাথের মৃত্যুর পর কিশোরীচাঁদ তাঁহার পুত্র প্রমথনাথের অভিভাবকস্বরূপ হন। তিনি ও তাঁহার অকৃত্রিম বন্ধু ওয়ার্ড ইনস্টিটিউশনের ডাইরেক্টর রাজেন্দ্রনাথ

মিত্র প্রমথনাথের চরিত্রগঠনে বিশেষ চেষ্টা পাইয়াছিলেন। তাঁহাদিগের চেষ্টা বিফল হয় নাই। প্রমথনাথ দীঘাপতিয়া রাজ-বংশের গৌরব অক্ষুণ্ণ রাখিয়াছিলেন এবং কিশোরীচাঁদ তাঁহার মৃত্যুর পূর্বে ১৮৭১ খৃষ্টাব্দে প্রমথনাথকে গবর্ণমেন্ট কর্তৃক রাজ্যোপাধিতে সম্মানিত দেখিয়া যাইতে পারিয়াছিলেন।

সেপ্টেম্বরে ফিল্ডের প্রথম সম্পাদক জেম্‌স্‌ হিউমের মৃত্যুসংবাদ পাইয়া কিশোরীচাঁদ তাঁহার কার্যসম্বন্ধে ফিল্ডে একটা মনোজ্ঞ প্রবন্ধ লিখিয়াছিলেন।

ইহার কিছু পূর্বেই কিশোরীচাঁদের আজীবনসুহৃদ রমাপ্রসাদ রায়ের মৃত্যু হয়। কিশোরীচাঁদ ফিল্ডে তাঁহারও একটা সুন্দর জীবন-কথা প্রকাশ করিয়াছিলেন।

‘ফিল্ড’ সম্পাদনেব সহিত কিশোরীচাঁদ দীঘাপতিয়া রাজ্যর এজেন্টের কর্ম করিতেছিলেন, ইহা পূর্বেই উল্লিখিত হইয়াছে। তিনি নাটোবের মহারানী শিবেশ্বরী দেবীরও কার্য করিতেন। তাঁহার কর্মপটুতার বিষয় অবগত হইয়া ১৮৬৩ খৃষ্টাব্দের মধ্যভাগে কুচবিহারের মহারাজা তাঁহার রাজ্যে সূশ্রুজ্ঞা স্থাপনের নিমিত্ত কিশোরীচাঁদের সাহায্যপ্রার্থী হন। তিনি পঞ্চসহস্র মুদ্রা ও কয়েকজন বরকন্দাজ পাঠাইয়া কিশোরীচাঁদকে অবিলম্বে কুচবিহারে আগমন করিতে বলেন। তখন মহারাজা বাহাদুর সঙ্কটাপন্ন পীড়ায় আক্রান্ত। দেশে অন্তর্বিপ্লব সূচিত হইয়াছে। অমাত্যগণ দুই দলে বিভক্ত হইয়াছিলেন। এক পক্ষ মহারাজার এক মহিষীর কয়েকমাস মাত্র-বয়স্ক পুত্রকে সিংহাসনে বসাইবার চেষ্টা করিতেছিলেন, অপর পক্ষ অন্য এক মহিষীর দত্তকপুত্র গ্রহণের ক্ষমতালাভের জন্য চেষ্টা পাইতেছিলেন। এই সময়ে বিদেশীয় সেই দেশে যাওয়া নিতান্ত নিরাপদ ছিল না। কিশোরীচাঁদের হিতৈষি-

গণ তাঁহাকে সেই স্থানে ঘাইতে নিষেধ করেন এবং তথায় ঘাইলে যে তাঁহার প্রাণসংশয়, এরূপ আশঙ্কাও প্রকাশ করেন। কিন্তু কিশোরীচাঁদ পূর্বেই মহারাজকে সাহায্য করিতে প্রতিশ্রুত হইয়াছিলেন। তিনি কর্তব্যে অবহেলা প্রদর্শন করিবার ব্যক্তি ছিলেন না। ১৮৬৩ খৃষ্টাব্দের মধ্যভাগে তিনি রেলুে কুষ্টিয়া পর্য্যন্ত গমন করিয়া ষ্টিমারে উঠেন। সিরাজগঞ্জে তাঁহার জনৈক ইংরাজ প্ল্যান্টার বন্ধু মিঃ ব্যারি কর্তৃক প্রেরিত বাষ্পীয় জলধানে আরোহণ করিয়া কুচবিহারে গমন করেন। কিন্তু মহারাজা তখন সংজ্ঞাশূন্য এবং কোনমতে তিনি তাঁহার সাক্ষাৎ পাইলেন না। কিয়দিবসের মধ্যেই তিনি তাঁহার কুচবিহারের বন্ধুগণের নিকট অবগত হইলেন যে তাঁহার প্রাণনাশের চেষ্টা হইতেছে। কুচবিহারের তদানীন্তন আবকারী কালেক্টর চন্দ্রকুমার নন্দী ও বিচারপতি স্বর্ধাকুমার রায়চৌধুরীর * চেষ্টায় তিনি কোনওক্রমে রজনীতে নৌকাযোগে সেই স্থান হইতে পলায়ন করিয়া প্রাণরক্ষা করিতে সমর্থ হন। মহারাজার মৃত্যুর পর কুচবিহাররাজ্য “কোর্ট অব ওয়ার্ডসে”র অধীন হয়। ভূটানের কমিশনার বাহাজুর মিঃ হটন কুচবিহারের যথাযথ অবস্থা জানিবার জন্য পরে কিশোরীচাঁদের নিকট পত্র প্রেরণ করেন এবং তাঁহাকে যে পঞ্চসহস্র মুদ্রা প্রদত্ত হইয়াছিল তাহার হিসাব চাহেন। যদিও ঐ টাকা মৃত মহারাজা কর্তৃক বিনা

* চন্দ্রকুমার ও স্বর্ধাকুমার উভয়েই পরে কল্লচ্যুত হইয়াছিলেন। চন্দ্রকুমার কর্কচ্যুত হইয়। কিছু দিন কিশোরীচাঁদের বাগিতে অবস্থান করেন। কিশোরীচাঁদ সেই সময় তাঁহার জন্য হাইকোর্ট হইতে অমুবাধের কাবা আনিয়া দিতেন। পরে কিশোরীচাঁদ তাঁহাকে কমিশনার হটন সাহেবের নিকট স্থপারিষ করতে চন্দ্রকুমার হটনের জুডিশিয়াল হেড এসিস্ট্যান্টের বর্ণ্য প্রাপ্ত হন। পরে তিনি একষ্ট্রা এসিস্ট্যান্ট কমিশনার হইয়াছিলেন। ইহার পুত্র সিঙ্কেটের একজন সম্মান্য ব্যক্তি।

স্বর্ধাকুমার, কিশোরীচাঁদের ভ্রাম্যন্তা শ্রীযুক্ত নীলমণি দেব চেষ্টায় তাঁহার জন্মভূমি বিষ্ণুপুরে সবারিরিষ্টাদের কর্ম প্রাপ্ত হইয়াছিলেন।



শ্রীযুক্ত নীলমণি দে

চুক্তিতে প্রদত্ত হইয়াছিল এবং উহার কোনও হিসাব প্রদানের কথা ছিল না ; তথাপি কিশোরীচাঁদ উহার একটা হিসাব প্রস্তুত করিয়া কুচবিহার যাতায়াতের ব্যয়মাত্র গ্রহণ করিয়া বাকী টাকা হটন সাহেবকে প্রত্যর্পণ করেন এবং তৎসহিত কুচবিহারের একটা মনোজ্ঞ বিবরণ লিখিয়া প্রেরণ করেন । কনশনার মহাশয় এককালে তাঁহার সাধুতা ও পাণ্ডিত্যের নিদর্শন প্রাপ্ত হইয়া তাহাকে কলকাতায় একজুট নিযুক্ত করেন । কিশোরীচাঁদ কিছুকাল এই কাম করিয়াছিলেন । পবে অসুস্থতাবশতঃ এই কাম ত্যাগ করেন ।

কুচবিহারে কিশোরীচাঁদের উপস্থিতি এবং ভগ্নবাস্তব হইয়া কলিকাতায় প্রত্যাগমন ইণ্ডিয়ানফিল্ডের প্রচার বন্ধ হইবার অন্যতম প্রধান কারণ । গ্রাহকগণ ফিল্ড আর কিশোরীচাঁদের সেই প্রতীভা-প্রদীপ্ত প্রবন্ধাবলী দেখিতে পাইলেন না । কিশোরীচাঁদের পুত্রপ্রতিম জামাতা ইণ্ডিয়ানফিল্ডের সহকারী সম্পাদক আয়ুক্ত নীলমণি দে তাঁহার সহপাঠী ৮ নীলমণি কুমার মহাশয় ও তাঁহার অফিসের অন্যতম কামচারী মিঃ ডি স্কজা আরও কিছুদিন ইণ্ডিয়ানফিল্ড পবিতালন করিতে প্রয়াস পাইয়াছিলেন । কিন্তু তাঁহাদিগের সকল চেষ্টা ব্যর্থ হয় । কারণ কিছুদিন পূর্বে বাঙ্গালা গবর্ণমেন্টের তদানীন্তন সেক্রেটারী মিঃ (পবে শ্রব) অ্যাশলি ইডেন বিডেব সহকারী সম্পাদককে তাঁহার অফিসে কয়েকজন নিযুক্ত করিয়াছিলেন এবং তাঁহার সহকারিগণও মিলিটারী একাডেমি অফিসে কাম করিতেন । এই কয়েকের উপর ইণ্ডিয়ানফিল্ড সম্পাদন অসাধ্য হইল ।

১৮৬৫ খৃষ্টাব্দের ১৮ই মে তারিখে হিন্দুপেট্রিতে প্রকাশিত একটা বিজ্ঞাপন হইতে দৃষ্ট হয় যে, উক্ত দিবস হইতে ইণ্ডিয়ানফিল্ড হিন্দুপেট্রিটের সহিত যুক্ত হয় । কৃষ্ণদাস পালের অনুরোধে কিশোরীচাঁদ

পেটিয়টে মধ্যে মধ্যে সম্পাদকীয় প্রবন্ধাদি লিখিতে প্রীত হন এবং মধ্যে মধ্যে দুই একটি প্রবন্ধ লিখিতেন। রাণী কাত্যায়নী ও প্রসন্ন-কুমার ঠাকুরের মৃত্যুর পর পেটিয়টে তাঁহাদিগের যে স্মৃতির জীবনকথা প্রকাশিত হয়, তাহা কিশোরীচাঁদদের লিখিত বলিয়া অনুমান করিবার বিশেষ কারণ আছে। এই স্থানে বলা যাইতে পারে ৮ কৃষ্ণদাস পাল হিন্দুপেটিয়টে প্রধান প্রধান বিষয়গুলি আলোচনা করিবার পূর্বে প্রায়ই কিশোরীচাঁদদের উপদেশ লইতেন। প্রায়ই কিশোরীচাঁদদের বাটীতে রমানাথ ঠাকুর, রামগোপাল বোষ, পানীচাঁদ মিত্র, রাজেন্দ্র-দাস মিত্র প্রভৃতি মহাঅগণের সহিত এই সকল বিষয়ের আলোচনা হইত। এই আলোচনার ফল পরসপ্তাহে কৃষ্ণদাস হিন্দুপেটিয়টে লিপিবদ্ধ করিতেন। কৃষ্ণদাসের প্রবন্ধগুলি যে যুক্তিপূর্ণ ও সারগর্ভ এবং তাঁহার সিদ্ধান্ত যে নির্ভুল হইবে তাহাতে আশ্চর্য্য কি? কারণ দেশের শ্রেষ্ঠতম মস্তিষ্কগুলি বসন্মিলন হইতে ইহাদিগের জন্ম।

আমরা ইণ্ডিয়ান ফিল্ডের ইতিহাস সংক্ষেপে বর্ণনা করিলাম। ফিল্ড কিশোরীচাঁদদের নামেব সহিতই সম্বন্ধ, কারণ প্রথম সম্পাদক ‘এবেল ঈষ্ট’ অধিককাল সম্পাদকত্ব করেন নাই। কিশোরীচাঁদদের সময়েই ফিল্ড দেশের সর্সাপেক্ষা অধিক কার্য্য করিয়াছে। নীলদর্পণ মোকদ্দমা ও নীলবিপ্লবের সময় ফিল্ড অসামান্য প্রীতি লাভ করিয়াছিল। কিশোরীচাঁদদের নির্ভীক মত ও তেজঃপূর্ণ সমালোচনা সকলেই মুগ্ধচিত্তে পাঠ করিতেন।

নবম পরিচ্ছেদ

দেশসেবা—ব্রিটিশ ইণ্ডিয়ান এসোসিয়েশন

মাননীয় কৃষ্ণদাস পাল লিখিয়াছেন, “বাবু কিশোরীচাঁদ মিত্র একজন নির্ভীক দেশপক্ষসমর্থক ছিলেন। সংবাদপত্রের স্তম্ভেই হউক, কিম্বা ব্রিটিশ ইণ্ডিয়ান এসোসিয়েশনের সভাগৃহেই হউক, কিম্বা টাউন-হলেই হউক তিনি কোনও বিষয় বলিতে সজ্জিত হইতেন না, তাঁহার অভিমত এবং উপদেশ ক্ষমতাশালী ব্যক্তিগণের সন্তোষজনক হউক বা না হউক। তাঁহার অসাধারণ প্রত্যুৎপন্নমতিত্ব ও সুন্দর বাক্পটুতা ছিল এবং তাঁহার বক্তৃতাগুলি এইজন্য প্রায়ই অত্যন্ত হৃদয়গ্রাহী হইত।” “ফ্রেণ্ড অব ইণ্ডিয়া”র ভূতপূর্ব সম্পাদক এবং সুপ্রসিদ্ধ ‘টাইমস্’ পত্রের ভারতবর্ষীয় সংবাদদাতা জেমস কট্লেজ “ভারতে ইংরাজশাসন ও লোকমত” নামক গ্রন্থে লিখিয়াছেন, “আমি এপর্যন্ত যতদূর দেখিয়াছি, হিন্দুদিগের মধ্যে কিশোরীচাঁদ একজন অতীব সাহসী পুরুষ ছিলেন, এবং যদিও তাঁহার সহিত আমার দুইবার মাত্র সাক্ষাৎ হইয়াছিল, তথাপি আমি যুরোপীয়গণের অযথা তোষামোদের প্রতি তাঁহার নিতান্ত অবজ্ঞা লক্ষ্য করিবার সুযোগ পাইয়াছিলাম। তিনি কলিকাতায় একটি নির্ভীক ক্ষুদ্র দেশীয়দিগের দলের অন্যতম ছিলেন, যাহাদিগকে কোনও গবর্ণমেন্ট অবজ্ঞা করিতে পারেন না এবং যাহাদিগকে কোনও বুদ্ধিমান গবর্ণমেন্ট অবজ্ঞা করিতে ইচ্ছা করেন না।”

আমরা পূর্ব পরিচ্ছেদে সংবাদপত্রের দ্বারা কিশোরীচাঁদ কিরূপে দেশপক্ষ সমর্থন করিয়াছিলেন তাহার সংক্ষিপ্ত পরিচয় প্রদান করিয়াছি। এক্ষণে ‘ব্রিটিশ ইণ্ডিয়ান এসোসিয়েশন’ প্রভৃতি রাজনীতিক

সম্ভব হইতে কিরূপে স্বদেশের হিতসাধন করিয়াছিলেন তাহা দেখাইতে চেষ্টা পাইব।

ব্রিটিশ ইণ্ডিয়ান এসোসিয়েশনের ইতিহাস অতীব কৌতূহলোদ্দীপক। আজি এই পূর্বগৌরবব্র্ণ শক্তিহীন প্রতিষ্ঠানটীর প্রতি দৃষ্টিপাত করিলে অতীতের বহু গৌরবকাহিনী স্মৃতিপথে সমুদিত হয় এবং তৎসঙ্গে ইহার অবনতির ইতিহাস আমাদের মনে দুঃখ ও নিরাশার ভাব সঞ্চার করে। মনে পড়ে একদিন এই সভা হরিশ, গিরিশ, রামগোপাল, প্যারীচাঁদ, কিশোরীচাঁদ, কৃষ্ণদাস, রাধাকান্ত, রমানাথ, রাজেন্দ্রলাল, দেবেন্দ্রনাথ, দিগম্বর, যতীন্দ্রমোহন প্রভৃতি বঙ্গবন্তানের প্রতিভার লীলাক্ষেত্র ছিল; মনে পড়ে একদিন এই সভা ভারতবর্ষীয় পার্লামেন্টরূপে পরিগণিত হইবে দেশবাসীর মনে এইরূপ আশার সঞ্চার করিয়াছিল। তখন ব্রিটিশ ইণ্ডিয়ান এসোসিয়েশনের অভিনবত না লইয়া গবর্ণমেন্ট কোনও প্রকার নূতন বিধি প্রণয়ন করিতেন না, গবর্ণমেন্টের নিকট সভার অসাধারণ প্রতিপত্তি ছিল। ব্রিটিশ ইণ্ডিয়ান এসোসিয়েশন দেশবাসী ও গবর্ণমেন্ট উভয়েরই সম্পূর্ণ বিশ্বাসভাজন হইতে পারিয়াছিলেন; ইহার কাবণ এই যে, যাহারা এই সভার প্রাণস্বরূপ ছিলেন তাঁহারা কখনও স্বার্থের প্রতি লক্ষ্য রাখেন নাই, ন্যায়ের পথে চিরদিন বিচরণ করিতে চেষ্টা পাইয়াছিলেন।

দ্বারকানাথ ঠাকুরকে এদেশের রাজনীতিক আন্দোলনের পিতা বলা যাইতে পারে। এই মহাত্মা কর্তৃক Landholder's Association বা জমিদার সভার প্রতিষ্ঠার পূর্বে এদেশে কোনও প্রকার রাজনীতিক আলোচনা হইত কি না সন্দেহ। কিশোরীচাঁদ ১৮৭০ খৃষ্টাব্দে একটি বক্তৃতায় ব্রিটিশ ইণ্ডিয়ান সভার প্রতিষ্ঠার ইতিহাস অতি স্পষ্টরূপে বিবৃত করেন। আমরা এই স্থানে সেই বক্তৃতাটির মর্ম



শ্রীল দ্বাবকানাথ ঠাকুর

প্রদান কবিতেছি :—“অর্ক শতাব্দী পূর্বেই কথা স্বপ্ন করুন।
তখনকার দেশের ইতিবৃত্তের প্রতি দৃষ্টিপাত কবিলে বাজনীতিকক্ষেত্রে
আমাদের জীবনের কোনও লক্ষণ দাঁতে পাওয়া যায় না। উচ্চপদস্ত
রাজকর্মাচারী ও রাজপ্রতিনিগণকে অভিনন্দনপত্র প্রদানের প্রস্তাব
উপস্থাপিত করা এবং অভিনন্দনপত্র প্রদান করা ব্যতীত আর কোনও
রাজনীতিক আন্দোলন সম্ভব, ইহা কাতারও বোধগম্য হয় না। বোধ
হয় ওয়াবেন চেষ্টাশেষ গবর্ণর জেনারেলের আসন হঠাৎ অবসর
গ্রহণকালেই অভিনন্দনপত্র প্রথম প্রদত্ত হয়। হিন্দুসমাজের অন্যতম
নেতা মদনমোহন দত্তের পুত্র বসিকলাল দত্ত প্রমুখ দেশবাসীগণ সেই
পত্রে স্বাক্ষর করেন। পবপর্যন্ত বাতপ্ৰতিনিগণের অবসরগ্রহণকালেও
ঐক্য অভিনন্দনপত্র প্রদত্ত হয়। আবার স্বপ্ন হয় যে, যিনি এত
দেশীয় লক্ষ লক্ষ অধিবাসীকে চিরকৃতজ্ঞতাভাজন হইয়াছিলেন সেই লর্ড
উইলিয়াম বেটিককে অভিনন্দনপত্র প্রদান কবিবার জন্য হঠাৎ
একটি সাধারণ সভায় একজন রাজা ব্যতীত প্রস্তাব কবিয়াছিলেন যে
লেডি বেটিককে একটি স্বতন্ত্র অভিনন্দন পত্র প্রদান করা হউক।
আমাদের মধ্যে দ্বারকানাথ ঠাকুরই সর্বপ্রথম বিধিসম্মত বাজনীতিক
আন্দোলন কাঠাকে বলে এবং তাহার ঐ উপস্থাপিতা তাহা ক্রিয়া
ছিলেন। অভিজাত সম্প্রদায়ের শত্রু কতক এবং সেই শত্রুর
উপযুক্ত ব্যবহার দ্বারা ক্রিকেট দেশের শাসন কার্য্যের সুব্যবস্থা করা
যাইতে পারে তাহা সন্দেহ কবিয়া তখন ১৮৩৮ খৃষ্টাব্দে দুইটি মাসে
ল্যাণ্ডোল্ডাস এশোসিয়েশন (জমিদারসভা) স্থাপিত করেন। তাহার
আবাসভবন-সংলগ্ন একটি বাগীচে এই সভার অধিবেশনাদি হইত।
মিঃ ডব্লিউ, সি, হ্যাভি ও বার প্রসন্নকুমার ঠাকুর এই সভার সম্পাদক
ছিলেন। এই সভার সংস্থাপন সংবাদ গবর্ণমেন্টের গোচরে তানয়ন

করিলে সেক্রেটারী মিঃ প্রিন্সেপ সাহেব সম্পাদককে লিখেন :—
 ‘আপনাদের ৭ই ডিসেম্বর পত্র এবং তৎসহিত প্রেরিত আপনাদের সভার অনুষ্ঠানপত্র প্রাপ্ত হইয়াছি। “চেম্বার অব কমার্স” যে ভাবে গবর্ণমেন্টকে পত্রাদি প্রেরণ করেন আপনাদের সভা সেই ভাবে পত্রব্যবহার করিবার অনুমতি প্রার্থনা করিয়াছেন। প্রত্যুত্তরে জানাই-
 তেছি, বাঙ্গালার মাননীয় ডেপুটী গবর্ণর মহোদয় সকল সম্প্রদায়েরই নিকট হইতে সেই সম্প্রদায়ের অথবা সমাজের মঙ্গলের জন্য প্রস্তাবাদি সর্বদা গ্রহণ করিতে ও বিচার করিতে প্রস্তুত। ভূমিকর ও বিচার-বিভাগ সংক্রান্ত প্রস্তাবাদি গবর্ণমেন্টের সেই সেই বিভাগের সেক্রেটারীর নিকট পাঠাইতে হইবে।’

গবর্ণমেন্ট ল্যাণ্ডহোল্ডার্স সোসাইটীর অস্তিত্ব স্বীকার করিলে এক সম্প্রদায় ভয়ানক অসন্তুষ্ট হন। ‘ফ্রেণ্ড অব ইণ্ডিয়া’ বলেন ঐ সভা বে-আইনী। ‘কুরিয়র’ বলেন গবর্ণমেন্ট এই সভাকে ভূমিস্বত্বাধিকারিগণের প্রতিনিধিরূপে স্বীকার করিয়া উচার সহিত পত্রব্যবহার করিলে আশঙ্কার কারণ আছে। কিন্তু গবর্ণমেন্ট তৎকালীন সংবাদ-পত্র-পরিচালকগণ অপেক্ষা দূরদর্শী ছিলেন এবং সেই সভার সহিত পত্রব্যবহার করায় কোনও বিপদ বা অন্যান্য ঘটতে পারে একপ আশঙ্কা করেন নাই। ভূম্যধিকারিগণের পক্ষে অতিশয় প্রয়োজনীয় কতকগুলি প্রশ্ন সেই সভা কর্তৃক আলোচিত হইয়াছিল; তন্মধ্যে লাখেরাজ প্রত্যাহার এবং রাজস্ব আদায়ের জন্য জমিদারী বিক্রয় প্রভৃতি প্রস্তাবিত ব্যবহাসমূহের বিরুদ্ধে আন্দোলন উল্লেখযোগ্য। এই সভা লাখেরাজদারদিগের পক্ষ নির্ভীকভাবে সমর্থন করিয়াছিল। এই সভার চেষ্টায় টাউনহলে একটি বিরাট সাধারণ সভা আহৃত হইয়াছিল। লাখেরাজ প্রত্যাহারের বিরুদ্ধে গবর্ণমেন্টকে আবেদন

সেই সাধারণ সভার উদ্দেশ্য ছিল। সেই সভায় মিঃ ডিকেন্স একটি ওজস্বিনী বক্তৃতায় গবর্ণমেন্টের প্রস্তাব যে কিরূপ অন্যায় ও নীতিবিগর্হিত তাহা প্রদর্শন করেন। দ্বারকানাথ ঠাকুরও ঐ বিষয়ে দীর্ঘ বক্তৃতা করেন। তাঁহার বক্তৃতা অত্যন্ত হৃদয়গ্রাহী হইয়াছিল এবং উপস্থিত সভ্যগণের প্রশংসা প্রাপ্ত হইয়াছিল। যদিও বক্তৃতাটি সুন্দর ও সাধু ইংবাজী ভাষায় সজ্জিত হয় নাই, তথাপি উহা কঠোর ও অকাটা যুক্তিতর্কনমণ্ডিত ছিল। লাথেরাজ প্রত্যাহারের সমর্থন-কাবি শ্রীরামপুরের সংবাদ-পত্রটি সম্বন্ধে তিনি বলেন উহা ভারতবর্ষের (Friend) বন্ধু নহে ভারতবর্ষের (Foe) শত্রু। তিনি বলেন যে, গবর্ণমেন্টের এই স্বতন্ত্রনীতির বিরুদ্ধে সেদিন দেশবাসীর মধ্যে তিনি একক প্রতিবাদ করিতে দণ্ডায়মান হইয়াছেন; কিন্তু শীঘ্রই একদিন আসিবে যেদিন হিন্দুকলেজের নবীন ছাত্রগণ দেশহিতের জন্য দলবদ্ধ হইয়া তাঁহাদিগের অভাব বিমোচন এবং রাজনীতিক অধিকার রক্ষা কবিবার জন্য বন্ধুপরিষদ করিবে। তাঁহার ভবিষ্যদ্বাণী যে সত্য হইয়াছে বর্ত্তমান সভার ইতিহাস তাহার সাক্ষ্য দিতেছে; কারণ প্রসন্নকুমার ঠাকুর এবং রামগোপাল ঘোষ হইতে ঈশ্বরচন্দ্র ঘোষাল পর্যন্ত এই সভার কয়েকজন সর্বাপেক্ষা কর্ম্মনিপুণ এবং আগ্রহশীল সভ্য হিন্দুকলেজে শিক্ষা লাভ করিয়াছিলেন। টাউনহলের সেই সভা লাথেরাজ প্রত্যাহারবিধির বিরুদ্ধে এরূপ তীব্র আন্দোলন করিয়াছিল যে গবর্ণমেন্ট উহা পরিবর্তিত করিয়া ৫০ বিঘার কম লাথেরাজ জমিগুলিকে উহার কবল হইতে অব্যাহতি দেন এবং উহার বিস্তার বন্ধ করিয়া দেন। দ্বারকানাথ ঠাকুর যখন ইংলণ্ডে গমন করেন তখন জর্জ টমসনের সহিত তাঁহার আলাপ হয়। ইনি সেই যুগের একজন অসাধারণ ব্যক্তি ছিলেন এবং আমেরিকায় ক্রীতদাস

প্রথা রহিত করিবার জন্য অনেক পরিশ্রম করিয়াছিলেন। দ্বারকানাথ তাঁহাকে ভারতবর্ষে আসিবার জন্য নিমন্ত্রণ করিলেন। ১৮৪২ খৃষ্টাব্দে শেষভাগে টমসন এদেশে আসিলেন। তাঁহার অনন্যসাধারণ বাগ্মিতা সমস্ত কলিকাতায় বিচ্যন্তরঙ্গ প্রবাহিত করিল এবং ইহাতে অপূর্ণ কল প্রসূত হইল। সর্বপ্রথমে ছোট ছোট রাজনীতিক সভা বা সমিতি সৃষ্ট হইতে লাগিল—ইহাতে হিন্দুকলেজের ছাত্রগণেরই প্রাধান্য লক্ষিত হইত। অবশেষে উহা হইতে একটি স্থায়ী সভা বেঙ্গল ব্রিটিশ ইণ্ডিয়া সোসাইটী স্থাপিত হইল। জর্জ টমসন উহার সভাপতি এবং পার্চাঁদ মিত্র উহার সম্পাদক নির্বাচিত হইলেন। এই সভার অধিকাংশ সভাই সম্ভ্রান্ত মধ্যবিত্ত শ্রেণীর অন্তর্গত ছিলেন—প্রজাদিগের প্রতি ইহাদের সমধিক সহানুভূতি ছিল। প্রজাদিগের অবস্থা সম্বন্ধে এই সভা অনেক তথ্য সংগ্রহ করিয়াছিল। সংক্ষেপতঃ ল্যাণ্ড-হোল্ডার্স সোসাইটী জমিদারপক্ষে যাহা করিয়াছিল, এই সভা প্রজাদিগের পক্ষে তাহাই করিয়াছিল। সেই ব্লগে নিজ নিজ উদ্দেশ্য নির্দিষ্ট করিয়া উভয় সভাই প্রশংসনীয় কার্য্য করিয়াছিল। কিন্তু দুইটী সভার বিভিন্ন সম্প্রদায়ের লোক নিজ নিজ সম্প্রদায়ের উন্নতির জন্য চেষ্টা করিতেন বলায় সভাদ্বয়ের অকালমৃত্যু ঘটিল। ল্যাণ্ডহোল্ডার্স সোসাইটী কেবল জমিদারদিগের পক্ষ সমর্থন করিতেন, বেঙ্গল ব্রিটিশ ইণ্ডিয়া সোসাইটী কেবল প্রজাদিগের পক্ষ সমর্থন করিতেন; সমগ্র সমাজ বা দেশের উন্নতি চেষ্টার মধ্যে যে সংহতি—যে জীবনীশক্তি নিহিত থাকে তাহা কোনটিতেই ছিল না। সুতরাং ইহাতে বিস্মিত হইবার কারণ নাই যে দুইটী সভা সংমিলিত হইয়া ‘ব্রিটিশ ইণ্ডিয়ান এসোসিয়েশনে’ পরিণত হইয়াছে।”

প্রকৃত কথা এই যে দ্বারকানাথ ঠাকুরের মৃত্যুর পর জমিদার

সভা (ল্যাণ্ডহোল্ডার্স এসোসিয়েশন) অতি দীন দশায় পতিত হয় । যদিও রামগোপাল ঘোষের চেষ্টায় 'ব্রিটিশ ইণ্ডিয়া সোসাইটী' কোনও-রূপে আপনার অস্তিত্ব রক্ষা কবিতে পারিয়াছিল, উহা সময় দেশের প্রতিনিধি নহে বর্গিয়া গবর্নমেন্টের নিকট সবিশেষ সম্মান প্রাপ্ত হয় নাই । অবশেষে ১৮৫১ খৃষ্টাব্দে ৩১শে অক্টোবর প্রধানতঃ রামগোপাল ঘোষের প্রযত্নে দুইটা সভা সংমিলিত হয় । এই যুক্ত সভার নাম "ব্রিটিশ ইণ্ডিয়ান এসোসিয়েশন" । এই সভার প্রথম কার্যনির্বাহক সমিতির সভ্যগণের নাম নিম্নে প্রদত্ত হইল । এই নামগুলির প্রতি দৃষ্টিপাত করিলেই এই সভা কিরূপ শক্তিশালী পুরুষগণের প্রতিভার লীলাক্ষেত্র ছিল তাহা প্রতীত হইবে :—


রাজা রাধাকান্ত দেব	...	সভাপতি
রাজা কাশীকৃষ্ণ দেব	...	সহঃসভাপতি
রাজা সত্যচরণ ঘোষাল	...	সভ্য
বাবু হরকুমার ঠাকুর	...	,,
,, প্রসন্নকুমার ঠাকুর	...	,,
,, রমানাথ ঠাকুর	...	,,
,, অন্নকৃষ্ণ মুখোপাধ্যায়	...	,,
,, আশুতোষ দে	...	,,
,, হরমোহন সেন	...	,,
,, রামগোপাল ঘোষ	...	,,
,, উমেশচন্দ্র দত্ত	...	,,
,, কৃষ্ণকিশোর ঘোষ	...	,,
,, জগদানন্দ মুখোপাধ্যায়	...	,,
,, প্যারীচাঁদ মিত্র	...	,,

বাবু শম্ভুনাথ পণ্ডিত	...	সভা
„ দেবেন্দ্রনাথ ঠাকুর	...	সম্পাদক
„ দিগম্বর মিত্র	...	সহঃসম্পাদক ।

ব্রিটিশ ইণ্ডিয়ান এসোসিয়েশনের প্রতিষ্ঠাকালে কিশোরীচাঁদ কলিকাতায় অনুপস্থিত ছিলেন। কলিকাতায় প্রত্যাগমনের কিছুকাল পরে তিনি এই সভায় যোগদান করেন। উক্ত সভার বাৎসরিক কার্যবিবরণদৃষ্টে প্রত্যত হয় যে ১৮৫৯ খৃষ্টাব্দে তিনি উহার কার্য-নির্বাহক-সমিতির সভ্য নির্বাচিত হন। এই পদ তিনি মৃত্যুকাল পর্যন্ত অধিকার করিয়াছিলেন।

হরিশচন্দ্র মুখোপাধ্যায়ের স্মৃতিসভায় রামগোপাল ঘোষ বলিয়াছিলেন যে “সমিতিতে প্রায় দুই শ্রেণীর সভ্য থাকেন, এক শ্রেণীর সভ্য যথার্থ কার্য করেন, অপর শ্রেণীর সভ্য কেবল অনুমোদন করেন। হরিশচন্দ্র প্রথম শ্রেণীর সভ্য ছিলেন।” এই মন্তব্য কিশোরীচাঁদ সম্বন্ধেও প্রযুক্ত হইতে পারে। বাৎসরিক বার্ষিক ১৮৫৯ খৃষ্টাব্দ হইতে ১৮৭৩ খৃষ্টাব্দ পর্যন্ত বিস্তৃত যুগের ব্রিটিশ ইণ্ডিয়ান সভার ইতিহাস আলোচনা করিবার অবকাশ পাইয়াছেন, তাঁহারা জানেন উহার প্রত্যেক পৃষ্ঠায় কিশোরীচাঁদের নাম উজ্জ্বল অক্ষরে লিখিত আছে। ১৮৮৪ খৃষ্টাব্দে ব্রিটিশ ইণ্ডিয়ান এসোসিয়েশনে রাজা রাজেন্দ্রলাল মিত্র একটি বক্তৃতায় প্যারীচাঁদ মিত্রের মৃত্যুতে শোকপ্রকাশ করিয়া বলেন—

“তিনি এবং তাঁহার ভ্রাতা স্বর্গীয় কিশোরীচাঁদ মিত্র সমিতির প্রত্যেক কার্যেই নিরতিশয় উদ্যমশীল ছিলেন; এবং আমাদের প্রথমকার আবেদন-নিবেদন, সাময়িক পত্রিকা, কার্যবিবরণী ও সভায় আলোচিত বিষয়সমূহ সমস্তই তাঁহাদের ধীশক্তির পরিচয়



ডাক্তার রাজা রাজেন্দ্রলাল মিত্র

দিতেছে। আমার নিকট তাঁহাদের অভাব বড়ই তীব্র, কারণ তাঁহারা উভয়েই আমার পুৰাতন ও অন্তরঙ্গ বন্ধু ছিলেন।”

ব্রিটিশ ইণ্ডিয়ান এসোসিয়েশনে অধিবেশনসমূহে বিশাবীচ্যাদ যে সকল সাবগর্ভ বক্তৃতা করিয়াছিলেন, এক্ষণে তাহাব পবিচয় প্রদান করা নিম্প্রয়োজন। কাবণ সেই সকল বক্তৃতাতে তৎসাময়িক রাজনীতিক প্ৰশ্নাদিব আলোচনা আছে, সময়েব ব্যবধান প্রযুক্ত আধুনিক পাঠকগণের নিকট তাহাব গুরুত্ব সনাক্তকপে উপলব্ধ হইবে না। নিম্নে কয়েকটি বক্তৃতাৰ উল্লেখমান কবা গেল :—

তারিখ

বিষয় বা উপদ্রব্য

২৯শে জানুয়ারি ১৮৬১—ব্রিটিশ ইণ্ডিয়ান এসোসিয়েশনের নবম বার্ষিক অধিবেশন।

৭ই মার্চ ১৮৬৩—স্যার চার্লস উড (সেক্রেটারী অব ছেট)কে ধন্যবাদ প্রদান।

২৫শে নভেম্বর ১৮৬৩—ব্রিটিশ ইণ্ডিয়ান এসোসিয়েশনের বিশেষ অধিবেশন।

২৪শে ফেব্রুয়ারি ৬৪—,, দ্বাদশ বার্ষিক অধিবেশন।

১৫ই ফেব্রুয়ারি ৬৫—,, ত্রয়োদশ ,, ,,

১৯শে জুলাই ৬৫—,, বার্ষিক অধিবেশন।

২১শে এপ্রিল ৬৬—লর্ড হ্যালিফ্যাক্সকে ধন্যবাদ প্রদান।

৩১শে জুলাই ৬৬—ব্রিটিশ ইণ্ডিয়ান এসোসিয়েশনের ষাণ্মাসিক অধিবেশন।

৬ই মার্চ ৬৭—,, পঞ্চদশ বার্ষিক ,,

১৮ই সেপ্টেম্বর ৬৭ ,, ষাণ্মাসিক ,,

২৭শে ফেব্রুয়ারি—৬৮ ,, ষষ্ঠদশ বার্ষিক ,,

২৪শে ফেব্রুয়ারি ৬৯	সপ্তদশ	বার্ষিক অধিবেশনে
৩১শে মার্চ ৭০	অষ্টাদশ	”
৪ঠা এপ্রিল ৭০	বিশেষ	”
২২শে সেপ্টেম্বর ৭০	সাধাবণ	”
২৪শে ফেব্রুয়ারি ৭১—ব্রিটিশ ইণ্ডিয়ান এসোসিয়েশনের উনবিংশ বার্ষিক অধিবেশন।		

৩রা এপ্রিল ৭১—চির স্থায়ী বন্দোবস্ত।

৭ই জুন ৭১—ব্রিটিশ ইণ্ডিয়ান এসোসিয়েশনের বৈমানিক অধিবেশন।

১৭ই নভেম্বর ৭১	ঐ	ঐ
১৪ই মার্চ ৭২	”	বিশ্ব বার্ষিক
২০শে সেপ্টেম্বর ৭২	ঐ	বৈমানিক ”
২৬শে নভেম্বর ৭২	ফস্টকে ধন্যবাদ প্রদান	

এতদ্ব্যতীত ব্রিটিশ ইণ্ডিয়ান সভার উদ্যোগে যে সকল সাধারণ সভা হইত, তাহাতে তিনি প্রায়ই সুন্দর সুন্দর বক্তৃতা প্রদান করিয়া জনসাধারণের শ্রদ্ধা আকর্ষণ করিতেন। বথা—

তারিখ বিষয় বা উপলক্ষ

১২ই জুলাই ৬১—হরিশ্চন্দ্র মুখোপাধ্যায়ের স্মৃতিসভা।

১৬ই এপ্রিল ৬২—স্যার জন পিটার গ্রাণ্টের সম্মানার্থ সভা।

১৪ই মে ৬৭—রাজা স্যার রাধাকান্ত দেব বাহাদুরের স্মৃতিসভা।

২২শে ফেব্রুয়ারি ৬৮—রামগোপাল বোম্বের স্মৃতিসভা।

২রা জুলাই ৬৮—শিক্ষা ও পথকর বিষয়ে।

২৯শে অক্টোবর ৬৮—প্রসন্ন কুমার ঠাকুরের স্মৃতিসভা।

২রা জুলাই ৭০—শিক্ষাবিষয়ে।

৩রা জুলাই ৭১—চিরস্থায়ী বন্দোবস্ত বিষয়ে ।

পরলোকগত মহাত্মগণের স্মৃতিসভার কিশোরীচাঁদ মিত্র কর্তৃক
প্রদত্ত বক্তৃতাগুলিতে সেই সেই মহা ঋদিগের জীবনচরিতের অনেক
উপাদান আছে। সেইজন্য কয়েকটা বক্তৃতার অনুবাদ পরিশিষ্টে
প্রকাশিত হইল ।

দশম পরিচ্ছেদ

সাহিত্য-সেবা

মাননীয় মিষ্টার সি, ই, বাকল্যাণ্ড লিখিয়াছেন, “প্রতীচা-
সাহিত্যজ্ঞানের অমূল্য ভাণ্ডারের অবিকারী, ইংরাজী বচনপদ্ধতিতে
বিশেষ পারদর্শী, তাঁহার দেশবাসিগণের মধ্যে কিশোরবর্গাদি অন্যতম
অত্যাশ্রুষ্ট লেখক বলিয়া পরিগণিত হইয়াছিলেন। জীবনকথা,
ধর্ম্যকথা, ব্যবস্থা, রাজনীতি, সমাজনীতি, কৃষিকথা প্রভৃতি সাহিত্যের
সকল বিভাগই তিনি সম্বন্ধ করিয়াছিলেন।” আচার্য্য লালবিহারী
দে লিখিয়া ছিলেন—“শত শত শিক্ষিত বাঙ্গালী, যাঁহারা সাময়িক
পত্রের জন্য ইংরাজী লেখেন, তাঁহাদের ন্যায় অতি অল্প লোকেই এই
দুঃকর ও শূন্য নিষ্ঠুর ও পঞ্জনাশীল লিখিত পাবেন। এই কতিপয়
ব্যক্তি মধোঃ ১৮৫৭-৫৮ অব্দ অত্যাশ্রুষ্ট লেখক ছিলেন।”

পূ.এই উক্ত তত্ত্বাঙ্ক যে, সি'শীটাদেব প্রথম প্রবন্ধ মহাত্মা
বাবা মোহন রায়েব জীবন ১৮৮৪ খৃষ্টাব্দে 'কি. কাণা বিভিউ'
নামক সংবাদপত্রে প্রকাশিত হয় এবং উহা দ্বারা তিনি আনাদেব
দেশেব একজন প্রতিভাশালা লেখক বর্ণিয়া খ্যাতি অর্জন করেন।
এই 'কি. কাণা বিভিউ' এএই তাঁহাব অধিকাংশ স্মৃতিস্তম্ভসমূহ
সাবগত প্রবন্ধ প্রকাশিত হয়।

১৮৪৪ খৃষ্টাব্দেব নে নায়েস সাব জন কে 'কলিকাতা বিডিউ' ত্রৈমাসিক প্রবৃত্ত ক বধা বাদেশেব এচি মতহুপকাব সাপন করেন। ৩ বৎসরের সম্বশ্রেণে পণ্ডিতগণের গবেষণামূলক প্রবন্ধাদিতে ইহার কলেবর পরিপূর্ণ থাকিত। সাব জন কে, সার হেন্‌বি লবেন্স, সার হার্বট এডওয়ার্ডস, সার হেনরি ডুরাণ্ড, সার হেনারি রলিন্সন, সার

উইলিয়ম মুর, সার রিচার্ড টেম্পল, সার আর্থার কটন, সার জন ষ্টুয়ার্ট, মেসার্স মার্সন্যান ও সিটনকার, কর্ণেল চেস্নি ও ম্যালিসন, ডাক্তার ডক ও স্মিথ, রেভারেণ্ড কৃষ্ণমোহন বন্দ্যোপাধ্যায় ও লালবিহারী দে, হরচন্দ্র ও গোবিন্দচন্দ্র দত্ত, কিশোরীচাঁদ ও প্যাগিচাঁদ মিত্র প্রভৃতি যখন এই পত্রে নিয়মিতভাবে লিখিতেন তখন ইহার কি গৌরবের দিনই গিয়াছে! ইহার যে তখন কি প্রভাব ছিল তাহা এক্ষণে সম্যকরূপে উপলব্ধি করা হুৎব। ১৮৭৪ খৃষ্টাব্দের ‘কলিকাতা রিভিউ’ পত্রে ইহার প্রথম বিবৃতি বঙ্গবন্ধু যে ইতিহাস প্রণত হইয়াছে তাহা ‘অনুসন্ধিৎসু পাঠকগণকে আমবা পাঠ কাঁবতে অহুরোধ করি। ‘সার জন কে, বাঁহাব ঐতিহাসিক গ্রন্থাবলী চিবকাল তাঁহাকে অমর করিয়া রাখিবে, যথার্থই বলিয়াছিলেন যে ‘ভাবতবর্ষে আমি যে সকল কার্য্য করিয়াছি তাহার মধ্যে সর্ব্বশ্রেষ্ঠ কার্য্য ‘কলিকাতা রিভিউ’ পত্র প্রবর্তিত করা।’ ইহা আমাদের দেশের যথার্থ অবস্থা বর্ণন করিয়া এবং নানাবিধ সামাজিক ও বাজনৌতিক প্রশ্নের আলোচনা করিয়া এতদ্দেশীয় শাসনপত্রের সংস্কারে যথেষ্ট সহায়তা করিয়াছিল।

রামমোহন বায়েব জীবনচরিত্র প্রণয়নের পব কিশোরীচাঁদ রাজ্য-কার্য্য এবং দেশসেবায় এত ব্যস্ত ছিলেন যে বহুকাল উক্ত পত্রের জন্য প্রস্কাদি লিখিবার অবসর পান নাই। ১৮৫১ খৃষ্টাব্দে “ইংলণ্ডের বিখ্যাত শিল্পপ্রদর্শনীতে ‘ভাবতীয় শিল্প’ সম্বন্ধে একটী প্রবন্ধ লিখিয়া উক্ত পত্রে প্রকাশিত করেন। কলিকাতায় প্রতাগমনের পরেও তাঁহাব সনাজ্ঞোমতিবিদায়িনী সভা ও অন্যান্য নোকহিতকর কার্য্যে ব্যাপৃত থাকায় এবং পরে “ইণ্ডিয়ান ফিল্ডে’র সম্পাদকীয় কার্য্যে নিযুক্ত থাকায় ‘কলিকাতা রিভিউ’ পত্রে কিছু লিখিবার সুযোগ বটে নাই। ১৮৬৩ খৃষ্টাব্দ হইতে তিনি রীতিমত উক্ত পত্রে লিখিতে

আরম্ভ করেন। নিম্নে তাঁহার রচিত এবং উক্ত পত্রে প্রকাশিত প্রবন্ধনিচয়ের একটি তালিকা প্রদত্ত হইল :—

তারিখ	প্রবন্ধের নাম
১৮৪৫	* রামমোহন রায় (জীবনকথা)
১৮৫১	ইংলণ্ডের বিখ্যাত শিল্পপ্রদর্শনীতে ভারতীয় শিল্প
১৮৬০	হিন্দুনগরী
১৮৬৪	* হিন্দুধর্মের বিবিধ শাখা
১৮৬৫	বাজারার কৃষিশিল্প প্রদর্শনী
১৮৬৬	হিন্দু চিকিৎসাশাস্ত্র ও মেডিক্যাল- কলেজ, রামমোহন রায় (২য় প্রস্তাব) (সমালোচনা), অতীতকাল ও বর্তমানকালের উড়িয়া
১৮৬৭	রাজা রাধাকান্ত দেব (জীবনকথা)
১৮৬৮	রামগোপাল ঘোষ (জীবনকথা) কুলীনদিগের বহুবিবাহ
১৮৭২	* বঙ্গের জমিদারগণ * (১) বর্জমানরাজ * (২) নদীয়ারাজ * (৪) † রাজসাহীর রাজগণ * (৫) কাশিমবাজাররাজ
১৮৭৩	আধুনিক হিন্দুনাটক
১৮৭৪	বঙ্গের জমিদারগণ * (৬) কান্দীরাজবংশ

† এই পর্বাণের ৩য় প্রবন্ধ ‘দিনাজপুররাজ’—ওয়েস্টম্যাকট্ নামক একজন ইংরাজ সিবিলিয়ান সঙ্কলন করেন।

উপরিলিখিত সকল সন্দর্ভগুলিই গভীর গবেষণামূলক এবং এমনই মনোহর যে বহু বৎসর পরে যখন ‘কলিকাতা রিভিউ’ পত্রের স্বাধিকারিগণ উহার অসংখ্য পাঠকগণের অনুরোধে পূর্ব পূর্ব সংখ্যায় প্রকাশিত সর্বোৎকৃষ্ট প্রবন্ধগুলি নির্বাচিত করিয়া “Selections from the Calcutta Review” নামে পুনঃপ্রকাশিত করেন, তখন কিশোরীচাঁদের অনেকগুলি প্রবন্ধই (তারকার্চিত্ত প্রবন্ধগুলি) পুনর্মুদ্রিত হয়। এই সকল প্রবন্ধ পুস্তিকাকারেও প্রকাশিত হইয়াছিল কিন্তু এক্ষণে দুপ্রাপ্য হইয়াছে। রাজা রাধাকান্ত দেব ‘শীর্ষক’ প্রবন্ধটি রাজা রাধাকান্তের পুত্র রাজা রাজেন্দ্রনারায়ণ দেব পুনর্মুদ্রিত করিয়াছিলেন। রামগোপালের জীবনকথার সারভাগ রামগোপালের ইংরাজী বক্তৃতার কোন কোন সংস্করণে উদ্ধৃত হইয়াছিল। ‘বঙ্গের জমিদারগণ’ শীর্ষক ধারাবাহিক প্রবন্ধে বাঙ্গালার প্রাচীন জমিদার-বংশসমূহের যে ইতিহাস প্রদত্ত হইয়াছিল তাহা একরূপ গবেষণামূলক যে এখনও উহা অমূল্য ঐতিহাসিকগণ আগ্রহের সহিত পাঠ করিয়া থাকেন। ১৮৭৩ খৃষ্টাব্দে ‘কলিকাতা রিভিউ’ পত্রে প্রকাশিত ‘আধুনিক হিন্দুনাটক’ শীর্ষক প্রবন্ধের নিম্নে তৎকালীন সম্পাদক সার রোপার লেখত্রিঞ্জ কিশোরীচাঁদ সম্বন্ধে যাহা লিখিয়াছিলেন পাঠকগণের অবগতির জন্য নিম্নে তাহার ভাবানুবাদ প্রদত্ত হইল :—

“আমরা গভীর শোকের সহিত প্রকাশ করিতেছি যে যখন উপরিলিখিত প্রবন্ধটি যন্ত্রস্থ ছিল, বিগত বুধবার ৩ই আগষ্ট ১৮৭৩ খৃষ্টাব্দে উহার সুপ্রিয় এবং ধীশক্তিসম্পন্ন রচয়িতা ইহধাম পরিত্যাগ করিয়া গিয়াছেন। প্রায় ত্রিশ বৎসর কাল বাবু কিশোরীচাঁদ মিত্র এই রিভিউয়ের সহিত সংশ্লিষ্ট ছিলেন এবং তাঁহার প্রবন্ধাবলী তাঁহার অশেষ অভিজ্ঞতা হইতে লব্ধ অনন্যসাধারণ জ্ঞানের জন্য এবং তাঁহার

অভিন্নতমসমূহের স্বাধীন এবং সরল অভিব্যক্তির জন্য সর্বদাই কি সাময়িক সাহিত্যে, কি সাধারণো আগ্রহের সহিত গৃহীত হইত। রামমোহন রায়েব জীবনী সম্বন্ধীয় তাঁহার প্রথম পবন্ধ ১৮৪৫ খৃষ্টাব্দের অক্টোবর-সংখ্যায় প্রকাশিত হইয়াছিল। গত দুই বর্ষের মধ্যে তিনি অনেকগুলি প্রবন্ধ রচনা করেন এবং ‘বঙ্গের জমিদারগণ’ শীর্ষক ধারাবাহিক ঐতিহাসিক প্রবন্ধাবলী সম্বন্ধনের জন্য বর্তমান সম্পাদক তাঁহার নিকট অশেষ শ্রমী। বাবু কিশোরীচাঁদ মিত্রের সাহায্য বাতীত উক্ত প্রবন্ধাবলী প্রকাশ কবা অসম্ভব হইত এবং যাহা প্রকাশিত হইয়াছে তাহা তাঁহারই এই দেশ ও উহার ইতিহাসের অসামান্য জ্ঞানের জন্যই এত আদরায় হইয়াছে। তাঁহার মৃত্যুতে এই রিভিউ উহার একজন অবিশ্রান্ত এবং অমূল্য সহযোগীকে হারাইল।”

কিশোরীচাঁদ মিত্রের অব্যবহিত পূর্বে উক্ত পত্রের জন্য দুইটি প্রবন্ধ লিখিতেছিলেন। একটা—কান্দীবাজবংশ—প্রায় সম্পূর্ণ হইয়াছিল। তাঁহার জামাতা পরমপূজনীয় শ্রীযুক্ত নীলমণি দে মহাশয় * উহা সম্পূর্ণ করিয়া ১৮৭৪ খৃষ্টাব্দের ‘রিভিউ’এ প্রকাশিত করেন। অপরটি কুচবিহারের ইতিহাস। ইহা অদ্যাপি প্রকাশিত হয় নাই।

কেবল সাময়িক পত্রের জন্যই কিশোরীচাঁদ প্রবন্ধ লিখিতেন না। তাঁহার অনেক প্রবন্ধ তৎকালীন সাহিত্যসভা-সমূহে বক্তৃতাক্রমে পাঠিত হইয়াছিল। হেয়ারের বার্ষিক স্মৃতিসভায় তিনি যে তিনটি সন্দর্ভ পাঠ করেন তাহার বিষয় পূর্বেই উল্লেখ কবা হইয়াছে। ‘হিন্দুকলোজের ইতিহাস’ ১৮৬২ খৃষ্টাব্দে স্বতন্ত্র পুস্তিকাকারে প্রকাশিত হইয়াছিল। প্যারীচাঁদ মিত্র প্রণীত ডেভিড হেয়ারের ইংরাজী

* বোর্ড অব রেভিনিউ এর মেম্বর শ্রীযুক্ত কিরণচন্দ্র দে সি-আই-ইং মহাশয়ের পিতা এবং লেখকের মাতামহ।

জীবনচরিতের পরিশিষ্টে উহা পুনর্মুদ্রিত হইয়াছিল। এই সন্দর্ভটি সমালোচকগণের উচ্চ প্রশংসা লাভ করিয়াছিল। উহাতে আমাদের দেশে কিরূপে ইংরাজীশিক্ষার বিতারণ হইল তাহার ইতিহাস অতি সুন্দরভাবে বিবৃত হইয়াছে। ১৮৬২ খৃষ্টাব্দে ১৫ই সেপ্টেম্বর তারিখেব হিন্দুপেট্রিয়ার্টে রায় কৃষ্ণদাস পাল দীর্ঘ সমালোচনা করিয়া বলেন ইহা সরল এবং প্রাঞ্জল ভাষায় লিখিত হইয়াছে, স্থানে স্থানে পাণ্ডিত্য কুটির উদ্ভিয়াছে এবং সমগ্র সন্দর্ভটি একটি উচ্চ নৈতিকভাবে পরিপূর্ণ।”

১৮৬৪ খৃষ্টাব্দে ‘মেডিক্যালকলেজ ও তাহার প্রথম সম্পাদক’ শীর্ষক যে প্রবন্ধটি কিশোরীচাঁদ কর্তৃক হোয়ার স্মৃতিসভায় পঠিত হয়, সম্ভবতঃ উহাট পবিত্র ভূত ও সংশোধিত হইয়া ‘কলিকাতা রিভিউ’ পবে ‘হিন্দু চিকিৎসাশাস্ত্র ও মেডিক্যালকলেজ’ নামে প্রকাশিত হইয়াছিল।

১৮৭০ খৃষ্টাব্দে দ্বারকানাথ ঠাকুরের যে জীবনকথা হোয়ার-স্মৃতি-সভায় বক্তৃতারূপে প্রদত্ত হয়, তাহাট পরিবর্দ্ধিত করিয়া পরে Memoir of Dwarka Nath Tagore নামে গ্রন্থাকারে প্রকাশিত হয়। উহা সাধারণ্যে অত্যন্ত আদরের সহিত গৃহীত হয় এবং সংবাদপত্রাদিতেও বিশিষ্টরূপে প্রশংসিত হয়। ‘কলিকাতা রিভিউ’ সমালোচন-প্রসঙ্গে বলেন :—“গত কয় বৎসরের মধ্যে কিশোরীচাঁদ মিত্র সময়ের সময়ে বাঙ্গালা সমাজের প্রধান প্রধান ব্যক্তিগণের জীবন-কথা প্রকাশিত করিয়া (কতকগুলি এই পত্রে) তাঁহার দেশের মহত্বপকার সাধিত করিয়াছেন। গত অর্দ্ধশতাব্দীর মধ্যে বাঙ্গালা-দেশের অত্যাশ্চর্য্য উন্নতি সংসাধিত হইয়াছে এবং ইতিহাস দাবী করে যে, যে সকল মহাত্মার প্রযত্নে এই বর্ত্তমান অবস্থা ঘটিয়াছে এবং

তঁাদের প্রত্যেকে কি কি কার্য্য করিয়াছেন তাহার পরিচয় ভাবী বংশীয়দিগের অবগতির জন্য নিভূর্ণভাবে লিপিবদ্ধ হয়। আমাদের আলোচ্য ইতিহাসকার তঁাহার কর্তব্যের অনুপযুক্ত নহেন। তঁাহার পরিশ্রম স্পষ্টতঃ ভালবাসার পরিশ্রম। স্বয়ং হিন্দুসমাজের একটি অতুল্য অংশে থাকিয়া এবং ইংরাজীভাষায় আশ্চর্য্য অধিকার লাভ করিয়া তিনি উন্নতি ও জ্ঞানবিস্তারের জন্য প্রযত্নবান। পূর্ব্বযুগের মহাঅগণের নিকট বর্ত্তমান সমাজ কিরূপ স্বর্ণপাশে আবদ্ধ তাহা তিনি উজ্জলবর্ণে অঙ্কিত করিতে সমর্থ হইয়াছেন। তঁাহার জীবনকথা বিবৃত করিবার পদ্ধতি স্থানে স্থানে (বিশেষতঃ দ্বারকানাথের প্রথম ইংলণ্ড-যাত্রা বর্ণনে) বস ওয়েলের * সহিত তুলনীয়।”

১৮৫১ খৃষ্টাব্দের ১১ই ডিসেম্বর তারিখে, প্রধানতঃ মেডিক্যাল কলেজের তৎকালীন সম্পাদক ডাক্তার এফ্ জে মোএটের চেষ্টায় কলিকাতায় মহাত্মা জন এলিফট ড্রিঙ্কওয়ার্টার বেথুনের স্মৃতিরক্ষার উদ্দেশে ‘বেথুন সোসাইটী’ নামক সাহিত্যসভা প্রতিষ্ঠিত হয়। ইহাতে ইংরাজ ও বাঙ্গালীসমাজের উচ্চশিক্ষিত ব্যক্তিগণ উপস্থিত থাকিয়া সাহিত্য ও বিজ্ঞানের আলোচনা করিতেন। কিশোরীচাঁদ এই সভার একজন প্রধান সভ্য ছিলেন। তিনি কিছুকাল এই সভায় অন্যতম প্রবন্ধপরীক্ষক ছিলেন। ১৮৫৯ খৃষ্টাব্দে ডাক্তার আলেকজান্ডার ডফ এই সভায় সভাপতির পদ গ্রহণ করিয়া এই সভায় অনেক উন্নতি সাধন করেন। কিশোরীচাঁদ এই সভায় কতকগুলি মনোহর প্রবন্ধ পাঠ করিয়াছিলেন এবং অন্যান্য বক্তার প্রবন্ধ পাঠান্তে প্রায়ই তর্কবিতর্কে যোগদান করিতেন। ১৮৬২

* ডাঃ জনসনের জীবনচরিত-রচয়িতা বস ওয়েল ইংরাজীভাষায় অতুল্যবৃত্তি জীবনীরচয়িতা বলিয়া বিখ্যাত।

খৃষ্টাব্দের ১১ই ডিসেম্বর তারিখে কিশোরীচাঁদ এই সভায় “হিন্দুনারী এবং দেশেব উন্নতিব সহিত তাঁহাদের সম্বন্ধ” শীর্ষক একটি স্মৃতিস্তম্ভ ও স্মৃতিলিখিত সন্দর্ভ পাঠ করেন। এই প্রবন্ধের উপসংহারাংশে তিনি বহুবিবাহ এবং বাল্যবিবাহের বিরুদ্ধে এবং স্ত্রীশিক্ষাবিস্তারকল্পে সমবেত সভ্যগণকে বন্ধুপরিচয় হইতে অত্যন্ত আগ্রহপূর্ণ অনুরোধ করেন। তদানীন্তন লেপ্টেন্যান্ট গবর্নর স্যার সিসিল বীডন মহোদয় এই সভায় উপস্থিত ছিলেন। তিনি বক্তৃতাপাঠের পর বলেন, এই পরম প্রয়োজনীয় বক্তৃতা শ্রবণ করিবার জন্য বাঙ্গালার কতকগুলি যুবক ও প্রবীণ ব্যক্তিকে সমবেত দেখিয়া তিনি অত্যন্ত আনন্দিত হইয়াছেন। তিনি স্বয়ং ঐ বক্তৃতাটি অত্যন্ত আনন্দের সহিত শ্রবণ করিয়াছেন। উহাতে আলোচ্য বিষয়টি একপ বিশৃত ও বিশদভাবে আলোচিত হইয়াছে যে তিনি অতিরিক্ত কোনও বাক্য যুক্তি বা মন্তব্য দ্বারা উহার সমর্থন করিতে অক্ষম। তাঁহার বিশ্বাস যে ঐ বক্তৃতাটির হৃদয়স্পর্শী উপসংহারাংশ দেশবাসিগণকে সমাজসংস্কার সাধনে উদ্বোধিত করিবে। তিনি স্ত্রীশিক্ষাব জন্য দেশবাসী সম্ভ্রান্ত ব্যক্তিগণকে প্রাণপণ চেষ্টা করিতে অনুরোধ করেন। সর্বশেষে তিনি এই অভিপ্রায় ব্যক্ত করেন যে ঐ সভা অথবা বক্তা স্বয়ং যেন এই সারগর্ভ প্রবন্ধটি সাধারণের উপকারার্থ প্রকাশিত করেন। কিশোরীচাঁদ এই বক্তৃতাটিই ঈষৎ পরিবর্তিত আকারে ১৮৬৩ খৃষ্টাব্দে ‘কলিকাতা রিভিউ’ পত্রে প্রকাশিত করিয়াছিলেন।

বেথুন সভায় কিশোরীচাঁদ আরও দুইটি মনোহর প্রবন্ধ পাঠ করিয়াছিলেন; যথা, ১৮৬৪ খৃষ্টাব্দে ১১ই ফেব্রুয়ারি তারিখে ‘আলিপুরের কৃষিপ্রদর্শনী’ এবং ১৮৬৬ খৃষ্টাব্দে ১৩ই ডিসেম্বর তারিখে ‘হুডিফ হইতে আমরা কি শিক্ষালাভ করিয়াছি’। প্রথমটি কিঞ্চিৎ

পরিবর্তিত আকারে ১৮৬৫ খৃষ্টাব্দের ‘কলিকাতা রিভিউ’ পত্রে এবং শেখোক্ত প্রবন্ধটি বেথুনসভার কার্যবিবরণে প্রকাশিত হইয়াছিল।

১৮৬৬ খৃষ্টাব্দে কুমারী মেরী কার্পেন্টার এতদ্দেশে আগমন করেন। ঐ বৎসর ১১ই ডিসেম্বর তারিখে তিনি বেথুনসভার একটি বিশেষ অধিবেশনে জ্ঞান শিক্ষা বিষয়ে একটি সারগর্ভ বক্তৃতা করেন। ঐ উপলক্ষে কিশোরীচাঁদও মেরী কার্পেন্টারকে সভার কৃতজ্ঞতা জ্ঞাপন করিয়া জ্ঞান শিক্ষার সমর্থনে একটি সুন্দর বক্তৃতা করেন। কুমারী কার্পেন্টারের ‘ভারতবর্ষে ছয়মাস’ নামক সুপ্রসিদ্ধ গ্রন্থে কিশোরীচাঁদের বক্তৃতাটি উদ্ধৃত হইয়াছে।

এই সময়ে প্রধানতঃ কুমারী কার্পেন্টার ও রেভারেণ্ড জেমস লঙ্ঘের চেষ্টায় ‘বঙ্গীয়সমাজবিজ্ঞানসভা’ প্রতিষ্ঠিত হয়। জনসাধারণের সামাজিক, মানসিক ও নৈতিক অবস্থার তথ্যসংগ্রহ বিষয়ে যুরোপীয় ও দেশীয়দিগকে সম্মিলিত করিয়া বঙ্গদেশে সামাজিক উন্নতির সহায়তা করাই এই সভার উদ্দেশ্য ছিল। ইংলণ্ডের জাতীয়সমাজ-বিজ্ঞান-সভায় ১৮৬৭ খৃষ্টাব্দে ২৩শে সেপ্টেম্বর তারিখে কুমারী কার্পেন্টার ‘ভারতে জ্ঞান শিক্ষা’ বিষয়ক যে বক্তৃতা করেন তাহাতে এই সভার প্রতিষ্ঠা সম্বন্ধে এইরূপ বলিয়াছিলেন :—ইংলিশ চার্চের একজন ধর্মযাজক একদিন আমার নিকট আসেন। কয়েক বৎসর পূর্বে নীলকরগণের অত্যাচার নিবারণ বিষয়ে প্রজাগণের পক্ষ সমর্থন করিয়া মানহানির মোকদ্দমায় অভিযুক্ত হইয়া যিনি কারাগারে প্রেরিত হন সেই রেভারেণ্ড লঙ্ঘের নাম উপস্থিত সভাগণের অনেকেই শুনিয়া থাকিবেন। পঁচিশ বৎসর তিনি সাধুভাবে এবং অশেষবিধ কল্যাণপ্রদভাবে ভারতবাসিগণের মধ্যে কর্ম করিতেছেন, তাঁহাদের মঙ্গলের জন্য তিনি আত্মোৎসর্গ করিয়াছেন এবং অনেকের

অপেক্ষা তিনি তদ্ব্যবসায়গণের বিষয় অধিক সংবাদ রাখেন। এই ভদ্রলোকটি ইংলণ্ডে এই সভা দ্বারা কত উপকার সাধিত হইতেছে তাহা জ্ঞাত হইয়া কলিকাতায় একটি সমাজবিজ্ঞানসভা সংস্থাপন সম্ভব কিনা আমাদের জিজ্ঞাসা করেন। আমি কতিপয় ইংরাজ ভদ্রলোকের সহিত পরামর্শ করি, সকলেই বলেন উহা অসম্ভব; কারণ ভারতবর্ষে সকলকেই কর্মে এত ব্যস্ত থাকিতে হয় যে নিতান্ত আবশ্যকীয় কার্য্য ব্যতীত আর কিছু করা অসম্ভব হইয়া উঠে। মিষ্টার লঙ্কিন্স পঞ্চাংগদ হইবার ব্যক্তি ছিলেন না। আমরা কতিপয় ভারতবাসী ভদ্রলোকের * নিকট এই প্রস্তাব করি এবং এদেশে কিরূপে সভা পরিচালিত হইতেছে তাহা জিজ্ঞাসা করি। তাঁহারা এইরূপ সভা প্রতিষ্ঠা করিবার চেষ্টা করিতে অভিমত প্রকাশ করিলেন। অবশেষে একটি সাধারণ সভা আহূত হইল, স্যার সিসিল বোডন অগ্রহ পূর্ব্বক সভাপতির আসন গ্রহণ করিলেন। গবর্ণর জেনারেলও সভায় উপস্থিত ছিলেন। এই সভায় একটি সমিতি গঠিত হইল এবং ইহার যত্নে সমাজবিজ্ঞানসভা প্রতিষ্ঠিত হইল।

মাননীয় মিষ্টার সিটনকার এই সভার সভাপতি এবং হাইকোর্টের মাননীয় বিচারপতি নরমান ও বাবু রমানাথ ঠাকুর সর্বপ্রথমে ইহার সহকারী সভাপতি নির্বাচিত হন। কিন্তু কতিপয় কারণবশতঃ এক মাসের মধ্যেই মিঃ সিটনকার ও বাবু রমানাথ ঠাকুর পদত্যাগ করেন এবং তাঁহাদের স্থানে মাননীয় বিচারপতি মিষ্টার (পরে স্যার জন বার্ড) ফিয়ার ও কিশোরীচাঁদ যথাক্রমে সভাপতি ও সহকারী সভাপতি নিযুক্ত হন। কিশোরীচাঁদ এক বৎসর সহকারী সভাপতির কার্য্য করেন

* কেশবচন্দ্র সেন, গারীচাঁদ মিত্র ও কিশোরীচাঁদ প্রভাবিত সভার প্রধান উদ্যোক্তা ছিলেন।


এবং ১৮৬৭ খৃষ্টাব্দের ২৪শে জুলাই তারিখে উক্ত সভার প্রথম অধিবেশনে ‘বাল্যশিক্ষাবিস্তার’ নামক একটি সুন্দর ও বহুতথ্যপূর্ণ প্রবন্ধ পাঠ করেন। কুমারী কার্পেটার তাঁহার ভারতভ্রমণবিষয়ক প্রাণুল্লিখিত গ্রন্থের স্থানে স্থানে স্থায়ী মতের সমর্থনে কিশোরীচাঁদের বক্তৃতার কোনও কোনও অংশ উদ্ধৃত করিয়াছেন।

১৮৬৮ খৃষ্টাব্দে হাইকোর্টেব বিচাবপতি মাননীয় দ্বারকানাথ মিত্র কিশোরীচাঁদের স্থানে সহকারী সভাপতি নির্বাচিত হন; কিন্তু কিশোরীচাঁদ সভার উন্নতিসাধনে সমভাবে চেষ্টিত ছিলেন এবং উক্ত সভার শিক্ষাবিভাগেব অন্যতম সদস্যরূপে উহাব বিলক্ষণ উপকার করেন। ঐ বৎসর ৩০শে জানুয়ারী তারিখে দ্বিতীয় অধিবেশনে তিনি ‘হিন্দুপর্ষ’ নামক একটি সুলিখিত প্রবন্ধ পাঠ করিয়াছিলেন।

কিশোরীচাঁদের দুইটি প্রবন্ধই ‘বঙ্গীয়সমাজবিজ্ঞানসভার’ কার্যাবিবরণীতে এবং স্বতন্ত্র পুস্তিকাকারে প্রকাশিত হইয়াছিল।

তৎকালীন প্রায় সমুদায় প্রসিদ্ধ সাহিত্যসভার সহিত কিশোরীচাঁদ সংশ্লিষ্ট ছিলেন। ‘হিন্দুপেট্রিয়ার্ট’ পত্র পাঠে প্রতীতি হয় যে, তিনি ‘ড্যালহোসী ইন্সটিটিউট’ নামক এতদেশীয় সম্ভ্রান্ত ইংরাজদিগেব প্রসিদ্ধ সাহিত্যসভায় এবং আমড়াতলা সাহিত্য-সভায় ‘চৈতন্য’ সম্বন্ধে দুইটি চিত্তাকর্ষণী বক্তৃতা প্রদান করিয়াছিলেন। বড়বাজারেব বিখ্যাত মল্লিক-বংশীয় সাহিত্যানুরাগী প্রমাদদাস বাবুর ভবনে তৎপ্রতিষ্ঠিত ‘বড়বাজার পারিবারিক সাহিত্যসভায়’ নিমন্ত্রিত হইয়া কিশোরীচাঁদ ১৮৬৯ খৃষ্টাব্দে ২৩শে এপ্রিল তারিখে ‘মতিলাল শীলের জীবন-কথা’ সম্বন্ধে একটি দীর্ঘ বক্তৃতা করেন। এই বক্তৃতাটি পুস্তিকাকারে প্রকাশিত হইয়াছিল। ইহার সমালোচনাপ্রসঙ্গে ‘হিন্দুপেট্রিয়ার্ট’ লিখিয়াছিলেন—

“হঁহা বল। বাহুলা যে বক্তৃতাটি শেখকের স্বভাবসিদ্ধ লিপিকুশলতাব



রেভাবেণ্ড লালবিহারী দে

সহিত লিখিত হইয়াছে,—প্রাঞ্জল, সূচিক্রিত, স্থানে স্থানে উজ্জ্বল, পাঠে আনন্দ ও শিক্ষা উভয়বিধ লাভ হয়।”

১৮৭২ খৃষ্টাব্দে সুলেখক রেভাণ্ডে ও লালবিহারী দে “বেঙ্গল ম্যাগেজিন” নামক একটি মাসিকপত্র প্রবর্তিত করেন। ঐ বৎসরের আগষ্ট মাসে উহার প্রথমসংখ্যা প্রকাশিত হয়। লালবিহারী ১৮৭৩ খৃষ্টাব্দে উক্ত মাসিক পত্রের সেপ্টেম্বর-সংখ্যায় কিশোরীচাঁদের স্বর্ণা-রোহণবিষয়ক যে প্রবন্ধ লিখিয়াছিলেন, তাহাতে বলিয়াছেন যে, তিনি তাঁহার স্বভাবসিক্ত মহত্ব ও সাহিত্যপ্রিয়তার সহিত এই পত্রিকা-প্রচারের প্রারম্ভ হইতে আমাদের সহিত যোগদান করিয়াছিলেন।” ঐ মাসিকপত্রের দ্বিতীয় সংখ্যায় অর্থাৎ ১৮৭২ খৃষ্টাব্দে সেপ্টেম্বর মাসে কিশোরীচাঁদের ‘চৈতন্য’ শীর্ষক একটি মনোজ্ঞ প্রবন্ধ প্রকাশিত হইয়াছিল। তাঁহার মৃত্যুর অব্যবহিত পূর্বে কিশোরীচাঁদ উক্ত পত্রের জন্য “প্রেসিডেন্সী কলেজ” নামক একটি প্রবন্ধ লিখিয়াছিলেন। উহা তাঁহার মৃত্যুর পর ১৮৭৩ খৃষ্টাব্দের অক্টোবর-সংখ্যায় প্রকাশিত হইয়াছিল। কিশোরীচাঁদ পূর্বে যে হিন্দুকলেজের ইতিহাস বিবৃত করিয়াছিলেন, এই প্রবন্ধটি তাহারই পরিবর্দ্ধিত সংস্করণ।

উপরিলিখিত প্রবন্ধগুলি ছাড়া আরও কয়েকটি প্রবন্ধ রচনা করিবার জন্য কিশোরীচাঁদ সঙ্কল্প করিয়াছিলেন এবং সেই উদ্দেশ্যে উপকরণাদি সংগ্রহ করিতেছিলেন, এমন সময়ে নির্ধূর কাল আসিয়া তাঁহাকে অকালে হরণ করিয়া লইয়া গেল। তাঁহার শেষ জীবনের কথা পরবর্ত্তী পরিচ্ছেদে বিবৃত হইবে।

একদশ পরিচ্ছেদ

দেহত্যাগ । চরিত্র ও ধর্মবিশ্বাস

১২৮০ বঙ্গাব্দ (১৮৭৩-৪ খৃষ্টাব্দ) আনাদিগের দেশের সাহিত্য-সেবিগণের ইতিহাসের একটি চিরস্মরণীয় বৎসর। এই বৎসরেই “বঙ্গ-কবি সিংহাসন” শূন্য করিয়া “বঙ্গের অনন্তকবি, কল্পনা-সরোজ-রবি” মধুসূদন পরলোকে গমন করেন। এই বৎসরেই বাঙ্গালার গৌরবস্থল দেশব্রত মহাত্মা কিশোরীচাঁদ স্বর্গধামে প্রয়াণ করেন। এই বৎসরেই সার্থকনামা দীনবন্ধু “ত্যজি জীবধাম, কবিকুঞ্জবনে স্বর্গে করিতে বিহার” গমন করেন। দেশ যে কি উজ্জ্বল রত্ন হারাইল তাহা প্রত্যক্ষ করিয়া তব্ধ কবি নবীনচন্দ্র কাদিয়াছিলেন :—

“মধুসূদনের” শোকে বিবশা হুঃখিনী,

না হ’তে চেতন নেত্র মুদিগ “কিশোরী” ;

তা’র শোক-অশ্রুজল না ছুঁতেই বক্ষঃস্থল

মাতৃ-কোল “দীনবন্ধু” গেল শূন্য করি ;

ঈশ্বর ! তোমারি ইচ্ছা—বঙ্গ অভাগিনী !” *

কিন্তু এইখানেই শেষ নহে। এই দুর্বৎসরে হুঃখিনী বঙ্গের ভাগ্যে আরও অনেক হুঃখ ছিল। দেশপ্রেমিক কবি কাশীপ্রসাদ ঘোষ—
বাহার কবিপ্রতিভা ডাক্তার উইলসন, হেনরি মেরেডিথ পার্কার, হেনরি
ব্রাউ, হেনরি টরেন্স, ডাক্তার আডামস্, ডেভিড লেঠার রিচার্ডসন,
হেনরি ভিভিয়ান ডিরোজিও, মিস এনা রবার্টস প্রভৃতি বাণীসজ্ঞানগণকে
বন্ধুত্বহস্তে তাঁহার সহিত আবদ্ধ করিয়াছিল এবং লর্ড অকল্যান্ড
ও মাননীয়া মিস্ ইডেনের প্রণাম লাভ করিয়াছিল—তাঁহাকেও



কিশোরীচাঁদ মিত্র

নিষ্ঠুর কাল এই বৎসরেই হরণ করিয়া লইয়া যায়। সামান্য অবস্থা হইতে যিনি দেশের সর্বোচ্চ ধর্ম্মাধিকরণের বিচাপতিপদে উন্নত হইয়াছিলেন এবং গুরুতর পরিশ্রমের স্বল্প অবসরে যিনি দেশ-বাসীর মধ্যে প্রসিদ্ধ পণ্ডিত কোম্‌রে'র দর্শন ও দেকাটের উচ্চ গণিতবিদ্যা প্রচারের প্রয়াস পাইতেন সেই দেশহিতৈষী দ্বারকানাথ মিত্রও এই বৎসরে ইহলোক পরিত্যাগ করেন। যাহারা রাজা কালীকৃষ্ণ দেব বাহাদুরের সাহিত্যসেবার ও বিদ্যাংসাহিত্যের বিষয় অবগত আছেন তাঁহারা এই বৎসরে তাঁহার মৃত্যুও দেশের পক্ষে অসীম ক্ষতিকর বলিয়া স্বীকার করিবেন।

মৃত্যুর প্রায় তিন বৎসর পূর্ক হইতেই কিশোরীচাঁদের স্বাস্থ্যভঙ্গ হইয়াছিল; কিন্তু তিনি নিজের শরীরের প্রতি দৃষ্টি না রাখিয়া অবি-শ্রান্ত দেশসেবা ও সাহিত্যসেবায় উন্নত হইয়াছিলেন। ১৮৭২ খৃষ্টা-ব্দের অক্টোবর মাসে ডেঙ্গুজ্বরে আক্রান্ত হইয়া তিনি সম্পূর্ণরূপে স্বাস্থ্য হারাইলেন। কিছুদিন পরেই দ্বিতীয়বার ডেঙ্গুজ্বরে আক্রান্ত হইলেন। বায়ুপরিবর্তনের নিমিত্ত তাঁহাকে পাকুড়ে লইয়া যাওয়া হইল। সেখানে জ্বর প্রবলভাবে দেখা দিল। কিশোরীচাঁদের জামাতা নীলমণি বাবুর দূরসম্পর্কীয় এক ভ্রাতা রামপুরহাটের বাবু কেদারনাথ মিত্র তাঁহাকে ঔষধপত্রাদি প্রদান করেন। এই স্থানে প্রায় দুই দিন কিশোরীচাঁদ অচেতন অবস্থায় থাকেন। একটু সুস্থ হইলে তাঁহাকে রামপুরহাটে কেদার বাবুর বাটীতে লইয়া যাওয়া হয়। এই স্থানে দুই সপ্তাহ বাস করিয়া কিশোরীচাঁদ বোলপুরে দেবেজনাথ ঠাকুরের নূতন বাটীতে কিছুদিন অবস্থান করেন। কিন্তু তাঁহার কোনও রূপ শারীরিক উন্নতি দৃষ্ট হইল না। এই সময়ে দীঘাপতিয়ার রাজা প্রমথনাথ তাঁহাকে দীঘাপতিয়ায় বায়ুপরিবর্তনের নিমিত্ত গমন

করিতে আমন্ত্রণ করেন। তাঁহার চিরপ্রিয় রাজশাহীতে কিশোরীচাঁদ শেষবার যাত্রা করিলেন। দীর্ঘাপতিয়ার রাজা প্রমথনাথ ও তাঁহার পুণ্যশীলা জননী বাণী ভবসুন্দরী তাঁহার সেবার অতি সুন্দর আয়োজন করিয়াছিলেন। প্রায় একমাস সেই স্থানে অবস্থান করিয়া কিশোরীচাঁদ কলিকাতায় প্রত্যাগমন করেন। তাঁহার স্বাস্থ্যের বিশেষ উন্নতি লক্ষিত হইল না। ১৮৭৩ খৃষ্টাব্দে ফেব্রুয়ারি মাসে তিনি পুনর্বার অসুস্থ হইয়া পড়িলেন। প্রায় এক সপ্তাহ উপবাসে শবীর নিতান্ত দুর্বল হইয়াছে এমন সময়ে প্যারীচাঁদ এবং তাঁহার জ্ঞাতিখুড়া গোপীনাথ মিত্র একদিন আসিয়া কিশোরীচাঁদকে সংবাদ দিলেন যে সেই দিন কলিকাতা পাবলিক লাইব্রেরীর স্বত্বাধিকারিগণের একটি সভাব অধিবেশন হইবে। কিশোরীচাঁদ লাইব্রেরীর অন্যতম স্বত্বাধিকারী ছিলেন এবং এই সভার কার্যে তাঁহার বিশেষ সহানুভূতি ছিল। সুতরাং তিনি সকলেব নিষেধবাক্য অবহেলা করিয়া ঐ সভায় গমন করিলেন। কিন্তু সভার কার্য শেষ হইবার পূর্বেই প্রবল প্রকোপে জ্বর দেখা দিল। কোনও প্রকারে তাঁহাকে গাভী করিয়া বাতীতে আনয়ন করা হইল। এই দিন ১০ই ফেব্রুয়ারি তিনি শেষশয্যা গ্রহণ করিলেন।

জ্বরের সহিত নিউমোনিয়াব সকল লক্ষণ দেখা দিল। দুই সপ্তাহ রোগভোগের পর তিনি কথঞ্চিৎ সুস্থ হইলেন কিন্তু শয্যাগত রহিলেন। চিকিৎসকগণ সর্বপ্রকার শারীরিক ও মানসিক পারিশ্রম্য হইতে বিরত থাকিতে উপদেশ দিলেন। কিন্তু তিনি চিকিৎসকগণের নিষেধবাক্য অমান্য করিয়া কলিকাতা রিভিউএব জন্য একটি প্রবন্ধ লেখাইতে লাগিলেন। পাঁচ সপ্তাহ পরে অত্যন্ত প্রবলভাবে জ্বর দেখা দিল। একদিন সমস্ত দিবারাত্রি পরিবারবর্গ তাঁহার

শয্যাপার্শ্বে কল্পিত হৃদয়ে বসিয়া রহিলেন। ঈশ্বরের ইচ্ছায় সেবারও তিনি কথঞ্চিৎ আরোগ্য লাভ করিলেন। তিন সপ্তাহ পরে তৃতীয়বার ভীষণ জ্বর দেখা দিল। এবারে তাঁহার মস্তিষ্কেও রোগ দেখা দিল। বহুকষ্টে সেবারেও তিনি রক্ষা পাইলেন। চিকিৎসকগণ বলিলেন যে রোগের উৎপত্তি ম্যালেরিয়া হইতে। সুতরাং কিশোরীচাঁদকে তাঁহার পাইকপাড়ার বাগানবাটি হইতে কলিকাতায় (১০০নং শ্যাম-বাজার ষ্ট্রীটস্থ ভবনে) স্থানান্তরিত করা হইল। এখানেও ঘন ঘন এবং ভীষণ প্রকোপে জ্বর হইতে লাগিল। বিখ্যাত কবিবাজ গঙ্গাপ্রসাদ ও রমানাথ সেনের চিকিৎসাধীনে তাঁহাকে রাখা হইল। তাঁহা ৪১ দিন চিকিৎসা করিলেন, কিন্তু কোনও ফল হইল না। ৪২ দিনে, ২০শে শ্রাবণ তাঁহার শেষ অসুখ হইল। পরদিন প্রাতে অভিজ্ঞ চিকিৎসকগণকে আহ্বান করা হইল, কিন্তু তাঁহারা ‘আর আশা নাই’ বলিয়া বিষন্ন বদনে তাঁহার রোগশয্যা হইতে বিদায় লইলেন এবং রোগীও দুর্বলতাপ্রযুক্ত অচেতন হইলেন। ২৩শে শ্রাবণ (৬ই আগষ্ট—১৮৭৩ খৃষ্টাব্দ) বুধবার বেলা দশ ঘটিকা হইতে আহাৰ বন্ধ হইল এবং রাত্রি সাড়ে এগারটার সময় তাঁহার পুণ্যাত্মা পার্থিব দেহ হইতে মুক্ত হইয়া পরমাত্মার সংসর্গ ও সাযুজ্য লাভার্থে মহাপ্রস্থান করিল। ১০ই ফেব্রুয়ারি হইতে ৬ই আগষ্ট পর্য্যন্ত তিনি বীরের ন্যায় স্মৃত্যুর সহিত যুঝিয়াছিলেন। ডাক্তার চার্লস, সূর্য্য গুডিব চক্রচর্চী, দ্বারকানাথ গুপ্ত, লক্ষ্মীনারায়ণ বসু, শ্যামাচরণ লাহিড়ী, দুর্গাধি বোষ এবং মহেন্দ্রলাল সরকার একাকী অথবা একত্রে তাঁহার রোগের যত্ননা উপশম কবিবার জন্য যথাসাধ্য চেষ্টা করিয়াছিলেন, কিন্তু পূর্বে হইতেই তাঁহারা জানিতেন যে এ যাত্রা তিনি রক্ষা পাইবেন না। কারণ তাঁহার স্বাস্থ্য একদম ভগ্ন হইয়াছিল যে চিকিৎসকগণের প্রাণপণ

চেষ্টা এবং ঔষধের গুণ সে ভগ্ন স্বাস্থ্য আর নূতন করিয়া গড়িতে পারিত না।

কর্মবীর কিশোরীচাঁদের মৃত্যু একটা জাতীয় শোকের কারণ বলিয়া বিবেচিত হইয়াছিল। শিক্ষিত হিন্দুগণের মুখপত্র ‘হিন্দুপেট্রিয়ার্ট’-পত্রে তৎকালীন সম্পাদক সুপ্রসিদ্ধ রায় কৃষ্ণদাস পাল বলিয়াছিলেন—
“শক্তিশালী লেখক, নির্ভীক দেশপক্ষসমর্থক, উদ্যোগী কর্মবীর, তিনি যে স্থান শূন্য করিয়া গেলেন, আমাদের ভগ্ন হয়, তাহা সহজে পূর্ণ হইবে না।”

যাহার স্বদেশপ্রিয়তা এবং ধর্মপ্রাণতা চিরকাল তাঁহার স্মৃতিকে দেশবাসীর হৃদয়ে সমুজ্জ্বল রাখিবে, ‘অমৃতবাজার-পত্রিকা’র সেই স্নানামধ্য প্রবর্তক ও সম্পাদক শিশিরকুমার ঘোষ ১২৮০ সালে ৩১শে শ্রাবণ তারিখের পত্রিকায় লিখিয়াছিলেন :—

“বাবু কিশোরীচাঁদের মৃত্যুদ্বারা আমাদের দেশ বিশেষ ক্ষতিগ্রস্ত হইলেন। গত ২৩শে শ্রাবণ বুধবারে তিনি পরলোকগত হইয়াছেন। গত ২৫ বৎসরের মধ্যে দেশের যত মহৎ উদ্যোগ হইয়াছে তিনি তাহার সকল বিষয়ে উদ্যোগী ছিলেন। তিনি যেমন পণ্ডিত ছিলেন তেমনি উদ্যমবিশিষ্ট ছিলেন। যখন দেশের কোন মহৎ বিষয়ে সাধারণে কোন সভা হইয়াছে, সেখানেই কিশোরী বাবু তাঁহার বক্তৃতা দ্বারা শ্রোতৃবর্গকে মোহিত করিয়াছেন। তাঁহার সকল শাস্ত্রে অধিকার ছিল। তিনি সম্বক্তা ছিলেন, স্নলেখক ছিলেন এবং অতিশয় রসিক ও বুদ্ধিমান ছিলেন।”

দেশের তৎকালীন একমাত্র শক্তিশালী রাজনীতিক সভা, যথায় কিশোরীচাঁদ অন্যতম অ্যক্ষরপে আজীবন পরিশ্রম করিয়াছিলেন, যাহার সমিতিগৃহ তাঁহার অনন্যসাধারণ বাগ্মিতায় প্রতিনিয়ত মুখরিত

হইত, সেই 'ব্রিটিশ ইণ্ডিয়ান এসোসিয়েশনে' ৮ই সেপ্টেম্বর (১৮৭৩) তারিখের অধিবেশনে যে প্রস্তাব সর্বসম্মতিক্রমে গৃহীত হইয়াছিল তাহার মম্বানুবাদ নিম্নে প্রদত্ত হইল —

“ব্রিটিশ ইণ্ডিয়ান এসোসিয়েশনের কার্যনির্বাহক সমিতি তাঁহাদের সহযোগী বাবু কিশোরীচাঁদ মিত্রের মৃত্যুর জন্য অকৃত্রিম ও গভীর শোক লিপিবদ্ধ করিতে ইচ্ছা করেন। এই শোকাবহ ঘটনা ব্রিটিশ ইণ্ডিয়ান এসোসিয়েশন হইতে একজন সাতিশয় শক্তিশালী, উৎসাহপূর্ণ এবং চিব অনুরক্ত সভ্য এবং দেশ হইতে একজন পবন উৎকৃষ্ট লেখক ও বাণী, দেশবাসীর একজন অক্লান্তকর্মী নেতা এবং তাঁহাদের মানসিক, সামাজিক এবং রাজনীতিক উন্নতিসম্বন্ধীয় যাবতীয় বিষয়ের একজন প্রতীবুদ্ধ এবং একাগ্র-সমর্থক বিচ্যুত করিয়া লইয়া গেল।”

সাময়িক পত্রাদিতে প্রকাশিত তাঁহার অকালবিয়োগ সম্বন্ধীয় শোক প্রকাশক অসংখ্য প্রবন্ধ এবং কবিতাবলী অথবা তৎকালীন প্রধান প্রধান ব্যক্তিগণের লিখিত শোক প্রকাশক পত্রাদি এস্থলে উদ্ধৃত না করিয়া আমরা তাঁহার চরিত্র ও ধর্মসম্বন্ধে সংক্ষেপ-আলোচনা করিয়া এই পরিচ্ছেদ সমাপ্ত করিব। বাঙ্গালার লক্ষপ্রতিষ্ঠ কবি বাজুরুষ রায়ের “বঙ্গভূষণ” নামক কাব্যগ্রন্থ হইতে কিশোরীচাঁদ মিত্র সম্বন্ধীয় চতুর্দশপদী কবিতাটি মাত্র এস্থলে উদ্ধৃত হইতে পারে :—

“হে বিজ্ঞ বিদ্বান্ তুমি এ বঙ্গ মাঝারে

ধন্য জনমিলে। তব ধণে বঙ্গদেশ

প্রপূরিত। বঙ্গবাসী প্রশংসার ধারে

ভিজাইল তোমা ধনে। আনন্দ অশেষ

লভেছিল সকলেতে তুমি যতদিন

জীবিত থাকিয়া সাধিলে হে দেশহিত !

বিদ্যাপরিচয় গুণী দিলে যথোচিত ।
 এবে বঙ্গ তোমা বিনা বারিহীন মীন ।
 রহিবে তোমার নাম উজ্জ্বল হইয়া
 এ গোড়ভাণ্ডার মাঝে, যথা আভ্যময়
 মণিখণ্ড রাজ্যলয়ে থাকয়ে শোভিয়া ।
 ইংরাজী বিদ্যার গুণে বঙ্গদেশনয়
 রহিল তোমার যশঃ সদা উজলিয়া,
 মতিমান, কভু তাহা হবে না বিলয় !”

কিশোরীচাঁদ সাধারণ্যে একজন নির্ভীক ও তেজস্বী পুরুষ বলিয়া বিবেচিত হইতেন। তিনি কাহারও নিকট মস্তক অবনত করিবার লোক ছিলেন না। এরূপ ব্যক্তি অনেক সময় অহঙ্কারী ও গর্বিত বলিয়া বিশেষিত হন। বোধ হয় বিদ্যাসাগরের পবিত্র নামেও এ অপবাদ প্রচলিত। কিন্তু ষাঁহারাই কিশোরীচাঁদের সংস্পর্শে আসিয়াছেন তাঁহারাই তাঁহার অদ্ভুত অমায়িকতা, সরলতা ও শিষ্টাচারে বিমুগ্ধ হইয়াছেন। কি ধনী, কি নির্ধন, কি হিন্দু, কি অহিন্দু, কি শিক্ষিত, কি অশিক্ষিত, সকলের সহিতই তাঁহার সমভাব বিদ্যমান ছিল। রেভারেণ্ড লালবিহারী দে লিখিয়াছেন :—“তিনি একজন প্রিয়দর্শন সহচর ছিলেন। অমায়িক, সদাপ্রফুল্ল, সরলপ্রাণ এবং রসিক ; তিনি যথায় যাইতেন সূর্য্যরশ্মি ছড়াইতেন।” বস্তুতঃ তাঁহার কোমল হৃদয় সর্বদাই প্রীতি ও সহানুভূতিতে পরিপূর্ণ থাকিত। তাঁহার হৃদয়ের কোমলতা সম্বন্ধে তাঁহার সহধর্মিণী লিখিয়াছেন :—
 “১২৫১ সালের বৈশাখ মাসের ২৪ তারিখে তিনি কর্ণস্থানে যান।
 জ্যৈষ্ঠ মাসের ২ তারিখে এই মহাআর সেই (প্রথম পুত্র) সন্তানটি
 অকালে কৃতান্ত গ্রাস করেন। তাহাতে এই মহাআ এত দুঃখিত হন

যে ১০।১২ দিন শয্যাগত থাকেন। ৮নীলমণি বাবুর বাসাতে ছিলেন। তিনি সহোদর ভ্রাতার ন্যায় কাছে বসিয়া থাকিতেন। উভয়ে ১২।১৪ দিন কোন কষ্ট করেন নাই। পূর্বে বলিয়াছি ইহার শরীর দয়াতে পরিপূর্ণ। ইনি পিতার মৃত্যুর সময় মূর্ছিত হন। ইহা ত হইবেন। শুনা আছে, ইনি যখন কলেজে পড়েন তখন ইহার এক স্খাতি খুড়ী বড় পীড়া হইয়াছিল। তাঁর স্বামীতে আর এঁতে কলেজে যান। এমতকালীন তাঁহার ভ্রাতা এসে তাঁকে পিত্রালয়ে লইয়া যান। কলেজ থেকে এসে ঘরে তাঁকে না দেখে তাঁর স্বামী ক্রন্দন করিতে লাগিলেন। কিন্তু এই মহাত্মা একেবারে মূর্ছিত হইলেন। ষাঁহার এইরূপ দয়ার শরীর তিনি আপনার সম্ভানের জন্য এইরূপ কাতর হইবেন তাহার আশ্চর্য্য কি? এইজন্য ঈশ্বর ইহাকে আর কোন দুঃখ দেন নাই। ৫১ বৎসর ৩ মাস এই পবিত্র দেহ এই পৃথিবীতে ছিল, কিন্তু এইরূপ ক্লেশ আর সহ্য করিতে হয় নাই।” কিশোরীচাঁদের পারিবারিক জীবন অতি মধুময় ছিল। তাঁহার মাতাপিতার প্রতি ভক্তি অসীম ছিল। যৌবনের প্রারম্ভেই তিনি পিতাকে হারান। জননী আনন্দ-ময়ী তাঁহার মৃত্যুর পরেও অনেকদিন জীবিত ছিলেন। ইনি অত্যন্ত কোমলহৃদয়া রমণী ছিলেন। কিশোরীচাঁদ তাঁহার মাতার প্রিয়তম সম্ভান ছিলেন। অনেক ত্যাগস্বীকার করিয়াও কিশোরীচাঁদ জননীর আদেশ পালন ও অভিলাষ পূর্ণ করিতেন। তিনি যখন কলিকাতার ম্যাজিষ্ট্রেটের পদ প্রাপ্ত হন তখন তাঁহার মাতা সকলকে সমভাবে দেখিতে ও সর্বদা ন্যায় বিচার করিতে বলেন এবং অনেক-গুলি সহপদে প্রদান করেন। এগুলি কিশোরীচাঁদ তাঁহার ডায়েরীর একস্থানে লিখিয়া রাখিয়াছিলেন। এই সকল উপদেশ অনুসারে কার্য্য করিতে তিনি কখনও অবহেলা করেন নাই।

তাঁহার একমাত্র কন্যা কুমুদিনীকে কিশোরীচাঁদ কিরূপ স্নেহ করিতেন ও তাঁহাকে সুশিক্ষিতা করিতে কিরূপ যত্নশীল ছিলেন তাহা তাঁহার সহধর্মিণী-লিখিত অপ্রকাশিত ও অসম্পূর্ণ জীবনকথা হইতে অবগত হওয়া যায়। নিম্নে কিয়দংশ উদ্ধৃত হইল ;—

“১২৫৪ সালের বৈশাখ মাসে ৭ তারিখে মঙ্গলবারে বেলা ১১ ঘণ্টার সময় একটা কন্যা সন্তান হইয়াছিল। আর হয় নাই। এই জন্য তিনি জগদীশ্বরকে ধন্যবাদ দিতেন। বলিতেন, অধিক সন্তান হইলেই অধিক দুঃখ পাইতে হয়। কন্যা-পুত্র উভয়ই সমান। তাঁহার যে একমাত্র কন্যারত্ন হইয়াছিল তাহাতে তিনি দুঃখিত ছিলেন না, বরং সুখী ছিলেন। তাঁহার ঐ কন্যাটিকে অতিশয় যত্নপূর্বক লালন-পালন করিতেন। যতদিন মফঃস্বলে ছিলেন ততদিন একটি মাষ্টার ও একটি পণ্ডিত কন্যার জন্য রাখিয়াছিলেন। কলিকাতায় আসিয়া বেথুন স্কুলে দেন ও আর একটি মেম রাখেন। একজন পাদরী সাহেব দেন—তাঁহার নাম মিস্ টুগুড্। তিনি বড় ভদ্র রমণী ছিলেন। তাঁহাকে ৫০৭ টাকা বেতন দিতেন। তিনি ফিরঙ্গী মেম কি খুঁজান পসন্দ করিতেন না—‘যাদের আপনার জ্ঞান নাই তাঁহারা আবার কি শিক্ষা দিবেন?’ মিস্ টুগুড্ ফর্ডাইস পাদরী সাহেবের ছাত্রী, এই জন্য তাঁহাকে শিক্ষয়িত্রী পদে নিযুক্ত করেন। তাঁহার কন্যার নাম শ্রীমতী কুমুদিনী। তিনি পিতার ন্যায় গুণবতী, পিতার ন্যায় বুদ্ধিমতী, পিতার ন্যায় নম্রস্বভাবা, পিতার ন্যায় আকৃতি, কিন্তু বোধ হয় পিতার ন্যায় দয়াবতী নন; কারণ এর পিতার অসীম দয়া ছিল, সকলের প্রতি সনভাব ছিল, বোধ হয়, এ জগতে তাঁহার মিত্র ব্যতীত শত্রু ছিল না।”

পূর্বেই বলিয়াছি ১৮৫৮ খৃষ্টাব্দে জুন মাসে, তিনি উপযুক্ত পাত্রের

হস্তে তাঁহার কন্যাকে সমর্পণ করিয়াছিলেন। কিশোরীচাঁদের জামাতা পূজনীয় শ্রীযুক্ত নীলমণি দে মহাশয় চিরকাল তাঁহার ঔরসজাত পুত্রের ন্যায় ভক্তিশ্রদ্ধা ও সেবা দ্বারা তাঁহার পারিবারিক সুখ বর্দ্ধিত করিয়াছিলেন। কিশোরীচাঁদের দৌহিত্রগণ সকলেই সুশিক্ষিত ও সমাজে লক্ষ্যপ্রতিষ্ঠ।

‘তাঁহার মিত্র ভিন্ন শত্রু ছিল না’—এ কথা অতি সত্য। তিনি অকৃত্রিম বন্ধুবৎসল ছিলেন। সকলেই তাঁহার অমায়িকতা ও সারল্যে বিমুগ্ধ হইয়া বন্ধুত্বের সুদৃঢ় বন্ধনে আবদ্ধ হইতেন। কিশোরীচাঁদের সকল বন্ধুই কেবল বন্ধু ছিলেন না—পরম আত্মীয় ছিলেন। তাঁহার অসংখ্য বন্ধুব নামোল্লেখ করাও কঠিন। মহর্ষি দেবেন্দ্রনাথ ও তাঁহার ভ্রাতা নগেন্দ্রনাথ, মহারাজা রমানাথ ও যতীন্দ্রমোহন ঠাকুর তাঁহার বিশেষ বন্ধু ছিলেন। মহর্ষি তাঁহার সমাজোন্নতিবিধায়িনী সভার সভাপতি ছিলেন এ কথা পূর্বে বলিয়াছি। নগেন্দ্রনাথ ঠাকুরের সুহৃদই তাঁহার বেশী বন্ধু ছিল। দিঘাপতিয়ার রাজা প্রসন্ননাথের সহিত কুরুপ বন্ধুত্ব ছিল, পাঠকগণ পূর্বেই তাহার পরিচয় পাইয়াছেন। উভয় পরিবারের মধ্যে যে সদ্ভাব ছিল এখনও তাহা বর্তমান আছে। রাজা রাজেন্দ্রলাল মিত্রের সহিত কিশোরীচাঁদের প্রগাঢ় বন্ধুত্ব ছিল। উভয়েই কি সাচ্চিত্রক্ষেত্রে কি রাজনীতিক্ষেত্রে অতুলনীয় পাণ্ডিত্যের পরিচয় দিয়া গিয়াছেন। রাজেন্দ্রলাল তাঁহার নবপরিণীতা পত্নী রাণী ভুবনমোহিনীকে লইয়া কিছুকাল কাশী-পুরে বাস করিতেন; সেই সময় উভয় পরিবারের বন্ধুত্ববন্ধন আরও সুদৃঢ় হয়। গুনিয়াছি, কিশোরীচাঁদের মৃত্যুসম্বাদ পাইয়া রাজেন্দ্রলাল আত্মীয়বিরোগজনিত দুঃখ অনুভব করিয়া উচ্চৈঃস্বরে ক্রন্দন করিয়াছিলেন। গ্রামগোপাল ঘোষ কিশোরীচাঁদের কেবল

বন্ধু ছিলেন না, রাজনীতিক্ষেত্রে তাঁহার গুরু ও আদর্শ ছিলেন। রাম-
 গোপাল ঘোষের স্মৃতিসভায় কিশোরীচাঁদ যে বক্তৃতা করিয়াছিলেন
 এবং ‘কলিকাতা রিভিউ’ পত্রে তিনি রামগোপালের যে জীবন-
 চরিত প্রকাশ করিয়াছিলেন তাহা পাঠ করিলে উভয়ের মধ্যে
 কিরূপ প্রীতিসম্বন্ধ ছিল তাহার আভাস পাওয়া যায়। রাজা
 রাধাকান্ত দেবের সহিত তাঁহার বিলক্ষণ সদ্ভাব ছিল। যদিও অনেক
 সময় তিনি কিশোরীচাঁদের বহুবিবাহনিবারণ প্রভৃতি সমাজসংস্কার-
 বিষয়ক চেষ্টায় বাধা প্রদান করিয়াছিলেন, রাজার অকৃত্রিম স্বদেশহিত-
 বণা ও আন্তরিকতার জন্য কিশোরীচাঁদ তাঁহাকে গভীর শ্রদ্ধা করি-
 তেন। রাধাকান্তদেবের স্মৃতিসভায় কিশোরীচাঁদ যে বক্তৃতা প্রদান
 করিয়াছিলেন তাহা হইতে ইহার বিশেষ প্রমাণ পাওয়া যায়। হিন্দু-
 পেট্রি-রট-সম্পাদক হরিশ্চন্দ্রের সহিত তাঁহার অত্যন্ত বন্ধুত্ব ছিল। হরিশ
 প্রায়ই কিশোরীচাঁদের বাটীতে নিমন্ত্রিত হইয়া দেশহিতকর বিষয়ে
 আলোচনা করিতেন। এক বিষয়ে ইহঁদের মতভেদ ছিল। ১৮৬৯
 খৃষ্টাব্দে কিশোরীচাঁদ তৎসম্পাদিত ‘ইণ্ডিয়ান ফীল্ডে’ হরিশ্চন্দ্রের যে
 জীবনকথা প্রকাশ করেন তাহাতে ইহার উল্লেখ আছে। হরিশ মনে
 করিতেন রাজনীতিসংস্কারই আমাদের দেশোন্নতির একমাত্র উপায়।
 কিশোরীচাঁদ বলিতেন, ইহার সহিত সামাজিক ও নৈতিক সংস্কারের
 নিত্য প্রয়োজন আছে। মাইকেল মধুসূদনের সহিত তাঁহার অত্যন্ত
 স্নেহের সম্বন্ধ ছিল। যখন মাইকেল কপর্দিকবিহীন অবস্থায় মাস্তাজ
 হইতে কলিকাতায় প্রত্যাগমন করেন, তখন কিশোরীচাঁদের ভবনেই
 তিনি আশ্রয় প্রাপ্ত হন। পৈত্রিক বিষয়লাভের জন্য মোকদ্দমার
 তত্ত্বি প্রভৃতিতে কিশোরীচাঁদ তাঁহাকে যথেষ্ট সাহায্য করিয়াছিলেন।
 মাইকেলের নিত্য সঙ্গ ভ্রমণের সময় কিশোরীচাঁদই তাঁহাকে পুলিশ-

কোর্টে ইন্টারপ্রিটারের কৰ্ম প্রদান করিয়া কবিবরের জীবন রক্ষা করিয়াছিলেন। খিদিরপুরে কিশোরীচাঁদের সহধর্মিণীর জ্যেষ্ঠতাত বাস করিতেন; সেই স্থানে খিদিরপুরনিবাসী কবি মধুসূদন ও রত্নলালকে তিনি ভ্রাতৃসম্বোধন করিতেন।

জটিল দারকানাথ মিত্রও কিছুকাল কিশোরীচাঁদের অধীনে পুলিশ-কোর্টে কার্য করিয়াছিলেন এবং তাঁহাকে বিশেষ শ্রদ্ধা করিতেন। তাঁহার সহপাঠী গৌরদাস বসাক, ঈশ্বরচন্দ্র ঘোষাল, ভোগাননাথ চন্দ্র, রাজনারায়ণ বসু প্রভৃতির সহিত কিশোরীচাঁদের অত্যন্ত মোহর্দ ছিল। চিরস্মরণীয় ঈশ্বরচন্দ্র বিদ্যাসাগর মহাশয়ের সহিত তাঁহার বিলক্ষণ সদ্ভাব ছিল। তাঁহার প্রস্তাবিত সংস্কারসমূহ কিশোরীচাঁদ সর্বতোভাবে সমর্থন করিতেন। অক্ষয়কুমার দত্ত কিশোরীচাঁদের সমাজসংস্কার-বিষয়ক সভার একজন প্রধান সভা এবং ঐ সভার অন্ত-তম সম্পাদক ছিলেন। মহাত্মা কালীপ্রসন্ন সিংহ, বলাইচাঁদ সিংহ ও প্রাক্ষুষ সিংহ তাঁহার পরম বন্ধু ছিলেন। বঙ্কিমচন্দ্র চট্টোপাধ্যায় ও নবেন্দ্রনাথ সেন কিশোরীচাঁদের ‘ইণ্ডিয়ান ফীল্ডের’ নবীন লেখক ও তাঁহার পরম মেহভাজন ছিলেন। পাইকপাড়ার রাজভ্রাতৃত্ব ঈশ্বর-চন্দ্র ও প্রতাপচন্দ্র সিংহ তাঁহার অকৃত্রিম স্নেহদ ছিলেন। ‘ইণ্ডিয়ান ফীল্ড’ ইহাদের সাহায্যেই প্রতিষ্ঠিত হয়। বিজ্ঞানানুরাগী ডাক্তার মহেন্দ্রলাল সরকার কিশোরীচাঁদকে পিতার ন্যায় ভক্তি করিতেন। একবার কিশোরীচাঁদের এক দৌহিত্রীব সঙ্কটাপন্ন পীড়া হয়। মহেন্দ্র-লালের যত্নে তিনি আরোগ্যলাভ করেন। মহেন্দ্রলালকে পারিশ্রমিক দিবার প্রস্তাব করিলে তিনি কিছুতেই কিশোরীচাঁদের নিকট হইতে পারিশ্রমিক লইতে সম্মত হন নাই। অবশেষে বলেন যে, যদি তিনি বথার্থ তাঁহাকে কিছু প্রদান না করিলে মনস্তুষ্ট হন তাহা হইলে তাঁহার

একটি ভিক্ষা আছে। এই বলিয়া তিনি কিশোরীচাঁদের প্রবন্ধাবলী এক সেট যাক্সা করেন। বলা বাহুল্য তাঁহাকে কিশোরীচাঁদ স্বরচিত গ্রন্থনিচয় সানন্দে উপহার দেন। মহেন্দ্রলালও তাঁহাকে তাঁহার চিকিৎসাবিষয়ক মাসিকপত্র কয় খণ্ড উত্তমরূপে বাঁধাইয়া প্রত্যাগ্রহণ করেন। মহেন্দ্রলাল কিশোরীচাঁদের ঐ দৌহিত্রীকে কন্যার ন্যায় স্নেহ করিতেন এবং ‘মা’ বর্ণিয়া সম্বোধন করিতেন। অতি অল্প লোকই বোধ হয় জানেন যে, মহেন্দ্রলাল মস্তিষ্ক-তত্ত্ববিদ্যা (Phrenology) যত্নসহকারে অধ্যয়ন করিয়াছিলেন। কিশোরীচাঁদের দেহ ভয়ানক হইবার পর মহেন্দ্রলাল তাঁহার জামাতা নীলমণিকে তিরস্কার করিয়া বলেন—‘তুমি আমাকে আগে সংবাদ দাও নাই কেন?’ তিনি তাঁহার অদ্ভুত প্রণের মর্ম্ম অনুধাবনে অক্ষমতা প্রকাশ করিলে মহেন্দ্রলাল বলেন—‘আমি তাঁহার মস্তকের ছাঁচ লইতাম।’ রামমোহন রায়ের জীবনচরিত-পাঠকগণ জানেন যে ইংলণ্ডে কতিপয় মস্তিকতত্ত্ববিদ পণ্ডিত তাঁহার অসাধারণ মস্তিক বিশ্লেষণ করিয়া দেখিয়াছিলেন।

কোম্পগরের উজ্জল রত্ন ধর্ম্মপ্রাণ শিবচন্দ্র দেব কিশোরীচাঁদের একজন অত্যন্ত শ্রদ্ধার পাত্র ছিলেন। শিবচন্দ্রের নিমন্ত্রণে কিশোরীচাঁদ অনেকবার কোম্পগরে গিয়াছিলেন। ১৮৫৮ খৃষ্টাব্দে উক্ত মহাত্মা কর্তৃক সংস্থাপিত ইংরাজী বিদ্যালয়ের বাৎসরিক পরীক্ষা ও পারিতোষিক বিতরণ কালে কিশোরীচাঁদ সভাপতির আসন হইতে যে মনোহর বক্তৃতা প্রদান করেন তাহার উপসংহারে বলিয়াছিলেন :—
 “যদি প্রত্যেক স্থান, নগর এবং গ্রামে, কোম্পগরের শিবচন্দ্র দেবের ন্যায় লোক থাকিতেন তাহা হইলে সেখানে আরও সুখের অবস্থা পরিদৃষ্ট হইত। আমরা দেখিতে পাইতাম—বিদ্যালয়সমূহ উন্নতিলাভ করিতেছে, পুস্তকাগারসমূহ সমৃদ্ধিশালী হইতেছে, জ্ঞানের প্রবাহ

দেশের প্রতিকোণ পূর্ণ করিতেছে, মানসিক ক্ষেত্র প্রাবিত ও উর্ধ্বর করিতেছে এবং উহার অনিবার্য ও কল্যাণময় গতি প্রাচুর্য ও সুখ উপাদান করিতেছে।” দীনবন্ধু মিত্র ও বস্টিমচন্দ্রের ন্যায় কিশোরীচাঁদের স্নেহ লাভ করিয়াছিলেন। জামাইবারিকে দীনবন্ধু তাঁহার যে সকল পরম বন্ধুর নাম দিয়াছেন তন্মধ্যে কিশোরীচাঁদের নামও প্রদত্ত হইয়াছে।

কিশোরীচাঁদের অসংখ্য বন্ধুগণের নাম প্রদান করা এস্থলে সম্ভব নহে। তাঁহার অনেক যুরোপীয় বন্ধুও ছিলেন; তাঁহাদের কাহারও কাহারও কথা পূর্ববর্তী পরিচ্ছেদসমূহে লিপিবদ্ধ হইয়াছে।

যদিও শেষ অবস্থায় কিশোরীচাঁদের আয় অতি সামান্য ছিল, তথাপি সকল সংকার্যে তিনি মুক্তহস্তে দান করিতেন। হরিশ্চন্দ্রের স্মৃতিসভায় বক্তৃতাকালে সেই দেশব্রত মহাত্মার পরোপকারিতা সম্বন্ধে কিশোরীচাঁদ বলিয়াছিলেন, “কেহ তাঁহার নিকট পরামর্শ অথবা সাহায্যভিক্ষা করিয়া বিফলমনোরথ হন নাই। আর্ন্তের আহ্বানে তিনি কখনও বধির ছিলেন না এবং নিয়ত তাঁহার সাধ্যমত সাহায্য মুক্তহস্তে দান করিতেন। তিনি যেরূপ উচ্চমনা ছিলেন সেইরূপ মুক্তহস্ত ছিলেন এবং যাহারা তাঁহাকে ব্যক্তিগতভাবে জানিতেন তাঁহারা ই তাঁহার অত্যাচারিতের প্রতি সহানুভূতি উপলব্ধি করিতে সমর্থ হইতেন। আমি বলিতে চাহি না যে তাঁহার দান অসামান্য অথবা পরিমাণে অধিক, কিন্তু উহা তাঁহার যৎসামান্য আয় ও সুবিধার হিসাবে নিশ্চয়ই প্রশংসনীয়। তাঁহার দানের পরিমাণ অল্প বলিয়া তাঁহার পরোপকারেচ্ছা যে কম ছিল তাহা নহে, কারণ দান করিবার অক্ষমতা সম্বন্ধেও পরোপকারেচ্ছা বিদ্যমান থাকিতে পারে, যদিও দানের মূলে পরোপকারেচ্ছা বিদ্যমান না থাকিলে তাহার কোনও

মূল্য নাই। আমার মতে স্বজাতীয়দিগের কল্যাণের জন্য একাগ্র ইচ্ছাই পরোপকারের মূল এবং প্রভূত অর্থ প্রদান (যাহাকে আমি দান বলি) না করিলেও সুন্দর ও সম্পূর্ণভাবে পরোপকার করা যাইতে পারে। বস্তুতঃ যখন আড়ম্বর এবং অন্যান্য অবিশুদ্ধ কারণ হইতে দান প্রসূত হয় তাহাকে বদান্যতা বলা যায় না।” হরিশ্চন্দ্রের বিষয়ে তিনি নিজে যাহা বলিয়া গিয়াছেন আমরা কিশোরীচাঁদদের বিষয়ে ঠিক সেই কথাগুলি প্রয়োগ করিতে পারি।

কিশোরীচাঁদদের চরিত্রে একটিমাত্র দোষ আরোপ করা হয়। সে দোষ তৎকালীন হিন্দুকলেজের প্রায় সকল ছাত্রেরই ছিল—অখাদ্য ভোজন এবং মদ্যপান। আমরা এই সকল অনাচারের ঘোর বিরোধী। কিন্তু আশ্চর্যের বিষয় এই যে, রানমোহনের ন্যায় ধর্মসংস্কারকও মদ্যপান সমর্থন ও মাংসভোজনের উপকারিতা সম্বন্ধে উপদেশ প্রদান করিয়া গিয়াছেন এবং রানগোপাল ঘোষ, হরিশ্চন্দ্র মুখোপাধ্যায় প্রভৃতি নেতৃগণের সকলের চরিত্রেই এই দোষ বিদ্যমান ছিল। শুনিয়াছি মদ্যপানের পর মস্তিষ্ক বিকৃত না হইয়া হরিশ্চন্দ্রের মস্তিষ্ক একরূপ সতেজ হইত যে তাঁহার সর্বোৎকৃষ্ট রচনাসমূহ সেই অবস্থায় লিখিত। কিশোরীচাঁদ যদিও মদ্যপান করিতেন তথাপি আমরা বিশ্বস্তমূর্ত্তে অবগত হইয়াছি যে তিনি কখনও প্রমত্ত হইতেন না। বরঞ্চ এই সময়ে তাঁহার মস্তিষ্ক একরূপ পরিষ্কার হইত যে তিনি অনর্গল ইংরাজী বক্তৃতা দিতে পারিতেন। কিন্তু প্রকাশ্যে সম্ভ্রান্ত ইংরাজদিগের সহিত মদ্যমাংস ভোজন করায় তিনি তৎকালীন হিন্দুসমাজের লক্ষ্য হইয়া পড়িয়াছিলেন, যদিও সেই হিন্দুসমাজের অনেক নেতা কেবল মদ্যমাংস-ভোজন নহে, তদপেক্ষা গর্হিত অনাচারসমূহ গোপনে করিতে কুণ্ঠিত হইতেন না।

কিশোরীচাঁদ কেবল যে দেশের শিক্ষাবিষয়ক, সামাজিক ও রাজ-নীতিক উন্নতির জন্যই আজীবন চেষ্টিত ছিলেন তাহাই নহে, দেশের শিল্পোন্নতির দিকেও তাহাব আন্তরিক সহায়ত ছিল। তিনি ৬নবগোপাল মিত্র প্রবর্তিত হিন্দুশিল্পমেলায় একজন প্রধান উৎসাহদাতা ছিলেন এবং ভারতবর্ষের শিল্পাবদ্যালয়ের কার্য্যানবাহক সমিতির অন্যতম প্রধান সভ্য ছিলেন। তিনি কৃষি ও পুষ্পবিজ্ঞানের অনুরাগী ছিলেন। তাহার কৃষিবিষয়ক অনেকগুলি প্রবন্ধ আছে। তিনি স্বীয় উদ্যানবাটিকায় অনেক পুষ্পবৃক্ষ রোপণ করিয়াছিলেন এবং পুষ্পের অত্যন্ত আদর করিতেন। বহু শিল্পমেলায় তাহার উদ্যানজাত পুষ্পাদি পারিতোষিক লাভ করিয়াছিল। তাহাব উদ্ভিদবিজ্ঞানের অনুরাগ-সম্বন্ধে ১৮৭৮ খৃষ্টাব্দের ‘বেঙ্গল ম্যাগাজিনে’ তাহাব ভ্রাতুষ্পুত্র নগেন্দ্র-লান লিখিয়াছিলেন, “তিনি নেডিক্যাল কলেজে উদ্ভিদবিজ্ঞানবিষয়ক বক্তৃতা দ্বিতীয় বার করেন এবং অনেক চিকিৎসক আকৃষ্ট ও স্মরণ করেন যে, যে সকল বক্তৃতা নূতন ছাত্রগণের নিকট নিত্য অন্তর্গতকর বোধ হইত সেই সকল বক্তৃতা তিনি ছড়ি হাতে করিয়া তাহাদেব পাশে বসিয়া কিরূপ আগ্রহের সহিত শুনেতেন।

কিশোরীচাঁদের কথোপকথন শাস্ত্র অতি মনোহারিনী ছিল। কৃষ্ণদাস পাল লিখিয়াছেন, “কথোপকথনে তিনি সবসময়ের জন্য বিখ্যাত ছিলেন এবং তিনি চিওগ্রাফী গণ এবং স্বাভাবিক ব্যঙ্গোক্তিতে এত পরিপূর্ণ থাকিতেন যে আহারকালে তাহার কথাবার্তা শ্রবণ করা অত্যন্ত আনন্দজনক ছিল। তাহার আনন্দধারণ অমূলকরণশক্তি ছিল এবং তিনি প্রসিক্ত ব্যক্তিগণের ভাবভঙ্গী ও স্বরের একরূপ অনুকরণ করিতে পারিতেন যে গৃহের বাহির হইতে কেহ বুঝিতে পারিত না যে বক্তা আব একজনের অনুকরণ করিতেছেন।”

কিশোরীচাঁদ মধ্যমাকৃতি এবং দেখিতে অতি সুপুরুষ ছিলেন। তাঁহার আয়ত নয়নদ্বয় এককালে তাঁহার প্রতিভা ও হৃদয়ের কোমলতার পরিচয় প্রদান করিত।

কিশোরীচাঁদ একদিকে যেরূপ কুসুমাপেক্ষা কোমল ছিলেন, অপরদিকে তেমনই বজ্রাদপি কঠিন ছিলেন। যাহা তিনি সত্য ও মঙ্গলময় বলিয়া বিবেচনা করিতেন তাহা করিতে তিনি কখনও কুণ্ঠিত হইতেন না। তাঁহার কার্য্যে, বাক্যে ও রচনায় তাঁহার অসামান্য নির্ভীকতা ও তেজস্বিতার ভূরি ভূরি নিদর্শন পাওয়া যায়।

তাঁহার দেশভক্তি অতুলনীয়। তিনি প্রাণের সহিত দেশকে ভাল বাসিতেন। দেশের উন্নতিকল্পে তাঁহার হৃদয় ও মস্তিষ্ক সর্বদা নিয়োজিত থাকিত। দেশে শিক্ষাবিস্তারের জন্য তিনি আজীবন আগ্রহ প্রকাশ করিয়াছেন। নাটোরে নিজ ব্যয়ে তিনি একটি বিদ্যালয় স্থাপন করিয়াছিলেন এবং বহু বিদ্যালয়ে তিনি অর্থসাহায্য করিয়াছিলেন। কিন্তু অনেক স্থলেই তিনি বলিয়াছেন যে শিক্ষাবিস্তারই এই বহুব্যাধিসমাক্রিষ্ট দেশের উন্নতির একমাত্র উপায় নহে। শিক্ষার সহিত সামাজিক ও নৈতিক উন্নতিরও প্রয়োজন। সামাজিক সংস্কারের জন্য তিনি যে কিরূপ আগ্রহের সহিত ‘সমাজোন্নতিবিধায়িনী’ সভা প্রতিষ্ঠা করেন এবং জ্ঞানশিক্ষাপ্রচলন, বাল্যবিবাহ ও বহুবিবাহ নিরাকরণ ও বিধবাবিবাহ প্রচলনের চেষ্টা করিয়াছিলেন, এতলে তাহার পুনরুজ্জীবন নিশ্চয়োজ্ঞ।

ধর্মবিষয়ে তিনি রামমোহন রায়ের সহিত একমত ছিলেন। কার্পেন্টার প্রণীত রাজা রামমোহন রায়ের প্রসিদ্ধ জীবনচরিতে রাজাকে একেশ্বরবাদী খৃষ্টীয়ান প্রতিপন্ন করিবার চেষ্টা হইয়াছে। ১৮৬৬

খৃষ্টানদের ‘কলিকাতা রিভিউ’ পত্রে উক্ত জীবনচরিতের সমালোচন-
প্রসঙ্গে কিশোরীচাঁদ লিখিয়াছেন :—

“আমরা এটুকু স্বীকার করিতে পারি যে একেশ্বরবাদী খৃষ্টানদিগের
উপাসনামন্দিরে উপস্থিতি এবং তাঁহাদের প্রচারিত ধর্মমতের প্রতি
স্পষ্ট সহানুভূতি হইতে উক্ত সম্প্রদায়ের ব্যক্তিগণের তাঁহাকে সমধর্মী
বলিয়া বিবেচনা করিবার অধিকার জন্মিয়াছিল। সেইরূপ, বেদান্ত-
বাদিগণের প্রতি তিনি যে পরিমাণে আশ্রয় ও আনুকূল্য দান করিয়া-
ছিলেন তাগাতে সম্ভবতঃ তিনি বেদান্তবাদী ছিলেন এইরূপ প্রতীতি
জন্মিতে পাবে। আবার মহম্মদীয় ধর্মমতের বিশেষ বিশেষ উপদেশ
তিনি যেক্ষণ প্রশংসাব সহিত উল্লেখ করিতেন, তাহাতে তাঁহাকে
কোবাণে বিশ্বাসী বলিয়া মনে করা অসঙ্গত নহে। কিন্তু বাস্তবিক
তিনি একেশ্বরবাদী খৃষ্টান ছিলেন না। ডাক্তার কার্পেণ্টারের উপরি-
উদ্ধৃত সাক্ষ্য বাক্য হইতেই প্রমাণ হয় যে লণ্ডন নগরে অবস্থানকালে
যদিও তিনি তাহাদের উপাসনা-মন্দিরে উপস্থিত হইতেন তথাপি তিনি
কোনও ধর্মসভায় একপভাবে যোগদান করিতেন না, যাহাতে উক্ত
সভাব কার্যাবলী বা মতামতের জন্য তাঁহার উপর কোনরূপ দায়িত্ব-
স্থাপন করা যায়। আমরা একথাও বলিব, যদিও তাহাতে পুরাতন
যুগের ব্রাহ্মগণ বিস্মিত বা ক্ষুব্ধ হইতে পারেন যে, তিনি বেদান্তবাদীও
ছিলেন না। বস্তুতঃ কোন বিশেষ সম্প্রদায়ের ধর্মমতের পোষকতা
বা উপাসনা স্থানে উপস্থিত হইতে তাঁহার নিজ ধর্মমত নির্ণয় করিতে
যাওয়া নিতান্তই নিষ্ফল। রামমোহন রায় আসলে একেশ্বরবাদী
ছিলেন। আমরা এই পত্রে বিংশতি বৎসর পূর্বে যাহা বলিয়াছিলাম
এখনও তাহাই বলিতেছি যে, তিনি ধর্মবিষয়ে বেঙ্ঘামের দার্শনিক
পন্থার অনুগামী ছিলেন, অর্থাৎ পৃথিবীর বিভিন্ন ধর্মমতগুলির বিষয়ে

তিনি সত্যাসত্যের বিচার না করিয়া কেবল তাহাদের কোনটির দ্বারা মানবেব কি পরিমাণ কল্যাণ সাবিত হইয়াছে এবং কোনটি কি পরিমাণে মানুষের সুখবর্দ্ধন ও ভঃখহ্রাস করিবার পক্ষে অধিকতর উপযোগী, তাহাই বিচার করিতেন। সুতরাং তিনি কোন বিশেষ ধর্মমতেব পোষকতা করিয়াছিলেন বসিয়া সেই মত অবলম্বন করিয়াছিলেন একুপ মনে করা যায় না। তিনি সমস্ত কুসংস্কারাচ্ছন্ন ধর্মগুণিকে সংস্কার দ্বারা একেশ্বরবাদে পরিণত করিবার চেষ্টা করিয়াছিলেন। তিনি সুপ্তৈদশী, সুজ্ঞবুদ্ধি, নির্ভীক ও গভীর চিন্তাশীল ছিলেন, এবং ধর্মজগতে বিপ্লব উপাধৃত করাই তাঁহার উদ্দেশ্য ছিল। দৃষ্টান্ত হইতে মূলমন্ত্র আবিষ্কার করিবার—বাস্ত হইতে সমস্তের ধারণা করিবার,— তাঁহার ঈশ্বরদত্ত ক্ষমতা ছিল, এবং তন্ন তন্ন কাবার সত্যেব উদ্ধার ও প্রচার কাববার ইচ্ছা অতি প্রবল ছিল; অহজন্ম তিনি বাইবেল, কোবান ও বেদ অভিনিবেশ ও বিচারপূর্বক পাঠ করিয়াছিলেন। তাহাতে তিনি এই সিদ্ধান্তে উপনীত হন যে, বেদ একেশ্বরবাদেবই উপদেশ দিাছে এবং এদেশের পৌত্তলিকতাসূচক আচারাদি পুৰাতন ধর্মমতের বিকৃতি মাত্র। তিনি প্রকাশ্যভাবে পৌত্তলিকতার নিন্দা করিয়াছিলেন, এবং তাহার বনাশসাধন ও বেদেব পুৰাতন ও বিচারসঙ্গত ধর্মমতের পুনরুজ্জীবনই তাহার জীবনেব ঈশ্বরনির্দিষ্ট কার্য্য বলিয়া প্রচার করিয়াছিলেন। বাইবেলের উপদিষ্ট ধর্মনীতি অতি বিশুদ্ধ ও উচ্চতম বলিয়া তাঁহার ধারণা হইয়াছিল এবং সেইজন্য তিনি তাঁহার দেশবাসিগণের নিকটে উহা যথাসাধ্য বিশদরূপে ব্যাখ্যা ও প্রচার করিবার প্রয়াস পাইয়াছিলেন। তাঁহার লিখিত ‘খৃষ্টীয় জনসাধারণের প্রতি অনুরোধ’ নামক তিনটী প্রবন্ধ, উপনিষদসমূহের ব্যাখ্যা এবং ‘তোফতুলমোয়াহেদিন’ নামক পারস্য ভাষায় রচিত গ্রন্থ

হইতে প্রতীয়মান হয়, তিনি কিরূপ অসাধারণ বিচার-কৌশল ও অশ্রান্ত উৎসাহের সহিত প্রতিপন্ন করিয়াছিলেন যে, পৃথিবীর মধ্যে সুপ্রতিষ্ঠিত তিনটী প্রধান ধর্ম সংগঠনের মূলেই একেশ্বরবাদ বিরাজ করিতেছে। তাঁহার দেশের প্রচলিত ধর্মমতের উপর সাধারণ একেশ্বরবাদ সংরোপণ করাই তাঁহার মহৎ উদ্দেশ্য ছিল। কিন্তু আমরা বলিয়াছি, তিনি একেশ্বরবানী খুঁটান ছিলেন না। তাঁহার একেশ্বরবাদ চ্যানিং, কার্পেটার, প্রীষ্টলি, পার্কার প্রভৃতির একেশ্বরবাদ হইতে তত্ত্বতঃ ভিন্নরূপ। উহা একরূপ উদার একেশ্বরবাদ। উহা দার্শনিক একেশ্বরবাদ। উহা স্বাভাবিক একেশ্বরবাদ, যাহা প্রাচীন গ্রীস ও রোমের দার্শনিকগণ মানিতেন। বিভিন্ন ধর্মমতের প্রধান উপদেশ-গুলির তিনি যে পোষকতা করিয়াছিলেন তাহা অব্যবহিতচিন্ততার লক্ষণ বলিয়া ভ্রম হইতে পারে, কিন্তু বস্তুতঃ তাহা তাঁহার utilitarianism বা উপযোগিতাবাদের ফল মাত্র। তিনি বাইবেল, বেদ ও কোরাণের একেশ্বরবাদের সমর্থন করিতেন বটে, কিন্তু পৌত্তলিকতার কোনও প্রশ্রয় দেন নাই। হিন্দুসংস্কারকগণের মধ্যে যেরূপ সংসাহস সচবাচর দৃষ্ট হয় না, সেইরূপ সংসাহসের সহিত তিনি হিন্দু, মুসলমান ও খৃষ্টীয় ধর্মের পৌত্তলিকতাসম্মত কুসংস্কারগুলির প্রতি পক্ষপাতশূন্য হইয়া কঠোরভাবে মন্তব্য প্রয়োগ করিয়াছিলেন। এই নিরপেক্ষ কঠোর পুত্তলিবিরোধী যে সকল প্রতিষ্ঠিত ধর্মমত স্পষ্টভাবে আলোচনা করিয়াছিলেন, তাহার সকলগুলি হইতে কুসংস্কার ও নরপূজা বিলোপ ও অপসারণ করিয়া কেবল একেশ্বরবাদের সবল ও সার তথ্যগুলি গ্রহণ করিয়াছিলেন।

কেহ কেহ বলেন, রামমোহন রায়ের নিজের কোন স্পষ্ট ধর্মমত বা বিশ্বাস ছিল না, তিনি স্বাধীন ভাবুক মাত্র ছিলেন। কিন্তু তাঁহার

সমস্ত জীবনচরিত আলোচনা করিলে এরূপ অমুযোগ ভিত্তিহীন বলিয়া প্রতিপন্ন হয়। তিনি কোন বিশেষ সম্প্রদায়ভুক্ত ছিলেন না ইহা সত্য, এবং কোন নূতন ধর্ম প্রচার করিবার প্রয়াস পান নাই ইহাও সত্য। তাঁহার জীবনের প্রধান লক্ষ্য ছিল, কিসে ঈশ্বর ও মানবের প্রতি মানবের প্রেম বর্দ্ধিত হয়। এই উদ্দেশ্য সফল করিবার মানসে তিনি একমাত্র সত্য ও জাগ্রত ঈশ্বরের সাক্ষ্যজনীন উপাসনাপদ্ধতির প্রচলনের উদ্দেশ্যে বর্ণভেদ ও ধর্মমতভেদ বিচার না করিয়া সকল ধর্মসম্প্রদায়ের লোককে একত্র করিবার প্রয়াস পাইয়াছিলেন।”

কৃষ্ণদাস পাল লিখিয়াছেন, কিশোরীচাঁদ স্বয়ং উপরিলিখিত ধর্মমতের অনুবর্তী ছিলেন তাহাতে সন্দেহ নাই।

পরিশিষ্ট

হরিশ্চন্দ্র মুখোপাধ্যায়ের স্বর্গারোহণে কিশোরীচাঁদ (ক)

(১৮৬১ খৃষ্টাব্দের ২২শে জুন দিবসের 'ইণ্ডিয়ান ফীল্ড' পত্রে

প্রকাশিত কিশোরীচাঁদ মিত্র লিখিত প্রবন্ধের

ভাবানুবাদ)

হরিশ্চন্দ্র মুখোপাধ্যায়ের মৃত্যু,—যে শোকাবহ ঘটনা বিগত শুক্র-বার ১৪ই জুন দিবসে সংঘটিত হইয়াছে, তাঁহার দেশবাসিগণ কর্তৃক যথার্থই একটি জাতীয় শোকের বিষয় বলিয়া বিবেচিত হইয়াছে। তাঁহাদিগের মনে তাঁহার নাম দেশপ্রাণতার সহিত বিজড়িত, এবং অধিকাংশ ব্যক্তিরই মনে জন-সাধারণের, এবং তাঁহাদিগের স্বাভাবিক নেতা—জমিদারগণের উন্নতিকল্পে আত্মোৎসর্গের সহিত সংশ্লিষ্ট।

হরিশ্চন্দ্রের নামে, আমরা দিগের মনে কোনও ভাবতীয়া ঋণের কথা উদিত হয় না—যিনি রামমোহন রায়ের ন্যায় দেশে নৈতিক ও আধ্যাত্মিক নবজীবনের প্রতিষ্ঠাকল্পে প্রবৃত্ত করিয়াছিলেন; মনে হয়,—সেই সর্বপ্রকার অন্যায় ও অত্যাচারের পরম শত্রুর বিষয়, নীলকরগণের নিঃস্বপ্ন অত্যাচার, অনধিকারচর্চাকারী অসংযত উপদ্রব, এবং রাজকর্মচারিগণের অন্যায় ও অবৈধ কার্যপ্রণালী যাহার তীব্র সমালোচনার লক্ষ্য ছিল, ক্ষমতার অপব্যবহার ও শক্তির অপচারে বিধিসঙ্গত বাধাপ্রদানের সহিত তাঁহার নাম অচ্ছেদ্য ভাবে সংশ্লিষ্ট। যখন সমগ্র বঙ্গদেশ তাঁহার বিয়োগে কাতর, এবং তাঁহার যশোগানে মুখরিত, সেই সময়ে বর্তমান লেখকের পক্ষে, যথাযথভাবে তাঁহার চরিত্রবিশ্লেষণ ও সম্পূর্ণরূপে তাঁহার জীবন-

কথা বর্ণন সময়োপযোগী হইবে না। সুতরাং কিছুমাত্র অতিরঞ্জিত না করিয়া, কিছুমাত্র গোপন না করিয়া, অতি অল্প কথায় তাঁহার কঠোর অথচ কোমল চরিত্রের পরিচয় প্রদানে প্রয়াস পাইব। বর্তমান লেখক এই রচনার বিষয়ীভূত মহাত্মার সহিত সাধারণের কার্যে এবং ব্যক্তিগতভাবে, সাহিত্যক্ষেত্রে ও রাজনীতিক্ষেত্রে মিলিত ছিলেন। তাঁহার বহু পরিচিত বন্ধু অপেক্ষা তিনি তাঁহাকে স্মৃতি-তরভাবে ও সমভাবে পর্যবেক্ষণ করিয়াছেন। তিনি তাঁহার মনের সর্বাপেক্ষা অনমনীয় অবস্থা প্রত্যক্ষ করিয়াছেন—যে অবস্থা তাঁহার স্বাভাবিক হইলেও বোধ হয় সর্বাপেক্ষা সুন্দর নহে। যদ্বারা মানুষের আভ্যন্তরীণ জীবনের সুন্দর অন্তর্দৃষ্টিলাভের সুযোগ প্রাপ্ত হওয়া যায়, লেখক তাঁহার ব্যক্তিগত জীবনের সেই সকল অবস্থা অবলোকন করিয়াছেন। লেখক এই সকল বিষয়ের উল্লেখ করিয়া তাঁহার যোগ্যতা প্রতিপন্ন করিতেছেন না, কেবল মাত্র এই বিষয়ে হস্তক্ষেপ করিবার কারণ প্রদর্শন ও আত্মপক্ষ সমর্থন করিতেছেন।

বর্তমান শাসনপ্রণালীতে কোনও প্রতিভাবান্ বা শিক্ষিত হিন্দুর জীবনের ঘটনা অসাধারণ বা বৈচিত্র্যময় হওয়া অসম্ভব। সামাজিক, রাজনৈতিক ও সাময়িক উন্নতির পথ রুদ্ধ থাকায়, তাঁহাকে সচরাচর কলিকাতার কোনও আফিসে কেরাণীরূপে অথবা অত্যন্ত সৌভাগ্য থাকিলে, কোনও পরগণার বা মহকুমার তালুকদার বা সাবর্ডিনেট ম্যাজিষ্টেটরূপে, কোনও ক্রমে জীবন অতিবাহিত করিতে হয়। দেশের সকল প্রকার উচ্চপদ হইতে বঞ্চিত হইয়া, তাঁহারা কেরাণীর ডেস্কে ও ক্ষুদ্র কাছারীতে উৎসর্গীকৃত শক্তিকে কোনও বিস্তৃত প্রদেশশাসনের ক্ষমতায় বিকশিত করিতে পারেন না। যে প্রতিভা মহাত্মা আক্বরের সৈন্যগণকে বিজয়-বৈজয়ন্তী প্রদান করিয়াছিল, এবং

সাম্রাজ্যের কোষাগার সমৃদ্ধিশালী করিয়াছিল ; অবিশ্রান্ত লেখনী চালাইয়া, খাজানা জাদায় কবিতা, অথবা চোর ধবিত্তা, সে প্রতিভার স্ফূরণ হওয়া অসম্ভব। সাক্ষি দুই শত বয় পূর্বে হরিশ্চন্দ্র হয়ত টোড়ব মল্ল অথবা আবুল ফজল হইতে পাবিতেন। কিন্তু যে শাসনপদ্ধতিতে সমস্ত শক্তি অপচিৎ হয় এবং সমস্ত প্রতিভা বিনষ্ট হয়, তাহাবই ফলে, তিনি সামান্য কেরানীব ন্যায় জীবন আবস্ত করিয়াছিলেন এবং সহকারী মিলিটারী অডিটর কপে জীবনের চরম-সীমায় উপনীত হইয়াছিলেন।

১৮২৪ খৃষ্টাব্দে কলিকাতার উপকণ্ঠে ভবানীপুরে হরিশ্চন্দ্র জন্মগ্রহণ করেন। তিনি কোনও কুণীন বাক্ষণেব সর্বকনিষ্ঠ পুত্র। তাহাব পিতামাতা হিন্দুধর্মে বিশেষ আস্থাবান্ ছিলেন। অনেক সম্ভ্রান্ত পরিবাবেব সাতও তাঁহাদিগেব সম্বন্ধ ছিল ; কিন্তু অনেক সম্ভ্রান্ত পরিবাবেব ন্যায় তাঁহাদিগেব সামসাবিক অবস্থা অত্যন্ত হীন ছিল। হরিশ্চন্দ্রেব সাত বৎসর বয়স্ক্রেমেব সময়ে তাঁহাবা তাঁহাকে বজবিসয় পাবদর্শী ও ধর্ম্মশীলতার জন্য বিখ্যাত স্বর্গীয় বেভারেণ্ড মিঃ পিফার্ডেব তত্ত্বাবধানে পবিচালিত ইউনিয়ন স্কুল নামক মিশনবী (অথবা স্বাধানভাবে পরিচালিত) বিদ্যালয়ে প্রাবষ্ট করাষ্টয়া দেন। এইখানে তিনি প্রাথমিক শিক্ষা প্রাপ্ত হন। তিনি আট বৎসব কাল বিদ্যালয়ে অধ্যয়ন করিয়াছিলেন, কিন্তু এই সময়েব মধ্যেই তিনি শিক্ষকবৃন্দেব উচ্চ প্রশংসা অর্জন করিয়াছিলেন এবং ঐ বিদ্যালয়েব প্রতিষ্ঠাতা ও তত্ত্বাবধায়ক মিঃ পিফার্ডেব সম্মেহ ব্যবহারে উৎসাহপ্রাপ্ত হইয়াছিলেন। মিঃ পিফার্ডেব সেই সতত স্নেহশীল ও সদয় ব্যবহার তাঁহার হৃদয়ে যে গভীর কৃতজ্ঞতার সৃষ্টি করিয়াছিল, তাহা তাঁহার জীবনেব শেষ মুহুর্ত পয্যন্ত বিলীন

হয় নাই। একদিন আমাদিগের বাটীতে কলিকাতার ব্যারিষ্টার মিঃ সি পিফার্ডের সহিত হরিশ্চন্দ্রের সাক্ষাৎ হয়। তাঁহার কোনও প্রশ্নের উত্তরে মিঃ পিফার্ড বলেন, তিনি রেভারেণ্ড মিষ্টার পিফার্ডের পুত্র। ইহা শুনিয়া হরিশ্চন্দ্রের অশ্রু উথলিয়া উঠিয়াছিল। তথাপি এমন লোকও আছেন, যাহারা এতদেশবাসীর হৃদয়ে কৃতজ্ঞতা নামক কোনও বৃত্তির অস্তিত্বই স্বীকার করেন না।

বাল্যে হরিশ্চন্দ্রের যে প্রতিভা লক্ষিত হইয়াছিল, যৌবনে তাহা আশাতীতরূপে বিকশিত হইয়াছিল। তিনি পাঠে দ্রুতগতিতে উন্নতি লাভ করিয়াছিলেন এবং শীঘ্রই মফঃস্বলস্থ প্রাথমিক শিক্ষালয়ের উচ্চতম শ্রেণীর পাঠাসমূহে অসাধারণ অধিকার লাভ করিয়াছিলেন। ১৮৩৯ খৃষ্টাব্দে তিনি বিদ্যালয় পরিত্যাগ করেন, এবং পর বৎসর হিন্দু-কলেজের উচ্চ বৃত্তির জন্য (senior scholarship) পরীক্ষা প্রদান করেন। দুর্ভাগ্যক্রমে তিনি উহাতে অকৃতকার্য হন। তাঁহার সাংসারিক অবস্থা বিনা বেতনে শিক্ষালাভ ব্যতীত অন্য উপায়ে কলেজের উচ্চশিক্ষালাভের অন্তরায় হওয়াতে, তাঁহাকে ইচ্ছার বিরুদ্ধে বাধ্য হইয়া সংসারে প্রবিষ্ট হইতে হয়। প্রথমে তিনি তৎকালীন নীলামদার টলা এণ্ড কোম্পানীর অফিসে মাসিক ১২ টাকা বেতনে কেরানীর কর্মে নিযুক্ত হন। ১৮৪৮ খৃষ্টাব্দে মিলিটারী অডিটর-জেনারেলের অফিসে একটী কেরানীর পদ শূন্য হওয়ায়, উহার জন্য তিনি আবেদন করেন। ঐ পদের মাসিক বেতন ২৫ টাকা মাত্র, কিন্তু প্রার্থী অনেক ছিলেন। তাহাদিগের পরীক্ষা গ্রহণ করা হইল; কারণ, তখন এই পরীক্ষাগ্রহণের বাতুলতা (Mania) আরম্ভ হইয়াছে। মিষ্টার জর্জ কেলনার পরীক্ষক ছিলেন। পরীক্ষার বিষয় ছিল একটী প্রবন্ধরচনা এবং পাটীগণিত। সমস্ত কাগজ দেখিয়া

মিষ্টার কেলনার হরিশ্চন্দ্রের উত্তরপত্র সর্বোৎকৃষ্ট বলিয়া অভিমত প্রকাশ করিলেন। এইরূপে তিনি কেরানীজীবনে প্রতিষ্ঠিত হইলেন। এই কেরানীজীবনের প্রভাব, ফ.হা. সচরাচর প্রতিভা নির্ক্ষিপিতপ্রায় করে, হরিশ্চন্দ্রের মানসিক গঠনের উপর তাদৃশ অনুৎসাহজনক অধিকার বিস্তার করিতে পারে নাই। উহা তাঁহার সুন্দর বলিষ্ঠ প্রতিভা নির্ক্ষিপিত করে নাই—করিতে পারে নাই। কিন্তু কিছু থর্স করিয়াছিল। তাঁহার উর্দ্ধতন কর্মচারিগণ শীঘ্রই তাঁহার কর্মনিপুণতা স্বীকার করিলেন এবং তাহার সদ্যবহার করিতে আরম্ভ করিলেন। তাঁহারা হরিশ্চন্দ্রকে জ্ঞানার্জ্জনে উৎসাহ প্রদান করিতেন। তিনি অসাধারণ অধ্যবসায় সহকারে উচ্চ জ্ঞান অর্জন করিতে লাগিলেন। এই সময়ে তিনি বহুবিধ পুস্তকাদি পাঠ করিয়াছিলেন। এইরূপ একজন কর্মচারী আমাদিগকে বলিয়াছেন যে, হরিশ্চন্দ্র প্রায়ই নিজের সংগ্রহ হইতে ও কলিকাতা পাব্লিক লাইব্রেরী হইতে পুস্তক আনাইয়া তাঁহাকে পড়িতে দিতেন। অধিকাংশ হিন্দু যুবক, যাহারা বিদ্যালয়-পরিচালনার সহিত পুস্তকাদির নিকট চিরবিদায় গ্রহণ করেন, তাঁহাদিগের অপেক্ষা তিনি কত বিপরীতভাবাপন্ন ও কত শ্রেষ্ঠ ছিলেন! যাহাদিগের বিশ্বাস যে, শৈশবে মানুষের শিক্ষা আরম্ভ হয় এবং মৃত্যুতে শেষ হয়, তিনি তাঁহাদিগের অন্যতম ছিলেন এবং এতদ্দেশবাসীর পরম মিত্রগণের নিকট হইতে “এতদ্দেশে প্রতিভাশালী বালক আছে, কিন্তু প্রতিভাশালী মনুষ্য নাই”—এই যে অভিযোগ প্রায়ই শ্রবণ করা যায়, সংসারে প্রবিষ্ট হইয়াও হরিশ্চন্দ্রের এই অসাধারণ শিক্ষামুরাগ সেই অভিযোগের প্রকৃত প্রতিবাদ। তাঁহার পাণ্ডিত্য তত গভীর ছিল না, কিন্তু তিনি ইতিহাস, অর্থনীতি ও রাজনীতিবিষয়ক বহুসংখ্যক পুস্তক পাঠ করিয়াছিলেন। তাঁহার

মনের চিন্তাশীল ভাব, অসাধারণ তর্কশক্তি, অপূর্ণ মেধা, বাহ্য পড়িতেন,—তাহা নিজস্ব কবিবার বিশ্ময়কর ক্ষমতা, এবং রাজনীতিতে অগ্রগতির ফলে তিনি অল্প বয়সেই খ্যাতি অর্জন করিয়াছিলেন। শীঘ্রই তিনি লেখনী ধারণ করিলেন, এবং ১৮৪৯ খৃষ্টাব্দে তাঁহার এক বন্ধুর সহিত পরিচালিত একটি সাময়িক পত্রে তাঁহার অধ্যবসায়ের ফল ও সাহিত্যিক প্রতিভা প্রকাশিত হইল। বেঙ্গল রেকর্ডারে তাঁহার প্রথম রচনাশক্তি বিকাশপ্রাপ্ত হয়। কিন্তু ‘হিন্দুপেটিয়ট’ প্রতিষ্ঠার * পূর্বে সাহিত্যক্ষেত্রে তিনি যশঃ অর্জন করেন নাই। তাঁহার সম্পাদকত্বে ‘হিন্দুপেটিয়ট’ শীঘ্রই অতি উচ্চ সোপানে আবোহণ কবিয়াছিল। উহা দেশবাসীর মুখপত্রস্বরূপ হইল এবং সাধারণ বিষয়ে লোকমত অবগত হইবার জন্য উৎসুক গবর্ণমেন্টের নিকট বাজভক্তি জ্ঞাপনের উপায়স্বরূপ হইল।

কিন্তু হিন্দুপেটিয়ট দেশবাসী কতক প্রকাশিত প্রথম ইংবাজী সংবাদপত্র নহে। সর্বপ্রথম সংবাদপত্র Reformer (সংস্কারক) প্রসন্নকুমার-ঠাকুর কর্তৃক পরিচালিত হয়, এবং তিনিই উহা স্বহাধিকাৱী ছিলেন। তাহার পব রেভারেণ্ড কৃষ্ণমোহন বন্দ্যোপাধ্যায় তাঁহার Enquirer (জিজ্ঞাসু) প্রকাশ করেন। কিন্তু তাঁহার সংশয় দূর হইবামাত্র ঐ কাগজ বন্ধ হয়। হিন্দুদিগের মধ্যে জ্ঞানালোক-বিস্তার কল্পে প্রতিষ্ঠিত অন্যান্য অধুনাবিলুপ্ত পত্রিকাৱ মধ্যে ‘জ্ঞানাবেষণ’ই শ্রেষ্ঠ। ইহা সাপ্তাহিক এবং দ্বিভাৱী পত্রিকা ছিল, এবং

* ‘বেঙ্গলী’ পত্রিকাৱ প্রবর্তক ও প্রথম সম্পাদক দেশপ্রাণ মহাত্মা িরিশচন্দ ঘোষ কর্তৃক ‘বেঙ্গলরেকর্ডার’ ও ‘হিন্দুপেটিয়ট’ উভয় সংবাদ পত্রই প্রতিষ্ঠিত হয়। সংপ্রকাশিত Life of Grish Chunder Ghose নামক পুস্তকে এই পত্রিকাৱয়ের ইতিহাস বর্ণিত হইয়াছে। ঐদগ্ধথনাব ঘোষ।

স্বর্গীয় রসিককৃষ্ণ মল্লিক কর্তৃক সম্পাদিত হইত। ‘জ্ঞানাবেষণে’র পরে ‘বেঙ্গল স্পেক্টেটর’ নামক আর একটি দ্বিভাষী সাপ্তাহিক পত্রের উদয় হয়। ইহা বাবু রামগোপাল ঘোষ ও বাবু প্যারীচাঁদ মিত্র কর্তৃক সম্পাদিত হইত এবং ইহার জীবনকালে নিপুণতা ও কৃতকার্যতার সহিত সমাজসংস্কারের জন্য যুঝিয়াছিল। কাশীপ্রসাদ ঘোষের ‘হিন্দু-ইন্টেলিজেন্সার’ ও দেশের অনেক উপকার সাধন করিয়াছিল। বৈতা-ষিকতা ‘জ্ঞানাবেষণ’ ও ‘বেঙ্গল স্পেক্টেটরে’র স্বল্পায়ুর কারণ। হরিশ্চন্দ্র এই ভ্রান্তপথ পরিহার করিয়াছিলেন। ‘হিন্দুপেট্রিয়ার্ট’ সর্বদাই স্বাধীনভাবে আপনার মত ব্যক্ত করিয়াছে, এবং অত্যাচারীর বিপক্ষে অত্যাচারিতের পক্ষে আপনাকে নিয়োজিত করিয়াছে। ইহার সাধারণ ও রাজনৈতিক বিষয়সমূহের আলোচনার অসাধারণ দক্ষতা ও বিচারশক্তি প্রকটিত হইত। মাকু’ইস্ অব ড্যালহৌসির সর্বগ্রাসিনী নীতি ও অন্যান্য অবৈধ আচরণের নির্ভীক প্রতিবাদ হরিশ্চন্দ্রকে সম্পাদক-শ্রেণীর সর্বোচ্চ আসনে প্রতিষ্ঠিত করিয়াছিল। তাহার পর সিপাহীবিদ্রোহ আরম্ভ হইল। বিদ্রোহিগণের নৃশংস অত্যাচার ইংরাজ-গণের ক্রোধাদি প্রবল রিপুগণকে উত্তেজিত এবং তাঁহাদিগের বিচার-শক্তিকে খর্ব করিল। তাঁহারা জ্ঞানশূন্য হইয়া অবিলম্বে প্রতিহিংসা-গ্রহণের জন্য আন্দোলন আরম্ভ করিলেন। সেই সময়ে ‘পেট্রিয়ার্ট’ এই সকল উন্নত ব্যক্তিগণের ও ভীত জনসাধারণের মধ্যে শান্তিপ্রতিষ্ঠা-কল্পে দণ্ডায়মান হইয়া দেশের অমূল্য উপকার সাধন করিয়াছিল। যখন ভারতবর্ষের ইতিহাসে অদৃষ্টপূর্ব সঙ্কটকাল উপস্থিত, এবং বেসরকারী যুরোপীয়গণ লর্ড ক্যানিংএর পদচ্যুতির প্রার্থনা এবং দলবদ্ধ হইয়া তাঁহার শাসনকার্যে বাধাপ্রদান করিতেছিলেন, তখন ‘পেট্রিয়ার্ট’ এই উন্নত ও অজ্ঞান আন্দোলনকারিগণকে তীব্র ভাষায় ভৎসনা করিয়া-

ছিলেন, দেশবাসিগণকে গবর্ণমেন্টের পক্ষে সমবেত হইবার নিমিত্ত আহ্বান এবং তারতবর্ষের প্রতি ন্যায়সঙ্গত ব্যবহার করিবার জন্য উচ্চকণ্ঠে প্রার্থনা করিয়াছিলেন।

নীলবিপ্লবে এই স্বদেশহিতৈষী (patriot) যে কার্য্যকারিতা প্রদর্শন করিয়াছিলেন, তাহা তাঁহার দেশবাসিগণের কৃতজ্ঞতার অন্যতম কারণ। আমাদিগের সহযোগী দুর্বল প্রজাগণের একজন কর্মনিপুণ, উপযুক্ত ও নির্ভীক পক্ষসমর্থক হইয়াছিলেন। তাঁহার অকাটা যুক্তি ও অশেষবিধ দৃষ্টান্তমূলিত আক্রমণের প্রতিবাদ নীল-করগণের পক্ষে অসম্ভব হইয়া উঠিয়াছিল।

‘হিন্দুপেট্রিয়ার্টে’ নীলকরগণের অত্যাচারের মর্শ্মস্পর্শী ও অবিশ্রান্ত প্রতিবাদ করিয়া যে উচ্চস্বর উখিত হইত, তাহাতেই এই অসাধারণ বাঙ্গালীর চরিত্রেব প্রধানতম বৃত্তিগুলির স্বরূপ ও বিকাশ দেখিতে পাওয়া যায়। সে স্বর আন্তরিক স্বদেশপ্রেমিকের কণ্ঠস্বর। আমরা গভীর চিন্তার পর হরিশ্চন্দ্রকে অসাধারণ বাঙ্গালী বলিয়া অভিহিত করিয়াছি সত্য, কিন্তু তাঁহার পাণ্ডিত্য অতি গভীর ছিল না। হয় ত তিনি প্রেসিডেন্সী কলেজের নিম্নতম শ্রেণীর চতুর ছাত্রগণের ন্যায় সুন্দরকপে দেঙ্গপায়ের বা মিল্টন আবৃত্তি করিতে পারিতেন না, কিন্তু তিনি প্রাকৃত, অপূর্ব ও অনন্যসাধারণ মানসিক বলের অধিকারী ছিলেন। তিনি বিরূপ হীন অবস্থায় জীবন অরন্ত করিয়াছিলেন, তাহা পূর্বেই উক্ত হইয়াছে। কিন্তু তাঁহাতে যে প্রতিভা ছিল, তাহা অকৃত্রিম, সে বিষয়ে সন্দেহ নাই। দারিদ্র্য উহাকে খর্ব করিতে পারে নাই। কখন শক্তিপ্রয়োগের উপযুক্ত কাল, তাহা তিনি জানিতেন, এবং দেশে রাজনৈতিক নবজীবনের প্রতিষ্ঠাকালে তিনি আপনাকে উৎকৃষ্ট করিয়াছিলেন। তাঁহার মধ্যে বাহ্য কিছু মহৎ ছিল, বাহ্য কিছু

অকিঞ্চিংকর ছিল, সমস্তই তিনি এতই উদ্দেশ্যসিদ্ধির নিমিত্ত নিয়ত নিয়োজিত করিবার সঙ্কল্প করিয়াছিলেন। সেই সংকল্পসিদ্ধির জন্য যে সকল অসুষ্ঠান প্রয়োজনীয়, তাহাই তিনি কর্তব্য বলিয়া স্বীকার করিতেন। সেই সংকল্পসিদ্ধিই তাঁহার জীবনের উদ্দেশ্য ছিল। যাহারা সেই সংকল্পসিদ্ধির পক্ষে বাধা প্রদান করিতেন, তাঁহারাষ্ট তাঁহার শত্রু ছিলেন। যদিও তিনি সামাজিক ও নৈতিক সংস্কার বিষয়ে একেবারে উদাসীন ছিলেন না, তথাপি (আমাদিগের বোধ হয়, তিনি ভুল বুঝিয়াছিলেন) রাজনীতিক অবস্থার উন্নতির অসাধারণ কার্যকরী শক্তিতে আত্মবান ছিলেন। এইজন্য তিনি তাঁহার দেশবাসিগণের মধ্যে রাজনীতিক নবজীবন সঞ্চারের প্রয়াস পাইয়াছিলেন। তিনি সর্বদা প্রকাশ্য ভাবে এই ভাব ব্যক্ত করিতেন। আমাদিগের স্মরণ হয়, একদা আমাদিগের ভবনে ইংলণ্ড হইতে প্রত্যাবৃত্ত রেভারেন্ড ডাক্তার ডফের সাফাতে তিনি অত্যন্ত আন্তরিকতার সহিত এই ভাব প্রকাশ করিয়াছিলেন। আমাদিগের বিশ্বাস যে, কেবলমাত্র রাজনীতিক উন্নতির দ্বারা আমাদিগের দেশে নবজীবনসঞ্চাররূপ মহাকাব্য সংঘটিত হইতে পারে না। আমরা অস্বীকার করি না যে, ন্যায়সঙ্গত রাজনীতিক অধিকারলাভ দেশকে সজীবিত করিবার অন্যতম শ্রেষ্ঠ উপায় (যথা,—যে সকল রাজনীতিক ক্ষমতার অভাবে দেশ শক্তিহীন, সেই সকল অভাব মোচন কর, দেশবাসিগণকে রাজনীতিক উচ্চপদে প্রতিষ্ঠিত হইবার সুযোগ প্রদান কর; মহারাজ্যীর ধোষণাপত্রের সাধু সংকল্প পূর্ণ কর)। কিন্তু রাজনীতিক উন্নতির সহিত সামাজিক, নৈতিক ও আধ্যাত্মিক উন্নতিলাভ না হইলে যথার্থ ভারতপ্রেমিকের আশা পূর্ণ হইতে পারে না।

আমরা এই পত্রিকার স্তম্ভে ‘হিন্দুপেট্রিয়ার্টের’ স্বর্গীয় সম্পাদককে

প্রায়ই ব্রাহ্ম স্বদেশহিতৈষী বলিয়া অভিহিত করা কর্তব্য বোধ করিয়াছি ; কিন্তু এক মুহূর্তের জন্যও আমরা তাঁহার স্বদেশপ্রেমের অকৃত্রিমতা বা আগ্রহে সন্দেহান হই নাই ।

আমাদের আরও বিশ্বাস যে, তিনি আশা-পূর্ণ স্বদেশহিতৈষী ছিলেন, এবং আমাদিগের ও আমাদিগের অধিকাংশ বন্ধুর ন্যায় অন্ধ-কারময় বর্তমান এবং অনিশ্চিত ভবিষ্যৎ দেখিয়া ব্যথিত হন নাই । তিনি সর্বদাই প্রত্যেক অবস্থার আশা-পূর্ণ অংশটি দেখিতেন, যে সমাজে তিনি বাস করিতেন, গতায়ত করিতেন, এবং যে সমাজে তাঁহার অস্তিত্ব ছিল, তাহার ভীষণ ক্ষতপূর্ণ অঙ্গটি দেখিতে পাইতেন না । তাঁহার দেশবাসীদিগের সামাজিক ও পারিবারিক জীবন-সংক্রান্ত অনেক বিষয়ে তাঁহার যে চরম মত ছিল, তাহার কারণ তাঁহার এই মনের ভাব । আমরা অবশ্য অতি দুঃখের সহিতই এই সকল কথা বলিতেছি, ক্রোধবশতঃ নহে ; কারণ, আমরা বিশ্বাস করি যে, যথার্থ চিকিৎসকের ন্যায় ক্ষত আরোগ্যের পূর্বে ক্ষতের গভীরতম প্রদেশ পর্য্যন্ত শলাকা প্রবেশিত করা যথার্থ সংস্কারকের কর্তব্য । কিন্তু যদি সংস্কারক-রূপে হরিশ্চন্দ্রের কোনও দোষ বা ত্রুটি লক্ষিত হইয়া থাকে, তিনি তাঁহার ব্যক্তিগত চরিত্রগুণে, তাঁহার সারল্যে, তাঁহার আন্তরিকতায়, তাঁহার প্রকৃতিগত উচ্চ হৃদয়ে তাহা যথেষ্টরূপে সংশোধিত করিয়াছিলেন । তিনি যেক্রপ উচ্চমনা ছিলেন, সেইরূপ মুক্তহস্ত ছিলেন । তিনি যথার্থ অতিথিসেবাপরায়ণ ছিলেন । যে সকল বন্ধু ও পরিচিত ব্যক্তি তাঁহার আতিথেয়তার প্রতিদান দিতে পারিতেন, তিনি তাঁহাদেরই সেবা করিতেন, এমন নহে ; পরন্তু যাহারা প্রতিদান দিতে পারিতেন না, তাঁহাদিগেরই অধিকতর সেবা করিতেন । এই বিষয়ে তিনি দীশার উপদেশ বর্ণে

বর্ণে প্রতিপালন করিয়া গিয়াছেন। তাঁহার ভবানীপুরস্থ ভবনে পরামর্শ ও সাহায্যপ্রার্থীগণের সমাগমস্থল ছিল, এবং তিনি স্বকীয় স্বার্থ বিসর্জন করিয়া তাঁহাদিগকে অকাতরে পরামর্শ ও সাহায্য উভয়ই প্রদান করিতেন। ইহাই তাঁহার স্বদেশপ্রেমিকতার শ্রেষ্ঠ প্রমাণ। কারণ, অন্য দেশের ন্যায় ভারতবর্ষের বর্তমান অবস্থায় যিনি নিঃস্বার্থভাবে দেশবাসীর হুঃখমোচন ও সুখবৃদ্ধির নিমিত্ত প্রযত্ন করেন তিনিই যথার্থ স্বদেশপ্রেমিক। আত্মত্যাগে স্ফূর্তি না থাকিলে স্বদেশপ্রেমিকতা থাকিতে পারে না। যে অসাধারণ হিন্দু সম্প্রতি পরলোক গমন করিলেন, তাঁহার জীবনই ইহার সর্বোৎকৃষ্ট প্রমাণ। আমাদের আন্তরিক বিশ্বাস এই যে সেই বহুশিক্ষাপ্রদ জীবনের শিক্ষা আমাদের দেশবাসীর হৃদয়ে বিজল হইবে না। আমাদের আশা এই যে, বহুসংখ্যক শিক্ষিত দেশবাসী হরিশচন্দ্র মুখোপাধ্যায়ের পদাঙ্ক অনুসরণ করিবেন, এবং তাঁহার দ্বিগুণ শক্তি ও উৎসাহের অধিকারী হইয়া দেশে নবজীবন সঞ্চার করিতে সমর্থ হইবেন।

পরিশিষ্ট (খ)

রাজা স্যর রাধাকান্ত দেবের স্মৃতিসভায় কিশোরীচাঁদ
মিত্রের বক্তৃতা ।

(১৮৬৭ খৃষ্টাব্দে, ১৪ই মে তারিখে ব্রিটিশ ইণ্ডিয়ান এসোসিয়েশন
কর্তৃক আহৃত সভায় প্রমথকুমার ঠাকুর মহাশয়ের
সভাপতিত্বে বিবৃত ইংরাজী বক্তৃতার
ভাবানুবাদ)

বাবু প্রমথকুমার ঠাকুর এবং ভদ্রমহোদয়গণ ! আমি মদীয় পরমবন্ধু
সত্যানন্দ ঘোষাল কর্তৃক উপস্থাপিত প্রস্তাবটির সমর্থন করিতে অনুরুদ্ধ
হইয়াছি এবং বিবাদ-বিমিশ্রিত আনন্দের সহিত এই অনুরোধ পালন
করিতেছি। যে স্বর্গগত মহাত্মার স্মৃতির সম্মানার্থে আমরা এখানে
সমবেত হইয়াছি, তাঁহার প্রতি আমার শ্রদ্ধাপুষ্পঞ্জলি প্রদান
করিবার সুযোগ প্রাপ্ত হইলাম বলিয়া আমি আনন্দিত হইয়াছি।
মহাশয়, আমাদের পরলোকগত সমাজপতি মহাশয় যেদ্রুপ সরল
এবং নিষ্কলঙ্ক, ন্যায়নিষ্ঠ এবং গৌরবময় জীবন যাপন করিয়া গিয়াছেন,
আমাদের মধ্যে অতি অল্প লোকের ভাগ্যেই সেইরূপ জীবন যাপন
সম্ভব হইয়া থাকে। তাঁহার বিবেচনায় দেশের পক্ষে বাহ্য কল্যাণ নয়,
তাঁহার একাগ্র সাধনাতেই তাঁহার জীবন উৎসৃষ্ট হইয়াছিল।
যদিও তিনি সমৃদ্ধির ক্রোড়ে জন্মগ্রহণ করিয়াছিলেন, এবং উচ্চ
কুলগৌরবের অধিকারী ছিলেন, তথাপি রাজা রাধাকান্ত বিলাসী
ধনীর ন্যায় জীবন যাপন করিয়া কেবল মাত্র একজন চিরস্মরণীয়
মহাত্মার তৃতীয় বংশধররূপে পরিচিত হইতে অসম্মত ছিলেন।

শ্রমবিমুখ এশিয়াবাসীর পক্ষে যে সকল প্রলোভন দমন করা সচরাচর দুঃসাধ্য বোধ হয় সেই সকল প্রলোভনকে জয় করিয়া, বিলাসের চিরানুসৃত পন্থা পরিহারপূর্বক তিনি সাহিত্যের উন্নতিসাধন-কল্পে এবং পৃথিবীতে জ্ঞানালোক বিস্তাররূপ মহাকাব্যে তাঁহার জীবন উৎসর্গ করিয়াছিলেন। সর্বশ্রেষ্ঠ আকাঙ্ক্ষার,—স্বজাতি সেবারূপ মহান্ আকাঙ্ক্ষার দ্বারা প্রধানতঃ প্রণোদিত হইয়া সংস্কৃত সাহিত্য-জ্ঞানের প্রচার এবং পাশ্চাত্যসাহিত্য-বিজ্ঞানাদি প্রচারের পথস্বরূপ ‘মহাবিদ্যালয়ের’ প্রতিষ্ঠা ও পৃষ্ঠপোষকগণের সহিত আন্তরিকভাবে যোগদান করিয়াই তিনি শিদ্ধিলাভ করিবেন, ইহা তিনি বুঝিতে পারিয়াছিলেন। পরে হিন্দুকলেজ নামে প্রসিদ্ধ এই ‘মহাবিদ্যালয়ের’ উন্নতি ও বিস্তারকল্পে তিনি প্রাণপণ পরিশ্রম করিয়াছিলেন। ডেবিড হেয়ার কর্তৃক, প্রতিষ্ঠিত ক্ষুদ্র ক্ষুদ্র বিদ্যালয় এবং পাঠশালার উন্নতির প্রতিও তাঁহার বিশেষ লক্ষ্য ছিল এবং তিনি সেই চিরস্মরণীয় জ্ঞান-প্রচারকের অতি যোগ্য সহকারিরূপে আপনাকে নিযুক্ত করিয়া ছিলেন। সুব্যবস্থা ও সুশৃঙ্খলার সমাবেশ দ্বারা, নিয়মিত ও উত্তম-রূপে তত্ত্বাবধানের ব্যবস্থা দ্বারা, স্বীয় ভবনে মধ্যে মধ্যে পরীক্ষা-গ্রহণ পূর্বক ছাত্রগণের মানসিক উন্নতির পবীক্ষা করিয়া তিনি এই পাঠশালাসমূহের যথেষ্ট উন্নতিসাধন করিয়াছিলেন। স্কুল বুক সোসাইটী প্রতিষ্ঠিত হইলে তিনি সানন্দে স্কুলমারমতি বাগকবালিকা-গণের বোধগম্য উপযুক্ত পাঠ্যপুস্তকাদির সংকলন বিষয়ে তাঁহার উপদেশ এবং সাহায্য প্রদান করিয়াছিলেন। তিনি কিছুকাল এই সভায় অবৈতনিক দেশীয় সম্পাদকের কার্যও সম্পাদিত করিয়াছিলেন। সংস্কৃত কলেজের সম্পাদকরূপে, হিন্দুকলেজের কৃত্তম পরিচালক-রূপে, স্কুল বুক সোসাইটীর সম্পাদকরূপে, হেয়ার সাহেবের স্কুল

এবং পাঠশালাসমূহের পরিদর্শকরূপে, রাজা রাধাকান্ত এতদেখে শিক্ষাবিস্তার-বিষয়ে যে প্রশংসনীয় কার্য্য করিয়া গিয়াছেন তজ্জন্ম আমাদের কৃতজ্ঞ হৃদয়ে তাঁহার স্মৃতি চিরদিন সমুজ্জ্বল থাকিবে।

তাঁহার সময়ে জ্ঞানশিক্ষা-বিষয়ে বহু বাদানুবাদ চলিতেছিল। রাধাকান্ত দেব মধ্যবর্তী পথ অবলম্বনপূর্ব্বক অগ্ৰঃপুৰে জ্ঞানশিক্ষা-প্রবর্তন-প্রথার সমর্থন করিয়াছিলেন কিন্তু বিদ্যালয়ে জ্ঞানশিক্ষা-প্রদানের প্রথা অনুমোদন করেন নাই। এতদ্বারা প্রতীয়মান হয় যে তিনি অজ্ঞতা এবং আলস্যের মধ্যে নারাজাতিকে বর্জিত হইতে দেওয়ার কুফল সম্পূর্ণরূপে উপলব্ধি করিতে সমর্থ হইয়াছিলেন। কিন্তু রাজা রাধাকান্তের যশঃ পূর্ব্বাগামী বক্তৃগণ কর্তৃক উল্লেখিত বিরাট সংস্কৃত কোষগ্রন্থেব উপরই প্রদানতঃ প্রতিষ্ঠিত। এই বহু-শ্রমসাধ্য সাহিত্যসেবাব্রতের সাধনায় তাঁহার জীবনের শ্রেষ্ঠ অংশ নিয়োজিত ছিল এবং এই গ্রন্থখানি তাঁহার প্রগাঢ় পাণ্ডিত্যেব অক্ষয়-কীর্তিস্তম্ভস্বরূপ চিরদিন দেদীপ্যমান থাকিবে। অসংখ্য শব্দের সন্নিবেশ এবং অপূর্ব্ব শৃঙ্খলা এই কোষগ্রন্থখানিকে সংস্কৃতভাষা-শিক্ষার বিশেষ উপযোগী করিয়াছে।

একাধিক বক্তা রাজার ধর্ম্মমতের বিষয়ে বলিয়াছেন। আমার বোধ হয়, উহা ব্যক্ত না করিলেই ভাল হইত; কাবণ ধর্ম্ম কোনও বিশিষ্ট ব্যক্তি এবং তাঁহার সৃষ্টিকর্তার মধ্যে একটি গূঢ় সম্বন্ধ নির্দেশ করে এবং সাধারণতঃ জনসাধারণেব মধ্যে তাহা প্রকাশ করা অন্তর্হিত। কিন্তু আমি সকলের অপেক্ষা রাজার বিবিধ গুণগ্রামে অধিকতর মুগ্ধ হইলেও বাবু রাজেন্দ্রলাল মিত্র তাঁহার প্রতি যেক্রপ নিরবচ্ছিন্ন প্রশংসাবাক্য প্রয়োগ করিয়াছেন তাহার সম্পূর্ণ সমর্থন করিতে অসমর্থ, কারণ উহাতে মঙ্গল অপেক্ষা অমঙ্গল হওয়ার

সম্ভাবনা অধিক এবং রাজা রাধাকান্তের আত্মাই উহার অনুমোদন করিবে না। বাবু রাজেন্দ্রলাল মিত্র রাজার বিষয়ে বাহা বলিয়াছেন তাহাতে বোধ হয় যেন তিনি মানবসমাজের অগঙ্কারবিশেষ ছিলেন, যেন তাঁহাতে মানবজীবনের কোনও অসম্পূর্ণতা ছিল না, যেন তাঁহার কুসংস্কার উন্নতির অন্তরায় না হইয়া উহার সহায় হইয়াছিল। তিনি আমাদেরকে বুঝাইতে চেষ্টা করিয়াছেন যে রাজার প্রভাব কেবলমাত্র সমাজকে উন্নতির দিকে লইয়া যাইতে চেষ্টা করিয়াছিল, কখনও বিপরীত দিকে লইয়া যাইতে চেষ্টা করে নাই। এ সকল বাক্যের প্রতিবাদ না করিলে আমার বিশ্বাসবিরুদ্ধ কার্য্য করা হইবে। আমার স্থির বিশ্বাস যে, যখন তিনি লর্ড উইলিয়ম বেন্টিনের সতীদাহ-নিবারণ বিষয়ক বিধির প্রতিবাদকল্পে আন্দোলন উত্থাপিত করিয়াছিলেন, কিম্বা যখন তিনি ধর্ম্মদভার পৃষ্ঠপোষক হইয়াছিলেন, কিম্বা যখন তিনি Lex Loci আইনের প্রতিবাদ করিয়াছিলেন অথবা যখন ‘বন্ধুবর্গসমবায়’ কর্তৃক প্রেরিত বহুবিবাহ-প্রথানিবারণবিষয়ক আবেদনের প্রতিবাদ করিয়াছিলেন, তখন রাজার প্রভাব দেশের যথার্থ উন্নতির সহায় হয় নাই। যখন তিনি এই সকল আন্দোলন করিতেছিলেন তখন তিনি স্বীয় বিবেকানুযায়ী কার্য্য করিতেছিলেন তাহাতে সন্দেহ নাই, কিন্তু তিনি অজ্ঞাতভাবে উন্নতিচক্র বিপরীত দিকে আবর্তিত করিতেছিলেন। প্রত্যুতঃ, সভ্যযুগের অনেক শিক্ষিত ব্যক্তির জ্ঞান তিনি যে বিশ্বাসের এবং কুসংস্কারের মধ্যে শৈশবে বর্দ্ধিত হইয়াছিলেন সেই বিশ্বাস ও কুসংস্কারকেই চিরদিন অবলম্বন করিয়াছিলেন। তিনি উহা অতিক্রম করিয়া উচ্চতর সোপানে উঠিতে পারেন নাই এবং দেশের এই সকল প্রাচীন পদ্ধতি ও আচার ব্যবহারের প্রতি তাঁহার অমুরাগ,

শিক্ষাবিস্তার এবং অগ্রাগ্ৰ উদার দেশহিতকর অজুষ্ঠানে তাঁহার অপূৰ্ণ আগ্রহের ন্যায়ই প্রবল ছিল। কিন্তু হিন্দুধর্মে তাঁহার প্রগাঢ় ঐচ্ছা সম্পূর্ণরূপে গোড়ামী বর্জিত ছিল এবং ভিন্নধর্মাবলম্বীদিগের প্রতি দ্রিষ্টে, পরিশ্রুত হয় নাই। বস্তুতঃ তিনি সর্বদাই নিজের বিবেকান্ব-
যায়ী কার্য্য করিতেন। মানবজীবনের সর্বাপেক্ষা উচ্চ ব্যাপার—
ধর্মে—যে গুণ অত্যন্ত বিরল সেই একাগ্র আন্তরিকতা তাঁহার ছিল
সে বিষয়ে কোনও সন্দেহ নাই। তাঁহার সকল কার্য্যই তাঁহার
বিশ্বাস ও মতের অনুযায়ী ছিল। তিনি যাহা বিশ্বাস করিতেন
তাঁহাই করিতেন। তাঁহার শিক্ষিত দেশবাসীর মধ্যে অনেকেরই
বিষয় একরূপ কথা বলা যায় না—ইহাদের বিশ্বাস একরূপ কার্য্য
অনুরূপ, ইহারা প্রাতে মহাসমারোহে পূজা করেন, প্রদোষে
গোম্মাংসাদি অখাদ্য ভক্ষণ করেন। রাজার ধর্ম্মমতের সহিত আমার
ধর্ম্মমতের বৈলক্ষণ্য থাকিলেও আমি অকুণ্ঠিতচিত্তে সমস্তই অখচ
নিরপেক্ষভাবে, তাঁহার সকলের স্বাতন্ত্র্য, গভীর নৃন্দর্শিতা, সাহিত্য-
সেবার নিষ্ঠা এবং অপূৰ্ণ বদান্যতার উচ্চ প্রশংসা করিতেছি।



রামগোপাল ঘোষ

পরিশিষ্ট (গ)

রামগোপাল ঘোষের স্মৃতিসভায় কিশোরীচাঁদের
বক্তৃতা

(১৮৬৮ খৃষ্টাব্দে ২২ শে ফেব্রুয়ারি তারিখে ব্রিটিশইণ্ডিয়ান
এসোসিয়েশন কর্তৃক আহৃত সভায় বিবৃত ইংরাজী
বক্তৃতার মর্ম্মানুবাদ)

আমি পরবর্তী প্রস্তাবটি উত্থাপিত করিবার ভার প্রাপ্ত হইরাছি।
প্রস্তাবটি এই :—

“স্বর্গীয় মহাত্মার স্মরণার্থে কোন উপযুক্ত প্রকাশ্য স্থানে তাঁহার
একটি প্রতিকৃতি স্থাপিত হউক ও নিম্নতলা স্ট্রাশান ঘাটে মৃতের
সংকারার্থে সমাগত ব্যক্তিগণের ব্যবহারার্থে তাঁহার নামে একটি গৃহ
নিৰ্ম্মাণ করা হউক এবং এতদ্ব্যতীত উপযুক্ত অর্থ সংগৃহীত হউক।”

যে বাক্তবের স্মৃতিরক্ষা করিলে এই প্রস্তাবটি উত্থাপিত হইতেছে,
তিনি কেবল আমারই প্রিয়বন্ধু ছিলেন, এমনত নহে ; পরন্তু এই
স্থলে সমবেত ভদ্রমহোদয়গণের অনেকেই প্রিয়পাত্র ছিলেন।
প্রধানতঃ তাঁহাদিগের জন্য আমি তাঁহার জীবন ও চরিত্র সম্বন্ধে
কয়েকটি কথা বলিতে ইচ্ছা করি। মহাশয়, এই সভা ব্যক্তিগত
শোকপ্রকাশের স্থল নহে ; পরন্তু আমার বোধ হয় যে, রামগোপাল
ঘোষের ন্যায় মহাত্মার মৃত্যু আমাদের জাতীয় দুর্ভাগ্যের সূচনা
করিতেছে। তাঁহার পরলোকগমনে ভারতমাতা তাঁহার সর্বাপেক্ষা
শ্রেষ্ঠ সমর্থ সন্তানকে এবং আমাদের সমাজ সর্বাপেক্ষা উপযুক্ত ও
সাহসী দেশনায়ককে হারাইলেন।

আমার আরও বোধ হয় যে, যিনি এতকাল এইরূপে দেশকে ভাল বাসিয়াছেন এবং দেশের সেবার আত্মজীবন উৎসর্গ করিয়াছেন, তাঁহার স্মৃতিপূজায় ঈশ্বর প্রীত হন এবং মানবহৃদয় উন্নত হয়।

রামগোপাল বহুবিধ সদৃশ এবং অসাধারণ প্রতিভার অধিকারী ছিলেন। দারিদ্র্যের ক্রোড়ে জন্মগ্রহণ করিয়া, জীবনের প্রারম্ভে শক্তিমান্ ধনবান্ আত্মীয় এবং বন্ধুগণের সাহায্য হইতে বঞ্চিত হইয়াও তিনি সংসারক্ষেত্রে প্রবেশ করিয়া উচ্চস্থান অধিকৃত করিতে সমর্থ হইয়াছিলেন। স্বভাবদত্ত প্রতিভা এবং অদম্য অধ্যবসায়গুণে তিনি এইরূপ প্রতিষ্ঠালাভে সমর্থ হইয়াছিলেন; তিনি সকলের ন্যায় ইংরাজ-চরিত্রের সত্যপরায়ণতা, উদ্যম এবং দৃঢ়তাগুণে বিমুক্ত হইলেও, কখনও উচ্চপদস্থ ইংরাজের ভোষামোদে প্রবৃত্ত হন মাই; পরন্তু তিনি ইংরাজদিগের ন্যায় মানুষ এবং সমান অধিকার বিশিষ্ট, ইহাই সর্বদা প্রতিপন্ন করিতেন—রাজপ্রতিনিধির ন্যায় উচ্চপদ-প্রাপ্তির জন্যও তিনি তাঁহার আত্মসম্মান এবং আত্মমর্যাদা বিস্মৃত হইয়াও ক্ষুণ্ণ করিতে সক্ষম ছিলেন না। অনেকের বিশ্বাস যে, বাণিজ্য ব্যাপারে তাঁহার উন্নতি অপ্রতিহত ছিল—ইহা সত্য নহে। অনেকবার তাঁহার ঋদ্ধি প্রতিহত হইয়াছিল—অনেকবার তিনি প্রতিকূল অবস্থায় পতিত হইয়াছিলেন, কিন্তু কখনও তিনি জীবন-সংগ্রামে পৃষ্ঠ প্রদর্শন করেন নাই, অসামান্য শক্তি প্রয়োগপূর্বক তিনি সাফল্যলাভে সমর্থ হইয়াছিলেন। তাঁহার জীবনের শিক্ষা অতি সরল ও হৃদয়স্পর্শী। তাঁহার জীবনের শিক্ষা এই যে, আত্ম-নির্ভর ও আত্মসম্মানজ্ঞান, অদম্য অধ্যবসায় এবং সাধু আচরণের সহিত সম্মিলিত হইলে সর্বদাই জয়যুক্ত হয়।

দেশহিতৈষণা এবং দেশ-সেবার নিঃস্বার্থ নিষ্ঠা আমাদের প্রিয় বন্ধুবরের চরিত্রের সর্বশ্রেষ্ঠ গুণ। দেশবাসিগণের নৈতিক এবং মানসিক উৎকর্ষবিধানই দেশোন্নতির সর্বশ্রেষ্ঠ উপায় বলিয়া তিনি নির্দ্ধারিত করিয়াছিলেন। তিনি স্থির করিয়াছিলেন যে, শিক্ষা-বিস্তারই দেশকে অজ্ঞতা এবং কুসংস্কারের পঙ্কিলভূমি হইতে উন্নীত করিবার সর্বশ্রেষ্ঠ উপায়। সেই জন্য তিনি তাঁহার সমস্ত শক্তি এবং অর্থবল শিক্ষাবিস্তার কল্পে প্রয়োগ করিয়াছিলেন। আমি যে সময়ের কথা বলিতেছি সেই সময়ে শিক্ষাক্ষেত্রময় একটি ক্ষুদ্র চায়া-গাছ মাত্র—অতি ধীরে ধীরে বৃদ্ধি পাইতেছিল—উহার সযত্নপালন অত্যন্ত প্রয়োজনীয় ছিল। ডেবিড্ হেয়ার সর্বপ্রথমে উহার পালনের ভার গ্রহণ করিয়াছিলেন। রামগোপাল এই বিষয়ে বিবিধ প্রকারে তাঁহাকে সাহায্য ও তাঁহার সহযোগিতা করিয়াছিলেন। তিনি প্রায়ই হেয়ার সাহেবের বিদ্যালয় পরিদর্শন করিতেন এবং বিদ্যালয়ের শ্রেষ্ঠ ছাত্রগণকে পারিতোষিক প্রদান করিতেন এবং তাহা-দিগকে প্রোৎসাহিত করিতেন। তাঁহার শিক্ষাস্থান হিন্দুকলেজেও ঐরূপ করিতেন। ঠনঠনিয়ায় তিনি স্বয়ং একটি বিদ্যালয় এবং তৎসংশ্লিষ্ট একটি পাঠাগার প্রতিষ্ঠিত করিয়াছিলেন। তিনি মেডিক্যাল কলেজের উন্নতির প্রতি তীক্ষ্ণ দৃষ্টি রাখিয়াছিলেন। তাঁহার বিশ্বাস ছিল যে, ইহার সাফল্যে দেশের মহাকল্যাণ সংসাধিত হইবে।

আমাদের পরলোকগত বন্ধুর চরিত্রের আর একটি প্রধান গুণ বদান্যতা। তাঁহার বদান্যতা সঙ্কগুণাশ্রিত এবং স্বভাবসিদ্ধ ছিল এবং মানবজীবনের সর্বপ্রকার দুঃখকষ্ট নিবারণার্থে নিরন্তর প্রয়াস পাইত। যাহারা তাঁহার সহিত আমার ন্যায় ঘনিষ্ঠ এবং অন্তরঙ্গ ভাবে মিশিয়াছেন, তাঁহারা নিশ্চয়ই স্বীকার করিবেন যে, তিনি

নিজের জন্য নহে—পরের জন্য—জীবন ধারণ করিয়াছিলেন।
 বাহারা প্রার্থনা করিতেন, তিনি তাঁহাদিগের সকলকেই সর্ব্বদা
 সানন্দে সহপাঠ্য দান ও সাহায্য করিতেন তিনি ডিষ্ট্রিক্ট চ্যারিটেব্ল
 সোসাইটির নেটভ কমিটির সভাপতি ছিলেন এবং এইরূপে এই
 মহানগরীর বৃদ্ধ এবং অকর্ম্ম দরিদ্রগণকে যথোচিত সাহায্য প্রদান
 করিয়াছিলেন। সকলপ্রকার সদমুষ্ঠানের সহিতই তিনি সংশ্লিষ্ট
 ছিলেন। এমন কোনও সংকার্য্য অমুষ্ঠিত হয় নাই, বাহাতে তিনি
 মুক্তহস্তে অর্থসাহায্য করেন নাই। বস্তুঃ তাঁহার সদমুষ্ঠানে দান
 দেশের সর্ব্বত্র সমৃদ্ধিশালী জমিদার ও মহাজনপণের অনুকরণীয় হওয়া
 উচিত—ইহাতে তাঁহারও যশস্বী হইবেন এবং দেশবাসীও উপকৃত
 হইবেন।

তিনি যে ধর্ম্মনিষ্ঠ ব্যক্তি ছিলেন, তাঁহার জীবনের কার্য্যই তাহার
 প্রকৃষ্ট প্রমাণ। আচার্য্য বন্দ্যোপাধ্যায় মহাশয় * বলিয়াছিলেন যে,
 রামগোপাল ঘোষের ধর্ম্মমত কি ছিল, তাহা বলা দুষ্কর। কিন্তু
 তাঁহার কার্য্যাবলীর আলোচনা করিলে এই প্রশ্নের সর্ব্বোৎকৃষ্ট
 উত্তর পাওয়া যায়। আচার্য্য মহাশয় 'ধর্ম্মমত' শব্দটি যে অর্থে
 ব্যবহার করিয়াছেন, আমার বিশ্বাস, সেই অর্থে রামগোপাল কোনও
 বিশেষ ধর্ম্মমতের অনুবর্ত্তী ছিলেন না। কিন্তু আমার স্থির বিশ্বাস
 যে মানবসমাজের সেবাই পরমেশ্বরের সেবার সর্ব্বশ্রেষ্ঠ উপায়—এই
 মতে তাঁহার দৃঢ় বিশ্বাস ছিল। আচার্য্য বন্দ্যোপাধ্যায় মহাশয় এই
 বিষয়ে যে তর্কবিতর্ক উত্থাপিত করিয়াছেন, তজ্জন্য আমি দুঃখিত
 হইলেও আমি তাঁহাকে নিশ্চয় করিয়া বলিতে পারি যে, রামগোপাল

বদনের ধর্মে অধিত ছিলেন এবং শৈশব হইতেই পরমেশ্বরের প্রতি ভক্তিমান ও প্রার্থনারত ছিলেন। তাঁহার মৃত্যুকালে তাঁহার ঈশদ্বিকম্পিত অধরে প্রার্থনাবলী উচ্চারিত হইয়াছিল এবং তিনি সম্পূর্ণ শান্তিতে ইহলোক পরিত্যাগ করেন।

মহাশয়, যে মহদগুণ তাঁহার জীবনের বৈশিষ্ট্য প্রদান করিয়াছিল, এবার আমি রামগোপাল ঘোষের চরিত্রের সেই সর্বপ্রধান গুণের বিষয়ে বলিব। এইবার আমি তাঁহার জনহিতৈষণার বিষয়, জনহিতকর অনুষ্ঠান-সমূহে তিনি যে ভূমিকা গ্রহণ করিয়াছিলেন, এবং যে অপূর্ণ বাগিতা তাঁহাকে এই ভূমিকার অভিনয়ে সাফল্য প্রদান করিয়াছিল, তদ্বিষয়ে কিছু বলিব। একটি প্রবাদ আছে যে ‘মামুষ নিজমুখেই অপরাধী সাব্যস্ত হয়’ অর্থাৎ নিজের কথাই সর্বোৎকৃষ্ট প্রমাণ। রামগোপালের অপূর্ণ জনহিতৈষণা এবং বাগিতা তাঁহার নিজের বাক্য দ্বারাই আমি প্রমাণ করিতে প্রস্তুত আছি। আমার হস্তে প্রকাশ্য সভাসমূহে প্রদত্ত তাঁহার বক্তৃতা সমন্বিত একখানি পুস্তক আছে, কিন্তু উহা হইতে পাঠ করিয়া আমি আপনাদিগের সময় নষ্ট করিতে চাহি না। আমি কেবলমাত্র সংক্ষেপে সেইগুলির উল্লেখ করিব।

বক্তৃতাশক্তি তাঁহার প্রকৃতিসিদ্ধ ছিল, কৈশোর চহিতে উহা অল্পশীলন দ্বারা তিনি উহা যথেষ্ট বর্দ্ধিত করিয়াছিলেন। অক্সফোর্ড ক্লাবে যেরূপ অনেক ইংরাজ বাগ্মী বক্তৃতাশক্তি সঞ্চয় করিয়াছিলেন, অ্যাকাডেমিক এসোসিয়েশনে সতত ওর্কবিতর্কে যোগদান করিয়া তিনি সেইরূপ উপকৃত হইয়াছিলেন। ১৮৪৪ খৃষ্টাব্দে লর্ড হার্ডিং তাঁহার শিক্ষাবিষয়ক অবধারণসমূহ প্রকাশিত করেন। তজ্জন্য লর্ড হার্ডিংএর প্রতি কৃতজ্ঞতাজ্ঞাপনের নিমিত্ত ফ্রিচার্চ ইনস্টিটিউশনের

গৃহে দেশবাসিগণের একটি বিরাট সভা আহূত হয়, তথায় রাম-গোপাল তাঁহার প্রথম প্রকাশ্য বক্তৃতা করেন। ইহার কয়েক বৎসর পরে লর্ড হার্ডিংএর দেশ-সুশাসনের জন্য তাঁহার কোনও স্বীতিচিহ্ন স্থাপনার্থে যুরোপীয়গণ কর্তৃক টাউনহলে একটি সভা আহূত হয়। লর্ড হার্ডিংকে যে অভিনন্দন পত্র প্রদানের প্রস্তাব হয়, তাহাতে দেশবাসিগণের মধ্যে শিক্ষাবিস্তারবিষয়ক তদন্তুষ্ঠিত কার্যাবলীর উল্লেখ করা হয় নাই। এই স্থলে উপস্থিত মদীয় বন্ধু আচার্য্য কৃষ্ণমোহন বন্দ্যোপাধ্যায় মহাশয় এই ভ্রমসংশোধনের জন্য একটি প্রস্তাব উত্থাপিত করেন। সভাব প্রধান উদ্যোগী ব্যারিষ্টার মহোদয়গণ আচার্য্য মহাশয়কে নিরস্ত করিতে প্রয়াস পান। তখন রামগোপাল উঠিয়া স্বদেশপ্রত্যাগমনোন্মুখ বড়লাট বাহাদুরের শিক্ষা-বিষয়ক নীতির উল্লেখ করিবার প্রয়োজনীয়তা অতি সুন্দরভাবে বুঝাইয়া দেন। তিনি লর্ড বাহাদুরের একটি প্রস্তাবময়ী প্রতিমূর্ত্তি প্রতিষ্ঠার নিমিত্তও একটি প্রাণস্পর্শিনী বক্তৃতা প্রদান করেন। তাঁহার বক্তৃতা অতি ফলপ্রসায়িনী হইয়াছিল এবং এই সময় হইতেই তিনি বাগ্মী বলিয়া প্রতিষ্ঠা লাভ করেন।

১৮৫৩ খৃষ্টাব্দে এরা জুন দিবসে বোর্ড অব্‌ কন্ট্রোলের সভাপতি স্যার চার্লস উড পার্লামেন্টের কমন্স সভায় ভারত গবর্নমেন্ট কর্তৃক প্রেরিত রাজকর্মচারি-নিয়োগ-বিষয়ক প্রস্তাব উপস্থাপিত করেন। এই প্রস্তাব অনেক বিষয়ে উত্তম হইলেও দেশবাসীর সমুচিত ও ন্যায়-সঙ্গত আশার অনুযায়ী হয় নাই। ভারতবর্ষীয় ব্যবস্থাপক সভায় এবং সিভিল সার্ভিসে প্রবেশাধিকার, বিচার বিভাগীয় কর্মচারিগণের বেতনবৃদ্ধি, আয়বৃদ্ধিকারী পূর্ত্তকার্যের বিস্তার প্রভৃতি বিষয়ে কতিপয় অতিপ্রয়োজনীয় এবং তাঁহাদের বিবেচনায় অপরিহার্য্য

প্রশ্নের উল্লেখ না দেখিবা তাঁহার অগ্ৰ্যস্ত ব্যথিত হইয়াছিলেন। এই সকল বিষয়ে আন্দোলনের প্রয়োজনীয়তা ও উপকারিতা উপলব্ধি করিয়া রামগোপাল দেশনাথকগণ একট প্রচাণা সভা আহুত করিতে অহুবোধ করিলেন। এতদনুসারে ১৮৫৩ খৃষ্টাব্দের ২৯ শে জুলাই দিবসে একটি মহতী সভার অধিবেশন হয়। কলিকাতায় একপ বিরাট সভা পূর্বে কখনও দৃষ্টগোচর হয় নাই। টাউনহলের সোপান হইতে শত শত ব্যক্তিকে বিফল মনোরথ হইয়া প্রত্যাগমন করিতে হয়। সভায় উপস্থিত ব্যক্তির সংখ্যা সম্বন্ধে তিন সহস্র হইতে দশ সহস্রের মধ্যে অনেক অনেকপ্রকার অনুমান করিয়া ছিলেন। কলিকাতা এবং উহার উপকণ্ঠস্থ প্রায় সকল সম্ভ্রান্ত ব্যক্তিই এই সভায় উপস্থিত ছিলেন এবং সমাজের সকল সম্প্রদায়ের ব্যক্তিই তথায় আগমম করিয়াছিলেন। এই সভার প্রাণস্বরূপ রামগোপাল এই উপলক্ষে একটি গতি হৃদয়গ্রাহিনী বক্তৃতা প্রদান করিয়াছিলেন। ইহাই বোধ হয় তাঁহার সর্বশ্রেষ্ঠ বক্তৃতা এবং ইহা সমাগত জনসংজ্ঞেব হৃদয়ের অন্তরতম প্রদেশ স্পর্শ করিয়াছিল। লগুনে প্রকাশিত টাইম্‌স্ প্রভৃতি প্রসিদ্ধ সংবাদপত্র ইহাকে বক্তৃতার চূড়ান্ত ("Masterpiece of oratory") বলিয়া শতমুখে ইহার প্রশংসা করেন। বেঙ্গল গবর্ণমেন্ট নিমতলা হইতে আশানঘাট স্থানান্তরিত করিবার সঙ্কল্প করিলে, উহার প্রতিবাদকল্পে তিনি যে হৃদয়গ্রাহিনী বক্তৃতা করেন, তাহাই তাঁহার শেষ প্রকাশ্য বক্তৃতা। যদিও আশানঘাট স্থানান্তরিত করিবাব বিষয়ে তাঁহার ব্যক্তিগত—ধর্মগত—কোনও আপত্তি ছিল না, তথাপি প্রবলা কল্লনাশক্তি এবং সর্বজনীন সহানুভূতি প্রযুক্ত তিনি রক্ষণশীল দেশবাসিগণের অতিনিষিদ্ধপে দণ্ডায়মান হইয়া তাঁহাদিগের অভিযোগের কারণ সম্পূর্ণ-

রূপে উপলব্ধি করিয়াছিলেন এবং অপূর্ণ বাক্যটুতাসহকারে সেই অভিযোগ বিজ্ঞাপিত করিতে সমর্থ হইয়াছিলেন।

ইংরাজী শিক্ষার অন্যতম প্রবর্তক এবং রাজনীতিক্ষেত্রে জননায়ক-রূপে তিনি দেশের যে কার্য্য করিয়া গিয়াছেন, তজ্জন্য দেশবাসিগণ কর্তৃক চিরদিন তাঁহার স্মৃতি কৃতজ্ঞতার সহিত সম্পূজিত হইবে।
 যুরোপীয় সমাজের কয়েকজন প্রতিনিধি আমাদের সহিত এই মহাআর স্মৃতিপূজার বোগদান করিয়াছেন দেখিয়া আমি আনন্দিত হইরাছি এবং আমি আশা করি যে, যে পরলোকগত মহাআর স্মৃতি-পূজার্থে আমরা এই স্থলে সমবেত হইয়াছি, তাঁহার অতুলনীয় কর্ম-জীবনের দৃষ্টান্ত মহুঘ্যত্বের প্রকৃতিগত গুণ, জাতি, অবস্থা এবং ধর্ম্মের পার্থক্য দূর করিয়া যুরোপীয় এবং দেশীয়, কর্ম্মচারী এবং সংধারণ ব্যক্তি—সকলকেই তাঁহার স্মৃতির উদ্দেশে যথোচিত শ্রদ্ধা-পুষ্পাঞ্জলি প্রদান করিতে উত্তেজিত করিবে।



প্রসন্ন কুমার ঠাকুর

পরিশিষ্ট (ঘ)

এসন্নকুমার ঠাকুরের স্মৃতিসভায় কিশোরীচাঁদের
বক্তৃতা

(১৮৩৮ খৃষ্টাব্দে ২৯ শে অক্টোবর দিবসে ব্রিটিশ ইণ্ডিয়ান
এসোসিয়েশন কর্তৃক আহূত সভায় প্রদত্ত ইংরাজী
বক্তৃতার মর্ম্মানুবাদ)

সভাপতি মহাশয় এবং ভদ্রমহোদয়গণ! যে পরলোকগত
মহাত্মার প্রতি সম্মান প্রদর্শনার্থ আমরা এই স্থানে সমবেত হইরাছি,
তাঁহার অশেষবিধ গুণগ্রামে বিমুগ্ধ হইরা যদি আমার বাকশক্তি
তিরোহিত না হইত, তাহা হইলে আমি আমার ক্ষীণবর উদ্বিগ্ন
করিতে কুষ্ঠাবোধ করিতাম না। আমার ভ্রাত্বেয় বন্ধু রাজা নরেন্দ্রকৃষ্ণ
কর্তৃক উত্থাপিত প্রস্তাবের সমর্থনে আমি কয়েকটি কথা বলিব—
অধিক বলিবার সামর্থ্য নাই। বহুদিন পূর্বে—যখন আমি হিন্দু
কলেজের ছাত্র ছিলাম, এবং তিনি উহার তত্ত্বাবধায়ক ছিলেন—
তখন হইতে অগ্নীয় মহাত্মাকে আমি জানি। কিন্তু তাঁহার সহিত
আমি ঘনিষ্ঠভাবে মিশি নাই, এবং সেই জন্য তাঁহার গার্হস্থ্য এবং
ব্যক্তিগত জীবন সম্বন্ধে কিছু বলিতে অক্ষম। কিন্তু জননায়করূপে
তাঁহার যে সকল বিবিধ সদৃশ বিরাজিত ছিল, তাহা প্রত্যক্ষ ও
তাঁহার প্রশংসা করিবার বহু সুযোগ প্রাপ্ত হইরাছি। বাবু এসন্ন-
কুমার ঠাকুর বিশেষভাবে একজন স্বদেশহিতৈষী জননায়ক ছিলেন,
এবং দেশের অনেক জনহিতকর কার্য করিয়া গিয়াছেন। তদ্রূপ
বরসেই,—যখন সংবাদ-পত্রাদি আজিকার ন্যায় কল্যাণ ও অকল্যাণ

সাধন করিবার ক্ষমতা লাভ করে নাই,—তিনি উহার শক্তির গুরুত্ব সম্পূর্ণরূপে উপলব্ধি করিতে সমর্থ হইয়াছিলেন। সংবাদ-পত্রের স্তম্ভে দেশের অভাব-অভিযোগের কথা সুপ্রকাশ করিলে দেশের মহাকল্যাণ সাধিত হইবে, ইহা হৃদয়ঙ্গম করিয়া তিনি ‘রিফর্মার’ (সংস্কারক) নামে একখানি সংবাদপত্রের প্রতিষ্ঠা করেন। এই সাপ্তাহিক পত্রখানি অতি বোগ্যতার সহিত পরিচালিত হইত। উহার জীবনকালে উহা দেশের অনেক উপকাব সাধন করিয়াছিল। উহার পরে ‘জ্ঞানাস্থেয়ণ’ ‘বেঙ্গল স্পেক্টেটর’, ‘হিন্দুপেট্রিয়ার্ট’ প্রভৃতি বহু সংবাদ-পত্রের প্রতিষ্ঠা হয়, কিন্তু বাবু প্রসন্নকুমার ঠাকুরই ইঙ্গ-ভারতীয় সংবাদ পত্রের জন্মদাতা বলিয়া অভিহিত হইবেন। বাবু দ্বারকানাথ ঠাকুর যখন ল্যাণ্ড হোল্ডার্স সোসাইটী বা জমিদার-সভা সংস্থাপন করেন, তখন বাবু প্রসন্নকুমার ঠাকুর মিষ্টান্ন কব হারীর সহিত উহার সম্পাদক নিযুক্ত হন। সম্পাদকরূপে ইনি ভূমিসংক্রান্ত বহু জটিল প্রশ্নের আলোচনায় বোগদান করিতেন। ‘কলিকাতা জর্ণালে’র স্তম্ভগুলির প্রতি নেত্রপাত করিলে ইহার বহু প্রমাণ প্রাপ্ত হওয়া যায়। যে ব্রিটিশ ইণ্ডিয়ান সভার গৃহে অন্য আমরা সমবেত হইয়াছি, সেই সভার সহিত উহার সম্বন্ধ সকলেই অবগত আছেন—বিস্তারিত ভাবে বিবৃত করা নিষ্পয়োজন। কন্য ও ভাবরাজ্যের এই বর্তমান বিপ্লবের প্রধান নায়কগণ যে হিন্দু-কলেজে শিক্ষাপ্রাপ্ত হইয়াছেন, সেই বিদ্যালয়ের সহিত প্রসন্নকুমার ঠাকুরের নাম অচ্ছেদ্যভাবে বিজড়িত। উহার তত্ত্বাবধায়ক ও পরিচালকরূপে তিনি এই মহাবিদ্যালয়ের উন্নতির নিমিত্ত সর্বদাই আগ্রহপূর্ণ যত্ন করিতেন। কিন্তু ব্যবহারশাস্ত্রে প্রগাঢ় পাণ্ডিত্যের জন্যই তিনি বিশেষ প্রতিপত্তি লাভ করিয়াছিলেন। ইহার কারণ

